


“ভক্তি”

ধর্ম-সম্বন্ধীয় মাসিক পত্রিকা



২৭শ বর্ষ

(১৩৩৫ ভাদ্র হইতে ১৩৩৬ শ্রাবণ)

সম্পাদক

শ্রীদীনেশচন্দ্র ভট্টাচার্য্য গীতরত্ন

মাসিলা ভক্তি-নিকেতন

পোঃ—আন্দুল-মোড়ী জেলা—হাওড়া

বার্ষিক মূল্য সডাক ১।।

নমুনা প্রতিখণ্ড ১। আনা

ভক্তি ২৭শ বর্ষের সূচীপত্র

নববর্ষে মঙ্গলাচরণ—প্রাচীন	১
শ্রীকৃষ্ণ-জন্ম—ডাঃ শ্রীযুক্ত মনুগনাথ চন্দ্র	২
রূপাসিন্ধু দাস—প্রভুপাদ শ্রীযুক্ত অতুলকৃষ্ণ গোস্বামী	৩
শ্রীশ্রীঅমিয় নিতাই চরিত—ডাঃ শ্রীযুক্ত ভোলানাথ ঘোষ	১৬, ৬৭, ১২৭, ১৮৭, ২৫০, ২৮৩, ৩১৯, ৩৬৫
দণ্ড প্রসাদ—শ্রীযুক্ত জগচ্চন্দ্র ভাড়াড়ী বি-এল	২১
বৈষ্ণবধর্মের অবস্থা—ভবধুরে	২৯ ১০৯, ১৭১, ২০১, ৩৫৬
বটফীর—শ্রীযুক্ত সোমেশ্বর কবিরাজ	৩৩,
নিবেদন—শ্রীযুক্ত অমলাধন রায় ভট্ট	৩৬
বৈষ্ণব সংবাদ ও মন্তব্য—	৪১, ৭৫, ১১৪, ১১৬, ১৫১, ১৮১, ২৪৭, ২৭৮, ৩১৩, ৩৪৬, ৩৮১, ৪১১
বৈষ্ণব ব্রত তালিকা—	৪৫, ৩১৫
গৃহস্থের প্রয়োজনীয় কথা—	৪৮, ১২০
কোথা যাব ?—শ্রীযুক্ত নৃসিংহদেব বন্দ্যোপাধ্যায়	৪৯
জ্ঞানাত্মান শূণ্ডতা—শ্রীযুক্ত শিবকৃষ্ণ রায় বি, এ,	৫১,
ধর্মপত্রিকার উদ্দেশ্য—শ্রীযোগেন্দ্রচন্দ্র দেব	৫৩
হিমালয় গমন বা কেদার বদরী ভ্রমণ কাহিনী—শ্রীযুক্ত অমলাধন রায় ভট্ট	৫৫, ১০১
বৈরাগ্যের প্রবেশ—পরিব্রাজক শ্রীযুক্ত ভুলুয়া বাবা	৬১
সঙ্কলন—	৭৮, ১৪৬
শোকসংবাদ—	৭৯, ৩৪২
স্বাভিষ্ট—শ্রীযুক্ত গোপীনাথ বসাক	৮১
ভক্তি সাধনে আনন্দ—শ্রীযুক্ত নৃসিংহদেব বন্দ্যোপাধ্যায়	৮২
শ্রীশ্রী নাম মহাত্ম্য—পরিব্রাজক শ্রীযুক্ত ভুলুয়া বাবা	৮৬
বলিদান—শ্রীযুক্ত শ্রামাপদ বন্দ্যোপাধ্যায়	৯৫
এস মা—শ্রীযুক্ত সোমনাথ সেন	৯৭
কুটস্থ কৈলাস—শ্রীযুক্ত শিবকৃষ্ণ রায় বি,এ	৯৯

আত্মনিবেদন—শ্রীযুক্ত সুবোধকুমার পাল	১০০
প্রাপ্ত গ্রন্থের সমালোচনা—	১১৩, ২১৫, ৩৪৪, ৩৮০
শোকোচ্ছ্বাস—প্রভুপাদ শ্রীযুক্ত হরিমোহন গোস্বামী	১১৫
গৌরলীলাগীতিকাব্যের আলোচনা—	
ডাঃ শ্রীযুক্ত তিনকড়ি ঘোষ, এম, বি	১১৭
প্রার্থনা—	১২১, ২৮১, ৩৫০
ব্রহ্ম হরিদাস আবাহন—শ্রীযুক্ত যত্নপতি দাস	১২৩
সত্যের শিক্ষা—শ্রীযুক্ত শিবকৃষ্ণ রায়, বি,এ,	১২৪
নিতাই আমার অকুলের বন্ধু—শ্রীযুক্ত যোগেন্দ্রমোহন রায়	১২৬
কৃতজ্ঞতা—পরিব্রাজক শ্রীযুক্ত ভুলুয়া বাবা	১৩৫
সম্প্রদায়ের প্রতি নিবেদন—শ্রীযুক্ত কার্তিকচন্দ্র অধিকারী	১৫৪
নিতাই গুণ—শ্রীযুক্ত বিশ্বরূপ গোস্বামী	১৫৪
পাঁচালী কাব্যে ভক্তিরসের উপকরণ—শ্রীযুক্ত বিশ্বেশ্বর দাস, বি, এ,	১৫৫
ভারতে সভ্যতার চরম অবস্থা—শ্রীযুক্ত নৃসিংহদেব বন্দ্যোপাধ্যায়	১৬০
শ্রীম-শ্রীমাদর্শন—শ্রীযুক্ত মণিমোহন মল্লিক	১৬২
প্রশ্নোত্তর—প্রভুপাদ শ্রীযুক্ত সত্যানন্দ গোস্বামী সিদ্ধান্তরত্ন	১৭৬
প্রতিধ্বনি—বসুমতি হইতে	১৮০
আদনের পথে—শ্রীযুক্ত বিশ্বরূপ গোস্বামী	১৮৫
তীর্থচিন্তা—পরিব্রাজক শ্রীযুক্ত ভুলুয়া বাবা	১৯৪, ২১৮, ২৬৩, ৩০১
ভ্রম—শ্রীযুক্ত নৃসিংহদেব বন্দ্যোপাধ্যায়	১৯৯
বিশ্বহিতে অন্ধপ্রেম—শ্রীযুক্ত নৃসিংহদেব বন্দ্যোপাধ্যায়	২০৭
শুধিতেছে ধার—শ্রীযুক্ত অনাথবন্ধু ভট্টাচার্য্য	২১৪
একবার এস দয়াময়—শ্রীযুক্ত নৃসিংহদেব বন্দ্যোপাধ্যায়	২১৭
সংসারের সুখ—পরিব্রাজক শ্রীযুক্ত ভুলুয়া বাবা	২১৫
নূতন মানুষ—সম্পাদক	২৩৩
শ্রীল দাস গদাধর প্রভুর বংশাবলী—শ্রীযুক্ত অম্বলাধন রায় ভট্ট	২৩৭
শ্রীরাসলীলার কণাভাস—শ্রীযুক্ত যোগেন্দ্রমোহন রায়	২৪০
কে নবীন সন্ন্যাসী—শ্রীযুক্ত যামিনীকুমার রায় বিজ্ঞাবিনোদ	২৪৬
ভ্রম সংশোধন—সম্পাদক	২৪৭
শ্রীগৌরঙ্গ আবির্ভাব—প্রাচীন	২৪৯

গোর—শ্রীযুক্ত প্রবোধনারায়ণ চৌধুরী	২৬২
দীনশরণ—শ্রীযুক্ত নৃসিংহদেব বন্দ্যোপাধ্যায়	২৬৪
আধুনিক সাহিত্যে ভগবদ্ভক্তির উপকরণ—শ্রীযুক্ত বিশেষ্বর দাস, বি,এ,	২৭০
প্রতীক্ষা—শ্রীযুক্ত অনাথবন্ধু ভট্টাচার্য্য	২৭৮
প্রাণের কথা—শ্রীযুক্ত নৃসিংহদেব বন্দ্যোপাধ্যায়	২৮২
মায়া—শ্রীযুক্ত নিতাইচাঁদ দাস—	২৯৪
ভারতী স্মৃতি—শ্রীযুক্ত নৃসিংহদেব বন্দ্যোপাধ্যায়	২৯৫
শ্রীশ্রীরাধারমণ সেবাশ্রম—শ্রীযুক্ত অনুল্যাপন রায় ভট্ট	৩০৭
সমর্থ—শ্রীযুক্ত শচীন্দ্রকুমার ঘোষ	৩০৯
শ্রীশ্রীভাগবতাচার্য্যের পাটবাড়ী—শ্রীযুক্ত হরিদাস নন্দী	৩১০
আর কবে ডাকিব তোমায়—শ্রীযুক্ত নৃসিংহদেব বন্দ্যোপাধ্যায়	৩১৮
শ্রীনিগ্ৰহানন্দের প্রাণ গোরাক্ষ—শ্রীযুক্ত যোগেন্দ্রমোহন রায়	৩২৭
ভক্ত-সুরেশ—পরিব্রাজক শ্রীযুক্ত ভুলুয়া বাবা	৩২৯
অনন্তভক্তি—প্রভুপাদ শ্রীযুক্ত সত্যানন্দ গোস্বামী	৩৩৫
আরাধন—	৩৭২
নির্ভয়—শ্রীযুক্ত নৃসিংহদেব বন্দ্যোপাধ্যায়	৩৫২
বংশীধারী—শ্রীযুক্ত শ্রীমাপদ বন্দ্যোপাধ্যায়	৩৫৩
একটা গান—শ্রীযুক্ত ইন্দুভূষণ বন্দ্যোপাধ্যায়	৩৫৮
গৃহী বৈষ্ণব সমস্তা—শ্রীযুক্ত হরমোহন দাস	৩৬১
হরিদাস—শ্রীযুক্ত সোমেশ্বর কবিরাজ	৩৭৭
অচিন্ত—শ্রীযুক্ত নরেশচন্দ্র চক্রবর্তী	৩৮২
বর্ষশেষে ছুঁটো কথা—সম্পাদক	৩৮৩
ব্রজবালার কৃষ্ণ সাধন—পণ্ডিত শ্রীযুক্ত রসিকমোহন বিষ্ণাভূষণ	৩৮৫
গৌরীদাস পণ্ডিতের বিবরণ—ডাঃ শ্রীযুক্ত ভোলানাথ ঘোষ	৩৯৪
গান—শ্রীযুক্ত শচীন্দ্রকুমার ঘোষ	৪০২
বৈষ্ণব ব্রত-তালিকা সম্বন্ধে পত্র—শ্রীযুক্ত সদানন্দ শর্মা	৪০৩
শ্রীশ্রীহরিনাম মহামন্ত্র	৪০৬

শ্রী শ্রীরাধারমণো জয়তি

“ভক্তিৰ্ভগবতঃ সেবা ভক্তিঃ শ্রেম-স্বরূপিণী
ভক্তিরানন্দরূপা চ ভক্তিৰ্ভক্তস্য জীবনম্ ॥”

২৭শ বর্ষ }
১ম সংখ্যা }

ভক্তি
ধর্ম-সম্বন্ধীয় মাসিক পত্রিকা ।

{ ভাদ্র
{ ১৩৩৫

নববর্ষে মঙ্গলাচরণ

(প্রাচীন)

“ধ্যায়ং সদা পরিভবঘ্নমভীষ্টদোহঃ

তীর্থাঙ্গদং শিব বিরিকিলুতং শরণাম্ ।

ভৃত্যার্ভিহং প্রণতপালভবাক্ষিপোতঃ

বন্দে মহাপুরুষতে চরণারবিন্দম্ ॥”

“তাক্সা সুহৃস্তজ সুরেপ্সিত রাজ্যলক্ষ্মাঃ

ধর্মিষ্ঠ আর্থাবচসা যদগাদরণাম্ ।

মায়ামৃগং দয়িতয়েপ্সিতমম্বধাবৎ

বন্দে মহাপুরুষতে চরণারবিন্দম্ ॥”

“বর্হাপীড়াভিরামং মৃগমদতিলকং কুণ্ডলাক্রান্তগণ্ডং

কঞ্জাক্ষং কন্মুকঠং স্মিতমুভগমুখং স্বাধরেত্ত্বস্তবেগুম্ ।

শ্রামং শান্তং ত্রিভঙ্গং স্তবিকরবসনং ভূষিতং বৈজয়ন্ত্য

বন্দে বৃন্দাবনস্থং যুবতিশতবৃতং ব্রহ্মগোপাল বেশম্ ॥”

শ্রীকৃষ্ণ-জন্ম

(ডাঃ শ্রীযুক্ত মন্মথনাথ চন্দ্র লিখিত

(আজি) আনন্দে মগন পুর নারীগণ

গোপবৃন্দসনে নন্দভবনে ।

গোপরাজ নন্দ করিছে আনন্দ

পেয়ে চিদানন্দ-নন্দনে ॥

ছিল এতকাল নীরব রজনী,

গোকুল চন্দ্রমা উদিল যখনি,

যতেক রমণী করে শঙ্খ-ধ্বনি

প্রতিধ্বনি তার উঠেরে গগনে ॥

গভীর নিশীথে নিদ্রিত যে ছিল

কৃষ্ণ-চন্দ্রোদয়ে সকলে জাগিল

(বলে) কে দেখিবে চল সে নিলকমল

নন্দালয় আলো ক'রেছে কেমন ॥

এ শুভ সংবাদ শুনিল যখনি

যুবতীর দল ছুটিয়া তখনি

জয় জয় রবে পুত্র ঘেরে সবে

মাতিল মধুর মঙ্গল কীর্তনে ॥

মাতা যশোমতি পুত্রপেয়ে কোলে

করেন চুষন বদন কমলে

বাৎসল্যের ভরে স্তনে ক্ষীর ঝরে

(তাহা) অখিলের পতি ধরেন-বদনে ॥

ক্ষুধাতৃষ্ণা ক্লেশ নাহিক বেদন
 পুত্র মুখ-পদ্ম করি নিরীক্ষণ
 সকৌতুকে শিশু হাসেরে যখন
 (মায়ের) আনন্দের সীমা থাকেনা প্রাণে ॥
 ছন্ন ভাবে দেব গন্ধর্ষ কিন্নর
 কত যে আসিল দিব্য কলেরব
 হ'ল সুর নরে গন্ধর্ষ কিন্নরে
 মধুর মিলন মধুময় ক্ষণে ॥
 ত্রিভুবন ভরি উঠিল উল্লাস
 ভুলোকে গোলক হইল প্রকাশ
 “জয় পীতবাস” “জয় পীতবাস”
 আকাশ ভরিল জয় জয় গানে ॥

—*—

কুপাসিন্দু দাস

(প্রভূপাদ শ্রীযুক্ত অতুলকৃষ্ণ গোস্বামি মহোদয় লিখিত ।)

হাসির কথা, হাসির কথা, হাসির কথা,—“ভগবান্ আবার বাক্য মনের অগোচর !” হইতে পারে—কামনা-কিন্ধর কৰ্মসহচরের তিনি মনোবচনের অগোচর, কিন্তু যাহার প্রাণ জাবের প্রতি দয়ায় বিগলিত,—আর্ন্তের আন্দি-নাশন—ক্ষুধাৰ্ত্তের ক্ষুধা-নিবারণ এবং বিপনের বিপদ বিমোচনের জন্তই যাহার ধন-প্রাণ সৰ্ব্বদা বিনিযুক্ত, ভগবান্ তাহার দূরে নন,—চারে—আর্ন্ত অতিথিক্রমে নিয়ত বর্তমান ।

যতই তুমি সৰ্ব্বাঙ্গ চন্দনচর্চিত করিয়া নন্দনকাননের কুঞ্জে কুঞ্জে পারি-জাত মৌরভ উপভোগ করিবার জন্ত—স্বর্গরমণীর সুখদ সঙ্ঘের জন্ত

কশ্মমার্গ ধরিয়া অগ্রসর হইবে, জানিও—ততই ভগবান্ তোমার বাক্য ও মনের অভীত হইতে থাকিবেন ! আর যতই তুমি বিলাসবাসনায় জলাঞ্জলি দিয়া পরের দুঃখ দূর করিবার জন্ত যত্নবান্ হইবে, জানিও ততই ভগবান্ তোমার নিকটবর্তী হইতে থাকিবেন । আত্মসুখের বাসনায় ভগবানের মুখ দেখা যায় না, পরের সুখের বাসনার ভিতরেই ভগবানের মুখ ফুটিয়া উঠে । দীনের দুঃখ দূর করিবার জন্ত তুমি একপদ অগ্রসর হও, ভগবান্ তোমার দিকে শত পদ অগ্রসর হইবেন । আর্তের আর্তি দর্শনে তুমি অশ্রু-বর্ষণ করিলে ভগবান্ কমলার অঞ্চল লইয়া সেই অশ্রু মুছাইয়া দিবেন । ক্ষুধার্তের ক্ষুধা নিবারণ করিলে তো কথাই নাই, তিনি ক্ষুধার্ত অতিথিবেশে তোমার আবাসে আসিয়া তোমার সকল ক্ষুধার চির-নিবৃত্তি করিয়া দিবেন । দাতার অগ্রগণ্য রূপাসিদ্ধ দাসের চরিত্র আলোচনা কর, এ কথায় আর অবিশ্বাস থাকিবে না ।

উৎকলদেশের পশ্চিম প্রান্তে লীলাবতীপুর । রূপাসিদ্ধ দাসের নিবাস সেই গ্রামে । ব্রাহ্মণ জাতি । তিনটা পুত্র দুইটি কন্যা । সকলেই সুন্দর, সকলেই গুণধর । জ্যৈষ্ঠ নাম শ্রদ্ধাবতী । তাঁহার চরিত্র অতি বিচিত্র । অমন পতিভক্তি ভুবনে দেখা যায় না । পতি ব্যতীত অপর দেবতাই তিনি জানিতেন না—পূজিতেনও না । আর জীবে দয়াই বা কত ? এ বিষয়ে তিনি পতির সহিত একসমান । রূপাসিদ্ধ দাস নামেও রূপাসিদ্ধ গুণেও রূপাসিদ্ধ । সকলকেই তিনি আপনার মত ভালবাসিতেন,—সকলের সুখ-দুঃখ নিজের মতই মনে করিতেন । একদিকে ভগবৎপ্রেমে তাঁহার নয়ন নিত্য অশ্রুবর্ষণ করিত, অপর দিকে জীবের দুঃখেও তাঁহার নেত্রে অশ্রুধারার প্রবাহ বহিত । পত্নী যেমন তাঁহাকেই দেবতারূপে ভজনা করিতেন, তিনিও তেমনি শ্রীভগবান্ নারায়ণকেই একমাত্র আরাধ্য দেবতারূপে ভজনা করিতেন । তা বলিয়া কি অপর দেবতায় অবজ্ঞা করিতেন ?

না না—তা নয়, তাঁহাদেরও তিনি ইষ্টদেবতার পরিকররূপে পূজা করিতেন। পতি যেমন এক ভিন্ন ছুই হইতে পারেন না, ইষ্টদেবতাও সেইরূপ এক ভিন্ন ছুই হইতে পারেন না। পতিব্রতা যেমন শ্বশুর শ্বশুরীও সেবা-পূজা করিয়া থাকেন, কিন্তু পতির সম্বন্ধ ধরিয়া। নৈষ্ঠিক সাধকেরও ধরণ সেইরূপ; তাঁহার আরাধ্য দেবতার সম্বন্ধ ধরিয়াই তিনি অপরের আরাধনা করিয়া থাকেন। পৃথক দেবতারূপে নহে। কুপাসিন্দু দাস একজন নৈষ্ঠিক বিষ্ণু-ভক্ত। অপর দেবতার অবজ্ঞা করা কি, তিনি তাঁহার দেবতা বিষ্ণুকে জীবরূপ অংশে সকল দেহেই প্রবিষ্ট দেখিয়া—সকলকেই পূজা করিতেন—সকলের প্রতিই প্রীতি প্রকাশ করিতেন। মুখেও বলিতেন—শরীরধারি-মাত্রেই শ্রীহরির শ্রীমন্দির। কুপাসিন্দু দাস এই মন্দিরে মন্দিরে মদনমোহন বিরাজ মান দেখিতেন।

কুপাসিন্দু দাস শুধু ভক্ত নন, ধনবানও বটে। কিন্তু বিলাস-ব্যসনে এ অর্থের এক কপর্দকও ব্যয়িত হইত না। সে দেশে এমন কোন সৎকর্ম ছিল না, যাহার মূলে কুপাসিন্দু দাসের অর্থ অধিক মাত্রায় বা সম্পূর্ণ মাত্রায় না থাকিত। কিন্তু কালের কি খেলা বলা যায় না, এই মুক্তহস্ত মহাত্মার সকল অর্থই ক্রমে ক্রমে ক্ষয়প্রাপ্ত হইল। একে একে পুত্র-কন্যাগুলিও অজ্ঞানা রাজ্যে চলিয়া গেল। অবশিষ্ট রহিলেন মাত্র সাধ্বী শ্রদ্ধাদেবী, আর স্বয়ং কুপাসিন্দু দাস।

তাঁহার কি এ অবস্থায় দুঃখিত বা চিন্তিত হইলেন না? হাঁ, হইলেন বই কি, কিন্তু সে দুঃখ বা চিন্তায় তাঁহাদিগকে অণুমাত্রও কাতর করিতে পারিল না। কেননা, জগৎসীমার দুঃখ দেখিয়া তাঁহাদের যে বিপুল দুঃখ, সেই দুঃখ তাঁহাদের এ সামান্ত দুঃখকে গ্রাস করিয়া ফেলিল। বড় স্বভাবই সে ছোটকে আপনার অন্তর্গত করিয়া লয়; বড় আওয়াজ ছোট আওয়াজকে আপনার মধ্যে লয় পাওয়াইয়া দেয়; তাই সকলের দুঃখ

ভাবিতে ভাবিতে সেই ভাবনার—ভিতর তাঁহাদের নিজের দুঃখ স্বতন্ত্র অস্তিত্ব হারা হইয়া গেল।

এখন তাঁহাদের একমাত্র দুঃখ বা চিন্তা,—তাই তো, যদি এই সময় দ্বারে কোন বিপন্ন ব্যক্তি বা ক্ষুধার্ত অতিথি আসিয়া উপস্থিত হন, তবে কি করিয়া তাঁহাদের বিপদ বা ক্ষুধা দূর করিব? হায়! হায়! অমুক দেশে আজ জলপ্লাবন, অমুক দেশে আজ হুন্ডিক্ক, অমুকের আজ গৃহদাহ হইয়াছে, অমুক আজ ত্রৈলোক্যে অভাবে পথায় পড়িয়া আছে, অমুকের আজ কন্যা দায়, অমুকের আজ ঋণের দায়, হায় হায় আরতো কাহাকেও কিছু সাহায্য করা কিংবা কাহারও কোন অভাব মোচন করা আমাদের দ্বারা হইবে না?

পতি-পত্নী নিজের বিষয় একটুও না ভাবিয়া কেবল এইরূপ ভাবনাই ভাবেন, আর দরদর ধারে অশ্রুবর্ষণ করেন। এ অশ্রুর কি যে অপার মহিমা বলা যায় না। তাহার অণুপরিমাণও যেন শাস্তিময় ভগবানে ভরা। এইরূপ ভাবিতে ভাবিতে—কঁাদিতে কঁাদিতে ভগবান্ তাঁহাদের হৃদয়ে ভাঙ্গিয়া উঠেন—আর তাঁহারা তাঁহাকে লইয়াই সকল ভুলিয়া যান। দুঃখ কষ্ট আর তখন কিছুই থাকে না। থাকে কেবল—আনন্দ।

বলি, হাঁ ঠাকুর, সহস্রমুখ দুঃখ রূপ শেষ সর্পই কি এই অশ্রুর সাগরে ভাসমান, আর তাহারই উপর কমলা-সেবিত তুমি সুখ-শয়ান? এই অশ্রু—এই দুঃখের ভিতরেই কি সুখময়—ঐশ্বর্যময় ভোমার স্থির মূর্ত্তির সাক্ষাৎকার লাভ করা যায়? হায়! হায়! দুঃখের ভিতর সুখের বাসা,—কান্নার মাঝে হাসির বাসা, সন্তাপের ক্রোড়ে শাস্তির বাসা, বিষয় মধ্যে অমৃতের বাসা এ মায়াবহস্তের উদ্ভেদ কে করিবে?

পতি-পত্নীর দৈব-পীড়নের আর অন্ত নাই; পুত্র গিয়াছে, কন্যা গিয়াছে, বিষয় গিয়াছে, বৈভব গিয়াছে, ঋণের দায়ে মাক্তও গিয়াছে। পতিব্রতীর

অলঙ্কার গিয়াছে, গৃহের আসবাব পরে বাসন-কোশন সকলই গিয়াছে, পুরাতন বস্ত্র পর্য্যন্ত বিক্রীত হইয়াছে। পাওনাদার আসিয়া বাড়ীর ঘর ঘর সকলই দখল করিয়া বসিয়া আছে। সামান্য বাড়ী ঘর যাহা অবশিষ্ট ছিল অনলদেব তাহাকেও আত্মসাৎ করিয়া লইয়াছেন। তাঁহার ত্যক্ত রন্ধন-শালাটুকুই এখন পতিপত্নীর একমাত্র থাকিবার স্থান। এমন কিছু অর্থও নাই যে, আর এক বেলা আহার চলে। শ্রদ্ধাদেবী এইবার যেন একটু বিচলিত হইয়া পড়িলেন। আজ তিনি নিজে না খাইয়া পতির অজ্ঞাত-সারে পতিকেই পরিতোষপূর্ব্বক অন্ন আহার করাইয়াছেন; কিন্তু কল্য কি হইবে? উপবাস করিয়া নিজেই বা তিনি কয়দিন থাকিতে পারিবেন? কাজেই তাঁহাকে মুখ ফুটিয়া স্বামীর নিকট দুইটা কথা বলিতে হইল। বেশী কথা বলা তাঁহার স্বভাবও নয়, বলিতেও বড় বেশী পারিলেন না, কেবল বলিলেন, নাথ! অবস্থা তো সকলই দেখিতেছেন, বুঝিতেওছেন, এখন উপায়? ভিক্ষা করিতে তো পথের বাহির হইতে পারি না, নচেৎ উপায় না থাকিয়াও ছিল।

কৃপাসিদ্ধ দাস এত বিপদেও স্থির—ধীর। পত্নীর কথা শুনিয়া তিনি কেবল বলিলেন—

“আন্ত অদৃষ্টে অছি যাহ।

অবশ্য ভূঞ্জিব না তাহা?”

আমাদের অদৃষ্টে যাহা আছে, তাহাতো অবশ্যই ভোগ করিতে হইবে? তা আর চিন্তা করিয়া কি হইবে বল? উপায় সেই শ্রীহরির কৃপায়। তিনি কৃপা করিয়া অন্ন দেন, আহার করিব, নচেৎ উপবাসী-ই থাকিব।

পতিব্রতা পতির কথায় সামান্য একটু প্রতীবাদ করিয়া বলিলেন,—কথা প্রকৃত বটে, কিন্তু প্রাণতো অন্নগত, অন্নবিনা প্রাণ কয়দিন থাকিবে? আর নিজেরা না হয় উপবাসই করিলাম, কিন্তু এ অবস্থায় অভুক্ত অতিথি

আসিলে উপায় ? তাঁহাকে তো আর উপবাসের ব্যবস্থা দেওয়া যায় না ?

এইবার কৃপাসিন্ধু দাস যেন একটু বিচলিত হইয়া উঠিলেন । ক্ষুধার্ন্ত অতিথি দ্বার হইতে কিরিয়া যাইবেন, জীবন থাকিতে তা-ও-কি হয় ? তিনি মনের ভাব গোপন করিয়া পত্নীকে বলিলেন,—আচ্ছা, তুমি এক কাজ কর, আমার সান্নাতের বাড়ী গিয়া তোমার সহৈর নিকট হইতে সের পাঁচেক মাগুয়ার আটা ধার লইয়া আইস । তাহাতে দশখানি রুটি প্রস্তুত কর ; তাহার মধ্যে আমি পাঁচ খানি লইয়া একবার নীলাচলে যাইব, নীলাচলে আমার একজন খাতক আছে, তাহার অবস্থা এখন ভাল, কিছু পাওনাও আছে । তাহাই সাধিয়া লইয়া আসি, অনেক দিন চলিয়া যাইবে এখন । যাইতে-আসিতে আমার পাঁচ দিন বিলম্ব হইবে । এই পাঁচখানি রুটিতেই আমার যথেষ্ট হইবে । অবশিষ্ট পাঁচখানি তোমার আহারের জন্য রাখিয়া দাও । তারপর শ্রীনারায়ণের যাহা ইচ্ছা তাহাই হইবে ।

শ্রদ্ধাদেবী শ্রীহরি-স্মরণ করিয়া সহৈর নিকটে যাইয়া অনেক চুঃখ-কষ্টের কথা বলিয়া পাঁচসের আটা ধার লইয়া আসিলেন বটে, কিন্তু আজ তাঁহার কোন কর্মে উৎসাহ নাই,—মনেও একটুকু শাস্তি নাই । কেননা, নানা নৈব-নির্যাতনের ভিতরেও তাঁহার এক মহাশাস্তি ছিল,—প্রত্যক্ষ দেবতা পতির পাদপদ্ম হইতে তিনি কখনও বিচ্যুত হন নাই । আজ সেই পতি স্নদূর বিদেশে যাইতেছেন । এ বিচ্ছেদ—অসহ—অসহ ।

তিনি সেই মাগুয়ার আটা পতির পদপ্রান্তে রাখিয়া কাঁদিতে লাগিলেন । কথা আর কিছুই নয়,—স্বামী বিদেশে গমন করিলে একা এ অবস্থায় থাকিবেন কি প্রকারে ? শোকসন্তপ্ত অন্তরকেই বা কি দিয়া শাস্ত করিবেন ?

কৃপাসিন্ধু দাস তাঁহাকে অনেক প্রকার বুঝাইয়া শুঝাইয়া বলিলেন,—

“কিঁপা তু হেউচ্ছ বিকল ।
 সবুরি প্রভু আদি মূল ॥
 সমস্ত জীবর কারেণি ।
 অশেষ জন চিন্তামণি ॥
 সবুরি দুঃখ সুখ যেতে ।
 সে সিনা বুকুচ্ছন্তি নিত্যে ?
 সকল ঘটে অচ্ছন্তি পুরি ।
 সবুরি কশ্মরজ্জু ধরি ॥
 সংসার করে আত-জাত ।
 সব এ তাহার আয়ত্ত ॥
 সে প্রভু অচ্ছন্তি আন্তর ।
 তো মনে সংশয় ন কর ॥”

সতি! তুমি অত চিন্তিত হইতেছ কেন? আমাদের সেই প্রভু
 নারায়ণকে কি তুমি জান না? তিনি সকলেরই আদি মূল—সকল জীব-
 রই কারণ। চিন্তামণির মত সকলের সকল বাঞ্ছিতই তিনি পূরণ করিয়া
 থাকেন। সকলের সুখ-দুঃখ সমস্ত তিনিই নিত্য বুঝিয়া থাকেন। তিনি
 সর্বজীবের অন্তরে কশ্মরজ্জু ধরিয়া বসিয়া আছেন। এ সংসারের আসা
 বল আর যাওয়াই বল, সমস্তই তাঁহার আয়ত্ত। আমাদের সেই সর্বসমর্থ
 প্রভু আছেন, ভাবনা কিসের? যাও—সংশয় ছাড়িয়া সত্বর এই আটা-
 গুলিতে কিঞ্চিত লবণ মিশাইয়া দশখানি রুটা প্রস্তুত কর।

পতিব্রতা পতির সকল কথাই শুনিলেন, কিন্তু তাঁহার মনকে তিনি এ
 উপদেশ দিয়া শান্ত করিতে পারলেন না। অবিয়লধারে অক্ষবর্ষণ করিতে
 করিতে তিনি পতির আদেশের অল্পরূপ দশখানি মোটা মোটা রুটা তৈয়ারী
 করিলেন। এমন সময় কৃপাসিন্ধু দাস ঘেন আচম্বিতে কাহার করণ কণ্ঠস্থ

শুনিতো পাইলেন। মনে হইল,—তাই তো, অতিথি কি? হইতেও পারে? ভাল, একবার দেখিয়াই আসি না কেন? তিনি তাড়াতাড়ি বাহিরে আসিয়া দেখেন, সত্যই ত, অতিথিই ত বটে? ওঃ এযে বেজায় বুড়া! হাড় জির জির কচ্ছে, বুড়ার হাড় এক একখানি গোণা যাচ্ছে, পেটের মাংস পিঠে গিয়ে ঠেকেছে! আহা আহা, ভারি ক্ষুধা পেয়েছে বোধ হয়, মুখ দিয়া স্পষ্ট কথা বাহির হইতেছে না; দাঁড়াইতেও পা দুইটা খরখর কাঁপিতেছে। কিন্তু তেজ যেন সর্ব শরীর দিয়া ফুটিয়া বাহির হইতেছে। কি সুন্দর বৈষ্ণব মূর্তি! বোধ হয় কোন মহাপুরুষই হইবেন। “ঠাকুর গো! প্রণাম—অধমের প্রতি কি আদেশ”—বলিয়া কৃপাসিন্ধু দাস অতিথির চরণতলে নিপতিত হইলেন। তিনি ক্ষীণাতিক্ষীণ স্বরে বলিলেন,—বাপু হে, তোমারই নাম কৃপাসিন্ধু দাস? উত্তরে কুতাজলিপুটে আনতমস্তকে কৃপাসিন্ধু বলিলেন,—“আজ্ঞে, দাসেরই নাম।” অতিথি বলিলেন,—বেশ বাপু বেশ, তা তোমার যশের মূর্তিই এতদিন দেখিয়া আসিতেছি, একবার এ মূর্তিখানা দেখিবার প্রবল বাসনা ছিল; বিধাতার ইচ্ছায় তাহাও হইয়া গেল। আমি ঘটনাচক্রে এদেশে আসিয়া পড়িয়াছি, তিন দিন জলবিন্দুও উদরস্থ হয় নাই, কিছু খাইতে দিতে পার কি?

কৃপাসিন্ধু দাস বিনীত ভাবে তাঁহাকে বলিলেন,—ঠাকুর! আপনাকে আহাঁর দিই এমন ভাগা আমার কোথায়? তবে আপনি দয়া করিয়া এইখানে একটু অপেক্ষা করুন শ্রীনারায়ণ যাহা জুটাইয়া দেন তাহাই দিতে পারিব। এই বলিয়া তিনি অতিথির নিকট হইতে বিদায় লইয়া পল্লীর নিকট আগমন করিলেন এবং অতিথির অবস্থা সমস্তই বিশেষ করিয়া বলিলেন। ভিতরের অবস্থা যাহাই হউক, উপযুক্ত অতিথির আগমনবার্তায় শ্রদ্ধাদেবীরও আনন্দ হইল। তিনি হর্ষ-গদ-গদ স্বরে স্বামীকে বলিলেন,—তার আর কি, আমার ভাগের ত পাঁচখানি রুটি আছে, তাহা দিয়াই অতিথি-

সংকার করা হউক । পাঁচটা দিন আমি উপবাস করিয়াই কাটাইয়া দিব । তারপর ত তুমি আসিবে, তজ্জন্ত চিন্তা কি ?

সহশ্র্মিলীর বাক্য শুনিয়া কুপাসিকু দাসের আনন্দ আর ধরে না । তিনি শতমুখে সতীর প্রশংসা করিয়া অতিথির নিকট আগমন করিলেন এবং তাঁহাকে আদর করিয়া রন্ধনশালায় লইয়া গেলেন । সামান্য যাহা আসন ছিল তাহাতেই তাঁহাকে বসাইয়া পাদপ্রক্ষালন করিয়া দিলেন,— সেই জল দুইজনে কিঞ্চিৎ পান করিয়া মস্তকে ধারণ করিলেন । জীর্ণ কলেবর বৃদ্ধ অতিথি কি আর অধিক ভোজন করিতে পারিবেন, ভাবিয়া পতিব্রতা প্রথমে তাঁহাকে দুইখানি রুটী আনিয়া ভোজনের জন্ত প্রদান করিলেন । অতিথিও—আহা বেশ নরম হ'য়েছে—নরম হ'য়েছে বলিয়া প্রশংসা করিতে করিতে সে দুইখানি অল্পক্ষণ মধ্যেই ভক্ষণ করিয়া বসিয়া রহিলেন । পতি পত্নী একবার তাঁহার অলক্ষে চক্ষু ঠারাঠারি করিয়া লইলেন । সতী আবার তাঁহাকে দুইখানি রুটী আনিয়া দিলেন । অতিথি ঠাকুর সে দুইখানিও অগ্নানবদনে খাইয়া ফেলিলেন । পতি-পত্নী বুঝিলেন, এখনও অতিথির উদরপূর্ণ হয় নাই । কি করেন, সাধ্বী আবার তাঁহাকে দুইখানি রুটী পরিবেশন করিলেন । এইবার কিন্তু তাঁহার মনটা যেন কেমন একটু কেমন কেমন করিয়া উঠিল । কেননা এবার তাঁহার পতির ভাগে হাত পড়িয়াছে ।

দুইখানি রুটী ভোজন করিয়া অতিথি ঠাকুর আহার শেষ করিয়া উঠিলেন । হস্তমুখে বলিলেন,—আঃ, বাপু কয়েকদিন উপবাসের পর আহার, সুন্দর রুটী, ভারি তৃপ্তিলাভ করিয়াছি । শরীরটা পথপ্রমে বড়ই কাতর হইয়া পড়িয়াছে, তা আজিকার 'রাত্রিটা এইখানেই কাটাইয়া দিয়া কল্য প্রাতে চলিয়া যাইব । এ বেলা যেরূপ গুরুতর ভোজন হইল, রাত্রে

আর বেশী কিছু প্রয়োজন হইবে বলিয়া বোধ হয় না, এমনই সামান্য কিছু হইলেই চলিয়া যাইবে।

পতি-শত্নী—আজ্ঞে সে ত আমাদের ভাগ্যের কথা—ভাগ্যের কথা বলিয়া তাঁহাকে একখানি চেটাই বিছাইয়া দিয়া শয়ন করাইলেন এবং পাদসংবাহনাদি দ্বারায় শ্রম অপনোদন করিতে লাগিলেন। অল্পক্ষণ মধ্যে অতিথি নিদ্রিত হইয়া পড়িলেন। এইবার পতিপত্নী ধীরে ধীরে দুই চারিটা কথা কহিতে আরম্ভ করিলেন। কথা আর কিছুই নয়, কেবল কথা,—হা ভগবান্, মাত্র চারিখানি রুটা অবশিষ্ট, ইহাতে না হয় অতিথির আজিকার রাত্রে আহার হইল, কিন্তু কল্য প্রাতে অভুক্ত অবস্থাতেই অতিথিকে বিদায় দিতে হইবে। অতিথির যেরূপ দুর্বল দেহ, তাহাতে দুই চারি দিন সেবা দ্বারা সুস্থ করিয়া বিদায় দিলেই ভাল হইত। কিন্তু হায়, সে ভাগ্য কোথায় ?

ক্রমে রাত্রি আসিল। অতিথি ক্ষুধা জানাইলেন। পতিব্রতা অবশিষ্ট চারিখানি রুটা তাঁহাকে আহার করিতে দিলেন। এ'ত চারিখানি রুটা নয়—তাঁহার পরম দেবতা পতির চারিদিনের আহার। কিন্তু কি করেন, সেই পতিদেবতারই যখন অতিথিদেবতার সেবাই অভিপ্রেত, তখন পতিদেবতার প্রীতির অনুরোধেই অতিথিদেবতাকে রুটা কয়খানি আনন্দবদনে আনিয়া দিতে হইল।

উভয়ের আদরে অতিথির আহার কার্য সমাপ্ত হইল। উভয়ের একটা ভয়ও কাটিয়া গেল। আহার করিতে বসিয়া অতিথি যদি আবার রুটা প্রার্থনা করেন তো তাহার পূরণ হইবে কিরূপে, এই আশঙ্কা যে এতক্ষণ উভয়েরই অন্তরে উঁকিঝুঁকি মারিতে ছিল। দিবাভাগের মত রাত্রেও তাঁহারা অতিথিকে যত্ন সহকারে শয়ন করাইলেন এবং পাখার বাতাস করিয়া, পা টিপিয়া দিয়া ঘুম পাড়াইলেন। অতিথির উচ্চ নাসিকা ধ্বনিই

ঠাহার নিদ্রার কথা প্রচার করিয়া দিল। এইবার পতি-পত্নী উভয়ে একমনে একপ্রাণে ভগবানের শ্রীপাদপদ্মে প্রার্থনা জানাইতে লাগিলেন— ঠাকুর, আমরা উপবাসী রহিয়াছি, তাহার জন্ত দুঃখ নাই—ক্লেশও নাই। আমাদের আহারের জন্য তোমার নিকট কিছু প্রার্থনাও নাই, কিন্তু দয়াময়, হৃদয় তুমি আজিকার রজনীর অবসান হইতে না হইতে আমাদের জীবনের অবসান করিও নাও, নচেৎ এই বৃদ্ধ ও অশক্ত অতিথির নিমিত্ত কিঞ্চিৎ আহারের সংস্থান করিও নাও।

এই শ্রেণীর প্রার্থনা করিতে করিতে পতি-পত্নী ঘুমবোরে অচেতন হইয়া পড়িলেন। রাত্রি প্রভাত হইয়া গেল, তবুও ঘুম ভাঙ্গে না। পূর্বেকার ভাল সময়ের মত হঠাৎ দাসদাসীর কোলাহল-কলরবে তাঁহাদের নিদ্রাভঙ্গ হইল। ব্যস্ত সমস্ত ভাবে বাহিরে আসিয়া দেখেন,—কি আশ্চর্য্য! কি আশ্চর্য্য! এত লোক লব্ধ কোথা হইতে আসিল? এত বস্তা বস্তা ধান্য, বস্তা বস্তা চাউল, বস্তা বস্তা ডাইল কোথা হইতে আসিয়া উপস্থিত হইল? কোন্ ঐশ্বর্য্যালোক শক্তিতেই বা দক্ষ গৃহদ্বারগুলি পুঙ্কের মত হইয়া উঠিল? শুধু তাহাই নয়, এত ধন রত্নে এবং আসবাব উপকরণেই বা সকল গৃহ কে পূর্ণ করিয়া দিল? কি আশ্চর্য্য! কি আশ্চর্য্য!

বিস্ময়ে বিস্ময়েই তাঁহারা অতিথির অনুসন্ধান করিতে গেলেন। যাইয়া দেখেন,—তিনি অন্তর্হিত হইয়াছেন। এইবার আর তাঁহাদের বৃথিতে বাকি রহিল না—অতিথিরূপে কে আসিয়াছিলেন? এ অতিথি হারাইয়া ধন-ধান্য এখন তাঁহাদের প্রীতি সম্পাদন করিতে পারিল না। উভয়েই গৃহদ্বার বন্ধ করিয়া ঠাহার উদ্দেশ্য অনেক কান্নাকাটী আরম্ভ করিয়া দিলেন। কেবলই বলেন—হায় ঠাকুর, যদি দয়া করিয়া গৃহে আসিয়া দেখাই দিলে, তবে আবার এ নব্বয় ধন-রত্ন দিয়া ভুলাইবার ব্যবস্থা করিলে কেন? চরণের দাস-দাসী করিয়া সঙ্গে লইয়া যাইলেই তো

চলিত। সর্বসমর্থ তুমি, তোমার অসাধ্য কি আছে নাথ! বিষয়ের আবর্তে পড়িয়া শেষে কি তোমাকেও ভুলিয়া যাইব? করুণাময়! এই কি তোমার করুণার ব্যবস্থা?

এইরূপ কত কি আত্মনিবেদন করিতে করিতে তাঁহারা প্রাণের ভিতর হইতে প্রভুর সাড়া পাইলেন, স্পষ্ট শুনিতে পাইলেন—কে যেন মৃগু গন্তীর স্বরে বলিতেছেন—ভয় নাই কুপাসিকু, ভয় নাই। ভয় নাই শ্রদ্ধাবতি! ভয় নাই। তোমাদের মন যখন একান্ত ভাবে আমাতে আবিষ্ট হইয়াছে, তখন আর বিষয় তোমাদিগকে ভুলাইতে পারিবে না। চিরদিনই আমার প্রতি অনুরক্ত হইয়া রহিবে। তবে নাকি লোকদৃষ্টিতে তোমরা সংশয়ের বিষয় হইয়া আছ। অনেকেই তো মনে করে, এই তো ইহারা দান ধ্যান পুণ্যাকুষ্ঠান করিয়াও হীনের হীন, দীনৈর দীন হইয়া পড়িল, তবে আর ওসকল কন্ম করিতে যাইব কেন? স্থলদশীর এই সংশয়চ্ছেদ করিবার নিমিত্ত এবং তোমাদের সাধ মিটাইয়া অতিথি অভ্যাগতের সেবা ও দান পুণ্য করিবার নিমিত্তই এই ধনরত্ন দান করিমাছি মাত্র। আমারই ইচ্ছা অনুরাগে তোমরা কিছুদিন এখানকার আনন্দ উপভোগ কর, তারপর আমারই পদপ্রান্তে তোমরা স্থান প্রাপ্ত হইবে, সন্দেহ নাই। জানিও তোমাদের হই জনেরই আমি বশীভূত। তোমাদের গুণের আকর্ষণেই আমি এখানে আসিয়াছিলাম এবং চিরদিনই তোমাদের হইয়া রহিলাম। সতী শ্রদ্ধাবতি! তুমি নিজের জীবনকে বিপন্ন করিয়া কেবল পতির প্রীতির প্রতি লক্ষ্য রাখিমা তোমার পাঁচদিনের আহার অনায়াসে অতিথিকে অর্পণ করিয়াছ। সেই গুণেই তুমি আমাকে কিনিয়া ফেলিয়াছ। আর বৎস কুপাসিকু দাস, তুমিও নিজের জীবন তুচ্ছ করিয়া তোমার অংশের পাঁচখানি কটীও অভুক্ত অতিথিকে খাইতে দিয়াছ। তুমি শুধু নিজের জীবনকে বিপন্ন কর নাই, ঐ পাঁচখানি কটী সম্বল করিয়া যে অর্থ সংগ্রহের সকল

করিয়াছিলে, অতিথিসেবার অহুরোধে তাহাও পরিত্যাগ করিয়াছ। আর্ন্ত-অভুক্ত অতিথি আমারই মূর্তি। তাই আমি ক্ষুধার্ত অতিথিরূপেই দেখা দিয়া তোমাদের দানপুণ্য সদহুষ্ঠান সফল করিয়াছি। এ জগতে তোমাদের দুই জনেরই জীবন ধন্য। আর আজ আমিও তোমাদের পবিত্র দান গ্রহণ করিয়া ধন্য হইয়াছি। যাহারা তোমাদের মত আর্ন্ত ও অভুক্ত ব্যক্তিকে অকাতরে অন্নাদি দান করিয়া থাকে, বিপল্লব বিপদ্ মোচন করিয়া থাকে, এইরূপেই আমি তাহাদিগকে দর্শন দিয়া থাকি।

অন্তরে অন্তরে অন্তর্যামীর অভয়বাণী শুনিয়া তাঁহারা অনেকটা আশস্ত হইলেন বটে; কিন্তু হস্তে চিন্তামণি পাইয়া হারাইয়া ফেলার চঃখ আর যুটিল না। এদিকে পাড়া প্রতিবেশী অপর সাধারণ লোকে তাঁহাদের এই গৃহাদির আকস্মিক পরিবর্তন দর্শন করিয়া মহা হৈ হৈ রৈ রৈ রব তুলিয়া দিয়াছে—তাঁহাদেরও উঠেঃস্বরে ঘন ঘন ডাক হাঁক আরম্ভ করিয়া দিয়াছে। আর অধিকক্ষণ তাঁহারা গৃহদ্বার রুদ্ধ করিয়া থাকিতে পারিলেন না। বাহিরে আসিতে বাধ্য হইলেন। বাহিরে আসিয়াও বিপদ, সকলের মুখেই তাঁহাদের ভাগ্যের, তাঁহাদের ভক্তির শতমুখে প্রশংসা। এ প্রশংসা শ্রবণ করিয়া যেন তাঁহারা মৃত্তিকার সঙ্গে মিলিয়া যাইতে লাগিলেন এবং বিনীত ভাবে সকলকে বিদায় দিয়া স্নানাদি কয়ে প্রবৃত্ত হইলেন। শ্রীশ্রীনারায়ণের ইচ্ছায় তাঁহারা কিছুদিন সাধ নিটাইয়া দানপুণ্য করিলেন এবং উভয়েই দেহাবসানে শ্রীনারায়ণের শ্রীপাদপদ্মে স্থান প্রাপ্ত হইলেন।

বহু গ্রাহক ভক্তিতে পূর্বে প্রকাশিত “খুনিমামলা” প্রবন্ধটি পুনর্বার প্রকাশের জন্ত লিখিতেছেন, আমরা কার্তিক মাস হইতে উক্ত প্রবন্ধটি কিছু কিছু পরিবর্তন করিয়া প্রকাশ আরম্ভ করিব।

(ভঃ সঃ)

শ্রীশ্রীঅমিয় নিতাই চরিত

(ডাঃ শ্রীযুক্ত ভোলানাথ ঘোষ দাস লিখিত ।)

(১৮)

[জগাই মাধাই উদ্ধার]

“মাধা দেখরে এত শুধু গোর নয় ।

উহার গোরা রূপে মাঝে মাঝে

কাল বরণ ঝলক দেয় ॥ ধ্রু ॥

অক্ষয় বসন পরা যেন পীত ধড়ার প্রায় ।

উহার মাথার চাঁচর কেশ চুড়ার মত দেখা যায় ॥

তুলসীর মালা যেন বন মালা শোভা পায় ।

করেতে যে দণ্ড ধরে বংশী যেন দেখি তায় ॥

হরি হরি বলে মুখে রাধা রাধা শুনা যায় ।

দীন নন্দরাম কহে ব্রজের রতন নদীয়ায় ॥”

অপরূহে ভক্তগণ পুনরায় প্রভুকে ধরিয়া বসিলেন, সকলেই পুনঃ পুনঃ বলিতে লাগিলেন—প্রভু! জগাই মাধাইকে উদ্ধার করিতে হইবে। প্রভুও স্বীকার করিলেন। ভক্তগণকে বলিলেন—

আনহ য়েখানে য়েই আছে ভক্তগণ ।

মিলিয়া সকল লোক কর সংকীর্তন ॥ ১৮: মঃ

প্রভু বলিতেছেন “জগতে হরিনামের শক্তি দেখাইতে হইবে। সকল ভক্তগণকে ডাকিয়া আনিয়া কীর্তন করিতে করিতে যাইয়া উহাদিগকে হরিনাম দিব।” প্রভুর এই আজ্ঞা পাইয়া ভক্তগণ প্রভুর বাড়ীতে উপস্থিত

হইয়া নগর কীর্তনের জন্ত প্রস্তুত হইলেন। এই তাঁহাদের প্রথম নগর-কীর্তন। প্রভুর কীর্তন বহিঃস্থ লোকে ইতিপূর্বে দেখে নাই। তখন বৈকাল বেলা। ভক্তগণ পায়ে নূপুর পরিয়া, খোল, করতাল, শঙ্খ, ভেরী লইয়া কীর্তন করিতে করিতে প্রভুর বাড়ী হইতে বাহির হইলেন। এই দলে স্বয়ং প্রভু, ঙ্গ নিতাই, শ্রীমদৈত, শ্রীবাস, শ্রীগদাধর, শ্রীহরিদাস, মুরারি, মুকুন্দ, নরহরি প্রভৃতি ছিলেন। আমরাও শ্রীল শিশির বাবুর জায় চৈতন্ত মঙ্গল জুসুসরণে এই লীলা বর্ণনা করিব। যথা শ্রীচৈতন্তমঙ্গলে—

করতাল মৃদঙ্গ আর কীর্তনের রোল।

চারদিকে শুনি মাত্র হরি হরি বোল ॥

যেহ পথে কীর্তন করিয়া প্রভু যায়।

নদীয়ার লোক সব দেখিবারে ধায় ॥

নিজ ঘরে শুতি আছে জগাই মাধাই।

নিজ মদে মত্ত নিদ্রা যায় ছুই ভাই ॥

আনন্দেতে ডগমগ শ্রীশচী নন্দন।

আরস্তিল মধাপ্রভু মধুর নর্তন ॥

শ্রীগৌরাঙ্গের গমন ভঙ্গী ঐ চৈতন্তমঙ্গলেই এইরূপ বর্ণিত হইয়াছে—

গৌরাঙ্গ সুন্দর যায় নাচিয়া নাচিয়া।

আবেশে অবশ অঙ্গ চলিয়া চলিয়া ॥

চরণেতে বাজে নূপুর রুহু রুহু বোলে।

মালতীর মালা বিনোদিয়া গলে দোলে ॥

হেলিয়া ছলিয়া নাচে কতঃরঙ্গে চঙ্গে।

গলিয়া গলিয়া পড়ে গদাধরের অঙ্গে ॥

ধীরে ধীরে নাচে গোরা কটি দোলাইয়া।

অনিমেঘে সঙ্গীগণ দেখে তাকাইয়া ॥

প্রেমে পুলকিত তলু মাতি মাতি গেলে ।
 ভাব ভরে গর গর আঁখি নাহি মিলে ॥
 বাহুর হেলন কিবা ভালি গোরা রায় ।
 প্রতি অপ্সের চালনেতে অমিয়া খসায় ॥

নিতাই যাইতেছেন সবার আগে । জগাই মাধাইর ছদ্মশা দেখিয়া
 তাঁহার কোমল চিত্ত বড়ই ব্যথিত হইয়াছে । হৃদয় বিদীর্ণ হইয়া যাইতেছে ।
 দয়াল ঠাকুর নিতাই পরদুঃখ জানে ।
 অবশ হইয়া পড়ে দীন দরশনে ॥

ছোট ভাই গোরহরিকে লইয়া তিনি জগাই মাধাইর ছর্গতি দূর
 করিতে যাইতেছেন । তাঁহার আনন্দের আর সীমা নাই । তাই
 নিতাই যাইতেছেন সকলের আগে । নিতাই একেবারে প্রেমে গদ গদ
 হইয়া চলিয়াছেন ।—

একে ত দয়াল নিতাই আনন্দের পারা ।
 প্রেমে গদ গদ তলু ঢলি পড়ে ধারা ॥
 জয় জয় নিত্যানন্দ রোহিণী কুমার ।
 পতিত উদ্ধার লাগি ছুবাছ পসার ॥
 উগমগ লোচন ঘুরায় নিরন্তর ।
 সোনার কমলে যেন ফিরিছে ভ্রমর ॥
 ক্ষণে “গো” “গো” করে গোরা বলিতে না পারে ।
 গোরা রাগে রাজা আঁখি জলেতে সঁতারে ॥
 সক্রমণ দিঠে চায় শ্রীগৌরাঙ্গ পানে ।
 বলে উদ্ধারহ ভাই যত দীন জনে ॥

জগাই মাধাই, মণ্ডপান করিয়া সারা নিশি জাগরণ করিয়াছে ।
 তাই এ অপরাহ্ন পর্যন্ত তাহারা অকাতর নিদ্রা যাইতেছে । এখন

কীর্তনের রোলে তাহাদের নিদ্রা ভঙ্গ হইল। কীর্তনের শব্দে অত্যন্ত বিরক্ত এবং ক্রোধে রক্তবর্ণ হইয়া বলিয়া পাঠাইল যে, যদি উহাদের বাঁচিবার সাধ থাকে তাহা হইলে গুণ্ণগোল খামাইয়া অন্য পথ দিয়া যাইতে বল। জগাই মাধাইর দূত যাইয়া এ কথা প্রভুকে জানাইল। কিন্তু তাঁহারা এ কথা কাণেও তুলিলেন না, আরও উচ্চৈঃস্বরে সঙ্কীৰ্তন করিতে লাগিলেন। দূত ফিরিয়া গিয়া বলিল, নিমাই পণ্ডিত তাহাদের কথা গ্রাহ্যও করিল না।

জগাই মাধাইর তখন মদের উন্মত্ততা গিয়াছে। ক্রোধে উন্মত্ত হইয়া তাহারা আলুথালু বেশে বাহির হইয়া পড়িল।

“পরিতে পরিতে যায় অপ্সের বসন।

টল টল করি ধায় ক্রোধে অচেতন ॥

রাঙ্গা ছ’নয়ন করি বলে ক্রোধভরে।

নাশিব সকল বৈষ্ণব নয়ীয়া নগরে ॥”*

ইহা বলিয়া দুই ভাই তর্জ্জন গর্জ্জন করিতে করিতে কীর্তনের দিকে আসিতে লাগিল। ভক্তগণ কিন্তু ইহাতে কিছুমাত্র ভীত হইলেন না। তাঁহারা অধিকতর উৎসাহের সহিত কীর্তন ও নৃত্য করিতে লাগিলেন।

“তর্জ্জিয়া গর্জ্জিয়া যবে দুই ভাই চলে।

বাহু তুলি ভক্তগণ হরি হরি বলে ॥

দ্বিগুণ করিয়া আরো বাড়ায়ে উল্লাসে।

হরি হরি বোল ধ্বনি গগন পরশে ॥”

* আমরা উপাদেয় বোধে শ্রীচৈতন্যমঙ্গলের পয়ার অংশগুলি “অমিয় নিমাই চরিত” হইতে উদ্ধৃত করিলাম। প্রভুপাদ শ্রীযুক্ত অতুলকৃষ্ণ গোস্বামী সম্পাদিত শ্রীচৈতন্যমঙ্গলের সহিত অধিকাংশ স্থলে ইহার মিল নাই।

(লেখক)

কীৰ্ত্তন শুনিয়া বা ভক্তগণের আনন্দ দেখিয়া জগাই মাধাইর চিত্ত কোমল হইল না, তাহাদের ক্রোধ আরও বাড়িয়া গেল। নিমাই পণ্ডিত বাড়ী চড়াও করিয়া বলপূৰ্ব্বক তাহাদিগকে উদ্ধার করিতে আসিয়াছেন। জগাই মাধাইর মত লোকের ইহাতে যে কিরূপ রাগ হইয়াছিল তাহা বুঝিয়া দেখুন। আবার তাহার উপর তাহাদের হরিনামের উপর রাগ।

হরিনাম দুই ভাই সহিবারে নায়ে।

বেগেতে ধায় তারা ভক্ত মারিবারে ॥

নিতাই সকলের আগু আগু আসিতে ছিলেন সুতরাং জগাই মাধাই তাহাকেই প্রথমে দেখিল। পূর্বেই বলিয়াছি জগাই মাধাইর দুর্দশায় নিতাই চাঁদের আমার, চিত্ত করুণায় গলিয়া গিয়াছে। তাঁহার দুই অরুণ নয়ন দিয়া প্রেমবারি ঝরিয়া ঝরিয়া পড়িতেছে। সুতরাং জগাই মাধাইর রুদ্র মূর্ত্তি তাঁহার চোখেই পড়িল না।

দীন দয়ার্জি চিত্ত নিত্যানন্দ রায়।

অশ্রু পূর্ণ লোচনেতে দুহুঁ পানে চায় ॥

দুই ভাই তাহাদের সেই পরিচিত সন্ন্যাসীকে দেখিয়া চিনিলেন। করুণায় টলমল যে চাঁদমুখ দেখিয়া জগত গলিয়া যায়, দুই ভায়ের পাশান চিত্ত তাহাতে নরম হইল না।

সে করুণ আঁধি দেখি পাপী না গলিল।

ক্রোধভরে দুই ভাই সম্মুখে দাঁড়াল ॥

নিতাই প্রেমভরে কাঁদিতেন। তিনি জগাইকে সঙ্ঘোধন করিয়া বলিলেন “ভাই জগাই! হরি বোল বলিয়া আমাকে কিনিয়া লও।”

(ক্রমশঃ)

দণ্ড-প্রসাদ

(শ্রীযুক্ত জগদ্বন্দ্র ভাদুড়ী বি, এল, লিখিত ।)

আজ শ্রীভগবদ্বন্দ্র দণ্ডের কথা বলিব। যাহাকে শ্রীভগবান স্বয়ং দণ্ড প্রদান করেন তাহার ভাগ্যের সীমা নাই। দণ্ড অর্থ কি না শাস্তি। শ্রীভগবান স্বয়ং যাহাকে শাস্তি দেন তাহার সৌভাগ্যের সীমা আছে কি ? শাস্তি দেন কেন ? অপরাধের জন্ত। শ্রীভগবান শ্রী, পাতা এবং মঙ্গলদাতা। তাঁহার সমস্ত কার্যই জীবের মঙ্গলের জন্ত। জীবের অপরাধ দূর করিয়া তাহাকে নিজমুখী করিয়া, তাঁহাকে আনন্দরস আনন্দন করাইয়া নিজজন করা ইহা অপেক্ষা আর মঙ্গলপ্রদ কি হইতে পারে ? জীবের ইহা অপেক্ষা আকাঙ্ক্ষার বিষয়ই বা কি হইতে পারে ?

শ্রীমদ্ভগবদগীতায় শ্রীভগবান নিজমুখে অর্জুনকে বলিতেছেন :—

পরিভ্রাণায় সাধুনাং বিনাশায় চ হৃদ্যতাম্ ।

ধর্ম সংস্থাপনার্থায় সম্ভবামি যুগে যুগে । ৮।৪ অঃ

আমাদের পঠদশায় একজন ব্রাহ্ম প্রচারক ঐ শ্লোক উল্লেখ করিয়া বলিয়াছিলেন, যে ভগবান “বিনাশ” করিতে পারেন তাঁহাকে ভগবান বলিয়া মানি না। বলা বাহুল্য তিনি “বিনাশায়” শব্দের প্রকৃত অর্থ উপলব্ধি করিতে পারেন নাই। বাহ্য দৃষ্টিতে তাঁহার যাহা মনে হইয়াছিল তাহাই বলিয়াছিলেন। এক্ষণে ঐ কথা লইয়া একটু আলোচনা করিব। শ্রীশ্বামী পাদ বলিতেছেন “ন চৈবং দ্রষ্ট নিগ্রহং কুর্কতোহপি নৈশ্চুণ্যং শকণীয়ং যথাহং, লালনে ভাডনে মাতুর্ণ্যাকাঙ্ক্ষণং যথার্ভকে। তদ্বদেব মহেশস্ত নিয়তুর্গুণ দোষয়োন্নিতি ॥”

অর্থ এই ছইতেছে, দুষ্কৃত ব্যক্তির বিনাশ করায় ঈশ্বরের নিষ্ঠুরতা ও নিয়মতা দোষ ঘটে না, সন্তানের প্রতি মাতার লালনে ও তাড়নে যেমন নির্দয়তা হয় না ; নিয়ন্তা ঈশ্বরের গুণ দোষ বিষয়ে সেইরূপ নিষ্ঠুরতা বা নিয়মতা দোষ ঘটে না ।

এই বিষয়টি গভীর চিন্তার বিষয় । কেন না শ্রীভগবান অনন্ত করুণার আধার ; অনন্ত প্রেমের ঋণি । তাঁহারি সৃষ্ট জীবকে তিনি “বিনাশ” রূপ দণ্ড অর্থাৎ সর্বতোভাবে ধ্বংস করিতে পারেন কি ? মায়ামুক্ত জীবই যখন তাহার পুত্রকে ঐরূপ ধ্বংস করিতে পারে না, তখন অনন্ত দয়ার উৎস শ্রীভগবান নিজের সৃষ্ট জীবকে পারিবেন কিরূপে ?

শ্রীভগবান কৃষ্ণচন্দ্র শ্রীগৌরান্নরূপে উদয় হইয়া ঐ দুর্জয় তত্ত্বগুলি কিরূপভাবে জীবকে, শিক্ষা দিয়াছেন তাহার উল্লেখ করিয়া শ্রীগৌর লীলায় শ্রীভগবান যেরূপ অসাধারণ করুণা এবং প্রেম প্রকাশ করিয়াছেন এরূপ কোন অবতारे করেন নাই । ভক্তেরা এইরূপ দণ্ডকে “দণ্ডপ্রসাদ” বলিয়াছেন । কেননা এই দণ্ডের মধ্যে তাঁহারা শ্রীভগবৎ “প্রসাদ” অনুভব করিয়াছেন । এই দণ্ডই শ্রীভগবানের প্রসন্নতার নামাস্তর মাত্র । অল্প কয়েকটি দণ্ডের কথা বলিব ।

(প্রথম শ্রীঅষ্টৈত প্রভুর দণ্ডের কথা—যথা শ্রীচৈতন্য ভাগবতে—)

ক্রোধ মুখে বলে প্রভু আরে আরে নাড়া ।

বল দেখি জ্ঞান ভক্তি ছইতে কে বাড়া ?

অষ্টৈত বলয়ে সর্বকাল বড় জ্ঞান ।

যার জ্ঞান নাহি তার ভক্তিতে কি কাম ॥

জ্ঞান বড় অষ্টৈতের গুনিয়া বচন ।

ক্রোধে বাহু পাশরিল শ্রীশচী নন্দন ॥

পিঁড়া হইতে অদ্বৈতেরে ধরিয়া আনিয়া ।
 স্বহস্তে কিলায় প্রভু উঠানে পাড়িয়া ॥
 অদ্বৈত গৃহিণী পতিব্রতা জগন্মাতা ।
 সর্বতত্ত্ব জানিয়াও করয়ে ব্যগ্রতা ॥
 “বুড়া বিপ্র বুড়া বিপ্র” রাখ রাখ প্রাণ ।
 কাহার শিক্ষায় এত কর অপমান ॥
 এত বুড়া বামনেরে আর কি করিবা ।
 কোন কিছু হৈলে এড়াইতে না পারিবা ॥
 পতিব্রতা বাক্য শুনি নিত্যানন্দ হাসে ।
 ভয়ে কৃষ্ণ স্মরণে প্রভু হরিদাসে ॥
 ক্রোধে প্রভু পতিব্রতা বাক্য নাহি শুনে ।
 তর্কে গর্জে অদ্বৈতেরে সদন্ত বচনে ॥
 *শুতিয়া আছিহু ক্ষীর সাগরের মাঝে ।
 আরে নাড়া ! নিদ্রাভঙ্গ মোর তোর কাজে ॥
 ভক্তি প্রকাশিবি তুই আমারে আনিয়া ।
 এবে বাখানিস জ্ঞান, ভক্তি লুকাইয়া ॥
 যদি লুকাইবি ভক্তি তোর চিন্তে আছে ।
 তবে মোরে প্রকাশ করিসি কোন কাজে ॥

* * * *

অদ্বৈত এড়িয়া প্রভু বসিলা ছয়ারে ।
 প্রকাশে আপন তত্ত্ব করি হুহুকারে ॥
 আরে আরে কংশ যে মারিল সেই মুঞি ।
 আরে নাড়া ! সকল জানিস্ দেখ তুঞি ॥

অজ ভব শেষ রমা মোর করে সেবা ।

মোর চক্রে মারিল শৃগাল বাসুদেবা ॥

মোর চক্রে বারণসী দহিল সকল ।

মোর-বাণে মারিল রাবণ মহাবল ॥

* * * *

মুক্তি সে ছলিলুঁ বলি করিলুঁ প্রসাদ ।

মুক্তি সে হিরণ্য মারি রাখিলু প্রহ্লাদ ॥

এই মত প্রভু নিজ ঐশ্বর্যা প্রকাশে ।

শুনিয়া অদ্বৈত প্রেম-সিন্ধু মাঝে ভাসে ॥

শান্তি পাই অদ্বৈত পরমানন্দময় ।

হাতে তালি দিয়া নাচে করিয়া বিনয় ॥

যেন অপরাধ কৈলু তেন শান্তি পাইলু ।

ভালই করিলা প্রভু অল্লি এড়াইলু ॥

শ্রীঅদ্বৈত আচার্য্য যিনি প্রভুকে আনিয়াছেন, যাহার জন্ত প্রভুর
এই “ঋণ শোধকরা অবতার” তিনি পুনরায় বলিতেছেন :—

কোথা গেল এবে মোরে তোমার সে স্তুতি ।

কোথা গেল এবে তোমার সে সব পদ্ধতি ॥

ছুর্বাসা না হও মুই যারে কদর্ঘিবা ।

যার অবশেষ অন্ন সর্বাঙ্গে লেপিবা ।

ভক্ত মুনি নহ মুই যার পদধূলি ।

বক্ষে দিয়া হইবা শ্রীবৎস কুতূহলি ॥

মোর নাম “অদ্বৈত” তোমায় শুদ্ধ দাস ।

জন্মে জন্মে তোমার উচ্ছিষ্ট মোর আশ ॥

• • • •

সঙ্গমে উঠিয়া কোলে কৈলা বিশ্বস্তর ।
 অদ্বৈতের কোলে করি কান্দয়ে বিস্তর ॥
 অদ্বৈতের ভক্তি দেখি নিত্যানন্দ রায় ।
 ক্রন্দন করয়ে যেন নদী বহি যায় ॥
 ভূমিতে পড়িয়া কান্দে প্রভু হরিদাস ।
 অদ্বৈত গৃহিণী কান্দে কান্দে যত দাস ॥
 কান্দরে অচ্যুতানন্দ অদ্বৈত তনয় ।
 অদ্বৈত ভবন হৈল কৃষ্ণ প্রেমময় ॥

এই “প্রেমক্রন্দন” চিরদিন প্রভু নিজজন লইয়া করিতেছেন! জীবের লাগি এই প্রেমাক্ষ প্রভু চিরদিন বিসর্জন করিতেছেন; এই “ধারার পর ধারা যেন নদী বহি যায়” প্রভু চিরদিন করিয়াছেন এবং করিতেছেন। আমরা ত্রিতাপদগ্ন মায়া মুগ্ধ জীব ঐ ধারার এক কণিকাও কোনদিন পাইয়া জীবন ধন্য করিতে পারিব কি?

এইবার মহাপ্রভুর লীলার আর একটি দণ্ডের কথা বলিব শুধুন। শ্রীভগবান আচার্য্য, পুরুষোত্তমে শ্রীমন্নগপ্রভুর নিকটে থাকেন। স্বরূপ গৌসাইয়ের সহিত তাঁহার সখ্যভাব। প্রভুকে তিন মধ্যো মধ্যো নিমন্ত্রণ করেন। শ্রীভুর জন্য তিনি স্বস্তে নানা প্রকার অন্ন বাঞ্জন রন্ধন করেন। ভাবন, বাছারা শ্রীপ্রভুকে স্বয়ং শ্রীকৃষ্ণ বলিয়া জানিতে ছেন শুধু জানিতেছেন না স্বয়ং শ্রীকৃষ্ণ বলিয়া প্রত্যক্ষ দর্শন করিতেছেন, তাঁহার বাক্য শুনিতেছেন, তাঁহার শ্রীপাদপদ্ম সাক্ষাৎ সেবা করিতেছেন তাঁহাদের ভাগ্য, তাঁহাদের প্রেম, তাঁহাদের ব্যবহার কেহ বর্ণনা করিতে পারেন কি?

প্রভুকে ভূঞ্জাইবার জন্ত আচার্য্য, প্রভুর প্রিয় কৌষ্ঠনীয়া, ছোট হরিদাসকে এক দিন চাউস আনার জন্য শিখি মাহাতির ভগ্নি মাধবী দাসীর নিকট

প্রেরণ করেন, হরিদাস ঐ চাউল আনিলে আচার্য্য তাহা রন্ধন করিয়া নানাবিধ বাজনাদি সহ মহাপ্রভুকে ভোজন করিতে দিলেন। প্রভু ভোজনে বসিয়া আচার্য্যকে জিজ্ঞাসা করিতেছেন। যথা চৈঃ চঃ—

উত্তম অন্ন! এ তণ্ডুল কাঁহাসে পাইলা।

আচার্য্য কহে মাধবী পাশ মাগিয়া আনিলা ॥

প্রভু কহে কোন্ যাই মাগিয়া আনিলা।

ছোট হরিদাসের নাম আচার্য্য কহিল ॥

অন্ন প্রশংসিয়া প্রভু ভোজন করিলা।

নিজ গৃহে আসি গোবিন্দেরে আঞ্জা দিলা ॥

আজি হৈতে এই মোর আঞ্জা পালিবা।

ছোট হরিদাসে ইহা আসিতে না দিবা ॥

প্রভু এই যে ছোট হরিদাসের “দারমানা” করিলেন আর তাহাকে দর্শন দেন নাই। ছোট হরিদাস প্রভুকে দর্শন না পাইয়া ত্রিবেণীতে যাইয়া গঙ্গা যমুনা সঙ্গমে দেহ ত্যাগ করিয়াছিলেন। হরিদাসের প্রভুর অদর্শনে বিরহ হ্রৎস অসুভব করুন; যে বিরহের নিকটে দেহরক্ষা তৃণ তুল্য। কৃষ্ণ বিরহে কৃষ্ণভক্ত দেহ ত্যাগ করিতে ইচ্ছা করেন। কৃষ্ণ বিরহ কত তীব্র, কত অসহনীয়, কত যন্ত্রণা দায়ক তাহা ছোট হরিদাসের দেহত্যাগে কতকটা বুঝিতে পারা যায়। ছোট হরিদাস দেহত্যাগ করিয়া কি করিলেন তাহা চৈতন্য চরিতামৃতের ভাষায় শুনুন—

ত্রিবেণী প্রবেশ করি প্রাণ পাড়িলা।

সেই ক্ষণে প্রভু স্থানে দিবা দেহে আইলা ॥

প্রভু কৃপা পাঞা অন্তর্দর্শনে রহিলা।

* * *

গন্ধৰ্ব দেহে গান করেন অন্তর্ধানে ।

রাত্রে প্রভুরে গীত শুনায় অশ্রু নাহি শুনে ॥

ছোট হরিদাস দেহত্যাগ করিয়া গন্ধৰ্বদেহে অবলম্বন করেন । প্রভুকে তাঁহার অভিলষিত সেবা যে গান তাহা গাইয়া শুনাইলেন । এই যে দণ্ড হরিদাস পাইলেন আপাততঃ দেখিতে ইহা কঠোর শাস্তি বলিয়া মনে হয় । কিন্তু বাস্তবিক কি তাহাই ? শ্রীভগবানের সচিৎ জীবের চিরমিলনই আনন্দ ; যেগুলি তাহার বাধা জন্মায় তাহাই দুঃখ, তাহাই শাস্তি । সে শাস্তি যতদূর হয় তাহাই শ্রীভগবৎ কৃপা । সেটজন্তই শ্রীভগবানের দান যে শাস্তি তাহাকে “প্রসাদ” বলে ।

অদ্বৈত আচার্য্যপ্রভুর সেবক কমলাকান্ত বিশ্বাস । আচার্য্যপ্রভুর কিছু ঋণ হইয়াছে বলিয়া রাজা প্রতাপরুদ্রের নিকট আচার্য্য প্রভুর অজ্ঞাতসারে পত্র লিখিয়াছিলেন । ঐ পত্র শ্রীমন্নমহাপ্রভুর হস্তে পড়িয়াছিল তজ্জন্ত ঐ বিশ্বাসকে প্রভু দ্বারমানা করেন । ঐ দণ্ড শুনিয়া বিশ্বাস বড় দুঃখিত হইয়া ছিলেন । দণ্ড শুনিয়া অদ্বৈত প্রভু বলিতেছেন।—

দণ্ড শুনি বিশ্বাস হৈল পরম দুঃখিত ।

শুনিয়া প্রভুর দণ্ড আচার্য্য হবিত ।

বিশ্বাসেরে কহে তুমি বড় ভাগ্যবান ।

তোমায় করিল দণ্ড প্রভু ভগবান ॥

পূর্বে মহাপ্রভু মোরে করেন সম্মান ।

দুঃখ পাই মনে আমি কৈল অনুমান ॥

মুক্তি শ্রেষ্ঠ করি কৈল বাশিষ্ট ব্যাখান ।

ক্রুদ্ধ হঞা প্রভু মোরে কৈল অপমান ॥

দণ্ড পাঞা হৈল মোর পরম আনন্দ ।

যে দণ্ড পাইল ভাগ্যবান মুকুন্দ ॥

যে দণ্ড পাইলেন শ্রীশচী ভাগ্যবতী ।
 সে দণ্ড প্রসাদ আর লোকে পাবে কতি ॥
 এত কহি আচার্য্য তারে করিয়া আশ্বাস ।
 আনন্দিত হঞা আইলা মহাপ্রভুর পাশ ॥
 প্রভুরে কহেন তোমার না বুঝি এ লীলা ।
 আমা হৈতে প্রসাদ পাত্র করিলা কমলা ॥
 আমারেহ কভু কৈ না হয় প্রসাদ ।
 তোমার চরণে আমি কি কৈল অপরাধ ॥

শ্রীগৌরলীলায় যে সমস্ত দণ্ডপ্রসাদ বিতরিত হইয়াছে তাহার কয়েকটি সংক্ষেপে উপরে লিখিলাম । এখানে অত্যান্ত অবতারে শ্রীভগবান যে সমস্ত দণ্ড প্রসাদ করিয়াছেন তাহাই সংক্ষেপে লিখিতেছি, ভক্ত পাঠকগণ আশ্বাদন করুন ।

বৈকুণ্ঠের দ্বারদক্ষক জয় বিজয়, শ্রীভগবানের সহিত যুদ্ধ করিবার ইচ্ছা উদ্গত হওয়ায় ব্রহ্মশাপে হিরণ্যাক্ষ হিরণ্যকশিপু, রাবণ কুম্ভকর্ণ এবং দম্ববক্র শিশুপালরূপে জন্ম গ্রহণ করিয়া তিন জন্মে উদ্ধার লাভ করিয়া পুনরায় বৈকুণ্ঠের দ্বারপাল হইলেন । শ্রীভগবান নিজে আসিয়া তাহাদিগকে অস্তুর দেহ ধ্বংস করিয়া পুনরায় নিজ লোকে প্রেরণ করেন । এই দণ্ডও শ্রীভগবৎ প্রসাদ ব্যতীত আর কিছু নহে । শ্রীভগবতে এগুলির বিস্তার রূপে বর্ণন আছে ।

ভগবান শ্রীকৃষ্ণচন্দ্র পুতনার রাক্ষসী যোনি মোচন করিয়া ছিলেন । মাতৃবেশ মাত্র ধারণ করায় তাহাকে মাতার উপযুক্ত স্থান প্রদান করিলেন । সুতরাং শ্রীভগবানের অপরিদ্রীম দয়ার এক কণাও আমরা উপলব্ধি করিতে পারি না ।

বৈষ্ণব-ধর্মের অবস্থা ।

(ভবঘুরের দপ্তর হইতে প্রাপ্ত)

(২)

ক্রমে সেই গ্রহের অধিকার বৃদ্ধি হইয়া বর্তমানে ভারতের অবস্থা দেখুন । যে ভারতকে সোণার ভারত—ধর্মরাজ্য বলিয়া লোকে বলিত, যাহাকে ভোমস্বর্গ বলিতে লোকে কুণ্ঠাবোধ করিত না, যাহা ভক্ত ও ভগবানের প্রসন্ন লীলাক্ষেত্র, যাহা জ্ঞানীর জ্ঞানক্ষেত্র, কর্মীর কর্মক্ষেত্র, ভক্তের ভক্তি-রাজ্য, প্রেমিকের প্রেমের হাট, যাহা লক্ষ্মী সরস্বতীর অবাধ নিবাসস্থল, বীরত্বের কেশ্রভূমি, নৈতিক উপাদানের আকর, সভ্যতার কোহিনুর সেই সোণার ভারত যে আয়েয়গিরির আকস্মিক অগ্ন্যুৎপাতে পুড়িয়া ছাই হইয়াছে, জানি না কতদিনে তাহা ভারত বুঝিবে এবং বুঝিয়া ভবিষ্যতের জন্য ভারতবাসী সাবধান হইবে ।

ভারতের যাবতীয় ধর্মসমাজ সন্ধীর্ণ করিয়া যে বৈষ্ণব-সমাজ নিজ অঙ্গ বিস্তার করিয়াছিলেন, যাহার পূতপ্রভাব হিমালয় হইতে কুমারিকা পর্য্যন্ত আলোকিত করিয়া নিজ সূশান্ত কিরণ বিকীরণ করিয়াছিল সেই বৈষ্ণব-সমাজের মধ্যে আবিলতা প্রবেশের সঙ্গে সঙ্গেই ভারতের ধার্মিকতার পতন হইল, এক কথায় ভারতে কু-দিন আসিল ।

বলিতে গেলে অনেকের অপ্ৰিয় হইবে কিন্তু না বলিয়াও আর থাকা যায় না । প্রাণের ভাব—প্রাণের কথা এমন করিয়া আর কতদিন চাপা দিয়া রাখা যায় ? অপ্ৰিয় হইলেও যখন বলিতে আরম্ভ করিয়াছি তখন বলিবই—আশা করি কেহ রাগ করিবেন না, সমাজের অবস্থা চিন্তা করিয়া নিজ নিজ দৌর্বল্য দমনের চেষ্টা করিবেন ।

ঠাকুর রাধামোহন, পণ্ডিত বলদেব বিद्याভূষণ ইঁহারা ই বৈষ্ণবসমাজের শেষ পণ্ডিত ও শেষ উপদেষ্টা। এই দুই নক্ষত্রের পতনেই ভারতাকাশ তিমিরাবরণে ডুবিয়া গেল। বৈষ্ণব-সমাজ পণ্ডিত শূন্য, আর পণ্ডিত সমাজ বৈষ্ণবতা শূন্য হইল। বৈষ্ণবশাস্ত্রের আলোচনা গেল, সাধক সমাজে মূর্খতার প্রশ্রয় বৃদ্ধি হইতে লাগিল।

গোস্বামী ও আচার্য্য ঠাকুর সন্তানগণ বিষয়ী হইয়া পড়িলেন, অভ্যাগত-গণ তাঁহাদিগকে অতিক্রম করিয়া বৈষ্ণব-সমাজের পরিচালক হইলেন। বিষয়ী সমাজের শীর্ষদেশে বিলাসিতাশ্রোত অবাধে প্রবাহিত হইতে লাগিল। সমাজের শীর্ষ গোস্বামীগণ ও আচার্য্যগণই যখন এমন হইলেন, তখন নিম্নসমাজ যে ঘোর অজ্ঞতাময় হইবে তাহাতে আর কথা কি? সব গেল—আলোক-ময়ী সোণার ভারতভূমি ঘোর অন্ধকার গর্ভে ডুবিয়া দিশাহারা হইয়া গেল, পূর্ণমাত্রায় ছুঁটগ্রহের ভোগ চলিতে লাগিল।

ক্রমে ক্রমে শিক্ষা দীক্ষা সব উন্টাইয়া গেল। শিক্ষার গতি ফিরিল, নৈতিকগতি ফিরিল, রুচি একেবারে পরিবর্তিত হইল। ধর্মের কথা সকালের কথা হইয়া পড়িল, ভক্তির কথা হাশুরসে পরিণত হইল, উপাসনার নাম হইল ভণ্ডামি, ভক্তির সাধন মুখের অঙ্ক বিশ্বাস বা অজ্ঞতার বিকাশ বলিয়া উপেক্ষিত হইতে লাগিল। প্রাচীন সভ্যতা, সদাচার—কুসংস্কার বলিয়া তথাকথিত শিক্ষিত সমাজে উপেক্ষিত হইতে লাগিল।

ভাই রাগ করিও না, মাথা ঠিক করিয়া একটু ভাবিয়া দেখ দেখি, তোমার পূর্বপুরুষের কাঁর্তি তোমার এখন কেমন লাগে? যথার্থই এখন তুমি সেগুলি ভাল ভাবে গ্রহণ করিতে পার কি? সত্য বলিতে গেলে বলিতে হয়, পার না। কেননা শিক্ষার প্রভাবে তোমাকে এমন করিয়াছে যে, এখন কিছুতেই তোমার মাথা এদিকে আসিবে না। প্রাচ্য শিক্ষার অভাবে এবং পাশ্চাত্য শিক্ষার প্রভাবে তথাকথিত শিক্ষিত সমাজের নিকট

গৌড়ের গৌরব-নিদান ভগবান গৌরচন্দ্র বাতুল হইলেন, কৃষ্ণচন্দ্র লম্পট হইলেন, ব্রজলীলা কুরুচি হইল, কৃষ্ণ-কীর্তন অশ্লীলতাময় হইল। কেহ বা ইহার নাম দিল “কবি” কেহ বা আরও কিছু উচ্চে উঠিয়া বলিলেন “কৃষ্ণ-খেউর।” বৈষ্ণব-বেশ এখন অসভ্য বেশ হইল। আর কত বলিব, তখনকার সবই এখন খারাপ বলিয়া বাবুদের কাছে প্রতিপন্ন হইল। অত বড় বৈষ্ণব-ধর্মটা একেবারে এককথায় মুর্খের ধর্ম হইয়া গেল। এরূপ হইবার আরও এক কারণ আছে—পণ্ডিতগণ, আচার্য্যগণ অর্থলোলুপ হইয়া ধর্ম লইয়া ব্যবসাদারী আরম্ভ করিলেন, তারপর সাধারণে সংস্কৃত জানেন না, জানিলেও হস্তলিখিত পুঁথি পড়িতে বা আলোচনা করিতে একান্ত নারাজ, সাধনাপ্রধান গোস্বামি-শাস্ত্র, বৈষ্ণব শাস্ত্র অব্যবহারে ঝুল ও ধুলার আধার ভূত হইয়া কীটকুলের ভক্ষ্যবিশেষ বলিয়া নির্দ্বাচিত হইল। প্রাচীন মহাআগণ সজলনয়নে গ্রন্থে যে ডোর দিয়া গিয়াছিলেন তাহার সে ডোর আর খসিল না। ষাছা ছুঁচার খানি প্রাচীনগ্রন্থ মুদ্রিত হইল তাহাতেও গ্রন্থকারের মত বুঝিতে না পারিয়া বা নিজস্বার্থ হানিকর প্রমান প্রয়োগ দেখিয়া গ্রন্থ-সম্পাদকগণ নিজ নিজ মত গুপ্তভাবে তাহার সহিত চালাইয়া দিতে লাগিলেন। কাজেই সাধকসমাজে শাস্ত্র ও শাস্ত্রীয়তার অভাব, কেবল পরস্পর ঝুঁত বিকৃত বা কপোলকল্পিত উপদেশ মুর্খাদপি মুর্খের মুখে যে ষাধা শুনিল তাহাতেই মোটামুটি এমন একটা সিদ্ধান্ত হইয়া গেল যে, বৈষ্ণব ধর্মটা কেবল কতকগুলি মুর্খের ধর্ম।

বৈষ্ণব-সমাজে সঙ্গ্রহের অভাব নাই। কিন্তু তথাপি বাউলের গানের গৌরান্দ, কবি বা কালীয়দমনযাত্রার কৃষ্ণ, খেমটার গানের প্রেমতত্ত্ব, আর, নিম্নশ্রেণীর সংসারশক্ত বঞ্চক, মুর্থ, নীচ, ধর্মবাদী ও ব্যবসায়ী সম্প্রদায়ের ব্যবসার প্রধান অঙ্গ স্বরূপ কপট বৈষ্ণবতা, বৈষ্ণবধর্ম জানিবার প্রধান উপাদান হইয়া পড়িল। এ ধারণা না হইয়াও পারে না, কারণ

বৈষ্ণব বিশ্বাস লোকের এমনই অস্থি মজ্জাগত হইয়া গিয়াছিল যে, এত কপটতার আবরণ দিয়াও দশজনের নিকট প্রতিষ্ঠা ও পূজা পাইবার ক্রটি হইল না বর্তমান নব্য সম্প্রদায়ের নিকট হেয় হইলেও অজ্ঞসমাজে, সরল বিশ্বাস হেতু উহাদের প্রতিপত্তির কোনই অভাব ছিল না। এই যে অবাধ প্রতিপত্তি ইহাও বৈষ্ণব-সমাজের অধঃপতনের আর একটা হেতু বলিয়া মনে হয়, কেন হয় তাহা ক্রমে বলিব।

বৈষ্ণব-সমাজ অতি বড় উচ্চ সমাজ, বৈষ্ণবধর্ম যথার্থই পণ্ডিতের ধর্ম, প্রকৃত পক্ষেই মূর্খের ইহার নিগূঢ় ভাব গ্রহণের আদৌ অধিকার নাই। বৈষ্ণব ধর্ম বা বৈষ্ণব-ধর্মোপাসনাতত্ত্ব ভূরি শাস্ত্র-জ্ঞান সাপেক্ষ। যাহার গূঢ়তত্ত্ব উদ্ঘাটন জন্য ঐক্লপ, শ্রীসনাতন গোস্বামীকে শ্রীমন্নহাপ্রভু নিজ-শক্তি সঞ্চার করিয়াছিলেন, সেই শক্তিতে শক্তিমান হইয়া নির্জন ব্রজবনে অত্নাবকাশ ত্যাগ করিয়া সমগ্রজীবন বৈষ্ণবধর্মের গূঢ়াদপি নিগূঢ় তত্ত্বানু-সন্ধানে অতিবাহিত করিয়াছেন। যাহাদের শক্তিতে অপর শ্রীজীবাদি গোস্বামীগণ অক্ষুশক্তিমন্ত হইয়া সেই বৈষ্ণবধর্মের মূল তত্ত্বানুসন্ধানে ভজনাবকাশ পর্য্যন্ত না রাখিয়া বিজন চিন্তায় জীবন কাটাইয়াছেন সেই গভীরানুসন্ধানের অমৃতময় ফল গোস্বামী শাস্ত্র—যাহার নিকট এক সময় ভারতের সমগ্র পণ্ডিতমণ্ডলী দার্শনিকতায় মস্তক অবনত করিয়া ছিলেন সেই বিদ্বজ্জননিষেবিত বিদ্বজ্জনানুচরিত বৈষ্ণবধর্মের নিগূঢ়তত্ত্ব মূর্খের মুখে শুনিতে কে প্রত্যাশা করেন?

শ্রীমন্নহাপ্রভুর পার্বদ সমাজ সম্বন্ধে যিনি কিছু মাত্র অনুসন্ধান করিয়াছেন তাহাকেই স্বীকার করিতে হইবে যে, তৎকালীন ভারতের চূড়ামণি পণ্ডিতগণে মহাপ্রভুর পার্বদ সমাজ পূর্ণ ছিল। সেই সকল পণ্ডিত ও ভজন নিষ্ঠ ভক্ত গোস্বামীগণমধ্যেও কেবলমাত্র শ্রীশ্বরূপ ও শ্রীল রায় রামানন্দই হইজনই মাত্র প্রভুর সহিত ভজনতত্ত্বানুশীলনে অধিকার পাইয়াছিলেন।

এক্ষণে পাঠকগণ বুঝিয়া দেখুন—এতদূর যাহার অন্তলম্পর্শ গভীরতা তাহাতে শফরিকল্পজন রত্নোঙ্কার করিবে কিরূপে ?

উত্তম, মধ্যম ও কনিষ্ঠ এই তিন প্রকার অধিকারী ভক্তিশাস্ত্রে নির্ণিত হইয়াছে। যাহারা শাস্ত্রাদিতে পারদর্শিতা লাভ করিয়া শাস্ত্রবিচার দ্বারা স্বয়ং উত্তমরূপে বুঝিয়াছেন এবং অন্তের বোধগম্য করাইতে পারেন তাঁহারা উত্তমাদিকারী। আর যাহারা শাস্ত্রানুশীলন বা গুরু গুরুশ্রমদ্বারা স্বয়ং উত্তমরূপে বুঝিয়াছেন কিন্তু অন্যের ভ্রম দূরীকরণে অক্ষম তাঁহারা মধ্যম অধিকারী। আর যাহাদের শাস্ত্রজ্ঞান বা উপদেশ উপযুক্তরূপ না হইলেও ভক্তিতে অমুরাগ আছে অথচ কোমলশ্রদ্ধ তাঁহারা কনিষ্ঠাধিকারী। শ্রীমন্নহা-প্রভু এই ত্রিবিধ অধিকারী বিচার করিয়া উত্তমাদিকারীগণকে গুরুত্বে বা উপদেষ্টারূপে ও মধ্যমাদিকারীগণকে সাধকরূপে এবং কনিষ্ঠাধিকারীগণকে প্রবর্তকরূপে নিরূপিত করিয়া অধিকারানুরূপ আচার ও সাধনোপদেশ করিয়া ছিলেন।

এক্ষণে সুধীগণ বিবেচনা করিয়া দেখুন, যদি এই কনিষ্ঠাধিকারীরও অযোগ্য ব্যক্তি উত্তমাদিকারীর কার্য্য করিতে যায় তাহার ফল কিরূপ হয়। কাল মাহাত্ম্য ভাবিতা উত্তমাদিকারী আত্মগেপন করিলে কনিষ্ঠ অধিকারীগণ অনধিকার চর্চার বিষয়িতে বৈষ্ণব সমাজ দগ্ধ করিয়া গুণ্যাবশেষ করিল। (ক্রমশঃ)

বটফীর

বাঙ্গলাদেশে জন্মিয়াছে অথচ বটগাছ জানেন না, এমন লোক বোধহয় আজ কাল দেখিতে পাওয়া যায় না। তবে অনেকে যেমন সহরবাসী হইয়া ধান গাছের কড়ি, বরগা, জানালা, কপাট প্রভৃতি প্রস্তুত করাইয়া বসিতে

চান সেইমত যদি কেহ থাকেন তাঁহাদের কথা আমি ছাড়িয়া দিতে বাধা ।

যাহা হউক বটগাছের শাখা বা পাতা ভাঙ্গিলে যে শ্বেতবর্ণ এক প্রকার আঠা বহির্গত হয় তাহাকেই বটক্ষীর বলা হয় । এই বটক্ষীর সম্বন্ধে পূর্বে ছ'এক বার সাপ্তাহিক ও মাসিক পত্রিকায় ২১টা প্রবন্ধ পাঠ করিয়াছি বলিয়া মনে হয় । ১৯১৮ সালে আমি সৌভাগ্যক্রমে একটি প্রাচীন ব্রহ্মচারীর দর্শন পাই, তিনি আমাকে আমাদের বাটীর সংলগ্ন একটা বটগাছ দেখাইয়া উহার শাখা ভাঙ্গিয়া ক্ষীর দেখাইয়া যে সলল কথা বলিয়া ছিলেন আজ ভক্তির সহৃদয় পাঠকগণকে আমি সংক্ষেপে তাহাই বলিব । ব্রহ্মচারী বাবায় উপদেশ মত আমি কয়েক স্থানে ইহার প্রয়োগ করিয়া বিশেষ ফল পাইয়াছি, তাই সাধারণের উপকারার্থে আজ ইহা প্রকাশ করিলাম ।

বটক্ষীর সম্বন্ধে তিনি বলিয়াছিলেন যে, ইহা সঙ্কোচক, বলকারক, রক্তজনক, পরিপাকশক্তি বর্দ্ধক, স্নায়বীয়-উত্তেজক ও পরিপোষক এবং দেহের লাভন্য বৃদ্ধিকারক । নানাবিধ পাকশয় সংক্রান্ত রোগে এবং অস্ত্রের রোগে যেস্থলে ডাক্তার কবিরাজেরা একেবারে হুঙ্ক প্রয়োগ বন্ধ করিয়া দিয়া থাকেন, সেস্থানে বটক্ষীর প্রয়োগে বিশেষ উপকার হয় । কুড়ি ফোটা বটক্ষীর খাঁটি আড়াই পোয়া ছুঙ্কের সমান কার্য করে, অথচ ইচ্ছাতে ছুঙ্কের সারক ক্রিয়া বর্তমান নাই । প্রত্যেক বারে আনাজ এক ছটাক পরিষ্কার জলের সহিত পাঁচ হইতে দশ ফোটা বটক্ষীর প্রয়োগ করা যাইতে পারে । এতদ্ভিন্ন ইহার সঙ্কোচক গুণ বর্তমান থাকায় ইহা উদরাময় এবং আমাতিসার রোগে আশ্চর্য্য ঔষধের ন্যায় কার্য করে ।

রোগ সারিয়া গেলে রোগীর দৌর্বল্যাবস্থায় অল্প মাত্রায় ইহা ব্যবহার করিলে দুর্বলতা সারিয়া দেহ বেশ সবল ও পুষ্ট হয় । রক্ত শূন্যতা বা রক্তের অল্পতা ষাটলে বিশেষতঃ তাহার সহিত অজীর্ণাদি রোগ বর্তমান

থাকিলে নিয়মিত ভাবে এই বটকীর ব্যবহার করিলে শরীরে রক্ত বৃদ্ধি করিয়া শরীর লাভন্যময় করে। অজীর্ণ রোগে যখন কোন দ্রব্যই পাকাশয়ে জীর্ণ হয় না অথবা কিছু খাইলেই বোম্বী হইয়া উঠিয়া যায়, সেস্থলে এই বটকীর অতীব পুষ্টিকর খাণ্ডরূপে ব্যবহার করাইয়া বিশেষ ফল পাওয়া গিয়াছে

পূর্বেই বলা হইয়াছে যে, ইহা স্নায়বীয়উত্তেজক ও পরিপোষক। অতএব স্নায়বিক দ্রোৰ্কল্যে ইহা নিঃসঙ্কোচে ব্যবহার করা যাইতে পারে। এই রোগে কানীর চিনি জলে ভিজাইয়া সেই জলের সহিত বটকীর ব্যবহার করিতে হয়। চিনির জলের সহিত খাইতেও কষ্ট হয় না, আর যদি কোষ্ঠ-কাঠিন্য থাকে তাহা হইলে তাহারও উপকার হয়। কোষ্ঠকাঠিন্য বেশী হইলে মধ্যে মধ্যে পাকা বেল বা পাকা পেঁপে এবং কাঁচা পেঁপের তরকারী ব্যবহার করিলে বিশেষ উপকার হয়।

বাংলা দেশের এক সর্বনাশা রোগ স্বপ্নবিকার বা স্বপ্নদোষ। এই কুৎসিত রোগে বটকীর অমৃত তুল্য। ব্রহ্মচর্যব্রত-ত্যাগী পাপাসক্ত বর্দীয় যুবকগণের ইহা একটা পরম সুরক্ষণ। আমরা এই রোগগ্রস্ত বহু রোগীকে একমাত্র বটকীর সেবন করাইয়া আরোগ্য করিয়াছি। তবে এই রোগ-গ্রস্ত ব্যক্তির আহাৰ খুব সাত্বিক ভাবের হওয়া আবশ্যিক।

যাহাদের শরীর সীর্ণ এবং দুর্বল, তাহারা ইহা নিয়মিত সেবন করিয়া অনায়াসেই শারিরীক উন্নতিলাভ করিতে পারেন। ইহা সেবনে কোন-রূপ কষ্ট নাই, আত্মদণ্ড খারাপ নয়। এমন কি শিশুকেও অনায়াসে সেবন করান যাইতে পারে। ভারপর আর এক কথা, ইহাতে এমন কোন বিষাক্ত গুণ নাই যে, বেশী মাত্রায় খাইলে কোন অনিষ্ট হইতে পারে? পরিমাণ অপেক্ষা কিছু বেশী খাইয়া কেহিলেও কোনরূপ অনিষ্ট হইবার আশঙ্কা নাই। তবে এখন দেশের যেরূপ আবহাওয়া তাহাতে বাবু

ভায়রা সাগর পারের গেবেল মারা না হইলে ব্যবহার করিবেন কিনা সেইটাই কথা ।

স্বরাজ স্বরাজ করিয়া বাঁহারা দেশের মধ্যে ছলুসুল বাঁধাইয়া লইয়াছেন, তাঁহারা একবার স্বদেশের গাছ গাছরার গুণাগুণ পরীক্ষা করিয়া বিলাতি পেটেন্ট ঔষধের পরিবর্তে দেশের জিনিস ব্যবহারে লোককে উদ্বুদ্ধ করিবেন কি ? একাজটাও কি স্বরাজের একটা অঙ্গ নহে ? উচিত কথা বলিলে প্রভুরা রাগ করেন কিন্তু কত পয়সা যে এইভাবে বিদেশে যাইতেছে তাঁহার হেয়তা নাই । দেখিতে হইলে সকল দিক্ দিয়াই দেখা দরকার ।

আমরা দেশীয় গাছগাছরার গুণাগুণ সম্বন্ধে কিছু কিছু আলোচনা এখন হইতে নিয়মতভাবে করিবার চেষ্টা করিব । পাঠকগণের মধ্যে যিনি যতটুকু সাহায্য করিতে পারেন করিলে বাধিত হইব ।

পাঠকগণের মধ্যে যদি কাহারও লিপিত লক্ষণাক্রান্ত রোগী হাতে পড়ে তাহা হইলে একবার পরীক্ষা করিয়া ফলাফল আমাদিগকে জানাইলে আমরা যথাসময় পত্রিকায় তাহা প্রকাশ করিব ।



নিবেদন

পতিত পাবন শ্রীশ্রীরাধারমণ চরণ দাস দেব বা ৮পূরীধামের সিদ্ধ বড় বাবাজী মহারাজের শিষ্য, প্রশিষ্য এবং তাঁহার প্রতি ভক্তিসম্পন্ন ভক্তগণের নিকট আমাদের করযোড়ে সবিনয় নিবেদন ;—

পরমকরণ শ্রীশ্রীগুরুদেবের অপার মহিমা আজ কেবল বঙ্গ ও উড়িষ্যায় আবদ্ধ নহে, ক্রমে ক্রমে ভারতের সর্বত্রই তাঁহার প্রভাব পরিব্যাপ্ত

হইতেছে। তাঁহার নামে আজ সহস্র সহস্র নরনারী পরমানন্দ উপভোগ করিতেছেন। দিন দিনই আমাদের গোত্র বৃদ্ধিত হইতে দেখিতেছি। বাঙ্গালী, উড়িয়া, আসামী, বিহারী, হিন্দুস্থানী, মাল্লাজী, গুজরাটী প্রভৃতি সর্বজাতি বা সর্বপ্রদেশেরই অধিবাসীগণ আজ আমাদের পরাংপর আশ্রয়রূপে দেখা দিতেছেন। বর্তমানে সংখ্যায় আমরা নিতান্ত ন্যান নহি—লক্ষাধিকেরও অধিক হইব। ইহা ভিন্ন উক্ত সিদ্ধ মহাত্মার প্রতি শ্রদ্ধাবান ও ভক্তিমান নরনারীর সংখ্যা যে কত তাহা গণনা করিয়া স্থিরকরা কষ্টসাধ্য।

কিন্তু বড়ই পরিতাপের বিষয় আমাদের এই পরমাশ্রয়গণের সহিত আমাদের পরস্পরের পরিচয় নাই, কোন প্রকার আদান প্রদানের উপায় নাই, এমন কি, কে যে কোথায় বিচ্ছিন্নভাবে অবস্থান করিতেছেন তাহাও জানিবার উপায় নাই। অথচ ঐ সকল ‘শ্রীশ্রীরাধারমণগণ’ ভিন্ন আমাদের আর কে অন্তরঙ্গ বন্ধু—আর কে আপনা হইতে আপন জন আছেন? আর কাহার কাছে যাইয়া আমরা প্রাণ জুড়াইতে পারি, বা প্রাণের কথা কহিতে পারি? ইহার প্রতিকার কি?

আরও দুঃখের বিষয় শ্রীশ্রীগুরুদেবের অমিয় জীবনী যাহা “চরিত সুধা” নামে প্রচারিত হইয়াছে, তাহাতো অতীব সামান্য, তাঁহার পুণ্য জীবন-কাহিনী এখনও বহুল পরিমাণে অপ্রকাশিত অবস্থায় রহিয়াছে। সে সকল ভক্ত তাঁহার পবিত্র সঙ্গলাভের সৌভাগ্য পাইয়াছিলেন তাঁহাদের নিকট হইতে সেই সুধা হইতে সুমধুর লীলা-কাহিনীগুলি অবিলম্বে সংগ্রহ করিয়া রাখা বিশেষ আবশ্যিক, কারণ দিন দিনই তাঁহার মর্ম্মী প্রাচীন ভক্তগণ দেহরক্ষা করিতেছেন। এ অব্যূহ রত্ন উদ্ধারের চেষ্টা এই বেলা না করিলে পরে ক্ষোভের পরিসীমা থাকিবে না। কিন্তু কি উপায়ে আমরা উহা সংগ্রহ করিতে পারি তাহাই এখন ভাবিবার বিষয়!

তৎপরে আমাদের সম্প্রদায়ের মধ্যে কতস্থানে উৎসবাদি হইতেছে, কত মহানন্দজনক ঘটনা ঘটিতেছে, সেগুলির সংবাদ আমরা জানিতেও পারি না, এবং দিতেও পারি না।

বিশেষতঃ আমাদের পরমারাধ্য শ্রীশ্রীগুরুভ্রাতা শ্রীল রামদাস বাবাজী দাদা মহাশয় শ্রীগুরু-শক্তিতে বলীয়ান হইয়া এই যে কাঙাল বেশে নীরবে সারা ভারতময় শ্রীগৌর-প্রেমার্ণবে আপামরকে ভাসাইতেছেন,— দিন দিন সর্ব সাধারণের হৃদয় রাজ্য অধিকার করিতেছেন,— তাঁহার এই প্রচার কাহিনী মাত্র কয়েকজন ভক্ত ব্যতীত আর তো সকলেরই নিকট অজ্ঞাত রহিয়া যাইতেছে। কিছুদিন পূর্বে মথুরা নগরে তাঁহার দ্বারা শ্রীগুরুদেব যাহা করাইয়াছেন তাহা ভাবিলে আনন্দে আগ্রুত হইতে হয়।

এই সব সংবাদ প্রচারে বৈষ্ণব জগতের বিশেষ উপকার আছে বনিয়া মনে হয়। তৎপরে শ্রীল রামদাদার দর্শনার্থী, কৃপাপ্রার্থী কত ভক্ত যে নিত্যই তাঁহার সংবাদ জানিবার জন্য ব্যাকুল হন, কখন তিনি কোন স্থানে অবস্থান করিতেছেন জানিবার জন্য অনুসন্ধান করেন। সাধারণে কোথায় কবে তাঁহার শ্রীকীর্তন হইবে শ্রবণ করিবার জন্য উদ্গ্রীব থাকেন—কিন্তু এই সকল সংবাদ প্রচারের কোনই উপায় নাই। এই সকল বহু কারণে ব্যথিত হইয়া গিরিডি প্রবাসী শ্রীমান্ দ্বিজপদ বন্দ্যোপাধ্যায় নামক জনৈক শ্রীল রামদাদার অনুগত শিষ্য ঐ সকল অভাব দূরিকরণার্থে আমাদের নিজস্ব একখানি বৈষ্ণব মাসিক পত্রিকা প্রচার করিবার মানস করেন। এবং শ্রীল রামদাদার নিকট মনোভাব ব্যক্ত করিলে তিনি বলেন—ভক্তি পত্রিকাইতো আমাদের রহিয়াছে, আহা করিতে হয় তাঁহার সঙ্গে মিলিয়া মিশিয়াই করনা কেন? আবার

স্বতন্ত্র ভাবে নূতন পত্রিকা প্রকাশের বাসনা
কেন ?

ঐহার ঐ বাক্য শ্রবণে—“ভক্তি পত্রিকা” খানিকে আমাদের
‘শ্রীশ্রীরাধারমণগণের’ নিজস্ব পত্রিকা বলিয়া উপলব্ধি করিতে পারিয়াছি।
অধিকন্তু আজ ২৭ বৎসর ধরিয়া এই শ্রীপত্রিকাখানি নির্বিক্রমে বিস্তৃত
বৈষ্ণব ধর্ম প্রচারে রত থাকিয়া ভক্তগণের মনপ্রাণ আকৃষ্ট করিয়াছেন।
কোন দিনই ইহাতে পরনিন্দা, পরকুৎসা বা কৈতব জনিত প্রবন্ধাদি
প্রকাশিত হয় নাই। তাই ভারতের যেখানেই বাঙালী ভক্ত সেইখানেই
ভক্তির গতি বিধি। অধিকন্তু ভক্তি পত্রিকার ভূতপূর্ব সম্পাদক বা
প্রতিষ্ঠাতা নিত্যধাম গত পণ্ডিত প্রবর দীনবন্ধু কাব্যতীর্থ বেদান্তরত্ন
মহোদয় এবং বর্তমান সুযোগ্য সম্পাদক শ্রীযুক্ত দীনেশচন্দ্র ভট্টাচার্য্য
গীতরত্ন দাদা মহাশয়ও আমাদের পরাৎপর পরমাশ্রয়। **বর্তমান**
সম্পাদক মহাশয় শ্রীশ্রীরাধারমণগণের
সেবার্থে তাহার শ্রীপত্রিকা খানিকে সম্পূর্ণ
ভাবে নিয়োগ করিতে সানন্দে প্রস্তুত হইয়া
ছেন।

নব বর্ষ হইতে “ভক্তিতে” শ্রীশ্রীরাধারমণ দেবের পুণ্যকাহিনী, ঐহার
উপদেশামৃত, ঐহার রচিত গীতাবলি, ঐহার ভক্তগণের জীবনী, প্রভৃতি
এবং শ্রীল রামদাস বাবাজী মহাশয় কর্তৃক গীত সেই সুমধুর শ্রীকীর্তন,
ঐহার নাম শ্রেয় প্রচার কাহিনী, ঐহার ভ্রমণ তালিকা (কোথায়
কোন দিন ঐহার শ্রীকীর্তন হইবে) লুপ্ত বৈষ্ণব ভীর্ষের বিবরণ প্রভৃতি
এবং আমাদের পরমারাধ্য শ্রীল নবদ্বীপ দাদার জীবনী (৩য় ভাগ)
নিয়মিত ভাবে প্রকাশিত হইতে থাকিবে। এতৎভিন্ন আমাদের মধ্যে
কোন উৎসব সংবাদাদি, কি কোন ভক্তের তিরোধান সংবাদ প্রভৃতিও

মুদ্রিত হইবে। কাহারও কোন জিজ্ঞাস্য থাকিলে তাহাও পত্রস্থ করা হইবে। এই সকল বিষয় লইয়া ভক্তিদেবীকে সারা ভারতময় আমাদের পরমাশ্রয়গণের গৃহে গৃহে বিরাজ করাইবার জন্য বর্তমান সম্পাদক মহাশয় উত্তোাগ করিতেছেন।

পরিশেষে আমাদের পরমাশ্রয়গণের প্রতি প্রার্থনা, আপনারা প্রত্যেকেই এই শ্রীপত্রিকা খানিকে নিজস্ব জ্ঞানে এক এক খানি গ্রহণ করুন। এবং এই শুভ সংবাদ আপনার পরিচিত শ্রীগুরু ভ্রাতাগণের মধ্যে প্রচারকরতঃ তাঁহাদের প্রত্যেকেই গ্রাহক হইবার জন্য অনুরোধ করুন। পত্রিকার মূল্যও যৎসামান্য, বার্ষিক ১১০ দেড় টাকা মাত্র।

আপনাদের মধ্যে যাহারা শ্রীশ্রীগুরুদেবের লীলা কাহিনী অবগত আছেন, অত্র পত্রিকাতে প্রকাশ জন্য সত্বর প্রেরণ করুন। উৎসব সংবাদাদিও প্রেরণ করুন এবং আপনাদের পরিচিত যে যে স্থানে আমাদের শ্রীগুরু ভ্রাতাগণ বাস করিতেছেন তাহাদের প্রত্যেকের নাম, ধাম, ডাকঘর ও জেলা লিখিয়া অবিলম্বে শ্রীবৃক্ত দীনেশচন্দ্র ভট্টাচার্য্য গীতব্রহ্ম, মাসিলা “ভক্তিনিকেতন” পোঃ আনন্দুল-মোড়ী (হাওড়া) এই ঠিকানায় ভক্তি কার্যালয়ে প্রেরণ করুন।

এই ঠিকানা সংগ্রহের জন্য শ্রীশ্রীরাম দাদা এ অধর্মের প্রতি কৃপা আজ্ঞা প্রদান করিয়াছেন। শ্রীশ্রীগুরুভ্রাতাগণ সকলে আমাদের কার্যের সহায় হউন ইহাই আমার বিনীত নিবেদন।

ভক্ত-পদরজপ্রার্থী

শ্রীঅমূল্যধন রায় ভট্ট

বৈষ্ণব-সংবাদ ও মন্তব্য

শ্রীশ্রীনীলাচল ধামে রথযাত্রা উপলক্ষে প্রতিবারই পরম শ্রদ্ধেয় শ্রীযুক্ত রামদাস বাবাজী মহাশয় সদলে গমন করিয়া থাকেন। এবারেও বহু ভক্ত সঙ্গে বিগত ১লা আষাঢ় রওনা হইয়া যথাপূর্ব গুণ্ডিয়ার্জনাঙ্গীদি সমস্ত কার্য্য করিয়াছেন। সৌভাগ্যক্রমে এবার বাবাজী মহাশয়ের সঙ্গে যাইবার সুযোগ হইয়াছিল। কীর্ত্তনানন্দ উপভোগতো হইয়াছেই তন্মধ্যে অন্যান্য বার অপেক্ষা এবারে বিশেষ আনন্দ হইয়াছে বাবাজী মহাশয়ের কৃপাপ্রাপ্ত আমাদের পরম শ্রদ্ধেয় শ্রীমৎ গৌরঙ্গ দাস দাদার সঙ্গে ইষ্টগোষ্ঠী করিয়া। দাদা আমার শ্রীবৃন্দাবনে বসিয়া ভজন করিয়া এত কাল ধরিয়া যে অমূল্য রত্ন সংগ্রহ করিয়াছেন আজ তাহা অবিচারে গুরু-ভ্রাতাদের মধ্যে বিতরণ করিতেছেন।

দাদার আমার ধেমন প্রশান্ত মূর্ত্তি তেমনই দৈন্যে ভরা প্রাণ। প্রত্যেক বাক্যটাই যেন কোন্ গভীরতম সিদ্ধান্ত সমুদ্রোখিত। যে ভক্ত যে ভাবে বুঝিতে পারিবেন দাদা সেইভাবেই তাহাকে লীলাতত্ত্ব, ভজনতত্ত্ব, নামতত্ত্ব, রসতত্ত্ব প্রভৃতি উপদেশ করিতেছেন। শুনিলাম দাদা বাবাজী মহাশয়ের সঙ্গে কলিকাতায় কিছুদিন অবস্থান করিবেন। বাঁহারা দাদার সহিত মিলিত হইবার ইচ্ছা করেন তাঁহারা এ সুযোগ ছাড়িবেন না।

বিগত ছয় বৎসর যাবৎ শ্রীযুক্ত ঘোষণেন্দ্রদেব শ্রীশ্রীসোণার গৌরঙ্গ পত্রিকা প্রকাশ করিতেছেন। ৩ বৎসর যাবৎ শ্রীযুক্ত রাধাগোবিন্দ নাথ ঐম, এ, সাধনা নামক পত্রিকা বাহির করিয়াছেন। পূর্বের উভয়ে একত্রে

শ্রীসোণার গৌরঙ্গ পত্রিকা চালাইতেন। উভয় পত্রিকার প্রতিষ্ঠাতা ও নিয়ামক ছিলেন পরম পণ্ডিত ভক্তিশাস্ত্র ব্যাখ্যাতা প্রভুপাদ শ্রীযুক্ত প্রাণ গোপাল গোস্বামী সিদ্ধান্তরত্ন। কি কারণে উভয়ের মধ্যে মনোমালিন্য হওয়ায় রাধাগোবিন্দ বাবু সোণার গৌরঙ্গের সংশ্রব ত্যাগ করিয়া সাধনা প্রকাশ করিলেন। আমরা দুইজন উপযুক্ত লোকের হাতে দুই খানি বৈষ্ণব পত্রিকা পরিচালনের ভার দেখিয়া অনেক বিষয় আশা করিয়া ছিলাম। ভাবিয়াছিলাম কিতরে ভিতরে উহাদের যতই মনোমালিন্য থাকুক পত্রিকার মধ্যে সেভাব প্রকাশ না পাইয়া যাহাতে পত্রিকা দুইখানি আদর্শ বৈষ্ণব পত্রিকা হয় তাহারই চেষ্টা উভয়ে করিবেন। কিন্তু পত্রিকার প্রকাশ ভঙ্গী দেখিয়া আমাদের সে আশা দুর্ভাগ্য পরিণত হইয়াছে। কেন জানিনা উভয়েই উভয়ের দোষ দেখাইয়া পত্রিকায় বাদানুবাদ চালাইয়াছেন। পূর্বেও আমরা এবিষয় কিছু কিছু আলোচনা করিয়াছি এবারেও উভয় পত্রিকার সম্পাদক স্বয়ংকেই আমাদের বিনীত অনুরোধ জানাইতেছি যে, তাঁহারা তাঁহাদের এই বাদপ্রতিবাদের ভঙ্গিটা ত্যাগ করিয়া প্রভুর মঙ্গলময়ী লীলা কথাদির আলোচনা করিয়া সম্প্রদায়ের মঙ্গল করুন। আমরা ক্ষুদ্র, আমাদের উপদেশ দিবার কোন সামর্থ্য নাই, সে সম্পর্কও রাখি না, তবে তাঁহারাও যেমন পত্রিকা প্রকাশ করিতেছেন আমরাও আজ ২৭ বৎসর যাবৎ ক্ষুদ্র হইলেও একখানি ধর্ম পত্রিকা লইয়া নাড়াচাড়া করিতেছি। যে ভাবে উহারা কার্য করিতেছেন আমাদের মতে পত্রিকার প্রচার বহুল হইলেও সম্প্রদায়ের মঙ্গল উহাতে যে বেশী হইবে তাহা মনে হয় না বরং বিরোধ বৃদ্ধি পাইয়া অনিষ্ট হইবারই সম্ভাবনা। শ্রীগৌরসুন্দর পত্রিকায় সর্ববিধ মঙ্গল করুন ইহাও যেমন প্রার্থনা, সঙ্গে সঙ্গে পরস্পরের প্রতি পরস্পরের বিরোধ মিটাইরা দিন ইহাও প্রার্থনা।

কলিকাতা “শ্রীগোরাঙ্গ-মিলন-মন্দির” হইতে শ্রীগৌড়ীয় বৈষ্ণব-সম্মিলনীর মুখপত্ররূপে শ্রীগোরাঙ্গ সেবক পত্রিকা প্রকাশ হইতেছিল, কয়েক মাস যাবৎ আমরা আর পত্রিকা পাইতেছি না, সম্মিলনীর সভাপতি হইতে কক্ষচারী পর্য্যন্ত সকলেই শিক্ষিত এবং এক এক জন দিক্‌পাল্‌ সদৃশ। বিশেষতঃ সর্বোপরি আছেন দাতাকর্ণ সদৃশ আমাদের মাননীয় মহারাজ কাশিমবাজারাধিপতি শ্রীযুক্ত মনীন্দ্রচন্দ্র নন্দী মহোদয়। এমতাবস্থায় পত্রিকা খানি যে বন্ধ হইয়া যাইবে তাহা আমরা ভাবিতেও পারি না। আশা করি সম্মিলনীয় কর্তৃপক্ষ এবিষয়ে অমনোযোগী হইবেন না।

সুপ্রসিদ্ধ নাম প্রচারক প্রেমকণ্ঠ শ্রীযুক্ত রামদাস বাবাজী মহাশয় রথযাত্রা উপলক্ষে যে নীলাচলে গিয়াছিলেন বিগত শ্রাবণের শেষে কলিকাতা আসিয়াছেন এখনও আমরা তাঁহার কীর্তনের তালিকা প্রকাশ করিতে পারিলাম না। তবে শ্রীশ্রীকুলনযাত্রা উপলক্ষে তিনি সদলে হাওড়া কোঁড়ার বাগানে স্বর্গীয় দীনবন্ধু কাব্যতীর্থ বেদান্তরত্ন মহোদয়ের কৃতিপুত্র শ্রীমান্ অনাথ বন্ধু ভট্টাচার্য্যের আস্থানে উৎসবে যোগদান করিবেন ইহা জানিতে পারিয়াছি। তাহার পরে কোথায় কি হইবে আগামী বারে তাহার তালিকা প্রকাশ করিবার ইচ্ছা রহিল।

আমরা বৈষ্ণব সাহিত্যিক সুলেখক শ্রীযুক্ত অমূল্যধন রায়ভট্ট লিখিত বর্তমান সংখ্যায় “নিবেদন” নামক প্রবন্ধটির উপর সকলের দৃষ্টি আকর্ষণ করিতেছি।

ভক্তি পত্রিকার পাঠকগণের সুপরিচিত বহু বৈষ্ণব পত্রিকার সুলেখক সুপ্রসিদ্ধ বৈষ্ণব সাহিত্যিক পণ্ডিত শ্রীযুক্ত অমূল্যধন রায় ভট্ট মহোদয় বহুদিন যাবৎ ভক্তি-পত্রিকায় নিয়মিত ভাবে প্রবন্ধাদি দিয়া আসিতে

ছেন। কয়েক মাস যাবৎ তিনি বৈষ্ণব জগতের এক মহান কার্য সম্পাদনে ব্যস্ত থাকায় ভক্তির পাঠকগণকে নিয়মিত ভাবে কিছু দিতে পারেন নাই। তারপর আজ যে মর্মান্তিক সংবাদ তিনি পাঠাইয়াছেন তাহাতে শুধু আমরা নয় যিনি তাঁহার সহিত একবারও পরিচিত হইবার সুবিধা পাইয়াছেন তিনিই তাহাতে ব্যথিত হইবেন, সন্দেহ নাই। তিনি জানাইয়াছেন যে, বিগত ১৮ই জ্যৈষ্ঠ শুক্রবার তাঁহার একমাত্র পুত্র ইছাম ত্যাগ করিয়া নিত্যধামে গমন করিয়াছে। ভট্ট মহাশয়কে প্রবোধ দিবার ভাষা আমরা খুজিয়া পাই না, তবে এইমাত্র বলিতে পারি, তিনি যেভাবে সংসারে থাকিষাও নিঃশিষ্টভাবে বৈষ্ণব-জগতের কল্যাণ কামনায় জীবনপাত করিতেছেন, তাহাতে সমগ্র বৈষ্ণব-জগতের শুভাশীষপূর্ণ প্রীতিই তাঁহার শোক-সন্তপ্ত হৃদয়ে শান্তি বারি প্রদান করিবে। আর আমরাও ভক্তির পাঠক-পাঠিকাগণের পক্ষ হইতে পরমানন্দময় শ্রীমন্নমোহনপ্রভুর শ্রীচরণে প্রার্থনা জানাই তিনি ভট্টমহাশয়ের শোক-সন্তপ্ত হৃদয়ে শান্তি প্রদান করুন।

অমূল্য বাবুর এই হুঃসংবাদ শ্রবণে অনেকেই সহানুভূতি সূচক পত্রাদি পাঠাইতেছেন, সকলকে পৃথক ভাবে উত্তর দেওয়া এক্ষণে তাঁহার পক্ষে কষ্টকর সেই জন্ত তিনি এই ভক্তি পত্রিকা দ্বারে সকলের নিকট কৃতজ্ঞতা জানাইয়া কৃপা ভিক্ষা করিতেছেন সময়মত পত্রের উত্তর না পাইয়া যেন কেহ ক্ষুন্ন না হন এইটাই তাঁহার প্রার্থনা।

আমরাও শেষ বলিয়া রাখি, দাদা! সংসারের এ রীতি আপনার অজ্ঞাত নয়, তবে কেন আপনি বিচলিত হইতেছেন? জয় গৌর বলিয়া সব ভুলিয়া আপনার আরক্ কর্মে লাগিয়া যাউন, শান্তিময় আপনার প্রাণে অবশুই শান্তি বিধান করিবেন।

বৈষ্ণব-ব্রত-তালিকা

(১৩৩৫ বঙ্গাব্দ ৪৪৩-৪৪৪ চৈতন্যাব্দ)

বৈশাখ

একাদশী	৩রা সোমবার	ইং ১৬।৪।২৮
শ্রীশ্রীকৃষ্ণের চন্দন যাত্রা, অক্ষয় তৃতীয়া	৯ই রবিবার	ইং ২২।৪।২৮
জঙ্ঘু সপ্তমী	১৩ই বৃহস্পতিবার	ইং ২৬।৪।২৮
একাদশী	১৭ই সোমবার	ইং ৩০।৪।২৮
শ্রীশ্রীনৃসিংহ চতুর্দশী	২০এ বৃহস্পতিবার	ইং ৩।৫।২৮
শ্রীশ্রীকৃষ্ণের পুষ্পদোল যাত্রা	২১এ শুক্রবার	ইং ৪।৫।২৮

জ্যৈষ্ঠ

একাদশী	২রা বৃধবার	ইং ১৬।৫।২৮
একাদশী	১৬ই বৃধবার	ইং ৩০।৫।২৮
শ্রীশ্রীজগন্নাথ দেবের স্নানযাত্রা	২০এ রবিবার	ইং ৩।৬।২৮
একাদশী	৩১এ বৃহস্পতিবার	ইং ১৪।৬।২৮

আষাঢ়

শ্রীশ্রীজগন্নাথ দেবের রথযাত্রা	৫ই মঙ্গলবার	ইং ১৯।৬।২৮
শ্রীশ্রীজগন্নাথ দেবের পুনর্যাত্রা	১৩ই বৃধবার	ইং ২৭।৬।২৮
একাদশী	১৪ই বৃহস্পতিবার	ইং ২৮।৬।২৮
রাত্রির প্রথম পাদে শ্রী শ্রীহরির শয়ন ও চাতুর্দশ ব্রতরন্ত	} ১৫ই শুক্রবার	ইং ২৯।৬।২৮
একাদশী		

শ্রাবণ

একাদশী	১২ই শনিবার	ইং ২৮।৭।২৮
একাদশী	২৭এ রবিবার	ইং ১২।৮।২৮

(শ্রীধাম বৃন্দাবনে দশমী বিদ্বা না হওয়ায় পূর্বে দিনই একাদশী)

ভাদ্র

শ্রীশ্রীকৃষ্ণের ঝুলন যাত্রারম্ভ	১০ই রবিবার	ইং ২৬।৮।২৮
একাদশী	১১ই সোমবার	ইং ২৭।৮।২৮
শ্রীশ্রীকৃষ্ণের পবিত্রারোপণ দিবা ৮।৩১ মিনিট মধ্যে	১২ই মঙ্গলবার	ইং ২৮।৮।২৮
শ্রীশ্রীকৃষ্ণের ঝুলন যাত্রা সমাপন	১৪ই বৃহস্পতিবার	ইং ৩০।৮।২৮

(শ্রীধাম বৃন্দাবনে পরদিন ১৫ই ঝুলন যাত্রা সমাপন হইবে)

শ্রীশ্রীবলদেবের জন্মযাত্রা, রক্ষা বন্ধন	১৫ই শুক্রবার	ইং ৩১।৮।২৮
শ্রীশ্রীকৃষ্ণের জন্মাষ্টমী ব্রত	২২এ শুক্রবার	ইং ৭।৯।২৮
একাদশী	২৫এ সোমবার	ইং ১০।৯।২৮

আশ্বিন

শ্রীশ্রীরাধাষ্টমী ব্রত	৬ই শনিবার	ইং ২২।৯।২৮
একাদশী ও একাদশী অস্তে শ্রীহরির		
পার্শ্ব পরিবর্তন	২ই মঙ্গলবার	ইং ২৫।৯।২৮
মধ্যাহ্নে শ্রীশ্রীবামন দেবের অর্চনাস্তে		
পার্বণ	১০ই বুধবার	ইং ২৬।৯।২৮
একাদশী	২৩এ মঙ্গলবার	ইং ৯।১০।২৮

কার্তিক

শ্রীশ্রীরামচন্দ্রের বিজয়োৎসব	৭ই বুধবার	ইং ২৪।১০।২৮
একাদশী	৮ই বৃহস্পতিবার	ইং ২৫।১০।২৮

শ্রীশ্রীকৃষ্ণের শরৎ রাসযাত্রা	১১ই রবিবার	ইং ২৮।১০।২৮
একাদশী	২২এ বৃহস্পতিবার	ইং ৮।১১।২৮
শ্রীশ্রীগোবর্দ্ধন যাত্রা, অন্নকুট	২৭এ মঙ্গলবার	ইং ১৩।১১।২৮

(শ্রীধাম বৃন্দাবনে দ্বিতীয়ার চন্দ্রোদয় সম্ভাবনায় পূর্ণদিন সোমবার হইবে।

অগ্রহায়ণ

গোপাষ্টমী	৪ঠা মঙ্গলবার	ইং ২০।১১।২৮
একাদশী	৭ই শুক্রবার	ইং ২৩।১১।২৮
মধ্যাহ্নে শ্রীশ্রীহরির উত্থান ও	} ৮ই শনিবার	ইং ২৪।১১।২৮
চাতুর্দশী ব্রত সমাপন		
শ্রীশ্রীকৃষ্ণের রাসযাত্রা	১০ই সোমবার	ইং ২৬।১১।২৮
একাদশী	২১এ শুক্রবার	ইং ৭।১২।২৮

পৌষ

একাদশী	৮ই রবিবার	ইং ২৩।১২।২৮
একাদশী	২২এ রবিবার	ইং ৬।১।২৯

মাঘ

একাদশী	৮ই সোমবার	ইং ২১।১।২৯
শ্রীশ্রীকৃষ্ণের পুষ্যাভিষেক যাত্রা	১২ই শুক্রবার	ইং ২৫।১।২৯
একাদশী	২৩এ মঙ্গলবার	ইং ৫।২।২৯

ফাল্গুন

বসন্ত পঞ্চমী শ্রীশ্রীকৃষ্ণার্চন	২রা বৃহস্পতিবার	ইং ১৪।২।২৯
মকরী সপ্তমী, শ্রীশ্রীঅধৈত	} ৪ঠা শনিবার	ইং ১৬।২।২৯
শ্রীভূর আবির্ভাব উৎসব		
একাদশী	৮ই বৃহস্পতিবার	ইং ২০।২।২৯

শ্রীশ্রীনিত্যানন্দ প্রভুর আবির্ভাব	৯ই বৃহস্পতিবার	ইং ২১২।২৯
একাদশী	২৩এ বৃহস্পতিবার	ইং ৭।৩।১৯
শ্রীশ্রীশিবরাত্রি ব্রত	২৬এ রবিবার	ইং ১০।৩।২৯

চৈত্র

একাদশী	৭ই বৃহস্পতিবার	ইং ২১।৩।২৯
শ্রীশ্রীকৃষ্ণের দোল যাত্রা	} ১১ই সোমবার	ইং ২৫।৩।২৯
শ্রীশ্রীমহাপ্রভুর আবির্ভাবউৎসব		
৪৪৪ চৈতন্যক আরম্ভ		
একাদশী	২২এ শুক্রবার	ইং ৫।৪।২৯

বিশেষ দ্রষ্টব্য :—বিস্ময়ে দীক্ষিতা যতীধর্ম পরায়ণা (বিধবা)
দ্বিজপত্নীগণেরও এই নিয়মে উপবাস হইবে। কিছু জিজ্ঞাস্তা থাকিলে
১৬১ নং হারিসন রোড, কলিকাতা প্রভুপাদ শ্রীযুক্ত সত্যানন্দ গোস্বামী
সিদ্ধান্তরত্ন মহোদয়কে পত্র লিখিতে হইবে।

—•—

গৃহস্থের প্রয়োজনীয় কথা

ছুরির ফলার উপর কিম্বা কাঁচি বা খুরের উপর অনেক সময় দাগ ধরিতে দেখা যায়, একটা কাঁচা আলু তাহার উপর কিছুক্ষণ ঘর্ষণ করিলে দাগ উঠিয়া যায়।

—•—

টেবিলের উপর সাদা চাদর বিছাইয়া অনেক বাবুরা চা খাইয়া থাকেন কাজেই অনেক সময় ঐ চাদরে চাদরের দাগ ধরে। সত্ত্ব সত্ত্ব ঐ দাগের উপর খানিকটা লবণ চাপাদিয়া রাখিয়া কিছু সময় পরে গরম জলে ধুইয়া ফেলিলে দাগ উঠিয়া যায়।

শ্রী শ্রীরাধারমণো জয়তি

“ভক্তিৰ্ভগবতঃ সেবা ভক্তিঃ প্রেম-স্বরূপিণী
ভক্তিরানন্দরূপা চ ভক্তিৰ্ভক্তস্য জীবনম্ ॥”

২৭শ বর্ষ } ২য় সংখ্যা }	ভক্তি ধর্ম-সম্বন্ধীয় মাসিক পত্রিকা ।	{ আশ্বিন ১৩৩৮
----------------------------	---	------------------

কোথা যাব ?

(শ্রীযুক্ত নৃসিংহদেব বন্দ্যোপাধ্যায় লিখিত)

অকূল অগাধ এই ভবের সাগরে,—

ভাসা'য়ে জীবন-ভেলা ভাসিয়াছি স্রোতে ;

যেতে হবে কোথা, তাহা না ভাবি অন্তরে,

তরঙ্গে তরঙ্গে উঠি ডুবি নানা মতে ।

যতদূর আসিয়াছি অগসর হ'য়ে,

পশ্চাতে এসেছি ফেলে শুধু বিফলতা ;

কতই বেদনা ফুটে উঠেছে হৃদয়ে,

আছে মোর প্রাণভরা হৃথের বারতা ।

আবার এখন হায় সে সব ভুলিয়া,
 মাতিয়া উঠেছি আমি নবোৎসাহে যেন !
 ল'য়েছি কর্তব্য ভার মস্তকে তুলিয়া,
 কোন আশে কোথা যেতে ভাসিয়াছি হেন ?
 কুটিল আবর্ত মাঝে পড়ে' প্রাণ যায়,
 সংসার সমুদ্র পারে যেতে চায় প্রাণ ;
 সে বাসনা পূর্ণ মোর হবে না কি হায়,—
 যেথা যেতে চাই সে যে বড় রম্যস্থান !
 স্বার্থ-বিষে কলুষিত এ ভব-সাগর,
 তাহে উঠে বিসংবাদ-ঝটিকা তুমুল ;
 বিদ্বেষ-বাড়বানল জলে নিরস্তর,
 মোহের কুয়াসা এসে করে পথ ভুল !
 এ হেন সংসার-শ্রোতে ভাসিয়াছি হায় !
 কেমনে বাসনা মোর হবে বা পূরণ ?
 তুমি না করিলে কৃপা, নাহি ত উপায় ;
 দয়া কর দীনহীনে হে দীনশরণ !

* * * * *

হে প্রভো ! তোমারে চাহি;—তোমারে কি পাব ?
 ভেসেছি সংসার-শ্রোতে;—বল কোথা যাব ?

জ্ঞানাভিমান শূন্যতা *

(শ্রীযুক্ত শিবকৃষ্ণ রায় বি এ লিখিত)

মানুষ নানাপ্রকার জ্ঞান লাভ করিতে চায়, কিন্তু যদি ভগবানে শ্রদ্ধা না থাকে, তবে বহুবিষয় জানিয়া শুনিয়া ফল কি ?

যদি কোন মূর্থ কৃষকও ভগবানে শ্রদ্ধা ভক্তি সম্পন্ন হয়, তবে সে ভগবৎ ভক্তি-বর্জিত, গর্কিত দার্শনিক পণ্ডিত অপেক্ষা নিশ্চই শ্রেষ্ঠ ।

যে নিজের ভিতরে কত গলদ আছে তাহা ভাল করিয়া বুঝিয়াছে, সে আপনাকে দীন হীন না ভাবিয়া থাকিতে পারে না, এবং অশ্রে তাহাকে যতই প্রশংসা করুক না কেন, তাহাতে তাহার গর্ক আসে না ।

যদি আমি জগতের সমস্ত বিষয় জানিয়াও দয়া-ধর্মপরায়ণ না হই, তবে তাহাতে ভগবানের কি ? কারণ তিনি আমার বিজ্ঞা বুদ্ধি দেখিবেন না, কিন্তু আমি কাজে কি করিয়াছি তাহাই তিনি দেখিবেন ।

নানারূপ জ্ঞান লাভের প্রবল তৃষ্ণাকে শাস্ত কর, কারণ উহাতে মনের বিষম চাঞ্চল্য ও বুদ্ধিব্রম ঘটয়া থাকে ।

বিদ্বান ব্যক্তির প্রায়ই তাঁহাদের পাণ্ডিত্য প্রকাশ করিবার জন্ত লাল্যমিত হইয়া থাকেন, এবং লোকে যাহাতে তাঁহাদিগকে বিদ্বান ও বুদ্ধিমান বলে তজ্জন্ত নানাবিধ চেষ্টা করেন ।

জগতে এমন বিষয় অনেক আছে যাহা জানিলে কিছুমাত্র আশ্চর্য্যভি

* "Imitation of Christ" এর ২য় অধ্যায় হইতে এইটা অনূদিত হইল, তবে ইহা অক্ষরে অক্ষরে অনুবাদ নহে । (লেখক)

হয় না ; যাহারা ঐ সব বিষয় লইয়া বৃথা সময় নষ্ট করে, তাহারা নিশ্চয়ই পণ্ড্রম করে সন্দেহ নাই।

তুমি যতই নানা বিষয় দেখিবে শুনিবে ততই তোমার বিচারশক্তি নানা মত 'ভারাক্রান্ত ও দোহুলামান হইবে। তবে যদি আধ্যাত্মিক জ্ঞান-লাভ করিতে পার তাহা হইলে তোমার জীবন পবিত্র ও বুদ্ধি স্থির হইবে।

অতএব পাণ্ডিত্য ও সূক্ষ্ম বুদ্ধির দ্বারায় জগতের প্রতিষ্ঠা লাভ করিবার জন্ত সচেষ্ট না হইয়া যেটুকু জ্ঞান লাভ করিয়াছ তাহাতেই যেন অহঙ্কৃত না হও এজন্ত সর্বদা সাবধানে থাকিও।

যদি তুমি বিজ্ঞা-গর্বে গর্কিত হইয়া মনে কর যে, তুমি অনেক রকম বিষয় জ্ঞান বা বুঝ, তাহা হইলে স্মরণ রাখিও যে, তুমি যতগুলি বিষয় জ্ঞান জগতে তাহা অপেক্ষা শত শত গুণে অধিক এমন অনেক বিষয় আছে যাহার সন্ধান পর্যাস্ত তুমি কিছুই জান না। অতএব বিজ্ঞার অভিমান করিও না বরং তোমার অজ্ঞানতা যে কত তাহাই সর্বদা স্মরণ রাখিও। জগতে কত শত বিদ্বান ও ধাত্মিক ব্যক্তি আছেন তাহা জানা সত্ত্বেও তুমি তোমার বিজ্ঞা জাহির করিবার জন্ত এত চেষ্টা করিতেছ কেন ?

যদি তুমি কোন বিষয় জানিয়া বা বুঝিয়া থাক তবে তাহা প্রকাশ করিবার জন্ত ব্যস্ত না হইয়া বরং নীরবে থাকিতে চেষ্টা করিও। (তবে মহদাদেশে লোকহিতার্থে তাহা প্রকাশ করিতে পার।) নিজেকে দীন হীন বলিয়া জানা এবং অপরের দোষ দর্শন না করিয়া গুণ দর্শন করাই জ্ঞানের লক্ষণ।

যদি তুমি অন্তকে পাপাচরণ করিতে প্রত্যক্ষ দেখ, তথাপি আপনাকে তদপেক্ষা উচ্চ বলিয়া মনে করিও না। কারণ, আমাদের সকলেরই যে-কোন সময়ে অধঃপতন হইতে পারে, আর তুমি নিজের সম্বন্ধে এইরূপ

ভাবিও যে, “আমি সকলের অপেক্ষা দুর্বল, আর কাহারও পতন হটুক আর না হটুক আমার পতন যেকোন মুহূর্ত্তেই হইতে পারে। অতএব হে করুণাময়। পরমেশ্বর! আমাকে রক্ষা করিও।” এইরূপ ভাবিলে পাপীর প্রতি ঘৃণা আসে না এবং আত্মাভিমান অন্তরে দাঁড়াইতে পারে না।

ধর্ম-পত্রিকার উদ্দেশ্য

(শ্রী শীসোনারগোরাঙ্গ-সম্পাদক শ্রীযুক্ত যোগেন্দ্রচন্দ্রদেব লিখিত)

সমাজে ধর্ম, নীতি, সত্য এবং ভগবদ্ভক্তি প্রচার করাই ধর্ম-পত্রিকার কর্তব্য। ইহার মধ্যে সর্বশ্রেষ্ঠ কথা সত্য। সত্যই ধর্ম, নীতি এবং ভক্তির মূল। যেখানে সত্য নাই, সেখানে কখনই ধর্ম, নীতি এবং ভক্তি থাকিতে পারে না।

প্রত্যেক জীবের আচরিত কন্ডই জগতের বুকে একটা দাগ রাখিয়া যায়। আমাদের বাক্যগুলি বাতাসে মিলাইয়া যায় না, বাতাসের সঙ্গে মিশিয়া উহা ভবিষ্যৎ জগতের মঙ্গল কিম্বা অমঙ্গল বিধান করে। সত্যের গুণ চিরকাল আছে। মিথ্যার অপকারিতাও ঘাইবার নহে।

ধর্মপত্র মহারাজ যুধিষ্ঠিরের সত্যপ্রিয়তা আজও সকলের প্রাণে আনন্দ বিধান করে। শকুনির মিথ্যা কথা, ছল চাতুরী এবং কপটতা এখনও লোকের প্রাণে ঘৃণা উৎপাদন করিয়া থাকে। দুষ্ট ব্যক্তির বার্তা মনে জাগিলেও প্রাণ কলুষিত হয়। কুলোকে দর্শনে প্রাণে মন্দ ভাব আসেই আসে। সৎলোকের চরিত্র প্রাণে জাগিলে প্রাণ

পুলকিত না হইয়া পারে না। তাঁহার দর্শনে চির কলুষিত হৃদয়ও মুহূর্ত্তের মধ্যে বিশুদ্ধ হইয়া থাকে।

বৈষ্ণব-পত্রিকার মধ্যে আমরা যদি ধর্ম, জ্ঞান, নীতি এবং ভক্তি-প্রভৃতির কথা পাঠ করি, তবেই হৃদয় পবিত্র হয়, প্রাণ আমোদিত হইয়া থাকে। আর যদি ইহার বিপরীত কথা পাঠ করা যায়, তবে হৃদয় মলিন না হইয়া পারে না। আমার এক বিশেষ বন্ধু ভাগবতোত্তম শ্রীযুক্ত সুরেন্দ্র কিশোর কর, উকীল মহাশয় এক পত্রে লিখিয়াছেন—“তোমরা দুষ্কের কলসে মত্ত বিক্রয় করিতে বসিয়াছ।” বাস্তবিকই কথাটা সত্য। হৃদয়ে হিংসা, বিদ্বেষ ও প্রতারণা রাখিয়া আমরা যদি লেখনী ধারণ করি, তাহাতে সমাজের মঙ্গল না হইয়া অমঙ্গলই হইবে। যদি পরের মিথ্যা কুৎসা কীর্তন ধর্ম-পত্রিকার জীবনের ব্রত হয়, তবে তদপেক্ষা দুঃখের কারণ আর কি হইতে পারে? “থাকিলে পরের দোষ যতনে ঢাকিব” শাস্ত্রে এই উক্তি থাকিলেও আমরা এই কথার বিপরীত আচরণই করিতেছি। ভক্তি-শাস্ত্র বলেন,—

“বৈষ্ণবের গুণগ্রাহী না দেখয়ে দোষ।

কায়মনোবাক্যে করে বৈষ্ণব সন্তোষ ॥”

আমরা বৈষ্ণবচরণের গুণ বর্ণনা ভুলিয়া গিয়া ব্যক্তিগত ভাবে বৈষ্ণবের দোষ কীর্তন করি। ইহাতে আমরা যেমন নিজের নরকের পথ প্রশস্ত করিয়া থাকি, অস্তুরও তেমনই সর্বনাশ হয়।

অসংকোচে মিথ্যা কথা বলিয়া আমরা সমাজের নিকট যেমন হেয় ও ঘৃণিত হই, সমাজকেও তেমনি এই সমস্ত ঘৃণিত পথে আকর্ষণ করিয়া থাকি।

অনেক ক্ষেত্রে মিথ্যা কথা ধরা পড়িলেও আমরা লজ্জিত হই না।

আমাদিগের চিরিত্র যে কত অবনত হইয়াছে, এই সমস্ত বিষয় হইতেই তাহা বুঝা যায়।

সর্বাপেক্ষা মন্দ কথা, আমরা একে অন্তের ক্ষতি করিবার চেষ্টা করি। ইহা বড়ই ঘৃণার কথা।

বৈষ্ণবগণ আশীর্বাদ করুন, এই সমস্ত দোষ হইতে মুক্ত হইয়া আমরা যেন বৈষ্ণব-পত্রিকা পরিচালনা করিতে পারি। স্বভাব দোষে কত বৈষ্ণবের প্রাণে যে আঘাত দিয়াছি, সীমা নাই। পরম কুপালু পতিতপাবন বৈষ্ণবগণ নিজগুণে এই অজ্ঞকে ক্ষমা করিবেন, প্রার্থনা। *

হিমালয় গমন বা কেদার বদরী ভ্রমণ কাহিনী

(শ্রীযুক্ত অমূল্যধন রায় ভট্ট লিখিত)

উদ্যোগ-পর্ক

দেব, ঋষি, মুনিগণের তপঃক্ষেত্র, যক্ষ, রক্ষ, গন্ধর্বাদির আবাসভূমি; ভগবান নর-নারায়ণ ও দেবাদিদেব শঙ্করের পার্কর্তী-সহ বিহার-স্থান, সুর-নর-পূজা চিরতুষারময় এই হিমালয় প্রদেশ উত্তরাখণ্ড নামে বহুকাল হইতে

* গত ভাদ্রমাসের ভক্ত পত্রিকায় শ্রীশ্রীসোণারগৌরাজ ও সাধনা পত্রিকার সম্পাদকদ্বয়ের মনোমালিন্য পত্রিকাধারে জনসমাজে প্রচার হইতেছে দেখিয়া আমরা খুব দুঃখিত হইয়া বাধ্য হইয়াই দুই একটা কথা লিখিয়াছিলাম, সোণার গৌরাজ পত্রিকার সম্পাদক মহাশয় পূর্বেই এই লেখাটা আমাদিগকে পাঠাইয়াছেন। লেখার ভঙ্গীতে সম্পাদক মহাশয়ও যে, বাদ প্রতিবাদাদিতে দুঃখিত তাহা বেশ বুঝা গেল। আশাকরি আমরা অতঃপর ইহাঁদের পত্রিকায় আর ঐ সকল দেখিতে পাইব না। (শু: স:)

প্রসিদ্ধি লাভ করিয়া আসিতেছে। ভারতের বাহা কিছু জ্ঞান-গরিমা তাহা এই উত্তরাখণ্ড হইতেই একদিন প্রচারিত হইয়াছিল; এ স্থানের প্রতি পর্বত, নদ, নদী, বন, উপবন আজিও সেই প্রাচীনতম ঋষিগণের নামের সহিত শ্রুতি-বিজড়িত হইয়া অতীতের গৌরব কাহিনী ঘোষণা করিতেছে। এ অঞ্চলে এমন কোন স্থান নাই যেখানে কোন না কোন ঋষির আশ্রম ছিল না। এই জন্মই ভারতের সর্ব সম্প্রদায়ের হিন্দুর নিকট এই উত্তরাখণ্ড পরমতীর্থরূপে পূজিত হইয়া আসিতেছে। ইহার মধ্যে বদরিকাশ্রম নর-নারায়ণরূপী ভগবানের তপঃক্ষেত্র। এজন্ম হিন্দুর চারি ধামের মধ্যে এটি সর্বশ্রেষ্ঠ ধামরূপে গণ্য হইয়াছে। শাস্ত্র বলেন “কলিকালে ভারতের সমুদায় তীর্থ ও দেবদেবী এই উত্তরাখণ্ডেই অবস্থান করিবে।” হিন্দিতে চলিত কথায় আছে হিমালয়ের “যেৎনে কঙ্কর,—তেৎনে শঙ্কর।” ইহাই স্বর্গের দ্বার। যুধিষ্ঠিরাদি পঞ্চপাণ্ডব এইপথেই স্বর্গে বা মহাপ্রস্থানে গমন করিয়াছিলেন। আমাদের প্রেমাবতার শ্রীশ্রীনিত্যানন্দ প্রভু, শ্রীশ্রীঅদ্বৈত প্রভু, শ্রীশ্রীশ্যামানন্দ প্রভু প্রভৃতি অনেকেই যে এইস্থানে আগমন হইয়াছিল—বৈষ্ণবগ্রন্থ হইতে তাহা জানিতে পারা যায়। অধিকন্তু ধামসত্রে দেখা যায়, বদরিকাশ্রম মাধব সম্প্রদায়েরই শ্রীধাম। *

উত্তরাখণ্ড কেবল তীর্থ হিসাবে নয়—প্রাকৃতিক সৌন্দর্য্যও অতুলনীয়। হিন্দু ভিন্ন পাশ্চাত্য দেশেরও কত পর্যটক প্রতি বৎসর এই সব স্থানের সৌন্দর্য্য দর্শন করিয়া আনন্দ সাগরে মগ্ন হইতে আগমন করেন।

এই ভূ-স্বর্গ দর্শন জন্ম বাল্যকাল হইতে প্রাণে বাসনা হইয়াছিল। হিমালয় ভ্রমণ সঙ্কল্পে বাংলা ভাষায় যত বই, যত প্রবন্ধ বাহির হইয়াছিল,

* এই প্রবন্ধটির কিয়দংশ শ্রীগোরাঙ্গসেবকে মুদ্রিত হইয়াছিল, পাঠকগণের পাঠের সুবিধার জন্ম আমরা সে অংশও পুনরায় মুদ্রিত করিলাম। প্রবন্ধটা খুব দীর্ঘ প্রতিমাসেই কিছু কিছু প্রকাশ হইবে।

(ভ: স:)

মনে হয়, তাহার অধিকাংশই পাঠ করিয়াছি । তিনবার যাইবার জন্ত চেষ্টা করিয়া শেষবারে মহাপ্রভুর কৃপায় এ অধমের দর্শন-সৌভাগ্য লাভ হয় ।

পূর্বে বদরী-নারায়ণ গমন করা বড়ই কঠিন ছিল । হরিষ্যারের কিছু দূরেই “লছমন-ঝোলা” পার হইতেই যাত্রীদের প্রাণ হারাইতে হইত । তখন সারা পথে বিপদসঙ্কুল দাড়ির ঝোলা এবং পথ ঘাট অতীব ভয়াবহ ছিল । কাজেই যাত্রীগণকে উইল করিয়া বাড়ী হইতে বাহির হইতে হইত । সাধু সন্ন্যাসী ভিন্ন গৃহ-যাত্রী পূর্বে খুবই কম হইত । এখন কিন্তু মেরুপ আর নাই । এখন ২৫,৩০টা পুলের সবগুলিই লৌহ বা কাঠের হইয়াছে, পথঘাট স্থানে স্থানে ভয়াবহ থাকিলেও মোটের উপর মন্দ নয় । অধিকন্তু যাত্রীগণের সুবিধা অসুবিধার জন্ত গবর্ণমেন্টেরও বিশেষ লক্ষ্য আছে । এই সব কারণে বর্তমানে গৃহ-যাত্রীর সংখ্যা প্রতি বৎসরই বৃদ্ধি হইতেছে । আনন্দের বিষয় বাঙ্গালী যাত্রীর সংখ্যাও প্রতি বৎসরই বাড়িতেছে ।

১৩২২ সালে আমরা যাত্রার জন্ত সব ঠিকঠাক করিয়া মোট ঘাট বাঁধি এমন সময়ে জর্নৈক বন্ধ একখানি “দৈনিক বসুমতী” আনিয়া হাতে দিতে, তাহা পড়িয়া দেখি—

“লক্ষ্মীর ২৫ তারিখের সংবাদে প্রকাশ, স্থানীয় গভর্ণমেন্ট যেসব হিন্দু তীর্থযাত্রী বদরীনাথ যাইবার ইচ্ছা করিতেছেন তাহাদিগকে সতর্ক করিয়া দিয়াছেন যে, গত মার্চ মাসে বৃষ্টি না হওয়ার দরুণ গাড়োয়াল রাজ্যে আহার্যের অনটন অত্যন্ত বাড়িয়াছে । সুতরাং তীর্থকামিগণ যেন এ বৎসর সেখানে না গিয়া অপর কোন সুবিধাজনক বৎসরে যাইবার ইচ্ছা করেন । যাঁহারা এই সতর্কতা অগ্রাহ্য করিবেন তাঁহাদিগকে অনশনে থাকিতে হইবে । এমন কি লছমন ঝোলায় যাত্রীগণের পথ রুদ্ধ করাও প্রয়োজন হইতে পারে ।”

পত্রিকাখানি পাঠ করিয়া বাধ্য হইয়াই যাত্রার সকল ত্যাগ করিতে

হইল। আবার যদি এক বৎসর বাঁচি ও যাত্রার সুবিধা থাকে, তবে যাইতে পারিব; কিন্তু সে অনেক দূরের কথা—এই ভাবিঘা মনকে প্রবোধ দিয়া মোট্‌ ঘাট্‌ খুলিয়া রাখিলাম। পরে শুনিঘাছি, অনেক যাত্রী, যাহারা ঐ সংবাদ না জানিয়া, বদরী যাইবার জন্য বাহির হইয়াছিলেন—তাঁহাদের লছমন-ঝোলা হইতে গভর্ণমেন্টের কন্সচারীরা ফিরাইয়া দিয়াছিলেন—আর যাহারা কল-কৌশল করিয়া অগ্রসর হইয়াছিলেন, তাঁহাদের কষ্টের অবধি ছিল না। প্রচুর পরসাদ দিয়াও খাণ্ড-দ্রব্য সংগ্রহ করিতে পারিতেন না। যাহা হটুক দেখিতে দেখিতে একবৎসর কাটিয়া গিয়া—আবার বৈশাখ মাস আসিলে আমাদেরও যাত্রা করিবার জন্য প্রবল বাসনা জাগিয়া উঠিতে লাগিল। কিন্তু এবার গবর্ণমেন্টের কোনরূপ নিষেধ আস্তা আছে কি না, জানিবার জন্য পূর্ক হইতেই সাবধান হইয়া একখানি পত্র “কনখল রামকৃষ্ণ সেবাস্রমে” লিখিয়া পাঠাইলাম। কয়েক দিন পরে সেবাস্রমের জনৈক ব্রহ্মচারীর উত্তরে জানিতে পারিলাম—“এবারে যাত্রীদের যাইবার কোন বাধা নাই।” কিন্তু বদরী নারায়ণজীর মন্দিরের দরজা কবে যে খোলা হইবে, তাহার সংবাদ ঠিক দিতে পারিলেন না।

প্রতি বৎসর কাঙ্কিত মাসে ৬কালীপূজার পরে বদরীনাথের মন্দিরের দরজা বন্ধ হয় এবং ৬ মাস পরে বৈশাখ মাসে চন্দন যাত্রার বা ফুল-দোলের দিনই মন্দিরের দরজা খুলিবার প্রথা; কিন্তু যে বৎসর বরফ খুব বেশী পড়ে, সে বৎসরে ঐ নিয়মের ব্যতিক্রম হইয়া থাকে।

সর্বপ্রথম যে দিন দরজা খোলা হইবে, সেই দিনে ভগবানকে দর্শন করিবার জন্ত বহু যাত্রী জমায়েৎ হয়। সকলেই ঐ বৈশাখী পুর্ণিমাতে লক্ষ্য করিয়া উপস্থিত হন, কিন্তু যেবারে বরফ গলিয়া পথ ঘাট পরিষ্কার হয় না—দরজা খুলিতে দেবী পড়ে, সেবারে যাত্রীগণের কষ্টের অবধি থাকে না। তবে ঐরূপ পুণ্যকামিগণের মধ্যে পাজাব বা অন্তান্ত দেশীয়

বলিষ্ঠ ও কষ্টসহিষ্ণু যাত্রীই বেশী থাকেন, বাঙ্গালী বড় একটা বেশী থাকে না।

কেদারনাথে বদরী অপেক্ষা খুব বেশী বরফ, এজন্য ওখানে শ্রীমন্দির খোলার ব্যতিক্রম প্রায়ই হইয়া থাকে। এবারে কেদারনাথের মন্দির খুলিবার বিলম্ব হইয়াছিল, আমাদের গ্রামের পার্শ্বে সুখচর গ্রাম হইতে অনেক যাত্রী, তাঁহারা আমাদের পূর্বে গমন করিয়াছিলেন, তাঁহারা ঐ মন্দির খোলা না হওয়ার জন্ত পথিমধ্যে পড়িয়াছিলেন ও তাঁহাদের অনেক অর্থ ব্যয় এবং কষ্ট স্বীকার করিতে হইয়াছিল।

যাহা হউক—আমাদের যাবার সব ঠিক হইয়া গেল,—আবশ্যক দ্রব্যাদি সংগ্রহ করিলাম,—ছুইখানি বদরী যাত্রীর পুস্তক এবং একখানি মানচিত্র সঙ্গে নিলাম।*

আমাদের গ্রামে এ পর্য্যন্ত কোন লোক বদরিকাশ্রমে গমন করে নাই, বলিতে গেলে আমরাই বর্তমানে বদরী নারায়ণের প্রথম যাত্রী। পানিহাটীর এক ক্রোশ উত্তরে প্রসিদ্ধ শ্রীপাট খড়দহ গ্রাম হইতে ২৩ বৎসর পূর্বে জটনক বন্ধু বদরীনারায়ণ দর্শন করিয়া আসিয়াছিলেন, তাঁহার অভিজ্ঞতা ও উপদেশ নিবার জন্ত খড়দহে গিয়া সমুদয় বিবরণ অবগত হইয়া আসিলাম।

প্রথমে মনে করিয়াছিলাম, আমরা পরিব্রাজকের মত গমন করিব, তাহাতে আমাদের পাণ্ডা ধরিবার আবশ্যক কি? পাণ্ডা মহারাজদের ফাঁদে

* বদরীনাথ যাত্রীদের কি কি দ্রব্য সঙ্গে রাখিতে হইবে এবং বনে জঙ্গলে, পাহাড় পর্বতে ঘুরিতে ফিরিতে আপদ বিপদ হইতে পরিজ্ঞান লাভের উপায় সম্বন্ধে, আমরা ভ্রমণ করিয়া যতটুকু অভিজ্ঞতা লাভ করিয়াছি, সে সব কথা শেষে বিস্তারিত ভাবে লিখিব। তাহার দ্বারা হয়তো অনেক যাত্রীর উপকার হইতে পারিবে। (লেখক)

পড়িলেই খরচাস্ত হইতে হইবে। কিন্তু খড়দহের বন্ধুটা বুঝাইয়া দিলেন যে, গৃহীর পক্ষে ওসব তীর্থে পাণ্ডার আশ্রয় লওয়া বিশেষ আবশ্যক, নচেৎ পদে পদে অসুবিধায় পড়িতে হইবে। পাণ্ডা এবং কাণ্ডি বা মুটে করিতেই হইবে।

যাহা হউক, পাণ্ডা কোথায় পাব, কে হইবে ইত্যাদি ভাবিতেছি, এমন সময় দেখি হঠাৎ একদিন এক পাণ্ডা ঠাকুর স্ব-শরীরে আমাদের বাড়ীতে আসিয়া হাজির! কি করিয়া যে আমাদের বদরী-গমন সংবাদ ইনি জানিতে পারিয়াছেন, তাহা ভাবিয়াই আমি আশ্চর্যান্বিত হইলাম। পাণ্ডা ঠাকুর আসিয়াই কেদারনাথের প্রসাদ এবং বাংলা, হিন্দি ও ইংরাজিতে ছাপান কাগজ আমার হাতে দিলেন।

ঠাকুরটির সঙ্গে অনেকরূপ ধরিয়া যাত্রাপথের সুখ দুঃখ, আপদ বিপদ প্রভৃতির কথাবার্তা হইল; দেখিলাম বেশ লোক, তবে এ মূর্তি—এ ভাব ঠাঁর স্বস্থানে দেখিতে পাইব কিনা তাহারও সন্দেহ হইয়াছিল। ইনি কেদারনাথের পাণ্ডা; নাম দাতারাম মদনমোহন শর্মা, স্বর্গীয় পণ্ডিত কেশোরাম শুকুলের পুত্র। ঠিকানা ফাউলী গ্রাম, ডাকঘর গুপ্তকাশী জেলা গাড়োয়াল। কলিকাতায় ৬০নং অপারচিংপুর রোডে বাসা।

বদরীনাথের পাণ্ডারও ইনি এজেন্ট স্বরূপ। সেখানকারও ছাপান কাগজ ইনি দিলেন তাহাতে আমাদের ভাবী পাণ্ডা ঠাকুরের নাম দেখিলাম—উমাশঙ্কর চন্দ্রাপ্রসাদ “চূণারীর স্বজাধারী”। মোকাম ও ডাকঘর দেবপ্রয়াগ, জেলা গাড়োয়াল। ইনি ক্রোড়পতি লোক। এঁর সব-এজেন্ট আসিয়া যাত্রী সংগ্রহ করিয়া থাকে।

পাণ্ডাদের কঞ্চচারীরা হরিদ্বারে থাকে। তাঁহারা এক এক দলের সঙ্গে দুই জন করিয়া (কেদারনাথের একজন ও বদরীনাথের একজন) লোক দিয়া থাকেন। (এঁরা এদের ‘গোমস্তা’ বলে থাকেন) গোমস্তারা যাত্রীদের

বরাবর সঙ্গে সঙ্গে থাকিবে, যেখানে যাহা দার্শনীয় আছে তাহা দেখাইবে, বাজার হাট করিবে, এবং জল তুলিয়া দিবে। এইগুলি গোমস্তার অবশ্য কর্তব্য কর্ম। এর জন্ত যাত্রীদের গোমস্তাকে কিছু দেবার নিয়ম নাই, পাণ্ডা ঠাকুর গোমস্তাকে তার প্রাপ্য দিবেন। তবে পাণ্ডা মহারাজ যে নিজের বাস্য হইতে গোমস্তাকে বিদায় করিবেন না, সে কথাটা আর কাহাকেও বোধহয় বুঝাইতে হইবে না। আমাদেরই মাথা হইতে টেম্ব তুলিয়া নিবেন। কিন্তু এই গোমস্তারা বড়ই বিশ্বাসী ও অল্পগত। সারা পথ ভৃত্যের মত আঞ্জাবহ হইয়া যাত্রিগণের সঙ্গে সঙ্গে গমন করিয়া থাকে। যাত্রিগণের সুখ-স্বাস্থ্যের জন্ত সর্বদাই উদগ্রীব হইয়া থাকে। এই সব কারণে যাত্রীরা স্বতঃপ্রবৃত্ত হইয়া গোমস্তাদের বেশ ভাল করিয়াই বিদায় দান করে।

যাহা হউক কেদারনাথের পাণ্ডা ঠাকুরের সহিত আলাপ পরিচয় করিয়া তাঁহাকেই আমাদের পাণ্ডা ঠিক করা হইল। কিন্তু এই পাণ্ডাঠাকুরের যাত্রার বিলম্ব আছে; কারণ, তাঁহার আর আর যাত্রীরা বিলম্বে বাহির হইবেন। আমরা কিন্তু দেরী করিতে পারিব না, ১১ই আষাঢ় (মঙ্গলবার) পানিহাটীর দণ্ড মহোৎসবের পূর্বে আমাদের ফিরিয়া আসিতেই হইবে। এ জন্ত পাণ্ডাঠাকুর ভেবে চিন্তে তাঁর হরিদ্বারের ঠিকানা দিলেন, সেইখানে গেলেই তাঁর লোক আমাদের সব বন্দোবস্ত করিয়া দিবে। আর পাছে আমরা বে-হাত হইয়া পড়ি বা অপর পাণ্ডা আমাদের অধিকার করে, এজন্য তিনি একখানি ছাপান কাগজে আমার নাম স্বাক্ষর করিয়া নিলেন এবং বলিয়া দিলেন যে, “আপনার এই স্বাক্ষরযুক্ত কাগজ যিনি আপনাকে হরিদ্বারে দেখাইবেন, তাহাকেই আমার লোক বলিয়া বুঝিবেন।”

আমরা হরিদ্বারে প্রথমে যে পাণ্ডার বাড়ীতে উঠিব তাহারও ঠিকানা দিলেন। নাম পান্নালাল কুন্তকর্ণ, “এক কথাওয়াল” ব্রহ্মকুণ্ড, হরিদ্বার।

পাণ্ডাঠাকুর খুসী হইয়া গেলেন। আমরাও যাইবার জন্ত প্রস্তুত হইতে

লাগিলাম। আগে কথা হইয়াছিল আমরা ৩৪ জন বন্ধু মিলিয়া যাত্রা করিব; কিন্তু ক্রমে ক্রমে আমাদের গমন সংবাদ প্রচার হওয়ায় শেষে সর্বসমেত আমরা ২৬ জন যাত্রী হইলাম। এই ২৬জনের মধ্যে স্ত্রীলোক ছিলেন ১৫ জন। “পথে নারী বিবর্জিতা” এই নীতি পালন জন্ত আমরা বহু চেষ্টা করিয়াও মাতৃস্থানীয়া ধর্মপ্রাণা রমণীগণের উপরোধ অনুরোধ অবহেলা করিতে পারিলাম না। তিন স্থানের যাত্রী লইয়া আমাদের দল গঠিত হইল। প্রথম পানিহাটী ও নিকটবর্তী স্থানের লোক, এদের দলপতি হইলেন আমার এক বিশেষ বন্ধু শ্রীযুক্ত ষষ্ঠীচরণ দাস। দ্বিতীয় মেদিনীপুর জেলার শ্যামচক নামক স্থানের জমিদার শ্রীযুক্ত পরেশনাথ রায় মহাশয়, ইঁহার সঙ্গে ইঁহার গুরুদেব, মাতা, স্ত্রী ও বন্ধুবান্ধব সহযাত্রী হইলেন। তৃতীয়—লালগড়ের রাজা বাহাদুরের মাতৃদেবী। তিনি, এক রাজকুমার এবং ম্যানেজার ও ভৃত্য সহিত সাথী হইলেন। রাজমাতাঠাকুরাণী নিজের পরিচয় অতি গোপন রাখিতে আমাদিগকে অনুরোধ করিলেন। তাহার কারণ, পাণ্ডা মহাশয়েরা তাঁহার পরিচয় পাইলে গুড়ের গাছ পাইয়া বসিবেন। কিন্তু রাজমাতাঠাকুরাণী গোপনভাবে আমাদের সহিত গমন করিলেও প্রত্যেক তীর্থে, তিনি যেক্রম ব্যয়-ভূষণ বা দানখ্যান করিয়াছিলেন তাহা রাজবংশেরই উপযুক্ত। অতিরিক্ত খরচের জন্ত রাজা বাহাদুরকে টেলিগ্রাম করিয়া পুনরায় তাঁহাকে অর্থ আনাইতে হইয়াছিল।

কালীচরণ দাস আমার একটা বন্ধু। আমার এই দুর্গম পথে যাবার কথা শুনিয়া অবধি তাহার চক্ষু অশ্রুভারাক্রান্ত হইল, তাহার ধারণা দাদাকে হয়তো আর ফিরিয়া পাইব না। তাই একদিন ফটোগ্রাফার ডাকিয়া আমার ফটো তুলিয়া লইয়া ছিল। ক্রমে ক্রমে আমাদের যাত্রার দিন নিকটবর্তী হইতে লাগিল।

ক্রমশঃ

বৈরাগ্যের প্রবোধ

(গত আষাঢ় মাসের প্রকাশিত অংশের অবশিষ্টাংশ)

হারাদন ও তাহার পত্নী সব শুনিল। ঠাকুর বলিলেন, সমস্তই গোবিন্দের ইচ্ছা। তিনি ক্রীড়াময়, তিনি কৌতুকময়। এ সবই লীলাময়ের লীলা। তিনি আপন মায়ায় আপনি জীবদেহ নির্মাণ করেন। জীবদেহে আত্মরূপে আপনি প্রবেশ করেন;—আপনি মারেন,—আপনি মরেন। তিনি আপনি কান্দেন,—আপনি হাসেন। এই সংসার তাঁহার রঙ্গমঞ্চ। ইহাতে তিনি নিত্যরঙ্গ করেন। তিনি রসিকেন্দ্র চূড়ামণি। যিনি তাঁহার এই বিপুল অভিনয়ের মাধুর্য্য অনুভবে সমর্থ, তিনিই সেই লীলাময়ের লীলারস আনন্দন করেন। তিনি আনন্দময়। অহঙ্কারদ্বারা যে বিমূঢ়, সে-ই মনে করে আমি কর্তা, বস্তুতঃ কাহারও কোন কর্তৃত্ব নাই। আমরা নিজের ইচ্ছায় সংসারে আসি নাই—নিজের ইচ্ছায় মরিতেও পারি বনা। আজ যা মনে করি—কাল তাহার বিপরীত হয়। তাই বলি, যিনি পুত্র দিয়াছিলেন, তিনিই নিয়াছেন। আমরা তাঁহার সামগ্রী পাইয়া হাসিয়া ছিলাম। এখন তাহার সামগ্রী তাঁহাকে লইতে দেখিয়া কান্দিতে বসিলাম। এ কাল্লায় সেই রসিকেন্দ্র চূড়ামণি হাসিতেছেন। ইহাও একটু বুঝা উচিত।

হারাদন অমনি বলিল, হা প্রভো, তা সত্য! তার ধন তিনি নিলেন, তাহাতে আমাদের বলিবার কি আছে! চন্দ্রবাবু বলিলেন—এ লোকটাকে ? ইনি ত বেশ তত্ত্বজ্ঞানী।

ঠাকুর—ইনি বাস্তবিকই জ্ঞানী। ইহারও একটু কর্মক্ষম যুবক পুত্র

অকালে মারা গিয়াছে। তার জন্ত ইঁহার কোন কষ্ট নাই। হারাধনকে জ্ঞানী বলিয়া প্রশংসা করায়, হারাধন একটু মনে মনে ফুলিয়া উঠিল। একটু জ্ঞানীর মত বলিতে লাগিল, “হা বাব, ওবিষয়ে একরূপ ঠিক হ’য়েছি! যা যাওয়ার তা গেছে,—কাঁদলে ত আর সে ফিরে আসবে না! সংসারের এই জন্ম মৃত্যু হরদম্ চলছে। এটা জন্মে, ওটা মরে, এটা হাসে, ওটা কান্দে। সবই গোবিন্দের ইচ্ছা, এ তাঁর খেলাই বটে।

বৈকালে ঠাকুর শ্রীমঙ্গাগবত খুলিয়া প্রহ্লাদ চরিত্রে পাঠ শুনাইলেন। প্রহ্লাদের প্রতি হিরণ্যকশিপু অত্যাচার করিতেছে, আর প্রহ্লাদ হরিনামে তন্ময় হইয়া আছেন। নামে কি দৃঢ়তা—হরিপাদপদ্মে কি নির্ভর—এবং শ্রীভগবানে কি বিশ্বাস।

হারাধন পত্নীর সহিত তাহা শুনিল। রাত্রে স্ত্রী পুরুষে একত্রে বলাবলি করিতে লাগিল, “ঠাকুর যা বলেন তা সত্যই বটে। জীবনের অর্দ্ধেক যায় ঘুমে আর অর্দ্ধেকের বার আনা যার খেলায় ধূলায় এবং বার্কিক্য ও জরায়। যে কটা দিন থাকে তাও কেবল ধন পরিজনের মিথ্যা ভাবনায়ই যায়। সুতরাং শ্রীভগবানের নামে প্রেমে যে একটা সুখশান্তি তা আর বোঝার সময় কৈ? এবার জীবনটা মিথ্যাই গেল! সব প্রভুর ইচ্ছা।”

প্রত্যহ ঠাকুর হয় ভাগবত না হয় গীতা পাঠ করেন। প্রায় পথে পথে পণের দিন গত হইল। হারাধনের মন ফিরিয়া গেল। সে তখন একবার শ্রীধাম বৃন্দাবনে যাবার জন্ত ব্যাকুল হইল। ঠাকুর বলিলেন—“তাই ভাল! তবে গতিখালি যাইয়া টাকাগুলো নিয়া এলে খুব কাজ হবে। তীর্থে ত টাকারও দরকার।” ঠাকুরের কথায়, হারাধন গতিখালি যাওয়ার জন্ত ব্যস্ত হইল। ছ’দিন পরে ঠাকুর হালিসহর আসিলেন। হালিসহরে মধু ঠাকুর খুব টাকাওয়ালা লোক ছিল। ঠাকুর পঞ্চানন মুখুর্ষ্যের বাড়ী উঠিয়া তাহার খবর জিজ্ঞাসা করিলেন।

পঞ্চানন কছিল—মধুর খবর এখনও আপনি পান নাই ? আহা তার কথা আর কি বলিব ! ভগবান গোবিন্দের খেলা আমাদের ক্ষুদ্র বুদ্ধিতে বুঝার সাধ্য নাই। যে মধু অতি দরিদ্র ছিল, সে কত কষ্টে প্রথম প্রথম নারিকেল, আম জাম, বাকা ভরিয়া বিক্রী করিয়া যৎসামান্য লাভ পাইত ; তদ্বারা কিছু টাকা করিয়া তাই শেষে লগ্নী করিয়া ক্রমে ত্রিশ হাজার টাকা ব্যাঙ্কে মজুত করিল। কোন সন্তানাদি নাই, সকলেই তাকে কাশী যাত্রার পরামর্শ দিত, সে কিছুতেই যাইত না। এদিকে চোর ও গুণ্ডার দল তার টাকা চুরি করিতে নানারূপ কল কৌশল পাকাহতে লাগিল। শেষে একদল লোক মিলের বাবু সাজিয়া তার বাড়ী আসিল। তারা বলিল, আপনি পণের হাজার টাকা গৌরাপুর মিলে ধার দিলে একমাস পরে বিশ হাজার টাকা পাইবেন। যদি দিতে পারেন তবে সাহেবের সঙ্গে একবার দেখা করিতে চলুন।

মধু বিশ্বাস করিয়া মিলে গেল। সেখানেও একজন বড় বাবু হইয়া বসিয়াছিল। সে মধুকে চেয়ার পাড়িয়া বসাইল এবং নিজে সাহেবের কামরায় গেল। কিছুক্ষণ পরে কিরিয়া আসিয়া বলিল, “সাহেব বসিলেন, “আমার সঙ্গে আর দেখা করার প্রয়োজন নাই। এক সপ্তাহের মধ্যে টাকা আনিয়া দিলেই হইবে। পর মাসের পণের তারিখে মায় হুদ বিশ হাজার টাকা পাইবে।”

মধু তাই বিশ্বাস করিয়া বাড়ী আসিল। পরদিন কলিকাতা যাইয়া ব্যাঙ্ক হইতে পণের হাজার টাকা তুলিয়া আনিল। রাত্রিকালে স্বামী স্ত্রী শয়ন করিয়া আছে এমন সময় গুণ্ডারা সিঁদ কাটিয়া তাহার গৃহে প্রবেশ করিল। তাহাদিগের হাত মুখ বান্ধিয়া ফেলিল, এবং মাথায় বাটালির আঘাত মারিয়া দুইজনকেই খুন করিয়া গৃহের সমস্ত জিনিষ লইয়া গেল। পরদিন কেহ কোন খোঁজ করে নাই। তার পরদিন লোকের

নজরে পড়িল। পুলিশ আসিয়া লাস চালান দিল। খুব তীব্রভাবে অনুসন্ধান আরম্ভ করিল। কিন্তু আজ পর্য্যন্তও কোন কিছুই আফসারা হয় নাই।

তারপরে তার যে পণের হাজার টাকা ব্যাঙ্কে মজুত আছে তার জন্ত তার দুই ভগ্নীর দুই ছেলে মোকদ্দমা আরম্ভ করে। এক জন এক উইল হাজির করে। সে উইল মিথ্যা প্রমাণিত হয় এবং সে ভাগিনেয় জালিয়াতির অপরাধে জেলে যায়। তার পুত্র গুণ্ডা নিযুক্ত করিয়া অন্ত ভাগিনেয়কে সেদিন খুন করিয়াছে। এখন তাহারই তদন্ত হইতেছে। কেবল টাকার জন্ত এত অনর্থ। প্রভো, ইহা যে কি কাণ্ড হইতেছে তাহা আর কি বলিব। হায়রে লোভ, আর হায়রে টাকা! প্রভু, আশীর্বাদ করুন যেন এ জীবনে আর টাকার মানুষ না হই।”

হারাদন শুনিয়া হতভম্ব হইয়া কিছুক্ষণ দাঁড়াইয়া রহিল, শেষে বলিল, “ঠাকুর চলুন, আর এ সব গ্রামে গ্রামে না ঘুরিয়া শ্রীধাম বৃন্দাবনে যাই। আর কিছু ভাল লাগে না। যেখানে যাই, সেখানেই হয় অকাল মৃত্যু, না হয় খুন, না হয় মোকদ্দমার কথা। এ সকল আর ভাল লাগে না। যত অনায়াস অত্যাচারের কথা আর সহ হয় না।

ঠাকুর বলিলেন—গতিখালি যাইয়া টাকগুলি লইবার ইচ্ছা করি।

হারাদন—আর টাকা! এই ত টাকার দশা। আর টাকার দরকার নাই। যা লাগে আমি দিব।

হারাদনের স্ত্রী—তাই ত! সে দিন ধনাই সেখ ও ভজা ডোম পাওনা টাকা চাওয়ায় আমাদিগকে খুন করিবে বলিয়া ভয় দেখাইয়া গিয়াছে। আর প্রভু, সে দেশে যাইয়া কাজ নাই। চলুন শ্রীধাম বৃন্দাবনে যাই। প্রভুর ধামে যাইয়া শিক্ষা করিয়া জীবন ধারণ করাও শ্রেয়ঃ। যে দিন

কিছু না ছুটিবে সেদিন হা গোবিন্দ, হা রাখারানী বলিয়া শ্রীযমুনার জল পান করিব। চলুন শ্রীধাম বৃন্দাবনে গমন করি।

ভূর্গেশ ঠাকুরের হৃদয় আনন্দে উৎফুল্ল হইল। হা গোবিন্দ! বলিয়া এক দীর্ঘ নিশ্বাস ত্যাগ করিলেন। তার পরদিনই শ্রীধাম বৃন্দাবন অভিমুখে যাত্রা করিলেন।

লোকের অবস্থা দর্শন করিয়া, লোকের ধনজনের পরিণাম পর্যালোচনা করিয়া, এবং সম্বন্ধন সঙ্গে শ্রীশ্রীরাধাগোবিন্দের গুণানুবাদ শ্রবণ করিয়া শোক সম্বস্ত চিত্তে যেমন বৈরাগের উদয় হয়,—যেমন সাস্তনা পাওয়া যায় তেমনটা বোধ হয় আর কিছুতেই হয় না।

শ্রীভুলুয়া বাবা।

শ্রীশ্রীঅমিয় নিতাই চরিত

(ডাক্তার শ্রীযুক্ত ভোলানাথ ঘোষ দাস লিখিত)

(১৯)

পাষানও বুঝি গলিল। এমন অপূর্ক ব্যাপার জগাই কখনও দেখে নাই। সে শুক হইয়া নিতাইর মুখের পানে চাহিয়া রহিল।

জগায়ের মন অমনি দরবিয়া গেল :

সুস্তিত হইয়া সে দাঁড়ায়ে রহিল ॥

মাধাই কিন্তু ইহাতে একটুও নরম হইল না। তাহার চিত্ত জাগাই অপেক্ষা শত গুণে কঠিন। তাহার রাগ আরও বাড়িয়া গেল। নিকটে

একখণ্ড কলসীর কানা পড়িয়াছিল, তাহাই তুলিয়া লইয়া অতি জোড়ে সে নিতাইর মস্তকে ছুড়িয়া মারিল। নিত্যানন্দের মস্তক হইতে তাহাতে দর দর ধারে রক্ত পড়িতে লাগিল, অপূর্ব ব্যাপার! নিতাইর কিন্তু তাহাতে ক্রম্বেপও নাই।

ফুটল মুটকি শিরে রক্ত পড়ে ধারে।

“গৌর” বলি নিতাই আনন্দে নৃত্য করে ॥

নিতাই আনন্দে গৌর গৌর বলিয়া নৃত্য করিতেছেন। তিনি বুঝিয়াছেন এবার ইহারা উদ্ধার পাটবে। মাধাইর কিন্তু তখনও ক্রোধ যায় নাই, সে আবার একখণ্ড কলসী ভাঙ্গা লইয়া মারিতে উঠিল। অমনি জগাই তাহার হাত ধরিয়া বলিল, কর কি? বিদেশী অবধূতকে মারিয়া আমাদের কি পৌকন হইবে?”

নিতাই শুখন নাচিতে নাচিতে দুই ভাইকে বলিতেছেন—

মারিলি কলসীর কানা সহিবারে পারি।

তোদের দুর্গতি আমি সহিবারে নারি ॥

মেরেছিঁস্ মেরেছিঁস্ তোরা তাহে ক্ষতি নাই।

সুমধুর হরিনাম মুখে বল ভাই ॥

এস্থলে একটা প্রাচীন পদ উদ্ধৃত করিবার লোভ সম্বরণ করিতে পারিতেছি না। যথা—

“সংকীর্ণন চলে গৌর নিতাই নগরে বাহির হৈল।

জগাই মাধাই যথা বসিয়াছে তথা উপনীত হৈল ॥

খোল করতাল, বিষম জঞ্জাল, ভাবিল সে দোন ভাই।

মারিমার ভরে সুরাভাণ্ড করে, চলিল পশ্চাতে ধাই ॥

প্রভু নিত্যানন্দ হরিনাম আর, দাঁড়াইল হস্ত মেলি।

সুরাভাণ্ড কাঁকা হাভেতে আছিল, মাধাই মারিল ফেলি ॥

নিতাই ললাটে সে কান্ধা লাগিল, ছুটল শোণিত নদী ।
 তবু অবধূত কহে ভাই আয়, তরিবি এ ভবে যদি ॥
 আয় দেই কোল, বল হরি বোল, আয়রে মাধাই ভাই ॥
 শ্রামদাস কহে, এমন দয়াল কোন কালে দেখি নাই ॥”

পদকর্ত্তা হরিদাস বলেন—

“মুঢ় পাষণ্ডীছিল, জগাই মাধাই হুহু,
 কাঁধা ফেলি মারিল কপালে ।
 ঠধিরে বহিল নদী, হুবাছ পসারি শুবু,
 পঁছ দোহে করলছি কোলে ॥”

প্রভু পশ্চাতে থাকিয়া মধুর নৃত্য করিতেছেন। অগ্রে এত যে
 কাণ্ড হইল তাহা তিনি কিছুই জানেন না। বোধকরি তিনি
 নিত্যানন্দ মহিমা জগৎকে দেখাইতেছেন। জগাই মাধাই উদ্ধার লীলা
 নিতাইর দ্বারাই হউক। প্রভু নৃত্য করিতেছেন এমন সময় একজন
 ভক্ত দৌড়াইয়া আসিয়া সম্মুখের ঘটনা বলিলেন। প্রভু শুনিয়া সস্তর
 নিতাইর নিকট চলিয়া আসিলেন। তিনি আসিয়া দেখেন—

নিতায়ের অঙ্গে সব রক্তপড়ে ধারে ।
 আনন্দময় নিত্যানন্দ গৌরাজ নেহারে ॥
 প্রেমভরে শ্রীগৌরাজ নিতাই কোলে নিল ।
 আপন বসন দিয়া রক্ত মুছাইল ॥
 তবে মাধাই সঙ্ঘোধিয়া বলেন কাভরে ।
 প্রাণের ভাই নিতাই মারিলি কিসের তরে ?

বলিতে বলিতে প্রভু ক্রুদ্ধ হইলেন। বলিলেন “হ্মারে পাপাআগণ ! চির
 জীবন ঘোর পাপ করিয়াও কি তোদের ক্লাস্তি আসিল না। আজ
 শ্রীনিত্যানন্দকে আহত করিয়া কি ভাই তোরা তোদের পাপের তত্ত্ব

পূর্ণ করিলি? নিত্যানন্দ তোদের কোন দোষ করেন নাই। তাহাতে আবার তিনি বিদেশী সন্ন্যাসী। তিনি ক্রোধ হীন, ভুবনের বন্ধু, আনন্দময় অভিমান শূন্য—তঁাহাকে আহত করিয়া তোদের পাপত্রত পূর্ণ হইয়াছে। হ্যারে তোদের এতই যদি ক্রোধ হইয়াছিল তবে আমাকে মারিস নাই কেন? এখন পাপের ফল ভোগ করিতে হইবে, তোরা দণ্ড গ্রহণ কর।”

তখন সেই মহা তেজস্বী দুর্দান্ত প্রকৃতির নরঘাতকদ্বয় তাহাদের নিজ বাড়ীতে আপনাদের সৈন্যাদি পরিবেষ্টিত হইয়াও প্রভুর রুদ্রমূর্তির নিকট মস্তক অবনত করিল। যেমন ঘোরতর অপরাধী বিচারকের সম্মুখে দাঁড়াইয়া দণ্ড গ্রহণ করিবার পূর্বে ভয়ে কাঁপিতে থাকে, জগাই মাধাইও প্রভুর মুখ পানে চাহিয়া সেইরূপ কাঁপিতে লাগিল। তাহাদের নিমাই পণ্ডিত আজ কালাস্তক যমের মতই তাহাদের চক্ষে প্রতীয়মান হইতেছে। আরও তাহাদের স্থির বিশ্বাস হইয়াছে যে, তাহারা অপরাধী এবং প্রভু তাহাদিগের বিচার করিতে সম্পূর্ণ সক্ষম। জগাই মাধাই প্রভুর অপূর্ণ প্রভাবে অভিভূত হইয়া ভয়ে কাঁপিতেছিল, এমন সময়ে প্রভু “চক্র” “চক্র” বলিয়া চক্রকে আহ্বান করিলেন। যখন শ্রীগোরাঙ্ক “চক্র” “চক্র” বলিয়া ডাকিলেন তখন ভক্তগণ পর্যাণ্ড স্তম্ভিত হইলেন। মুরারির দেহে শ্রীহনুমানের আবেশ হইত। হনুমান-ভাবে মুরারি গর্জন করিতে করিতে বলিল, প্রভু! স্মদর্শন চক্রকে আবাহন করিবার ত আবশ্যক নাই, আমাকে অনুমতি করুন, আমিই এই দুই পাপীকে যমালয়ে পাঠাইয়া দিতেছি।

নিমাই “চক্র চক্র” বলিয়া ডাকিতে নিভাই উষ্ম হইয়াছিলেন। এখন আবার মুরারি গুণ দুই ভাইকে বধ করিবার জন্য প্রভুর নিকট অনুমতি চাওয়াতে নিভাই আপনার মাথার বেবনা ভুলিয়া গিয়া মুরারির

হাত ছুঁটা ধরিয়া বলিলেন, “ভাই, ক্ষমা দাও” ইহা বলিয়া নিতাই পশ্চাৎ দিকে চাহিয়া দেখিলেন সুদর্শনচক্র অগ্নির মত প্রজ্জ্বলিত হইয়া জগাই মাধাইর দিকে আসিতেছে! তখন নিতাই বাস্ত হইয়া সুদর্শন চক্রকে করজোড়ে মিনতি করিয়া বলিতেছেন, “সুদর্শন! ক্ষমা দাও। তুমি এই ছুঁ ভাইকে বধ করিও না। আমি প্রভুর পায়ে ধরিয়া ইহাদের প্রাণ ভিক্ষা মাগিয়া লইতেছি।” ইহা বলিয়া নিতাই বাস্ত হইয়া প্রভুর চরণে পড়িয়া বলিতেছেন “প্রভু তুমি আপন প্রতিজ্ঞা ভুলিয়া গেলে, তুমি না বলিয়াছিলে এই অবতারে চক্র ধরিবে না? ভক্তি ও কারুণ্য রসে ডুবাইয়া কলির পতিত জীবকে উদ্ধার করিবে? আর আজ যদি ইহাদিগকে বধ কর তবে আর কাহাকে উদ্ধার করিবে? তোমার পতিত পাবন নামের সাক্ষী কেহ থাকিবে না।

এই যে ঘটনা হইতেছে, নিতাই প্রভুকে যাহা বলিলেন, ভক্তগণ এবং নগরের শত শত লোক যাহারা সেখানে সমবেত হইয়াছিল সকলে দেখিতেছেন ও শুনিতেছেন।

নিতাই কাতর হইয়া প্রভুকে বলিতেছেন, “প্রভু এই ছুঁটি জীবকে আমাকে ভিক্ষা দিয়া তোমার পতিতপাবন নামের গৌরব রক্ষা কর।” প্রভু কিন্তু কিছুতেই কোমল হইতেছেন না, ইহা দেখিয়া নিতাই আবার বলিলেন “প্রভু! তুমি মায়া ত্যাগ কর, তুমি এ সমস্ত যাহা করিতেছ তাহা গৌরব বৃদ্ধি করিবার জন্ত। আমার কপালে যাহা লাগিয়াছে তাহা সামান্য, জগাই মাধাই আমাকে ভয় দেখাইবার জন্তই কলসীর কানা ছুড়িয়াছিল, দৈবাৎ উহা আমাকে লাগিয়া গিয়াছে। প্রভু আমার মান সন্ত্রম ছারেখারে যাক। তোমার অভয় পদে এ ছুঁটা পতিত জীবকে স্থান দিয়া উদ্ধার কর।”

এখন চৈতন্ত মঙ্গল গীত হইতে শ্রবণ করুন,—

“সুদর্শন বলি প্রভু স্মরে বারে বার ।
 শুনিয়া মুরারি শুণ্ড ছাড়য়ে ছকার ॥
 মুরারি কহয়ে শুন প্রভু বিশ্বম্ভর ।
 আঞ্জা পাই এ দুই পাঠাই যমঘর ॥
 শুনি নিত্যানন্দ ধরেন মুরারির হাত ।
 হেন কালে সুদর্শন আইল সাক্ষাৎ ॥
 সুদর্শন চক্র-অগ্নি প্রণব হইয়া ।
 জগাই মাধাই প্রতি চলিল কুপিয়া ॥
 দয়ার সাগর যোর নিত্যানন্দ রায় ।
 না মারিহ বলি সুদর্শনকে কহয় ॥
 দণ্ডবৎ হইয়া পড়ে প্রভুর চরণে ।
 এ দুই পতিত প্রভু মোরে দেহ দানে ॥
 আর যুগে যুগে দৈতা করিলে উদ্ধার ।
 সশরীরে এ দুইয়ের করহ নিস্তার ॥
 কর জোড়ি প্রভুরে বলয়ে নিত্যানন্দ ।
 না হইল নিস্তার কলি অধম হরস্ত ॥
 সংকীর্ণন আরম্ভে তোমার অবতার ।
 রূপায় সকল জীবের করিবে উদ্ধার ॥
 যে মারিবে তারে যদি করিবে সংহার ।
 কেমনে করিবে কলি জীবেরে উদ্ধার ॥”

জগাই মাধাইয়ের উদ্ধারের নিমিত্ত নিত্যানন্দের আর্প্তি, বিনয়, কাকূতি, মিনতি, ব্যগ্রতা, প্রোণপন সঙ্কল্প, তাঁহার একবার উর্দ্ধপানে চাহিয়া সুদর্শনের প্রতি মিনতি, একবার দুটি হাত ধরিয়া মুরারিকে মিনতি ও একবার প্রভুর চরণ ধরিয়া ক্রন্দন করিতে করিতে মিনতি দেখিয়া তিন জন

ব্যতীত উপস্থিত ব্যক্তি মাঝেই অভিভূত হইয়াছেন। সে তিন জন,— প্রভু স্বয়ং আর জগাই ও মাধাই। নিতাই আমাদের জীবন ভিক্ষার নিমিত্ত যে কাতর ভাবে প্রার্থনা করিতেছেন তাহা তাহারা কণেও শুনিবার অবকাশ পাইতেছে না। তাহাদের নয়ন স্থির ভাবে প্রভুর মুখপানে রহিয়াছে। তাহারা দেখিতেছে প্রভু রুদ্র অবতার। মুখে তাহার করুণার চিহ্নমাত্রও নাই। ইহা দেখিয়া তাহারা ভয়ে একেবারে অভিভূত হইয়া পড়িয়াছে।

যখন নিত্যানন্দ দেখিলেন যে, প্রভু কোমল হইতেছেন না, তখন তিনি নিরুপায় হইয়া বলিতেছেন, “প্রভু! আর এক কথা বলি, তুমি এ দুটীকেই দণ্ড করিতে পার না, যেহেতু জগাই আমার প্রাণ রক্ষা করিয়াছে।”

অমনি প্রভুর মুখের কঠিন ভাব অন্তর্হিত হইল। তিনি বলিতেছেন জগাই তোমার প্রাণ রক্ষা করিয়াছে, সে কি? নিতাই বলিলেন, “মাধাই যখন দ্বিতীয়বার কলসী খণ্ড দ্বারা আমাকে প্রহার করিবার উদ্যোগ করে, তখনই জগাই তাহার হাতে ধরিয়া তাহাকে নিবারণ করে, তাহাকে তিরস্কার করিয়া বলে যে, সে অতি নির্দয়, কারণ সে বিদেশী সন্ন্যাসীকে মারিয়াছে, তাহাতেই মাধাই আর আমাকে মারিতে পারে নাই।”

প্রভু বলিতেছেন, “তুমি বল কি? এই জগাই, মাধাইয়ের হাত ধরিয়া তোমাকে বাঁচাইয়াছে? হারে জগাই, তুই আমার নিত্যানন্দের প্রাণ রক্ষা করিয়াছিন? তবে ত আমি তোরাই হইলাম। আর তোকে প্রসাদ প্রদান করি।” ইহাই বলিয়া শ্রীনিমাই, সর্ব সমক্ষে সেই অস্পৃশ্য পামর, সেই শত শত নরনারী হত্যাকারী জীবাধমকে হৃদয়ে গাঢ়রূপে ধরিয়া আলিঙ্গন করিলেন।

“জগাই তখন কি বলিতে গেল, কিন্তু কথা ফুটিল না; অমনি ছিন্ন মূল ক্রমের জ্বায় দীঘল হইয়া মৃত্তিকায় অচেতন হইয়া পড়িয়া গেল।

মাধাই সমুদয় দেখিতেছে। প্রভুর রুদ্র মূর্তিও দেখিল, আবার জগাইকে করুণা করিতেও দেখিল। দেখিল তাহার সেই সমুদয় পাপ-কর্মের অর্দ্ধভাগী ভাতা শ্রীগোবাল্লের দক্ষিণ পদখানি হৃদয়ে করিয়া ধূলায় লুপ্তিত হইতেছে আর অক্ষ জলে উহা খোঁত করিতেছে। তখন মাধাইয়ের চৈতন্ত হইল, আর “আমাকে রক্ষা কর” বলিয়া সে তখন শ্রীগোবাল্লের পদতলে পড়িল।

প্রভু অমনি দুই পদ পশ্চাতে হটিলেন। বলিতেছেন, ওরে অধম, তুই যে ঠাকুরালীতে উন্নত হইয়া জীবের উপর এত অত্যাচার করিয়া ছিন্স, সেই নদীয়ার ঠাকুরালী পরিত্যাগ করিয়া আজ কেন ধূলায় লুপ্তিত হইতেছিন্স? নদীয়ার রাজা হইয়া এখন ধূলায় গড়াগড়ি দিতোছিন্স হাতে তোর লজ্জা বোধ হইতেছে না? মাধাই! আমা হইতে তোমার উদ্ধার হইবে না। (শ্রীঅমিয় নিমাইচরিত)

নদীয়ার রাজা হও তোমরা হুঁজন।

রাজা হ'য়ে কি কারণে কান্দহ এখন?

তখন মাধাই কাতর হইয়া বলিল, প্রভু! তুমি জগতের পিতা, তুমি আমাকে ত্যাগ করিলে আমি কাহার নিকট যাইব। আমরা দুই ভাই একত্রে পাপ করিয়াছি আমাকে ত্যাগ করিয়া জগাইকে উদ্ধার করা তোমার কখনই উচিত হয় না।

নিমাই বলিলেন,—জগাই আমার নিকট অপরাধ করিয়াছে, স্মরণ্য আমি তাহার অপরাধ ক্ষমা করিতে পারি। কিন্তু তুমি শ্রীনিত্যানন্দের নিকট অপরাধী। যাহারা আমার ভক্তের নিকট অপরাধী তাহাদিগকে ক্ষমা করা আমার সাধ্যাতীত। ভক্তদ্রোহীদিগকে আমি ত উৎসাহ দিতে পারি না; ভক্তদ্রোহীকে দণ্ড দেওয়াই আমার কার্য।

ক্রমশঃ—

বৈষ্ণব সংবাদ ও মন্তব্য

আগামী ২৫এ কার্তিক রবিবার (১১ই নভেম্বর) শ্রীপাট পানিহাটিতে কলিপাবনাবতার শ্রীশ্রীমন্নহাপ্রভুর আগমন উপলক্ষে স্মরণ মহোৎসব এবং তৎসঙ্গে বিপুল উদ্ভমে একটি বৈষ্ণব প্রদর্শনী হইবে। সর্বসাধারণে যাহাতে যথাসময় উৎসবে যোগদান করেন কর্তৃপক্ষ তাহার জন্ত আবেদন জানাইয়াছেন।

প্রেমাবতার শ্রীমন্নহাপ্রভু শ্রীধাম বৃন্দাবন গমন মানসে ৩পুরীধাম হইতে বিজয়া দশমীর দিন বহির্গত হইয়া তৎপরবর্তী কৃষ্ণা দ্বাদশীতে পানিহাটি রাঘব ভবনে শুভাগমন করিয়াছিলেন।

প্রভুর আগমনে কিরূপ জনতা—কিরূপ প্রেমপ্রবাহ প্রবাহিত হইয়াছিল, রাঘব পণ্ডিত প্রাণ গোরাক্ষকে নিজ ভবনে পাইয়া কিরূপ আনন্দ অনুভব করিয়াছিলেন শ্রীচৈতন্য চরিতামৃত, শ্রীচৈতন্য ভাগবতাদি গ্রন্থে তাহা অতি বিশদরূপে বর্ণিত আছে। আজ পর্য্যন্তও সেই প্রেমোদ্দীপক স্মৃতিচিহ্ন—প্রভুর শ্রীচরণ স্পর্শ পূত জীর্ণ প্রাচীন ইষ্টক নিশ্চিত ঘাট, প্রচ্ছায় শীতল সেই প্রাচীন ৫০০ শত বৎসরের বট বৃক্ষরাজ, প্রভুর বিশ্রাম স্থান সেই পিণ্ডা বা বেদী, সেই রাঘব ভবন, সেই ভুবনমোহন শ্রীশ্রীমদনমোহন বিগ্রহ প্রভৃতি সমস্তই উজ্জ্বল ভাবে বিরাজমান। সকল ভক্তবৃন্দই উক্ত পুণ্য দিবসে স্বদলবলে শ্রীপাটে উপস্থিত হইয়া গৌরগুণ কীর্তনে আনন্দোৎসবের সমাধিক ঔজ্জ্বল্য বদ্ধিত করুন। এখানে কোনরূপ সাম্প্রদায়িক বিরোধ নাই, অভাব অভিযোগ নাই এখানকার শ্রীবট বৃক্ষতলই পবিত্র আসন এবং শ্রীপ্রভুর শ্রীচরণ তুলসী এবং পূত জাহ্নবী বারিই ভক্তগণের মহাবৃত্তা উপহার।

বৈষ্ণব প্রদর্শনীতে বৈষ্ণব ধর্ম সংক্রান্ত যে কোন দ্রব্য প্রেরিত হইবে তাহাই সাদরে গৃহীত হইবে। যে সকল দ্রব্য ফেরৎ লইবার ইচ্ছা করিবেন তাহাও যথাকালে ফেরৎ দেওয়া হইবে। উৎসব উপলক্ষে সকলের প্রীতিদান বাঞ্ছনীয়।

পত্রাদি প্রেরণের ঠিকানা—সেবক শ্রীশ্রীগৌরাঙ্গ গ্রন্থমন্দির, পানিচাঁটা পোঃ, জেলা—২৪ পরগণা।

শ্রীভাগবতাশ্রমে ঝুলন যাত্রা।—বিগত ১০ই ভাদ্র রবিবার হইতে ১২ই ভাদ্র বুধস্পতিবার পর্যন্ত হাওড়া কোঁড়ার বাগানে শ্রীভাগবতাশ্রমে শ্রীশ্রীঝুলন যাত্রা মহোৎসব মহাসমারোহে সুসম্পন্ন হইয়াছে। পূজাপাদ শ্রীল রামদাস বাবাজী মহাশয় সম্প্রদায় সহ রবিবার হইতে মঙ্গলবার পর্যন্ত উপস্থিত ছিলেন। অষ্টপ্রহর শ্রীনাম সঙ্কীর্তন ও শ্রীরূপ গোপ্তামী চরণের সূচক কীর্তন উক্ত বাবাজী মহাশয়ই করিয়াছেন। আমাদের শ্রদ্ধেয় শ্রীগৌরাঙ্গদাস দাদা কয়েকদিনই আশ্রমে উপস্থিত ছিলেন। তিনিও রবিবার শ্রীগৌড়ীয় বৈষ্ণব সম্মিলনীর হাওড়া শাখার অধিবেশনের দিন অমিয়মাথা উপদেশ দানে সকলের আনন্দবর্ধন করিয়া ছিলেন। শ্রীমান্ অনাথ বন্ধুর আন্তরিক যত্নে উৎসবানন্দ বেশ সুশৃঙ্খলতার সহিতই সম্পন্ন হইয়াছে।

পূজাপাদ বাবাজী মহাশয়ের কীর্তনের তালিকা এবারও দিতে পারিলাম না কারণ তাঁহার সম্প্রদায়ের অনেকেই অনুস্থ, তাই কবে কোথায় কি ভাবে কীর্তনের সুবিধা হইবে না হইবে তিনি বলিতে পারিলেন না। শ্রীমন্নগাপ্রভু সকলকে নিরাময় করিয়া দিন ইহাই আমাদের আন্তরিক প্রার্থনা। শ্রীজন্মাষ্টমীর সময় বাবাজী মহাশয় হেতমপুর গিয়াছিলেন।

সেখান হইতে ২৪ প্রহর সমাধা করিয়া কলিকাতায় কয়েকদিন থাকিয়া ১২ই আশ্বিন শ্রীশ্রীচরিত্রদাস ঠাকুরের উৎসবে যোগদান জন্ত শ্রীধাম নীলাচলে ১০ই তারিখ রওনা হইবেন।

এবার কাঠিক মাসের প্রথমেই ৬দুর্গাপূজা, তাই কাঠিক মাসের পাত্রিকা আমরা আশ্বিনের শেষ ভাগেই গ্রাহকগণকে পাঠাইবার চেষ্টা করিব। কারণ ৬দুর্গাপূজা উপলক্ষে অনেকেই বিদেশে যান, পূজার অব্যবহিত পরেই সকলে পূর্ব ঠিকানায় ফিরিতে পারেন না। যদি পূজার পূর্বে আমরাদিগের কোন গ্রাহক স্থানান্তরে গমন করেন তবে দয়া করিয়া নূতন ঠিকানা আমরাদিগকে জানাইবেন।

মাসিলা "ভক্তি-নিকেতনে" আজ ১২ বৎসর যাবৎ শ্রীশ্রীগোরাপ-ভক্ত সম্মিলনীর অধিবেশন নিয়মিত ভাবে প্রতি বৃহস্পতিবার হইয়া আসিতেছে। প্রতি বৎসরই ভৈমৌ একাদশীতে বার্ষিক অধিবেশন হয়। গত বৎসর হইতে ভক্তবৃন্দের আগ্রহে শ্রীশ্রীজন্মাষ্টমীর উৎসব আরম্ভ হইয়াছে। প্রভুর অপার করুণায় এবারও শ্রীশ্রীজন্মাষ্টমীর উৎসব নিবিঘ্নে সম্পন্ন হইয়াছে। ভক্তগণ অক্লান্ত পরিশ্রম করিয়া উৎসব কার্য সম্পন্ন করিয়াছেন। পূজাপাদ শ্রীযুক্ত বনধরুপ গোস্বামী মহোদয় রুপা করিয়া জন্মাষ্টমীর পূর্ব দিন হইতে উপস্থিত থাকিয়া কীৰ্ত্তনানন্দে ও সরস মধুর রসলাপে সকলকে মাতাইয়া তুলিয়াছিলেন বিশেষতঃ তীহার নন্দোৎসবের কীৰ্ত্তন নগরবাসীর প্রাণে এক বিমল আনন্দ দান করিয়াছিল। সুপ্রসিদ্ধ পণ্ডিত শ্রীযুক্ত বিবেকানন্দ ভট্টাচার্য্য কথক চূড়ামণি জন্মাষ্টমীর দিন রাত্রে ও নন্দোৎসবের দিন সন্ধ্যার সময় শ্রীকৃষ্ণ-জন্ম বিষয়ে কথকতা করিয়া দীর্ঘ সময় ভক্তগণকে আনন্দ দান করিয়াছিলেন। আমরা উৎসবের উত্তোগকারী সকল ভক্তবৃন্দেরই সর্ব বিধ মঙ্গল কামনা করি।

সঙ্কলন

(মেদিনীপুর হইতে)

জান্মানীতে ডাকবাক্স প্রস্তুত হইয়া পরীক্ষা চলিতেছে। এই বাক্সে কেহ পয়সা সহ পত্র ফেলিয়া দিয়া একটা হাতল ধরিয়া টানিলেই মুলাস্তাপক স্ট্যাম্প সেই পত্রের উপর মুদ্রিত হইবে।

আকন্দগাছের ডাল বা পাতা ভাঙ্গিলে যে ছুধের মত সাদা আঁটা বাহির হয় তাহা সর্পদন্তস্থানে লাগাইলে ও দষ্টবাল্মিকি খাওয়াইলে সাপের বিষ নষ্ট হয়। অনেকে এই চিকিৎসায় রক্ষা পাইয়াছে।

(বঙ্গবাসী হইতে)

মানুষের গায়ে কলম করা।—পাঠক, গাছের কলম করা জানেন, করিয়াও থাকেন। মানুষের গায়ে কলম করার কথা শুনিয়াছেন কি ? ক্ষয় রোগের চিকিৎসায় এই আজগুবি কাণ্ড ঘটিতেছে। শির দাঁড়ার পাশে হাড় ঢুকাইয়া দেওয়া হয়। তাহাতে ক্ষয়ের বৃদ্ধি হ্রাস পায় ; এমন কি, একেবারে থামিয়াও যায়। যে রোগীর ঐ রোগ, এককাল তাহারই গা হইতে হাড় লইয়া কলম করা হইত। এখন আবার তাহা না করিয়া, মাঁড়ের গা হইতে হাড় কাটিয়া লইয়া, ঐ অদ্ভুত অস্ত্রোপচার কাণ্ডটা সম্পাদন করা হইতেছে। ইহা বামিংহামের ব্যাপার। কল কারখানার যায়গা, ভগবানের তৈয়ার করা কল-কল্লার উপরে কারিকরি করিতেছে। খোদার উপর খোদকারী, ধোপে টিকিবে কি ?

দুর্গাজির ঘণ্টা।—সাহেব সপরিবারে মির্জাপুর হইতে নৌকাযোগে যাত্রা করিয়াছেন। নৌকাখানি কিছুদূরে গেলেই বড় আরম্ভ হয়। ক্রমেই

তাহার বুদ্ধি। নৌকা ডুবু ডুবু। সাহেব মেম তাঁহাদের উপাশ্রু দেবতার নাম করিতে লাগিলেন। ছেলে মেয়েরা ঘোর আর্তনাদ আরম্ভ করিল। কিন্তু ঝড় থামে না। বাঁচিবার সম্ভাবনাও হয় না। এমন সময় হিন্দু মাঝি বলিল—সাহেব, যদি বাঁচতে চাও, দুর্গাজির নামে ঘণ্টা মানসিক কর। সাহেব, বিশেষতঃ মেম সাহেব, তখন প্রাণ খুলিয়া চীৎকার করিয়া—“দুর্গাজি বাঁচাও, তোমাকে ঘণ্টা দিব” বলিয়া উঠিলেন। অমন ঝড় থামিল। নৌকা রক্ষা পাইল। সকলের প্রাণও বাঁচিল। কালীর কালেক্টার মেটা সাহেব বেনারস দুর্গা বাড়ীর মন্দিরের প্রকাণ্ড এক ঘণ্টার উপরে পারসিতে লেখা কয় পংক্তি হইতে তখনকার কালেক্টার মিঃ গ্রাণ্টের নাম বাহির করিয়াছেন। ১২১৫ সালের আষাঢ় মাসে ঘণ্টাটি উৎসর্গ করিয়া দেওয়া হয়। এ বাণ্যার সম্পর্কীয় কাহিনীও মিঃ মেটাই উদ্ধার করিয়াছেন। যথা নক্ষত্রের গল্প, বারবেলার গল্প সাহেবদিগের সম্বন্ধে আরও কত গল্পই শুনা যায়। এ আবার এক নতুন গল্প। অবিশ্বাসীরা কি ভাবে অবিশ্বাস করিয়া জিনিষটা উড়াইয়া দিবেন, একবার ভাবুন। নিজের জীবনে অমন ঘটনা, অমন জীবন মরণের সন্ধিক্ষণ উপস্থিত হইলে, সন্ধিপূজার পাঁটার মত কাঁপার সময় আসিলে, কেহ অমন উপদেশ দিলে, তাহা শুনিবেন কি উড়াইয়া দিবেন এখনই ভাবিরা রাখুন। কখন কি হয় বলা যায় কি ?

শোক সংবাদ

১।—বিগত ২১এ ভাদ্র বৃহস্পতিবার রাত্রে শ্রীশ্রীনিভ্যানন্দ বংসাবতংস প্রভূপাদ শ্রীল শুকদেব গোস্বামী, ইচ্ছাম ত্যাগ করিয়া তাঁহার সাধনোচিত

ধামে গমন করিয়াছেন। বৎসরাধিক কাল প্রভুপাদ গলক্ষতঃ রোগে কষ্ট পাইতেছিলেন, তাঁহার আশ্রিত বহু উচ্চ শিক্ষিত ভক্ত নানাপ্রকার চিকিৎসার ব্যবস্থা করিয়াও দারুণ রোগের কিছুই করিতে পারিলেন না। কিছুদিন পূর্বে প্রভুপাদের সহধর্মিণী স্বধামে গমন করিয়াছেন, এক্ষণে বৃদ্ধা মাতা ঠাকুরাণী প্রভুপাদের শোকে জীবন্মৃত। নিতাই চাঁদের কি ইচ্ছা জানিনা, ছোট ছোট দুইটা পুত্র ও দুইটা কন্যা রাখিয়া গিয়াছেন। প্রভুপাদের জীবনী বিশেষ আলোচনার বিষয়, এমন কষ্টিন রোগের যন্ত্রণায়ও একদিনের জন্ত কেহ প্রভুপাদের মুখ মলিন বা কোন রূপ যন্ত্রণা কাতর দেখে নাই। আমরা বারান্তরে তাঁহার বিষয় বিশেষ ভাবে আলোচনা করিবার চেষ্টা করিব। মঙ্গলময় শ্রীভগবান প্রভুপাদের শোকে কাতর সকলের প্রাণে শান্তি দিন ইহাই প্রার্থনা।

২।—বিগত ৭ই আশ্বিন রাত্রি ২।০ বাটিকার সময় বহরমপুর কৃষ্ণনাথ কলেজের অবসর প্রাপ্ত প্রিন্সিপাল শ্রীল ভূষণচন্দ্র দাস এম, এ মহাশয় বিষ্মচিকারোগে ইহধাম ত্যাগ করিয়াছেন। কাথ্য হইতে যেদিন অবসর লইয়াছিলেন তাহার পরদিবসই এই দুর্ঘটনা ঘটে। কাথ্য হইতে অবসর লইয়া তিনি বৈষ্ণব জগতের হিতসাধনে শ্রীল হরিদাস গোস্বামী প্রভুর সহিত কাথ্য করিবেন এইরূপ বন্দোবস্তই নাকি হইয়া ছিল, কিন্তু প্রভু সে ইচ্ছা পূর্ণ করিতে দিলেন না।

ভূষণ বাবুর বৈষ্ণব শাস্ত্রে যে বেশ ভাল অধিকার ছিল কিছুদিন পূর্বে মাদুকারতে “ভক্তি সন্দর্ভের” ব্যাখ্যা বাহারা পাঠ করিয়াছেন তাঁহারা ই তাহা জানেন। ভূষণবাবু মধ্যে মধ্যে প্রবন্ধাদিও লিখিতেন। বৈষ্ণব জগতের নানা বিভিষিকা উপস্থিত এ সময় প্রকৃত সদাচারী, সমাজের মন্দাকাঙ্ক্ষী কাহারও বিয়োগ বাস্তা শুনিলে যথার্থ ই প্রাণে বড় আঘাত লাগে। সবই লীলাময়ের লীলা। শ্রীভগবান ভূষণ বাবুর পরিজন, বর্গের প্রাণে শান্তি দান করুন ইহাই কামনা।

শ্রী শ্রীরাধারমণো জয়তি

“ভক্তির্ভগবতঃ সেবা ভক্তিঃ শ্রেম-স্বরূপিনী
ভক্তিরানন্দরূপা চ ভক্তির্ভক্তস্ত জীবনম্ ॥”

২৭শ বর্ষ }
৩য় সংখ্যা }

ভক্তি
ধর্ম-সম্বন্ধীয় মাসিক পত্রিকা ।

{ কার্তিক
১৩৩৫

স্বাভিষ্ট

(শ্রীযুক্ত গোপীনাথ বসাক লিখিত)

শ্রামল সুন্দরে পিরিতি যে করে হইব তাহার দাসী ।
জনমে জনমে জিয়নে মরণে তাঁরে যেন ভালবাসী ॥
শ্রামের পিরিতি যেই জানে রীতি সে জানে শ্রামের সুখ ।
সে জানে শ্রামের মরম-ধরম বিলাসের সুখ দুখ ॥
তাঁহার হিয়ার হাঁসন কাঁদন বুক পেতে নিব আমি ।
সেই তো আমার জীবন মরণ সেই মোর অন্তর্যামী ॥
তাঁহার মনের ইঙ্গিত জানিয়া সতত করিব সেবা ।
সেই তো আমার সববস ধন সেই মোর দেবী দেবা ॥
তাঁর সুখলেশ দেখিলে আমার আনন্দ ভরিবে বৃকে ।
তাঁহার বদন হেরিলে মলিন মরিয়া যাইব ছুঃখে ॥
তাঁরে ভালবেসে মনের পিয়াসে তাঁর মুখ চেয়ে রব ।
“গোপী” অমুগত হ’য়ে তাঁর মত সেবন বাঁচিয়া লব ॥

ভক্তি-সাধনে আনন্দ

(শ্রীযুক্ত নৃসিংহদেব বন্দ্যোপাধ্যায় লিখিত)

মানুষ চায় কি? আনন্দ। শুদ্ধ আনন্দলাভই তাহার কামনা। মানুষের যত কিছু চিন্তা-চেষ্টা-কার্য্য সকলেরই মূলে আছে কেবল মাত্র এক আনন্দলাভের আকাঙ্ক্ষা। মানুষ আপনার জ্ঞাতসারে হউক আর অজ্ঞাতসারেই হউক, সেই আনন্দলাভের আশাতেই যুগ যুগ ধরিয়া মানব জন্ম বহিষা চলিয়াছে। একমাত্র আনন্দলাভই যে, মানব জীবনের চরম ও পরম সার্থকতা,—বহু জন্মের তপস্তার বলে যিনি তাহা বুঝিয়াছেন, তিনিও যেমন, যিনি সম্পূর্ণরূপে সেটী বৃত্তিতে পারেন নাই, তিনিও তেমনি;—সকলেই একভাবে না একভাবে সেই নিত্য-আকাঙ্ক্ষিত আনন্দ বস্তুকে আপন জীবনে পাইবার জন্ত চেষ্টিত রহিয়াছেন।

জাগতিক ব্যাপারে আমরা এ দৃষ্টান্ত ত নিতাই প্রত্যক্ষ করিতেছি। সন্তানকে বুকে করিবার জন্ত মাতাপিতার এত আগ্রহ কেন? একটা আনন্দলাভের আশাতেই কি নয়? আবার শিশু যে, ছুটিয়া আসিয়া পিতার গলা জড়াইয়া ধরে, মাতার ক্রোড়ে থাকিতে চায়;—তাহাই বা কেন? শিশু যে “কেন”র উত্তর জানে না, এ প্রশ্নও কখনও তাহার মনে উদয় হয় না, তথাপি ইচ্ছা সত্য যে, শিশু তাহার মাতাপিতার প্রতি এইরূপ ব্যবহারে একটা আনন্দ পায় এবং তাহার সম্পূর্ণ অজ্ঞাত এই আনন্দলাভের আশাতেই সে এরূপ করিয়া থাকে। তাই বলিতেছি, কেহ জানিয়া এবং কেহ বা না জানিয়াও একমাত্র সেই আনন্দ বস্তুটির উদ্দেশ্যেই চলিয়াছে। এইরূপ দৃষ্টান্ত সংসারক্ষেত্রে সর্বত্রই অনেক দৃষ্ট হয়।

উপরে যে দৃষ্টান্ত উল্লেখ করিলাম, তাহা মানবের চির-আকাঙ্ক্ষিত সেই নিত্যানন্দ অবশ্যই নহে। উচ্চাতে আনন্দের পূর্ণতাও নাই। তবে ঐ সকল জাগতিক আনন্দ সমূহ যে, সেই পরিপূর্ণ নিত্যানন্দের এক একটা অংশমাত্র তাহা স্বীকার করি এবং এইরূপ অংশ বহুল জাগতিক আনন্দের নানা স্তর অতিক্রম করিয়া মানব যে, একদিন সেই পরিপূর্ণ নিত্যানন্দের অল্পভূতিলাভ করিবে তাহাও সত্য। মানবের মানবত্বও সেইদিন সার্থক হইবে।

মানব জীবনের এই পরম সার্থকতা তখনই হয়, যখন মানবাঙ্গা ভগবৎ মহিমা উপলব্ধি করিতে পারে ; মানব সেই নিত্যানন্দের অল্পভূতি তখনই পাইয়া থাকে যখন ভগবৎ মহিমার সন্নিকটে আপন দীনতা ও ক্ষুদ্রতা উপলব্ধি করিয়া সেই মহামহিমময়ের চরণতলে আপনার কাতর প্রাণের সমস্ত বেদনা জানাইতে পায়। কিন্তু এই জানাইতে পাওয়া যে বড় সৌভাগ্যের বিষয়। একমাত্র ভক্তির সাধনাতেই যে সে সৌভাগ্য অর্জিত হয়, তাহাতে কোন সন্দেহ নাই। যখন অবিশ্রান্ত কষ্টের প্রবল প্রবাহে হাবুডুবু খাইয়া মানবাঙ্গা একেবারে হাঁপাইয়া উঠে অথবা নিরবচ্ছিন্ন গুহু জ্ঞানের পেঘণে তিক্ত হইয়া উঠে, কোনদিকেই আর কোনও উপায় থাকে না,—তখন এই একান্ত মমতাময়ী ভক্তিদেবীই মাতার ন্যায় মঙ্গল-করুণ করস্পর্শে সান্তনা দিয়া তুষিত-বাকুল মানবাঙ্গার শান্তিলাভের শুভপথ দেখাইয়া দেন। সেই পথের অনুসরণেই তখন যথার্থ শান্তিলাভ ঘটয়া থাকে।

জ্ঞান-কর্ম, ধ্যান ধারণা মানবাঙ্গার শান্তিদানে সমস্তই যখন পরাভূত, একমাত্র ভক্তিই তখন মানবের শান্তি ও সান্তনার উপায় বিধানে অগ্রসর। স্মৃতরাং আর ভয় কেন? সংসারদন্ধ ভয়ার্জী মানবের সমস্ত ভয় দূর করিতে, সকল জালা নিবারণ করিতে করুণারূপিণী ভক্তিদেবী যে রহিয়া-

ছেন! ভয় কি মানব! ভক্তির আরাধনা কর। আর কিছুই আবশ্যক হইবে না। তুমি জ্ঞানের সাধনায় সিদ্ধিলাভ করিতে পার নাই বলিয়া সংসার সমুদ্রে প্রমাদ গণিতেছ? ভয় কি? ভক্তির সাধনা কর। ভক্তিদেবী করুণাময়ী, তুমি কল্পপথে সাফল্যলাভ করিতে পার নাই বলিয়া কাতর হইতেছ? তাই বা কাতরতা কেন? ভক্তির উপাসনা কর। শুধু জ্ঞানের কাছ হইতে নৈরাশ্যভরে ফিরিয়া আসিয়াছ? কঠোর কশ্মের নিকট বঞ্চিত হইয়াছ? আচ্ছা, স্নেহমতাময়ী ভক্তির উপাসনা একবার করিয়া দেখ। ভক্ত হও। তোমার ভবজ্বালা নিবারণ করিতে—সেই চির আকাঙ্ক্ষিত নিত্যানন্দ প্রদান করিতে, যদি ইহা নিশ্চয়ই বুঝিয়া থাক যে, একমাত্র ভগবানই পারেন, তবে এটা কি এখনও বোঝ নাই যে,—“ভক্তের ভগবান!”

ভক্তের ভগবান বলিধাই ত সেই গোলকের ধন ভুলোকে আসিয়া অবতাররূপে আবির্ভূত হন। শুদ্ধ ভক্তেরই মনস্তটার জখ তিনি চণ্ডালকে “মিতা” বলিয়া আলিঙ্গন দেন, রাখাল বালকের উচ্ছিষ্ট তৃপ্তির সহিত ভক্ষণ করেন, গোপরমণীর উদ্বৃথলে বাঁধা পড়েন। জাননা কি,—ভক্তের ভগবান। তবে আর ভয় কেন? ভক্ত হও। আর কিছুই চাই না। আর কিছুই আবশ্যক হইবে না। শুদ্ধ “ভক্তি” থাকিলেই হইবে।

তাই ভক্তির অবতার পতিত পাবন প্রেমের গোরা একমাত্র ভক্তির সাধনা দ্বারাই সেই মধুর লীলা বিস্তার করিখা এই ধ্যান জ্ঞান ধারণাশীল কল্প বিমুখ কলির হর্গত ও হুর্ভাগ্য জীবের সম্মুখে শান্তি ও আনন্দলাভের এমন সরল শুভপথ দেখাইয়া গিয়াছেন। যথার্থ এই পথের অনুসরণ করিতে পারিলে মঙ্গল হয়। কিন্তু সৰুদা মনে রাখিতে হইবে,—যথার্থ “ভক্তি” চাই—প্রকৃত “ভক্ত” হইতে হইবে। তবেই মানবের চির-আকাঙ্ক্ষিত সেই নিত্যানন্দলাভের অধিকারী হইতে পারিবে।

শ্রীশ্রীনাম মাহাত্ম্য

(পরিত্রাজক শ্রীযুক্ত ভুলুশাবাবা লিখিত)

এই অনন্ত প্রকারের জীবসজ্জ্ব পরিপূর্ণ অনন্ত বিস্তৃত ব্রহ্মাণ্ড, সেই একমাত্র ব্রহ্ম পদার্থের অধ্যাস হইলেও ইহার মধ্যে বহু প্রকারের বৈষম্য দৃষ্টিগোচর হইতেছে। সর্বত্র সর্বকালে সর্বাস্তরে সেই একই পরমাশক্তি বিরাজিত থাকিলেও শক্তির তারতম্যানুসারে প্রত্যেক ভূতের অন্তর্গত শক্তির পার্থক্য দৃষ্ট হইতেছে। সর্বরূপের আধার সেই পরমপুরুষের রূপের বিস্মৃ লইয়া চরাচর জগতের রূপ সম্পাদিত হইলেও প্রত্যেক রূপে পার্থক্য আছে—একমাত্র চৈতন্য দেব প্রত্যেক জীব-জন্ময়ে জীবনালোক প্রজ্জ্বলিত করিলেও চিহ্নক্রির বিকাশের পরিমানানুসারে সর্বত্রই পৃথকত্বের পূর্ণ প্রভাব বিद्यমান রহিয়াছে। এই পৃথকত্বের সমুদ্রে যদি নামকরণের অভাব থাকে তাহা হইলে কেহ কাহাকেও সন্সোধন করিতে পারে না, সন্সোধনের অভাবে সন্সন্ধ স্থাপিত হইতে পারে না, সন্সন্ধ না থাকিলে শাস্তির সহায় সমাজ গঠিত হইতে পারে না, সমাজ-গঠিত না হইলে অনন্ত জীবসজ্জ্ব সমুদ্রতীরবর্ত্তী বালুকারাশির মত নিঃসম্পর্ক, নিষ্কর্ম্মা ও নিশ্চল থাকিতে বাধ্য হয়। অভিনয় হয় না। যখন বিজ্ঞান বা রসায়ণ শাস্ত্র অধ্যয়ন করিতে উপবেশন করি, তখন বিজ্ঞানবিৎ অধ্যাপক যদি সমস্ত পদার্থকে একই নামে অভিহিত করিতে থাকেন, তাহা হইলে কেবল যে তাঁহার পরিশ্রম নিষ্ফল হয় তাহা নহে, যাহারা অধ্যয়ন করিতে গমন করে, তাহারাও অসংস্কৃত অনলঙ্কৃত অন্তরে বিফল-মনোরথ হইয়া প্রত্যাগমন করিতে বাধ্য হয়।

সমস্তই ব্রহ্ম পদার্থ, অথবা সমস্ত ক্ষুদ্র বৃহৎ শক্তিই সেই আত্মাশক্তি, এ কথা স্বীকার করিলেও প্রত্যেক পদার্থের পৃথক নাম না থাকিলে বিজ্ঞান রসায়নের অবস্থিতি বা উন্নতি অসম্ভব হয়, দর্শনের আলোচনা বন্ধ রাখিতে হয়, ইতিহাসের সহিত বিন্দুমাত্র সঘন ও স্থাপন করা যায় না, সংখ্যানির্দেশক নাম পরিপূর্ণ গণিত শাস্ত্রকে ধৌত করিয়া পরিষ্কার করিতে হয় এবং সাহিত্য ব্যাকরণ হইতে ধাতু, শব্দ, প্রত্যয়, বিভাজ্য, বিশেষ্য, বিশেষণ, ক্রিয়া, অব্যয়, উপসর্গ, প্রকৃতির সঘন পরিভ্যাগ করিতে হয়।

নাম আছে, তাই গণিত, বিজ্ঞান, রসায়ন আছে। নাম আছে, তাই সাহিত্য, ব্যাকরণ, ইতিহাস আছে। নাম আছে তাই তুমি আমি আছি, তাই সঘন আছে, তাই সমাজ আছে। নাম আছে তাই কর্ম আছে, ধর্ম আছে, উপাসক আছে, উপাস্ত আছে, এবং উপাসনা আছে। নাম আছে তাই স্নেহ মমতা, বন্ধুত্ব আছে, প্রেম আছে, ভক্তি আছে। নাম আছে তাই ভক্ত আছেন, ভগবান আছেন এবং সাধন আছে, ভজন আছে। নাম আছে, তাই সম্পদ, বিপদ, সুখ, দুঃখ আছে, শত্রু মিত্র আছে, মানাপমান আছে, অথবা এই সংসারের অভিনয় আছে।

নামের শক্তির অন্ত নাই, নামের মহিমার অন্ত নাই, নামের বিভূতির অন্ত নাই। যদি নাম না থাকিত, তোমাকে আমি চিনিতে পারিতাম না, তোমার পরিচয় জানিতে পারিতাম না, তুমি যে আমার আপন, তুমি যে আমার বিপদের বন্ধু, আমার অভাবের সুহৃদ, তাহা আমি বুঝিতে পারিতাম না। আমার সঙ্কটকালে তোমাকে আহ্বান করিয়া, আশ্বাসবাণী লাভ করিতে পারিতাম না। যদি নাম না থাকিত, দৈব-হুঙ্কিশাকে পতিত হইলে 'হা বিপত্তারণ মধুসূদন' বলিয়া প্রাণ তরিয়া

ডাকিতে পারিতাম না, এবং সেই পরমকরণাময় পরাৎপর পরমেশ্বরকে সম্বোধন করিয়া অন্তরের বাথা নিবেদন করিয়া শোক-ভার লঘু করিতে পারিতাম না।

যদি নামের অভাবে এত অনর্থের উৎপত্তি হয়, যদি নামের অভাবে বস্তুর বস্তুত্ব অক্ষুভবে অসমর্থ হইতে হয়, তাহা হইলে বস্তু অপেক্ষা নামের শ্রেষ্ঠত্বই স্বীকার করিতে হইবে। নামের অভাবে বস্তুর প্রভাব উপলব্ধি করা অসম্ভব। যেখানে নাম নাই, সেখানে বস্তু থাকিয়াও নাই। যেখানে নাম নাই, সেখানে রাজা নাই, রাজার রাজত্ব নাই, প্রজার অস্তিত্ব নাই। এইরূপে যেখানে নাম নাই, সেখানে ভক্ত নাই, ভগবান নাই। নাম নামী এক—নামী হইতে নাম শ্রেষ্ঠ—তাই কৃষ্ণ অপেক্ষা কৃষ্ণের নাম শ্রেষ্ঠ—সত্যভামা তুলাদণ্ডে ওজন করিয়া সেই শ্রেষ্ঠত্বের পরীক্ষা করিয়া ছিলেন। একপার্শ্বে কৃষ্ণকে বসাইয়া অন্য পার্শ্বে তুলানী পত্রের কৃষ্ণের নাম লিখিয়া, ওজন করিয়া, নামের গুরুত্ব দর্শন করিয়া ছিলেন। শ্রীচৈতন্য চরিতামৃতে মধ্য লীলায় লিখিত আছে—

নাম, বিগ্রহ, স্বরূপ, তিন একরূপ।

তিনে ভেদ নাই তিন চিদানন্দ রূপ ॥

দেহ দেহী নাম নামী কৃষ্ণে নাই ভেদ

জীবের ধর্ম নাম নামী স্বরূপ বিভেদ ॥

শ্রীশ্রীহরিভক্তি বিলাসে লিখিত আছে—

নাম চিন্তামণিঃ কৃষ্ণশ্চৈতন্যরস বিগ্রহঃ।

পূর্ণঃশুদ্ধো নিত্যমুক্তোহ্ভিন্নাত্মা নামনামিনোঃ ॥

নাম চিন্তামণিই শ্রীকৃষ্ণ, তিনি চৈতন্য স্বরূপ, রসবিগ্রহ, পূর্ণ পবিত্র, নিত্য, নাম ও নামধারী এই উভয় অভিন্ন।

তাই শ্রীশ্রীব্রহ্ম হরিদাস ঠাকুর নামাশ্রয় করিয়া, সাধনায় আসীন

হইয়া ছিলেন, এবং নাম সাধনায় সিদ্ধি লাভ করিয়া, নামের অত্যন্ত প্রভাব জগৎ সমক্ষে প্রদর্শন করিয়া, নামের বিজয় বৈজয়ন্তী উন্নত আকাশে উড্ডীয়মান করিয়া, চরাচরকে স্তম্ভিত করিয়াছিলেন। নামাশ্রয় করিলে নরক-জনক কামের দর্প কিরূপে চূর্ণ করিতে পারা যায় তাহার অতুল্য দৃষ্টান্ত বেনাপোলার জঙ্গলে তিনি স্থাপন করিয়া, সাধক-মণ্ডলীকে নাম-সাধনায় আহ্বান করিয়া ছিলেন। নামের সাধক, যোগীশ্বর গণের মত, কেমন ভাবে ইচ্ছানুসারে কলেবর পরিত্যাগ করিয়া, মৃত্যু-যন্ত্রনার হস্তে নিষ্কৃতি লাভ করিয়া থাকেন, শ্রীশ্রীহরিদাস ঠাকুর তাহা আপন জীবনাবসান সময়ে শ্রীমন্নচাপ্রভুকে সাক্ষী করিয়া চরাচরকে দেখাইয়া গিয়াছেন। নামের সাধনাই সর্বকলপ্রদ সর্বশ্রেষ্ঠ সাধনা—নামের সাধকই সর্বশ্রেষ্ঠ সাধক। এই নামের প্রভাব, নামের মহিমা বর্ণন করিবার ভাষা আজ পর্য্যন্ত আবিষ্কৃত হয় নাই।

লক্ষহীরা বারবিলাসিনী, ঐশ্বর্যাগর্ভিনী, ইতর স্বভাবা কামিনী ছিল। সে পরকালের শঙ্কাবিহীন তুচ্ছ সম্পদে অত্যন্ত অহঙ্কারী, মহা মোহাক, স্বেচ্ছাচারী রাজা রামচন্দ্র খানের বিলাসের পুতুল ছিল। পাপের খেলা নরকের উৎসব, লক্ষহীরার যাগ, যজ্ঞ, ধর্ম, কর্ম, ছিল। সুকঠিন প্রস্তুত খণ্ডে কোমলত্ব সম্ভব হইতে পারে, বিশ্ব ভগ্নকারী ভ্রাতাশনে শীতলত্ব সম্ভব হইতে পারে, কিন্তু নরকের কুহকী, ইন্দ্রিযভোগোন্মত্তা, লক্ষহীরার অন্তরে হরিভক্তির উদয় হইবে, তাহা স্পন্দিতও অগোচর ছিল। আবার পরমকরণাময় পতিত পাবন শ্রীশ্রীহরি নামের এমনি মহিমা, আর এতই প্রভাব যে, শ্রীশ্রীব্রহ্ম হরিদাস ঠাকুরের শ্রীমুখে মাত্র হই রাত্রি সেই লক্ষহীরা তরিনাম শ্রবণ করিয়া পরমজ্ঞান লাভ করিয়াছিল এবং ইহকালে পরকালে পরম মঙ্গল প্রদায়িনী হরিভক্তি দ্বারা অধিতা হইয়াছিল।

মানুষের অন্তঃকরণ, ভগবান গোবিন্দের শ্রীচরণ কমলের মধু পানের জন্ম উন্মত্ত হইয়া, যখন মত্ত মধুকরের মত প্রধাবিত হয়, তখন তুচ্ছ ভোগৈশ্বর্যের প্রলোভন তাহার সম্মুখে অরুণোদয়ে কুজ্জাটাকার মত অন্তর্হিত হইয়া যায়। মাত্র দুই রাত্রি হরিনাম শ্রবণ করিয়া, লক্ষহীরার মনপ্রাণ হরিপাদপদ্মে তন্ময় হইয়াছিল। সে রাজা রামচন্দ্র খানের সহিত পাপের সম্বন্ধ চিরদিনের মত ঘৃণার খড়্গে ছেদন করিয়া ছিল। তাহার অতুল ঐশ্বর্য বিষ্ঠায়ুক্ত তৃণের মত পরিত্যাগ করিয়া, নিকিঞ্চন মহীয়ান জনের মত কঠোর বৈরাগ্য অবলম্বন করিয়া, হরিপাদপদ্ম লাভের বাসনায়, সাধনাসনে উপবেশন করিয়াছিল। তাহার মরুভূমির সমান অন্তরে সূনিস্থল স্বচ্ছ সলিলের প্রবাহ প্রবাহিত হইয়া শান্তির শীতলতা আনয়ন করিয়াছিল। পাষণ্ড বিগলিত হইয়াছিল, অঙ্গারের মলিনত্ব বিদূরিত হইয়াছিল এবং উষরে বীজ অঙ্কুরিত হইয়াছিল।

যদি আমরা হীরার এই অসম্ভব পরিবর্তনের কাবণ অনুসন্ধান করি, তাহা হইলে দেখিতে পাই, একমাত্র পংম মঙ্গলকর শ্রীহরিনাম এবং হরিনামের সর্বাঙ্গ সুন্দর সাধক সেই ব্রহ্ম হরিদাস ঠাকুরই এই পরিবর্তনের একমাত্র কারণ। হরিনাম শ্রবণ করিলে ইন্দ্রিয় ভোগের বাসনার ক্ষয় হয়, বিষয়াশক্তির অন্তর্ধান ঘটে, সর্বানর্থের নিবৃত্তি সাধিত হয়, পরকালের পথে দৃষ্টি সঞ্চালিত হয়, এবং অশান্তিময় সংসারকে শান্তি নিকেতন বলিয়া প্রতীক্ষমান হয়।

বিপত্তি ভঞ্জন হরিনাম আশ্রয় করিলে বিঘ্ন বিপদের অবসান হয়। হরিনামকে যিনি রসনাগ্রে উচ্চারণ করিতে অভ্যাস করিয়াছেন, এই ধরণীতলে তিনি ভাগাধান, তিনিই ধন্য, তিনিই সাধু এবং তাঁহার সঙ্গ সর্বলোক বাঞ্ছনীয়। যোগর জিহ্বাগ্রে পতিতপাবন হরিনাম অঙ্কুশ উচ্চারিত হয়, তিনি জাতিতে চণ্ডাল হইলেও ব্রাহ্মণ অপেক্ষা গৌরবের

সামগ্রী। এক হরি নাম আশ্রয় করিলে, সর্বত্রীর্থে স্নান করার ফল লাভ করিতে পারা যায় ; সর্বপ্রকার তপস্যা অনুষ্ঠিত হয়, সর্বপ্রকার যাগ যজ্ঞ সম্পন্ন করা হয়, এবং চতুর্বেদ অষ্টাদশ পুরাণ অধ্যয়ন জানিত জ্ঞানলাভ করিয়া কৃতার্থ হওয়া যায়। শ্রীমদ্ভাগবতে কপিলদেবের প্রতি দেবহুতী বলিতেছেন—

“অহো বত স্বপচোহতোগরীধান যচ্ছিব্বাগ্রে বর্ততে নাম তুভ্যাম্ ।

তেপুস্তপস্তু জুহবুঃ সন্নূরার্থ্য ব্রহ্মানুচূর্নাম গৃণন্তি যে তে ॥”

যিনি যে কোন ভাব অবলম্বন করিয়া সেই পরাৎপর পরমেশ্বরের আরাধনায় নিযুক্ত হইলেন না কেন, নাম আশ্রয় ভিন্ন কাহারও অন্তপথে অগ্রসর হইবার উপায় নাই। শাক্তগণ কালী, দুর্গা, তারা প্রভৃতি নাম উচ্চারণ করিয়া থাকেন, শৈবগণ শিব, শঙ্কর, বিশ্বেশ্বরাদি নাম উচ্চারণ করিয়া থাকেন, বৈষ্ণবগণ বিষ্ণু, রাম, কৃষ্ণ, গোবিন্দ প্রভৃতি নাম উচ্চারণ করিয়া থাকেন, সৌরগণ সূর্য্য, ভাস্কর, ত্রিগৎসবিতা প্রভৃতি নাম উচ্চারণ করিয়া থাকেন এবং গাণপত্যগণ গণপতি, গণেশ, সিদ্ধিদাতা প্রভৃতি নাম উচ্চারণ করিয়া থাকেন। আর্য্য জগতের পঞ্চবিধ উপাসক সম্প্রদায়ের মধ্যে অত্যান্ত অগণ্য সম্প্রদায় শাখাপ্রশাখারূপে বহির্গত হইলেও প্রত্যেক সম্প্রদায়ে অভীষ্ট দেবের নাম লইয়াই শ্রবণ কীর্ত্তন অনুষ্ঠিত হইয়া থাকে। “কর্ত্তাভজা,” “শুকসত্য,” “হাসিকান্না,” প্রভৃতি সম্প্রদায়ের মধ্যেও নামের আসন সর্বোচ্চস্থানে স্থাপিত হইয়া থাকে।

আর্য্য জগতের সংবাদ পরিত্যাগ করিয়া, যদি আমরা পাশ্চাত মুসলমান বা খৃষ্টান সমাজের তত্ত্ব অনুসন্ধান আরম্ভ করি, তাহা হইলে তাহাদের মধ্যেও আন্না, খোদা, মহম্মদ, এবং গড, অলমাইটী, প্রভূ যীশু-খৃষ্ট, প্রভৃতি নাম সাধন মন্দিরের প্রবেশ দ্বারে উচ্চ তোরণে উজ্জ্বল লোহিতাকরে অঙ্কিত দেখিতে পাই। আমাদের দেশে কিছুদিন পূর্বে

হইতে যে অভিনব নিরাকার সম্প্রদায়ের উৎপত্তি হইয়াছে, তাঁহাদের সাধন মন্দিরে প্রবেশ করিলেও পরমেশ্বর, জগদীশ্বর, প্রাণেশ্বর, শ্রীশ্রীনাথ ধর্মরাজ, প্রভৃতি নামের সম্বোধন, মুহুমূর্ছ শ্রীতিগোচর হইয়া থাকে। তাই বলিতেছি, সর্বত্রই নামের সাধনা। সর্বকালে সর্বসমাজে, সর্বদেশে সাধকগণ নামাশ্রয় করিয়া প্রথম হইতে শেষ পর্য্যন্ত সাধন পথে বিচরণ করিয়া গিয়াছেন।

ক্ষুদ্রশক্তি, ক্ষুদ্রমতি, ক্ষণস্থায়ী মানবের পক্ষে সেই প্রকাণ্ড ব্রহ্মাণ্ডের সর্বত্র ব্যাপ্ত বিরাট পুরুষের নাম সাধনা ভিন্ন অন্য কোন বিষয়ে অধিকার আছে? যুগধর্ম প্রবর্তক কলি পাবনাবতার শ্রীশ্রীমহাপ্রভু শ্রীচৈতন্যদেব তাই ক্ষুদ্রায়ু, ক্ষুদ্রমতি, সূচঞ্চল কলিজীবের জন্ত সহজসাধ্য নাম-সাধনাই প্রচার করিয়াছেন।

শ্রীমদ্ভাগবতে দেবহৃতীকে উপদেশচ্ছলে ভগবান কপিলদেব যে সর্বাপেক্ষা সহজসাধ্য সাধন-তত্ত্ব প্রকাশ করিতেছেন, তাহার মধ্যেও দেখিতে পাই, “নাম হইতে সর্বসিদ্ধি সাধিত হয়। হরিনাম জপ করিতে আরম্ভ করিলে রসনার আড়ষ্টভাব বিদূরিত হয়, হরির প্রতি আসক্তি জন্মিতে থাকে, হরির ভুবনভরা রূপরাশি অন্তরে জাগ্রত হইতে থাকে, হারি বিষয়ক জ্ঞান উৎপন্ন হয় এবং সেই জ্ঞান হইতে যে প্রেমভক্তি দ্বারা ভগবদ্প্রাপ্তি ঘটে, সেই প্রেমভক্তি লাভ করিতে পারা যায়।”

ভাগবতবৈষ্ণবগণের একমাত্র বাঞ্ছনীয় কৃষ্ণভক্তি যে, কৃষ্ণনাম আশ্রয় করিলে লাভ করিতে পারা যায়, তাহার সিদ্ধাস্ত শ্রীশ্রীব্রহ্ম হরিদাস ঠাকুরের অমৃতময় বাক্যেও আমরা প্রাপ্ত হইয়াছি। চাঁদপুরে হিরণ্য গোবর্দ্ধনের সভায় তিনি অমুসন্ধিৎসু সত্যসঙ্গগণকে বুঝাইয়া ছিলেন—

“কেহ বলে নাম হৈতে হয় পাপক্ষয়,
কেহ বলে নাম হৈতে জীবের মোক্ষ হয়।

হরিদাস কহে নামের এ ছই ফল নহে

নামের ফলে কৃষ্ণ পদে প্রেম উপজয়ে ॥” (চৈঃ চঃ)

এই কথা বলিতে বলিতে ভাগবতের এক শ্লোক উদ্ধৃত করিয়া বলিলেন ।
রাজর্ষি জনকের প্রতি যথা—

“এবং ব্রতঃ স্বপ্রিয়নামকীর্ত্তা জাতানুরাগো দ্রুতচিত্ত উচৈঃ ।

হসত্যথো রোদিতি রৌত্তি গায়তুান্মাদবন্ত্ ত্যতি লোকবাহুঃ ॥

উচৈঃশ্বরে গুণসিক্ত ভগবান গোবিন্দের নাম যিনি কীর্ত্তন করেন, তিনি অতিশীঘ্র কৃষ্ণানুরাগ দ্বারা—কৃষ্ণপ্রেম দ্বারা—অক্লান্ত হইয়া থাকেন । যখন তাহার হৃদয় ক্ষেত্র ভগবান অচ্যুতের প্রেমে পরিপূর্ণ হয় তখন কখনও তিনি উচ্চ ভাষ্য করেন, কখনও রোদন করেন, কখনও অব্যক্ত শব্দ করেন, এবং কখনও উন্মাদবৎ নৃত্য করেন ।

“আনুষ্ঙ্গিক ফল নামের মুক্তি পাপ নাশ ।

তাহার দৃষ্টান্ত যৈছে সূর্য্যের প্রকাশ ।” (চৈঃ চঃ)

প্রেমানন্দে বিহ্বল হইয়া ঠাকুর হরিদাস আবার পড়াবলী হইতে আর এক শ্লোক উদ্ধৃত করিয়া বলিতে লাগিলেন—

“অংহঃ সংহরদখিলং সক্রুহুদঘাদেব সকল লোকশ্চ ।

তরর্গারিব তিমির জলধিঃ জয়তি জগন্মঙ্গলং হরেনাম ॥

জগন্মঙ্গলকর ভগবান হরিনাম জয়যুক্ত হউন । জগৎপ্রকাশক প্রভাকর সমুদিত হইলে যেমন জগতের অন্ধকার রাশি বিদূরিত হয়, দুর্জ্জন নিশাচর-গণের হস্ত হইতে গৃহস্থগণ নির্ভয় হইয়া থাকে, সেইপ্রকার নামরূপ সূর্য্য অস্তরে উদিত হইলে কামাদি রিপু সমূহের সস্তাড়ণ হইতে মানুষ মুক্তি লাভ করিয়া থাকে । জগন্মঙ্গলকর হরিনাম অজ্ঞানন্ধকার সমুদ্রের উত্তারণ তরগি সদৃশ ।

“হরিদাস কহে যৈছে সূর্যোর উদয়,
 উদয় না হৈতে আরম্ভ হয় তমক্ষয় ।
 চৌর প্রেত রাক্ষসাদির ভয় হয় নাশ
 উদয় হৈলে ধর্ম্য কর্ম্ম মঙ্গল প্রকাশ ।
 ঐছে নামোদয়ারন্তে পাপ আদি ক্ষয় ।
 উদয় হৈলে কৃষ্ণপদে হয় প্রেনোদয় ।
 মুক্তি তুচ্ছ ফল হয় নামাভাষ হৈতে
 যে মুক্তি ভক্ত না লয় কৃষ্ণ চাহে দিতে ॥” (চৈ: চ:)

শ্রীমদ্ভাগবতে ভগবৎ বাকী—

“সালোক্য সৃষ্টি সাক্ষরূপা সামীপ্যৈকভ্রমপ্যুত ।

দীয়মানং ন গৃহ্ণন্তি বিনা মৎসেবনং জনাঃ ॥

জগৎ প্রকাশক দিবাকর যেমন আপনা আপনি উদ্ভিত হইয়া জগৎকে
 অন্ধকাররূপ সমুদ্র হইতে উদ্ধার করেন, এই নামরূপ সূর্য্যও তেমনই
 জীবগণকে পাপরূপ অন্ধকার হইতে পরিত্রাণ করিয়া থাকেন ।

শ্রীমদ্ভাগবতের উপদেশের মধ্যেও প্রাপ্ত হই, যাঁহারা ভগবান শ্রীকৃষ্ণকে
 লাভ করিতে প্রার্থনা করেন, তাঁহাদের পক্ষে কৃষ্ণভক্তিই একমাত্র
 অবলম্বনীয় । তাঁহারা জ্ঞানমার্গ, যোগমার্গ ও কর্ম্মমার্গের কর্ম্মাদি না
 করিয়া একমাত্র ভক্তিমার্গের আদেশ উপদেশাদিই শিরোধার্য্য করিয়া
 গমন করিবেন । ভক্তি ভিন্ন ভগবানকে পরিপূর্ণরূপে লাভ করিয়া কৃতার্থ
 হওয়া যায় না ।

“ভক্তনের মধ্যে শ্রেষ্ঠ নববিধা ভক্তি ।

কৃষ্ণ প্রেম কৃষ্ণ দিতে ধরে মহাশক্তি ॥

তার মধ্যে সর্ব্বশ্রেষ্ঠ নাম সঙ্কীর্তন ।

নিরপরাধে নাম লইলে পায় প্রেম ধন ॥

হেন কৃষ্ণ নাম যদি লয় বহুবার ।

তবু যদি নহে প্রেম নহে অঙ্গধার ॥

তবে জানি অপরাধ আছেয়ে প্রচুর ।

কৃষ্ণ নাম বীজ তাহে না হয় অক্ষুর ॥* (১৫: ৮:)

এই মহাবাক্যে নাম সাধনার এক নূতন সঙ্কেত প্রাপ্ত হইলাম । নাম সঙ্কীর্্তনই সর্বশ্রেষ্ঠ সাধনা ; কিন্তু সে নাম নিরপরাধ হইয়া লইতে হইবে । দুঃখে মাখন আছে সত্য ; কিন্তু তাহা উত্তোলন করিতে মন্বন প্রণালী অবলম্বন করিতে হইবে । খেজুর গুঁথে গুড় আছে, কিন্তু তাহা প্রণালী পূর্বক বাহির করিয়া লইতে হইবে । নামাশ্রয় করিলে কৃষ্ণভক্তি পাওয়া যাইবে সত্য, কিন্তু নামাপরাধ পরিত্যাগ করিতে হইবে । একথা শ্রীশ্রীপদ্ম পুরাণেও পাওয়া গিয়াছে—

সর্বাপরাধকৃদপি মুচ্যতে হরি সংশ্রয় ।

হরেরপ্য পরাধান য কুর্ধ্যাদ্বিপদ পাংশলঃ ॥

নামাশ্রয় কদাচিত্ স্মাৎ তরত্যেব সনামত ।

নাম্নোহি সর্ব সূহৃদঃ ঋপরাধাৎ পততাধঃ ॥

সংসার পথে চলিতে ফিরিতে মানব যত অপরাধ করে, সমস্ত অপরাধের হস্তে সে নিষ্কৃতি লাভ করিতে পারে, যদি সে নামাশ্রয় করে । আবার ভগবান হরির নিকটেও ৩২টা সেবা অপরাধ আছে । যদি মানুষ নামাশ্রয় করে তাহা হইলে সেই সকল সেবাপরাধের হস্তেও নিষ্কৃতি লাভ করিতে পারে । কিন্তু নাম যদিও সর্বোত্তম সূহৃদ, নামের নিকটে অপরাধ করিলে আর তাহার মুক্তি নাই । সে নিশ্চয়ই অধঃপতিত হইবে ।

আমরা হরিনাম সঙ্কীর্্তন করি—অষ্ট প্রহর, চব্বিশ প্রহর, সহস্র প্রহর নাম সঙ্কীর্্তন করি । কিন্তু আমরা পাপ-জনিত দুঃখে মুক্ত হই না কেন ? হই না— কারণ নামাপরাধ ত্যাগ করি না । তুচ্ছ সুখ-বাসনার মাথায়

পদাঘাত করিয়া, শ্রীমন্মহাপ্রভুর শরণাগত হইয়া “হা গোবিন্দ” বলিয়া যদি উপবেশন করিতে পারিতাম,—যদি সেই নিত্য সুখময় শ্রীকৃষ্ণ পাদপদ্মে মন-প্রাণ অর্পণ করিয়া তাঁহারই নামে শ্রোমে তন্ময় হইতে পারিতাম, তাহা হইলে নিশ্চই কৃতার্থ হইতে পারিতাম,—নামের মাছাণ্ড্য জগতকে দেখাইতে পারিতাম।

বলিদান

(শ্রীযুক্ত শ্যামাপদ বন্দ্যোপাধ্যায় লিখিত)

সংসাররূপ মহাশ্মশান আলোকিত করিয়া প্রদীপ জলিয়া উঠিল। বিকট ও উহাঙ্গ-মুখরিত গাঢ় তমিস্রা দূরিত হইল। তৎপরে দিগন্ত বিকম্পিত করিয়া প্রবলভাবে ধ্বংসের করাল বাজ্ঞ অপ্রতিহত ভাবে বাজিয়া উঠিল। সহসা প্রশ্ন উঠিল “এ বাদ্যের অর্থ কি ?” অসীম তেজঃপুঞ্জ যোগ-প্রতিভা-প্রদীপ্ত সৰ্ব্বশুণসম্পন্ন জিতেন্দ্রিয় মহাপুরুষের সজ্ব হইতে উত্তর আসিল “এ বলিদানের মঙ্গলবাত্ত।” মহাপুরুষকণ্ঠ-নিঃসৃত এই ধ্বনি রানিয়া রানিয়া প্রতিধ্বনিত হইল “এ বলিদানের মঙ্গল বাত্ত”। তৎপরে চতুর্দিকে মহাপুরুষগণ স্বীয় কার্ষ্য সাধন মানসে ধাবিত হইল। পথে যাহাকে পাইল ক্রুপা পূর্বক বলিল “ওগো তোমার মধ্যে যে ছয়টি পশু আছে, তাহার অতিশয়-হৃদ্বাস্ত, তাহাদের বলিদান কর।”

সকলে বলিল “কেমন করিয়া এই অসাধা সাধন করিব ? আমরা যে সেই পশু দ্বারাই পরিচালিত হইয়া পাশবিক ব্যাভিচার-শ্রোতে সম্পূর্ণরূপে লিপ্ত।” মহাপুরুষগণ প্রত্যুত্তর করিল “উপায় হইয়া যাইবে। আমরাদিগকে আশ্রয় করিয়া মহার্গবে ঝাম্প প্রদান কর—উপায় অবশ্যই হইয়া যাইবে।”

জগৎবাসী এই আশ্বাস বাণী লাভ করিয়া ধন্ত হইল। তাহাদের মধ্যে যাহারা বৈরাগ্য যুক্ত ভাগ্যবান, তাহারা মানসনেত্রে দর্শন করিল এক অত্যাশ্চর্য্য ভক্ত প্রদেশের বিপুল উন্মাদকারী ভুবনমোহন সৌন্দর্য্য। নদনে দেখিল মূল্যবান নানাবর্ণযুক্ত প্রতিভা বিশিষ্ট চিরক খচিত নীল চন্দ্রোতপতলে অনন্ত পুরুষের অনন্ত আসন প্রতিষ্ঠিত হইয়াছে। গগন মণ্ডল হইতে স্নিগ্ধ আলোক বিচ্ছুরিত হইয়া এক অপূর্ব শোভার সঞ্চারণ করিতেছে। এক অজানিত স্থান হইতে অবিচ্ছিন্ন ধারে সঙ্গীতসুধা নিঃসৃত হইতেছে। কদম্ব বৃক্ষ তলে শিখীগুলি নৃত্য করিতেছে—অসীম ভাবে নন্দন কানন হইতে কুসুমরষ্টি আরম্ভ হইয়াছে। সকলেই আনন্দিত— উৎফুল্ল, কারণ তাহারা এই মহাসভায় শ্রীঅনন্তদেবের চিরবাস্তিত চরণ কমল দর্শন করিবে।

ভক্তমণ্ডলী শ্রাবণের ধারার মত সভামণ্ডপে প্রবেশ করিয়া স্ব স্ব স্থানে আসন গ্রহণ করিল। তারপর সেই শুভ মুহূর্ত্তে “শ্যাম-নবধন ভক্ত-হৃদয়ধন” ভুবনমোহন শ্রীগোবিন্দ প্রকাশিত হইলেন। শঙ্খ, ঘণ্টা মঙ্গল বাজ বাজিতে লাগিল, শিখীগুলি উন্মত্তবৎ নৃত্য করিতে লাগিল। কদম্ব বৃক্ষ হইতে কদম্বরেণু স্থলিত হইতে লাগিল। ভক্তজন-সভের হৃদয় হইতে ভক্তি-অশ্রু প্রবাহিত হইয়া শ্রীশ্রীজীবন দেবতার চরণ কমল সিক্ত করিল। উন্মত্তবৎ তাহাদের ব্যাকুল ক্রন্দনধ্বনী আকাশ ভুবন প্রকম্পিত করিয়া উঠিল।

তদর্শনে ভুবন স্বামী স্মিতমুখে ছল ছল নেত্রে তাহাদিগকে সম্বোধন পূর্ব্বক কহিলেন “তোমাদের হৃদাস্ত পশু নিচয়ের বলিদান ক্রিয়া সমাপ্ত হইয়াছে—তাই এত অশ্রু। কলুষ রক্ত প্রবাহ অশ্রুদ্বারা বিধৌত হউক। আজ তোমরা মুক্ত—আজ তোমরা ধন্ত—কৃতার্থ হইলে।”

এইবার কৃপাপ্রাপ্ত ভক্তমণ্ডলীর অসীম আনন্দ উচ্ছ্বাস উঠিল কি?

কিছুই হইল না—সকলেই মুর্ছিত হইল। বাদ্য ক্ৰান্ত হইল। শিখীগণের নৃত্য অদৃশ্য হইল। মহাপুরুষগণ জাগ্রত হইয়া উঠিয়া দেখিল তাঁহাদের নয়নাভিরাম শ্রীশ্যাম সূন্দর অদৃশ্য হইয়াছেন। তাঁহারা প্রত্যক্ষ করিল যে, তাঁহাদের আত্মসিংহাসনে তিনি মদনমোহনরূপে বিরাজ করিতেছেন। পশু-চালিত আচারের পরিবর্তে শ্রীশ্যামসূন্দর তাঁহাদের রথের সারথী হইয়াছেন। তাঁহারা বুঝিলেন, দুর্দান্ত পশুগুলির বলিদান হইয়াছে।

এস মা

(শ্রীযুক্ত সোমনাথ সেন লিখিত)

এস মা, আনন্দময়ী তুমি দশ হস্তে দশ দিকে তোমার স্নেহাঙ্কল বিস্তার করিও এস, বন্ধজীব আমরা—সারাবৎসর কত তাপ, কত যাতনা সহ করিয়াছি, তোমার আগমনে সে সমস্ত বিস্মৃত হইয়া আবার নবজীবন লাভ করি। ওই দেখ মা, তোমার আগমন উদ্দেশে পুত্র-শোকাক্ত পিতামাতার মুখে হাসি ফুটিয়াছে, জীর্ণ, রোগ-ক্লিষ্ট ব্যক্তি উল্লসিত হৃদয়ে তোমার আগমন প্রতীক্ষা করিতেছে, পিতৃ-মাতৃহীন শিশুর হৃদয়ে অবিরাম আনন্দ শ্রোত বহিয়া যাইতেছে।

এস মা, তোমার শ্রীচরণ স্পর্শে ধরণীর বক্ষ পবিত্র হউক। তোমার আবির্ভাবে প্রাকৃতিক সৌন্দর্যের শ্রীবৃদ্ধি হউক, জীবগণ পুণ্য-প্লাবনে ভাসমান হউক, ভারত ভক্তিস্ফুরণে উদ্ভাসিত হউক।

এস মা, ত্রেতাযুগে শ্রীরামচন্দ্রকে যে মূর্তিতে অভয় দিয়াছিলে—যে মূর্তিতে তাঁহার মনোভিষ্ট পূর্ণ করিয়াছিলে, সেই মূর্তিতে এস মা।

সিংহবাহিনী দশভূজারূপে, রিপু-ত্রাসভরা ভক্ত-মনোহরা রূপে এস।
জ্ঞানবিদ্যা-বিধাত্রী সরস্বতীকে লইয়া, ধন-ধাত্তদায়িনী লক্ষ্মীকে লইয়া,
সর্বসিদ্ধি-বিধাতা গণপতিকে লইয়া ও সর্বশক্তিমান কাৰ্ত্তিকেয়
সমভিবাচারে অসুরদলনীকূপে এস মা। তোমার সন্তানেরা ভক্তিভরা
চিত্তে তোমার চরণে প্রণত হউক।

জানি মা, তুমি সাধকের অন্তরে, ভক্তের হৃদয় কন্দরে, সর্বদা বিরাজ
করিতেছ। জানি মা, সেখানে তোমার প্রতিমা নাই, লৌকিক বাগ্‌ভাও
নাই— ব্রাহ্মণের ঘারা পূজা আরতি নাই—ব্যক্তি বিশেষের আদর অভ্যর্থনা
নাই। কিন্তু বদ্ধজীব আমরা লৌকিকতায় মুগ্ধ হইয়া আছি—তাই আজ
লৌকিক উপচাবে তোমার পূজা করিব। জানি মা, দেহ সাধকের
পবিত্র মন্দির, হৃদয় তাঁহাদের পূণ্য আসন, আত্মা তাঁহাদের মাজলিক
ঘট, মন তাঁহাদের কর্ত্তা—প্রাণ তাঁহাদের পূজক, ভক্তি তাঁহাদের পুষ্প—
প্রেম তাঁহাদের চন্দন, অশ্রু তাঁহাদের পূত জাহ্নবী বারি—ইন্দ্রিয়গণ
তাঁহাদের বলিদান দ্রব্য, সাধনা তাঁহাদের হোমাগ্নি, রিপু তাঁহাদের
আছতি, ক্ষুরণ তাহাদের আর্বাতি—শ্বাস প্রশ্বাস তাঁহাদের ধূপ ধূগা,
শুভদত্ত বীজ তাঁহাদের বাগ্‌ এবং প্রণবধ্বনি তাঁহাদের ঘণ্টারব।
পরমাশক্তি তুমি, পূর্ণানন্দে তখন যতিকে অমৃত মদিরায় নিমজ্জিত
করিয়া রাখ। যতি তখন সর্বত্র সমভাবে প্রকাশিত হন ও তোমার
শক্তিতে তিনি তখন নিখিল বিশ্বকে প্রেম আলিঙ্গন করেন।

সাংসারিক জীব আমরা, আমাদের সে সাধা নাই। তাই তোমার
প্রতিমা গঠন, তাই তোমার পূজাস্থান। দেহ মা, তোমার আগমন
উদ্দেশ্যে জীবগণ আর জীর্ণ মলিন বস্ত্র পরিধান করিবার প্রত্যাশী
নহে। অবস্থা নিকলশেষে সকলেই তোমাকে আবাহন করিবার জন্ত
নব নব বস্ত্র পরিধান করিতেছে। সকলেই নব নব দ্রব্যসম্ভার প্রেরণ করিয়া
আত্মীয় স্বজনের তত্ত্ব লইতেছে। সকলেই নবভাবে উদ্দীপ্ত।

এস মা দুর্গে, সন্তানদের দুর্গতি হরণ করিয়া তাঁহাদের প্রাণে অচলাভক্তি
দাও—হৃদয়ে শাস্তি দাও—যেন তোমার স্নেহ সূধায় তাহারা বঞ্চিত
না হয়। মাতৃরূপসাগরে যেন তাহারা চিরদিন ডুবিয়া থাকে।

কূটস্থ কৈলাস

(শ্রীযুক্ত শিবকৃষ্ণ রায় বি-এ লিখিত)

কূটস্থ কৈলাসে হের চৈতন্য গিরিজাপতি ।

সহে হের শোভাময়ী নিবৃত্তি পান্সতী সতী ॥

ত্রিশূল উষরু করে,

শাসন অভয় ধরে,

অকলক চিদানন্দ তাই দেহে শুভ্র জ্যোতি ।

মস্ত চিত্ত হত্যাকারী,

তাই ব্যাঘ্র চন্দ্রধারী,

সলাটেতে জ্ঞানবহি বিনাশিতে কাম রতি ॥

প্রেমচন্দ্র তছপরি,

কিবা শোভা মরি মরি,

তদুর্কে শিরসে বহে নিত্য শান্তি ভাগীরথী ।

পঞ্চভূত জটাজালে,

অবিদ্যা ভূজঙ্গ খেলে,

সাধা নাই বিষ ঢালে মৃত্যুজয়ী বিশ্বপতি ॥

বিবেক সময় প্রিয়,

কার্তিক নামেতে জেয়,

মহাযোদ্ধা শিব পুত্র শক্রনাশে দক্ষ অতি ।

বৈরাগ্য গন্তীর চিত্ত,

শাস্ত্র সহ যুক্ত নিত্য,

এ বুঝি দ্বিতীয় পুত্র নাম ধীর গণপতি ॥

পবিত্র সৌন্দর্য্য আর,
 পরাবিত্তা চমৎকার,
 উভয়ে সেজেছে হের লক্ষ্মী আর সরস্বতী ।
 মরি কি অদ্ভুত শোভা,
 যোগী ঋষি মনোলোভা,
 হে আদর্শ ! হৃদে রহ সন্তানের এ মিনতি ॥

আত্মনিবেদন

(শ্রীযুক্ত স্ববোধকুমার পাল লিখিত)

(গান)

আমি খুঁজেছি শুধুই আধারে ।

তাইতো প্রাণের দেবতা আমার দাও নাই দেখা আমারে ॥
 এবার, একে-একে সব পাগলামী নেশা ছেড়েছি,
 আজি, আপনায় আমি তোমার পায় সঁপিয়া প্রভু দিয়েছি,
 আর, নাই তো আমাতে আমি গো প্রভু—

তোমাতে দিয়েছি আমারে ।

এইবার তবে ধূলা কাদা মুছে তব কোলে স্থান দাও,
 চিরকাল তরে যাওয়া-আসা তবে ঘুচিয়ে এবার দাও,
 আমি যে, বহু ঘুরে-কিরে বহু শ্রম ক'রে

পাইয়াছি এই পথটারে ।

হিমালয় গমন বা কেদার বদরী ভ্রমণ কাহিনী

(শ্রীযুক্ত অম্বলাধন রায় ভট্ট লিখিত)

(২)

যাত্রাপর্ক ।

[ইং ১৯২৩ বাংলা ১৩৩০ সাল; ১৬ই বৈশাখ, রবিবার, পূর্ণিমা,
ফুলদোল ।]

রবিবার প্রাতে ত্রাহস্পর্শ, যাত্রা নাই, সেইজন্য শনিবার রাত্রি ৩।০টার সময় উঠিরা আমরা সকলকে ডাকা-ডাকি হাঁকা-হাঁকি করিতে লাগিলাম । নৌকা যোগে—ই,আই, আর, শ্রীরামপুর ষ্টেশনে যাইয়া রেল চাপিব বলিয়া নৌকা ঠিক করিয়া মোট ঘাট সব পাঠাইতে লাগিলাম । অল্পক্ষণ পরে যাত্রি-দল পানিহাটি দণ্ড মহোৎসব ক্ষেত্রের দক্ষিণে, রাজা রামচাঁদের ঘাটে আসিয়া হাজির হইল । সব বন্দোবস্ত করিয়া দিয়া আমি একবার বাড়ীতে গিয়া মহাপ্রভুকে দণ্ডবৎ করিবার জন্ত ঠাকুর ঘরে প্রবেশ করিলাম । পূর্ব হইতেই আমার কন্যা-মাতারা ঐমন্দিরে পূর্ণঘট, দীপ, প্রভুর শ্রীচরণ তুলসী প্রভৃতি মাস্তুলিক দ্রব্যাদি আমার জন্ত সজ্জিত করিয়া অপেক্ষা করিতেছিল । আমি দণ্ডবৎ করিয়া শ্রীচরণ তুলসী নিয়া বাহিরে আসিতেছি। এমন সময়ে কন্যাভ্রমণ—“বাবা আমাদের কার কাছে ফেলে রেখে চলে যাচ্ছে,” এই বলিয়া আকুল ভাবে কাঁদিতে লাগিল ।

সংসার বলিতে আমার এই ছুটি মাতৃহারা কন্যা । একটা বিবাহিতা,
অন্যটা বিবাহের উপযুক্ত হইলেও বিবাহ দিতে পারিনি । এ ভিন্ন পিতা,

মাতা, স্ত্রী, পুত্র প্রভৃতি, অর্থাৎ আত্মীয় বলিতে যাহারা ছিলেন, সকলেই স্বধাম গমন করিয়াছেন। বড়ই কঠিন এবং কৰ্কশ প্রাণ, তাই এদের এইরূপ সহায়-সম্পত্তিহীন অবস্থায় ফেলিয়া রাখিয়া স্বস্থের জন্ত যাইতেছি। “যাহা হইবার তাহাই হইবে” ভাবিয়া মনকে প্রবোধ দিতেছি; কিন্তু সে প্রবোধ, সে কৰ্কশতা আর রহিল না, কত্নাঘের আকুল ক্রন্দনে বালির বাঁধের মত তাহা ভাঙ্গিয়া গেল। মনে হইল, হুর্গম পথ, পাহাড়ে পাহাড়ে জঙ্গলে জঙ্গলে ঘুরিতে হইবে, কত আপদ, কত বিপদ সম্মুখে আসিবে, ভাগ্যে কি আছে তাহা কে জানে? হয়তো এই শেষ দেখা, হয়তো আর ফিরিয়া আসা হইবেই না। ভাবিতে ভাবিতে প্রাণ চঞ্চল হইয়া উঠিল।

আমার আসিতে দেরি হইতেছে দেখিয়া সঙ্গীরা বাড়ীতে আসিয়া ডাকা-ডাকি করিতে লাগিল, কাজেই যাত্রার সময় উত্তীর্ণ হইবার ভয়ে, আর বিলম্ব করিতে পারিলাম না। করজোড়ে মহাপ্রভুর চরণে নয়নরঞ্জন স্নেহের পুতলী দুইটাকে ফেলিয়া দিয়া “জয় জয় মহাপ্রভু” বলিয়া বাহির হইলাম। গঙ্গাতীরে যাইয়া শ্রীবটবৃক্ষরাজকে ও শ্রীগোরাঙ্গ ধামের শ্রীশ্রীগোর নিতাইকে দণ্ডবৎ করিয়া নৌকাতে উঠিয়া বসিলাম।

অস্তান্ন যাত্রীগণের আত্মীয় স্বজন সকলেই ঘাটে আসিয়া হাজির। সকলেরই চক্ষে জল! সকলেই আমাকে লক্ষ্য করিয়া বলিতে লাগিলেন :— “দেখোবাবা! তোমার ভরসাতেই আমরা এঁদের ছেড়ে দিচ্ছি, আপদে বিপদে তুমি এঁদের দেখো।” আমার কন্ঠা ছুটীও ঘাটে হাজির ছিল, তাদের মুখে কথা নাই, কেবল চোখে জলধারা। যাবার সময় এই করুণ দৃশ্য দেখিয়া প্রাণ চঞ্চল হইতে চঞ্চলতর হইয়া উঠিল, মনে হইতে লাগিল গিয়া কাজ নাই, ফিরিয়া যাই। যাহা হউক, উষার অম্পষ্ট আলোকে আর একবার জননী জন্মভূমি ও বৃক্ষরাজকে ভাল করিয়া নিরীক্ষণ করিয়া নিলাম। যাত্রীগণের মধ্যে “হরি হরি” “হুর্গা হুর্গা” উচ্চধ্বনি উঠিল। সর্বশেষে সকে

মিলিয়া “জয় বদরীনারায়ণকি জয়” বলিয়া নৌকা ছাড়িয়া দিতে বলায় মাঝিণী নৌকা ছাড়িয়া দিল।

যতক্ষণ দৃষ্টি চলে, ততক্ষণ ধরিয়া কন্ঠা-মাতারা আমায় প্রতি একদৃষ্টে চাহিয়া রহিল, আমিও আকুলপ্রাণে তাহাদের দেখিতে লাগিলাম। ধীরে ধীরে নৌকা অন্তরাল হইতে হইতে শ্রীপাট খড়দহের শ্যামসুন্দরের ঘাটের কাছে আসিয়া হাজির হইল।

তখন প্রভাত হইয়াছে। বৈশাখের মধুর প্রভাত মধুর হাওয়া, গঙ্গার উভয় তীরের মধুর দৃশ্য, চারিদিক মধুময় হইলেও আমার প্রাণে শাস্তি আসিতেছে না। কন্ঠা দুইটির জন্ত প্রাণ চঞ্চল হইয়া উঠিতেছে।

আজ শ্যামসুন্দরের ফুলদোল। বেল, মল্লিকা, জুঁই, চামেলী প্রভৃতি নববসন্তের নব নব ফুল দিয়া আজ শ্যামসুন্দরকে সজ্জিত করা হইবে। শ্যাম আজ কুমুমরাশির সিংহাসনে বসিয়া দোল খাইবেন, শ্যামটাদের ভুবনমোহন দৃশ্যে ও ফুলগন্ধে যাত্রীরা আজ মাতোয়ারা হইবে। ভক্তগণের স্তমধুর কীর্তন গীতে খড়দহ ধাম আজ মুখরিত হইয়া উঠিবে। খড়দহে আজ আনন্দের স্রোত বহিবে।

নৌকা হইতে দেখিতে পাইলাম যাত্রীর সমাগম হইতেছে। সারি সারি দোকান বসিয়া গিয়াছে। প্রতি বৎসর আমরা প্রভুর এই লীলা উৎসব দেখিতে আসি। এবারেও মনে হইল তীরে উঠিয়া একবার দর্শন করি, কিন্তু সকলের মত না হওয়াতে যাওয়া আর হইল না, নৌকা হইতেই শ্রীমন্দির দর্শন ও উদ্দেশে শ্রীরাধাশ্যামকে প্রণাম করিলাম।

ক্রমে যথাসময়ে নৌকা শ্রীরামপুরের ঘাটে উপস্থিত হইল। আমরা বল্লভপুরের হরিসভাতে আশ্রয় নিলাম। গোপালদাস বৈরাগী নামক একটা বন্ধু আমাদের পরম যত্নে থকিবার বন্দোবস্ত করিয়া দিলেন।

কিন্তু এ দিনে আমাদের রেলের গাড়া হইল না, কারণ শ্যামচকের জমিদার ও রাজমাতার গাড়ী রিজার্ভের বিলম্ব হইল। তাঁহারা সব কলিকাতাতেই বাসা করিয়াছিলেন। তাঁহাদের গাড়ী রিজার্ভ না হওয়ার জন্য তিন দিন বাধ্য হইয়া আমাদের বস্ত্রপূরের হরিসভাতেই থাকিতে হইল। তিন দিন পরে গাড়ী রিজার্ভের সংবাদ পাইলাম।

১৯শে বৈশাখ বুধবার—অথ আমরা বেনারস পেসেঞ্জার গাড়িতে শ্রীরামপুর হইতে উঠিব। (হাবড়া হইতে দিবা ৯।৫৫ মিনিটে ছাড়ে) এই গাড়িতেই পরেশবাবু প্রভৃতি আসিতেছেন। তাই, তাড়াতাড়ি আহাঙ্গা করিয়া ষ্টেশনে সকলে হাজির হইলাম। গাড়ীর ঘণ্টা হইল, কিন্তু টিকিটবাবুর আর দেখা নাই। আমাদের নিকট বেগ দিয়া তাঁর যে কিছু আদায় করিবার মতলব ছিল তাহা আগে জানিতাম না। দূর দেশের যাত্রীদের বিশেষতঃ স্ত্রীলোকদের দল দেখিলে এঁরা এইরূপই করিয়া থাকেন। আমাদের গাড়ীতে উঠাইয়া দিবার জন্য ভূপেন্দ্রনাথ চট্টোপাধ্যায় বলিয়া একটা বন্ধু আসিয়াছিলেন। তিনি এইরূপ ব্যাপার দেখিয়া একেবারে ষ্টেশন মাষ্টারের কাছে গিয়া হাজির হইয়া অভিযোগ করাতে তখন টিকিটবাবু যৎকিঞ্চিৎ পূজা নিয়া কুপা করিয়া আমাদের হরিষারের টিকিট দিলেন। গাড়ি প্লাটফরমে হাজির দেখিয়া ছুটাছুটি করিয়া আমরা গাড়ীতে উঠিলাম। পরেশবাবু প্রভৃতি তাঁহাদের রিজার্ভ গাড়ি হইতে মুখ বাহির করিয়াছিলেন। আমাদের সকলকে উঠিতে দেখিয়া তাঁহারাও আশ্বস্থ হইলেন।

রেল

পরেশবাবু আমার স্থান রিজার্ভ গাড়ির মধ্যেই নির্দিষ্ট রাখিয়া ছিলেন। আমি সন্নিগণকে গাড়ীতে বসাইয়া পরের ষ্টেশনে নামিয়া তাঁহার সহিত সাক্ষাৎ করিলাম। অতিরিক্ত ভীরে পাছে স্ত্রীলোক-

গণকে গাড়ীতে উঠাতে না পারি, এরজন্য মনে বড়ই ভয় ছিল, এক্ষণে সকলকে গাড়ীতে বসাইতে পারিয়া মনে বেশ আনন্দ হইতে লাগিল।

পরেশবাবু ও তাঁহার সঙ্গিগণের সহিত বাক্যালাপ করিতে করিতে আমরা অগ্রসর হইতে লাগিলাম। বৈশাখের অসহ্য গরমের মধ্য দিয়া আশুনের মত হাল্কা বাতাসে অস্থির হইয়া ক্রমে সন্ধ্যা হইল রাত্রে একটু ভাল ছিলাম।

২০শে বৈশাখ ব্রহ্মস্পতিবার—দিবা ২টার সময় মোগলসরাই জংসন ষ্টেশনে নামিয়া পড়িলাম। এই স্থান হইতে আমরা ও, আর, আর, গাড়িতে চাপিয়া হরিদ্বার যাইব।

শ্রীরামপুর হইতে মোগলসরাই আসিতে, রেল অনেক ঘটনা ঘটয়াছিল। মাঝে একটা ষ্টেশনে, গার্ড সাহেব মহোদয় আমাদের রিজার্ভ গাড়ী হইলেও, তাহাতে একপাল হিন্দুস্থানীদের জোর করিয়া তুলিয়া দিলেন। আমাদের প্রতিবাদ তিনি শুনিলেন না। ষ্টেশন মাষ্টার ও গার্ড সাহেবের মামতুতো ভাই। তাহাকে বলিয়া কিছু ফল হইল না। দেশে ফিরিয়া খবরের কাগজে লম্বা চওড়া এক অত্যাচার-কাহিনী লেখা ভিন্ন, আর আমাদের প্রতিকার কি আছে ভাবিয়া কোন্ কাগজে কিরূপ লিখিব, মনে মনে তাহারই একটা মহড়া দিতে লাগিলাম। পরেশবাবু কিন্তু সরুপ ধরনের লোক নন, তাঁর জমিদারী বুদ্ধি, কোন্ স্থানে কি করিতে হয়, বা কি করিয়া মান বাঁচাইতে হয়, তাহা তিনি বেশ বোঝেন, তাই পরের ষ্টেশনে গাড়ী থামিতেই ফস্ করিয়া তিনি গাড়ী হইতে নামিয়া একেবারে গার্ডের ঘরে গিয়া কি বলাবলি করিলেন, তার পরেই দেখি লাল নিশান হাতে সাহেব পুঞ্জব ছুটিয়া আসিয়া আমাদের গাড়ীর সেই হিন্দুস্থানীদের—“এই শালালোক্ উত্তার যাও, রিজার্ভ গাড়ী জান্তা নেই” এই বলিয়া ধাক্কা দিতে দিতে তাহাদের নামাইয়া দিল।

আর একটা ঘটনা, দেশী অভ্যাচার। আমাদের জ্বীলোকদের জেনানা গাড়ীতে উঠাইয়া দিয়াছি। সেইস্থানে কতকগুলি হিন্দুস্থানীর মেয়ে ছেলে ছিল। তারা এক একজনে মোট ঘাটে এক একখানা বেঞ্চি অধিকার করিয়া শুইয়া যাইতেছিল, কিন্তু অল্প লোকদের বসিতে দেওয়া দূরে থাক, গাড়ীতে ঢুকিতে বা দাঁড়াইতে পর্য্যন্ত জায়গা দেবে না। ঐ সকল নীচমনা জ্বীলোকেরা আমাদের নিরীহ ব্রাহ্মণ রমণীগণকে গালাগালি দিয়া এমন ধাক্কা মারিতে লাগিল যে, আমাদের ২১ জনের বেশ গুরুতররূপে আঘাত লাগিল ও রক্ত পড়িল। কিন্তু ভদ্র জ্বীলোকগণ কি আর করিবেন, নীরবেই সব সহ্য করিতেছিলেন। ঐ সকল রমণীও বদরীনারায়ণের যাত্রী। পরে সেখানে পথে যাইতে আমাদের সঙ্গে মধ্যে মধ্যে দেখা হইত। একদিন দেখি তাহাদের মধ্যে একজন, যে আমাদের জ্বীলোকগণকে প্রহারের কর্ত্রী ঠাকুরাণী ছিলেন, পথের ধারে বসিয়া কাঁদিতেছে আর তার শরীর দিয়া খুব রক্ত পড়িতেছে। ঘটনাটি এই—ঠাণ্ডা পাহাড় হইতে টুকরা টুকরা পাথর তার গায়ে পড়িয়া ঐরূপ ক্ষত-বিক্ষত ও চলচ্ছক্তি হীন করিয়া দিয়াছে। আমাদের মেয়েদের দেখিতে পাইয়াই হাতজোড় করিয়া তার সেই পূর্ব্ব অপরাধের জন্ত ক্ষমা চাহিতে লাগিল। আমাদের ব্রাহ্মণ রমণীরা তার এই কষ্ট দেখিয়া দুঃখ প্রকাশ করিয়া তাহাকে সাহায্য দিতে লাগিল।

গাড়ীর মধ্যে দেশী অভ্যাচার যে কি রকম হয়, তাহা বাহারা তৃতীয় শ্রেণীতে বেশী দূর গমন করেন তাঁহারা এই প্রাণে প্রাণে বুঝেন, আমারও যে কতবার এইরূপ ভাবে নির্ঘাতিত হইয়াছি তাহা বলিবার নয়। এর একমাত্র প্রতিকার হইতেছে “ভূম্বি মিলিটারী হাম্বি মিলিটারী” এ ছাড়া পথের মধ্যে আর কিছু প্রতিকার নাই। গার্ডকে কি স্টেশনমাষ্টারকে দুঃখের কথা বলিতে গেলে “কেয়া ছয়া, কেয়া ছয়া” বা “What’s the

matter" এই করিতে করিতেই ঘণ্টা পড়িয়া যায়। তখন "চাচা আপনার প্রাণ বাঁচা" ভাবিয়া দৌড়াদৌড়ি করিয়া স্বস্থানে ফিরিয়া অধিকতর নির্ঘাতিতই হইতে হয়।

যাহা হউক বেলা ২টা বাজিয়া গিয়াছে। রৌদ্রের ঝাঁজে সব যেন পুড়িয়া যাইতেছে। হরিষারের গাড়ীরও বহু বিলম্ব। সন্ধ্যা ৬।৫০ মিনিটে ছাড়িবে। ইতিমধ্যে স্নান আহার সারিয়া নিতে হইবে। ষ্টেশন হইতে বাজার সামান্য দূর। কিন্তু বাজারের সামান্য দূরে একটা ভাল ধর্মশালা আছে, মুটেদের মুখে সংবাদ পাইয়া, আমরা সেইখানেই গমন করিলাম। কিন্তু রাস্তা এমন গরম হইয়াছে যে, এই সামান্য পথ চলিতেই স্ত্রীলোক-গণের পায়েতে ফোঁস্কা পড়িয়া গেল।

ধর্মশালাতে স্থান অধিকার করিয়া তারপর লোক প্রতি এক পয়সা হিসাবে ফুরণ করিয়া দিয়া ধর্মশালার একটা চাকর দ্বারা ইদারার বরফের মত জল তুলিয়া স্নান করিতে, আমাদের যে কি আরাম বোধ হইল তাহা আর বলিবার নয়।

ধর্মশালার এক মিশিরজী, আমাদের লোক প্রতি ১৬০ আনা হিসাবে লইয়া ভাত, ডাল ও তরকারী দিতে পারেন এই সুসংবাদ প্রদান করিতে আমরা আর কাল বিলম্ব করিলাম না। ব্রাহ্মণ রমণীগণ ফলমূল খাইয়াই সে দিন কাটিয়ে দিলেন।

আমরা আহারাদি করিয়া বিশ্রাম করিতেছি। এমন সময়ে অযোধ্যার একটা আড়কাটা বা পাণ্ডার লোক দেখাদিলেন। সে এতক্ষণ ধরিয়া আমাদের শিকার করিবার জন্ত ওত পাতিয়া বসিয়াছিল, তার বহুদর্শিতা খুবই আছে, তাই আমরা রৌদ্রে তেতেপুড়ে আসিলে সে সময় আমাদের সঙ্গে কোন কথা বলে নাই, কেবল বসিয়া বসিয়া আমাদের চেহারা, গাঁটরীর পরিমাণ, লোক সংখ্যা এই সব লক্ষ্য করিয়া তার গ্রাসের পরিমাণটা কি রকম হইবে

তাঁহাই করলনা করিতেছিল। যেই আমরা একটু স্নহ হইয়া বসিয়াছি, অমনি সে আমাদের জ্বীলোকদের সঙ্গে ধর্মপুত্র বা তার চেয়ে বেশি রকম আত্মীয়তা পাতিয়ে নিল। আর অযোধ্যা তীর্থের ফল, বিশেষতঃ তার সঙ্গে গেলে কোন প্রকার কষ্ট হইবে না, টাকাও বেশী লাগিবে না, দয়া করিয়া যে যাহা দিবে তাহাতেই তার তীর্থের সফল করিয়ে দেবে ইত্যাদি বাঁধা বুলি বলিয়া জ্বীলোকগণকে মোহিত করিয়া দিল। ,সেতো' মহাশয়ের নামটা আমার ডাইরীর খাতাতে এখনও স্পষ্ট ভাবে লেখা আছে—'ভোলানাথ'।

আমি এর পূর্বে শ্রীধাম অযোধ্যা নগরী একবার দেখিবার সৌভাগ্য লাভ করিয়াছিলাম। আমিই সব স্থান সকলকে দেখাইতে পারিতাম, কিন্তু অতিরিক্ত পুণ্যকামী আমাদের যাত্রিদল, বিশেষতঃ জ্বীলোকেরা বলেন বাবা ! তীর্থস্থানে পাণ্ডা না করিলে ফলোদয় হয় না।" তাই মাতৃস্থানীয়াদের কথায় আর প্রতিবাদ না করিয়া সেতো ভোলানাথের (জাতিতে নরসুন্দর ছিল) সঙ্গে আমরা সন্ধ্যার কিছু পূর্বে মোগলসরাই হইতে ও, আর, আর, রেলের উঠিলাম। রাত্র প্রায় ২টার সময় আমাদের অযোধ্যা ঘাট ষ্টেশনে নামিয়ে দিল। পরে ভোলানাথ ষ্টেশনের পাশেই একটা আড্ডাতে বা পাণ্ডার খর্পরে আমাদের প্রবেশ করাল। আড্ডা বাড়ীর প্রবেশ পথেই দেখিলাম খাটিয়ার উপরে একটা গুণ্ডা চেহারা পাণ্ডাজী বসিয়া বসিয়া ২৥ হাত লম্বা ছকার নলচের উপরে, ধুনটীর মত কলকে চাপিয়ে তাম্বুকূট সেবন করিতেছিলেন, আর তার প্রেরিত চরেরা অগ্ধকার রাত্রের ট্রেণে যুপকাষ্টের উপযুক্ত কি সব দ্রব্য সংগ্রহ করিয়া আনে, তাহাই বসিয়া ভাব-ছিলেন, হঠাৎ ভোলানাথের সঙ্গে আমাদের দলবল দেখিয়া তার তো হাসি আর ধরে না। ভোলানাথ পাণ্ডাজীকে এক লম্বা প্রণাম করিয়া চুপি চুপি কি সব বলিল। তার পরে আমরা সে রাত্রে থাকিবার মত সেই খর্পর মধ্যেই আশ্রয় লাভ করিলাম।

পথের কথা সাত কাহণ করিয়া আসল কথা হইতে আমরা এখনও অনেক দূরে আছি। পাঠকবৃন্দ হয়তো বিরক্ত হইতেছেন, এজন্ত ওসব বিষয়ে বেশী কিছু আর বলিব না। মোট কথা এই, পাণ্ডাপুঙ্গব শেষেতে আমাদের সুফল করার জন্ত বেশ ভাল রকম করিয়াই বেগ দিয়াছিলেন। আমি একটু মাথা চাড়া দিতে ২৪টা গালাগালিও খাইয়া ছিলাম। ঐ দিনেতে অল্প স্থানের একটা স্টেশন মাষ্টার সস্ত্রীক অযোধ্যা দর্শনে আসিয়া এর খর্পরে পড়েন, তিনিও নির্ঘাতিত হইয়া ছিলেন এবং সংবাদ পত্রে এই পাণ্ডা ঠাকুরের বিবরণ লিখিয়া সাধারণকে স্তম্ভ করিয়া দিবেন বলিয়া ছিলেন।

যাহা হউক দেখিতে দেখিতে রাত্র শেষ হইয়া গেল। “রাম রাঘব, রাম রাঘব” বলিয়া যাত্রিগণ শয্যা ত্যাগ করিলেন। সামান্য দূরে একজন হিন্দুস্থানী, খুব ভোর হইতে শ্রীরামচন্দ্রের জয়গান করিতেছিল, আমরা শুইয়া শুইয়া তাহা শুনিয়া বড়ই আনন্দ উপভোগ করিতে ছিলাম।

ক্রমশঃ

বৈষ্ণবধর্মের অবস্থা

(ভবঘুরের দপ্তর হইতে প্রাপ্ত)

(৩)

ঐ সকল মূর্থ ভজন-দাস্তিক কুসাধকগণ সমাজের মধ্যে নিজেদের প্রাধান্য স্থাপনের জন্ত ভাষাগ্রন্থের অর্থবোধ বা মর্মবোধ না করিতে পারিয়া কতকগুলি পয়ার মুখস্থ করিয়া নিজ নিজ মনগড়া অর্থ করিয়া সমাজে অভিজ্ঞতার পরিচয় দিতে লাগিল। প্রাচীন ভক্তগণের দৈন্ত-বোধক পয়ার বা মূলশ্লোকের প্রকৃত ভাব না বুঝিয়া নিজ প্রাধান্য বজায় রাখিবার জন্ত সাধারণের মধ্যে এমন একটা কুসংস্কার জন্মাইয়া দিল যে, “বৈষ্ণবধর্ম যাকনে পাণ্ডিত্যের প্রয়োজন নাই।” আমরা এখনও প্রায়ই শুনিতে পাই “বিদ্যার গরব নাই গোরাচাঁদের হাটে” তখনও এই পয়ারটা খুবগর্বের সহিত পূর্বোক্ত নিজ প্রাধান্যাকাঙ্ক্ষী সম্প্রদায় বলিত।

কিন্তু বলিতে কি ছুঃখের বিষয় যে, তাহারা একবারও ভাবিয়া দেখে না যে, যে গোরাটাদের দোহাই তারা দেয় সেই গোরাটাদ কি অসাধারণ পণ্ডিত ছিলেন। তারপর তাঁহার ভক্তগণের কথা ত আছেই। এইরূপ কুশিক্ষা এখনও বৈষ্ণব সম্প্রদায়ে অবাধে অনেক স্থলে প্রভুত্ব করিতেছে।

হায়! হায়! যে বৈষ্ণবতার উচ্চাধিকার কখনও শাস্ত্র বা শাস্ত্রজ্ঞের আশ্রয় ব্যতীত কেহ লাভ করিতে পারে নাই, যাহার নিগূঢ়তত্ত্ব বুঝিতে বড় বড় পণ্ডিতেরও মস্তক ঘূর্ণিত হয়, যাহা একমাত্র শ্রীগুরু পদাশ্রয় করিয়া শাস্ত্রানুশীলন করিলে তবে জানা যায় তাহার উপদেশ মূর্খে কি দিবে? বৈষ্ণব শাস্ত্রের তাহারা জানে কি? দেখিয়াছে কি? শুনিয়াছে কি? আর বুঝিয়াছেই বা কি? নিজে না বুঝিয়া, নিজে না জানিয়া অপরকে বুঝাইতে গেলে অন্য সম্প্রদায়ের লোক ভ্রান্তমত শুনিয়া তাহা-দিগকে বৈষ্ণব ধর্মের প্রচারক মনে করিয়া একটা ভ্রান্ত ধারণা হৃদয়ে পোষণ করে, ফলে অনেক স্থলে লোককে নিন্দুক, পাষণ্ডী কৃতार्কিক প্রভৃতি বিশেষণ প্রয়োগের সুবিধা দিয়া বৈষ্ণব ধর্মের বিদ্বৈষী করিয়া তোলে। যাহাদের নিজের ধর্মতত্ত্বে প্রবেশ নাই, ধর্মের নিগূঢ় তত্ত্ব যাহাদের নিজের মর্মেই প্রবেশ করে নাই, যাহাদের বাহ্যিক আচার পর্যাঙ্কও দস্তময়, তাহাদের দেখিয়া যে অন্য শিক্ষিত সমাজ তুচ্ছ ভাঙিয়া করিবে তাহাতে আর আশ্চর্য্য কি? ইহাতে সাধারণ সমাজের দোষ দেওয়া যায় না, দোষ প্রাচীন শাস্ত্র-অনধিত কুসংস্কারশীল কপট ভণ্ড দলের।

আমি যে সময়ের কথা বলিতেছি তখন এই সকল কারণে এবং বৈষ্ণব শাস্ত্রাদির উপযুক্ত প্রচারাব্যাবে বৈষ্ণবধর্ম সভ্য সমাজ পরিত্যক্ত হইয়া ক্রমে নিম্ন সমাজ আশ্রয় করিয়া বিকৃত ভাবে দাঁড়াইল। কতক-গুলি মহামূর্খ কপট দস্তী ও দুষ্ট কুক্তিয়াসক্ত লোক সমাজের নেতা হইয়া বিবিধ কুমত্ত উদ্ভাবন করিতে লাগিল। সেই সকল নেতাদেরাই ক্রমে আউল, বাউল, কর্তাভজা, সাঁই, বীরকত, সহজীয়া, দরবেশ প্রভৃতি অদ্ভুত অশ্রুতপূর্ব উপধর্ম সৃষ্ট হইয়া তাহাদের মত শ্রীগোরাঙ্গদেব প্রবর্তিত বৈষ্ণবধর্ম বলিয়া সাধারণে প্রচার হইতে লাগিল। নবধা ভক্তির আচরণ লোপ পাইয়া বাহ্য ভাগ মাত্র অবশেষ রহিল। কলিযুগোচিত পবিত্রাদপি

পবিত্র মহামন্ত্র হরিনাম সঙ্কীর্্তন ধর্মধ্বজী ভিক্ষুকের জীবিকা ও উদ্ধতের আমোদের বস্তু হইয়া দাঁড়াইল। এইভাবে ক্রমে শ্রীগৌরান্বিত সুবিমল প্রেম-সরোবর শৈবাল সমাচ্ছন্ন, কমঠ কুস্তীরপূর্ণ হইয়া পরিত্যক্ত হইল।

আমার বক্তব্য বিষয়টী বড়ই গুরুতর, আমি নিজে যে অযোগ্য তাহা জানি, ভাল করিয়া সাজাইয়া হয় ত—হয় ত কেন, নিশ্চয়ই পাঠকগণের নিকট দিতে পারিব না। আশা করি পাঠকগণ আমার সাজাইবার দোষ না দেখিয়া বিষয় গুরুত্ব নিজ নিজ মন্তব্যগুণে সংশোধন করিয়া লইবেন। আমি শ্রীমন্নহাপ্রভুর সময় হইতে বর্তমান সময় পর্য্যন্ত বৈষ্ণব ধর্মের আলোচনা করিতে ইচ্ছা করিয়াছি, উপরে যে সকল কথা বলিলাম তাহা শ্রীমন্নহাপ্রভুর অপ্ৰকটের পর তাঁহার যে কয়জন উত্তমাদিকারী ভক্ত ছিলেন তাঁহারা বৈষ্ণব সমাজ যে ভাবে রক্ষা করিয়াছিলেন তাঁহাদের অপ্ৰকটের পর ক্রমেই এই অবস্থা হইয়াছে এ সঙ্কটে আমার আরও কিছু বক্তব্য আছে তাহা বলিয়া পরে আমি বর্তমান বৈষ্ণব ধর্মের অবস্থা সঙ্কটে নিজ অভিজ্ঞতা মত কিছু বলিব। আশা করি পাঠকগণ আমায় কর্কশ লেখনি-প্রসূত বক্তব্যে কোনরূপ ক্রোধ প্রকাশ করিবেন না। যথাগই এমন নির্মূল বৈষ্ণব ধর্মের গ্লানি দেখিয়া প্রাণে বড় আঘাত লাগিয়াছে তাই প্রাণের আবেগে হুঁ চার কথা বলিতে প্ররত্ত হইয়াছি। কাহাকেও নিন্দা করা বা ব্যক্তি বিশেষের উপর কটাক্ষ করা আমার উদ্দেশ্য নয়। মূল সম্প্রদায় হইতে যে সকল শাখা সৃষ্ট হইয়া ধর্মের নামে, সাধনের নামে কলঙ্ক করিয়া সমগ্র বৈষ্ণব ধর্মকে কলঙ্কিত করিতেছে তাহার সঙ্কটে আলোচনা করাই আমার উদ্দেশ্য। আশা করি এ বিষয় সমস্ত বৈষ্ণব মণ্ডলীই আমার সহায় হইবেন।

বিচার করিয়া দেখিলে বেশ বুঝা যায় যে, শুধু বৈষ্ণব-সমাজ বলিয়া নয় সমগ্র হিন্দুই, কি ধর্মসমাজ, কি শৌকিক সমাজ সমস্তই কাল-নাহাঙ্ঘ্যে অথবা নৈতিক অনবধানতা ও স্বার্থপরতা দোষে বিপর্য্যস্ত হইয়াছে। কিন্তু আমাদের এ প্রবন্ধের প্রধান আলোচনা বৈষ্ণব-ধর্ম ও বৈষ্ণব-সমাজ লইয়া সূত্রাং বিশেষ প্রয়োজন হইলেও অঙ্গ সামাজিক আলোচনার অবসর নাই।

সকল ধর্ম-সমাজেই গুরু প্রয়োজনীয়তা লক্ষিত হয় কিন্তু বৈষ্ণব সমাজের বিষয় চিন্তা করিয়া দেখিলে বৈষ্ণবের ভজন ব্যাপারে প্রবর্তক, সাধক ও সিদ্ধ সকল অবস্থাতেই গুরুর সহিত ওতঃপ্রোতঃ সম্বন্ধ বিশেষ ভাবেই পরিলক্ষিত হয়। বৈষ্ণবের ইহ-পরলোকে সমান ভাবে গুরুর অনুগত। এক কথায় বলিতে গেলে বলিতে হয় বৈষ্ণবের গুরু লইয়াই সব। কিন্তু বড়ই পার্থক্যের বিষয় যে, গুরু ও শিষ্য উভয়ই যেন কেমন কেমন হইয়াছেন। রাগের কোন কারণ নাই নিবিষ্ট-চিত্তে ভাবিধা দেখিলে বেশ বুঝিতে পারা যায় যে, বর্তমান বৈষ্ণব সমাজ যেন এহ মূলতঃ সম্বন্ধে উদাসীন হইয়া কতকগুলি ভ্রান্ত উৎপথগামী নারকীয় বিলাস ওৎপন্ন হইয়াছেন। উপযুক্ত গুরু শিষ্য সাধন ও শাস্ত্রানুশীলন অভাবে বৈষ্ণব-সমাজ ক্রমে এইরূপ ভ্রষ্ট দশায় উপনীত হইয়াছে।

গুরু অনুগত সাধন, সাধনানুগত সিদ্ধি; বৈষ্ণব-সমাজ যেন এখন উহা বিস্মৃত হইয়া বিযহীন সর্পের স্রায় নিস্তেজ হইয়া পড়িয়াছেন, সাধন না করিয়া কেবল মাত্র বেশ সম্বল করিয়া সাধন রাজ্য হইতে বহু দূরে গিয়া পড়িয়াছেন।

অন্তরের উন্নতি সাধনে অনাদর করিয়া বাহিরের উন্নতি প্রদর্শন পন্থাসক্রে ভণ্ডামী বা কাপটা বলে। ইহাতে লিপ্ত নিলিপ্ত কে তাহা একবার বৈষ্ণব মাত্রেই মনে মনে বুঝিয়া বিস্ময় হইতে চেষ্টা করিবেন এ আশা কি আমরা করিতে পারি? বর্তমানে নানা ভাবে উচ্চ শিক্ষিতের দৃষ্টি বৈষ্ণব-সমাজের উপর পড়িয়াছে, সকলে মিলিয়া চেষ্টা করিলে সমবেত শক্তিতে বোধহয় সমাজের উন্নতি-বিধান করা কষ্টকর হয় না।

একদিন এমন ছিল যেদিন কনিষ্ঠ অধিকারী উত্তম অধিকারীর অনুগত হইতেন কিন্তু আমাদের দুর্দৈব বশতঃ এখন আর সে ভাব দেখিতে পাই না। এখন পণ্ডিত হইলে বৈষ্ণব-সমাজের চক্ষুর বালী হইতে হয়। কেন না সমাজের সাধারণ বিশ্বাস বিজ্ঞা ভজন কণ্টক। বড়ই দুঃখের বিষয়, বলিতে প্রাণ ফাটে, মিথিলা হইতে সুদূর উড়িষ্যার সমগ্র দক্ষিণ প্রান্ত যে ধর্মের প্রবল তুফানে এক সময় সমান তরঙ্গিত হইয়াছিল, পশ্চিম রাজস্থানের প্রবল প্রতাপ স্বাধীন রাজগণও একদিন যে পুত বারি মস্তকে ধারণ করিয়া নিজেকে ধন্য মনে করিতেন, যাহার প্রবাহে

অমন কাশীধামও টলিয়াছিল সেই গৌড়দেশের সৌরব কত। বৈষ্ণব-ধর্ম এখন সাধারণের নিকট একটা বিধেয়ের বস্ত্র হইয়া দাঁড়াইয়াছে ; কাহার দোষে, কি কারণে এমন হইল আমরা এক্ষণে তাহারই আলোচনা কারবার চেষ্টা করিব। বিশেষ ভাবে আমি পুনঃ পুনঃ সকলের নিকটই বলিতে বাধ্য হইতেছি যে, আমার বক্তব্য দ্বারা কেহ যেন ব্যক্তি বিশেষকে লক্ষ্য করিয়া বলিতে ছি বলিয়া মনে না করেন, আমি যথার্থই নানা ভাবে সম্প্রদায়ের মধ্যে গোলমাল দোখিয়া তাহার নিবারণ কল্পে প্রাণের কথা নিবেদন করিতেছি। আমার উদ্দেশ্য সমাজের মঙ্গল সাধনে যাহাতে সকলে বন্ধ-পরিকর হইেন, নতুবা গ্লান কীর্তন করিয়া অপরাধ সংঘ করা কখনই আমার উদ্দেশ্য নয়। আশা করি সমাজের যথার্থ মঙ্গলাকাঙ্ক্ষীগণ আমার উদ্দেশ্য বুঝিয়া বক্তব্য বিষয় রুচ হইলেও আমাকে ক্ষমা করিবেন।

ক্রমশঃ

প্রাপ্ত-গ্রন্থের সমালোচনা

শ্রীশ্রীবিষ্ণুপ্রিয়া নামসুধারস।—শ্রীযুক্ত যোগেন্দ্র মোহন রায় কর্তৃক গ্রন্থিত ও প্রকাশিত। আলোচ্য গ্রন্থখানি আকারে ক্ষুদ্র হইলেও বিষয় গুণে ও লেখকের লেখনী মাধুর্য্যে প্রিয়াজির তুধা মধুর নাম অতি সুন্দর ভাবেই প্রস্ফুটিত হইয়াছে। গ্রন্থের প্রথমেই শ্রীশ্রীগৌর বিষ্ণুপ্রিয়াগতপ্রাণ পাণ্ডিত শ্রীযুক্ত হরিদাস গোস্বামী প্রভু, গ্রন্থকারকে আশীর্বাদ করিয়া লিখিয়াছেন—“গৌর-বক্ষ-বিলাসিনী শ্রীমতী বিষ্ণুপ্রিয়া দেবীর নামগান করিবার সৌভাগ্য কেটির মধ্যে একজনের ভাগ্যে উদয় হয়।” গোস্বামী প্রভুর কথা অতি সত্য, বহু জন্মজন্মান্তরের সৌভাগ্য থাকিলে তবে প্রভুর লীলা কথা আলোচনায় প্রবৃত্তি জন্মে। গৌর বিষ্ণু-প্রিয়াগর ভজন প্রচারক ত্রিশের সুপ্রসিদ্ধ বসন্ত সাধু গ্রন্থকারের মুখে প্রিয়াজির এই নামাবলী শুনিয়া খুবই আনন্দ পাইতেন। আমরা বাঁহস্মুখ জীব হইলেও গ্রন্থখানি পাঠ করিয়া বড়ই আনন্দ পাইলাম। আমরা সর্বাঙ্গ-করণে শ্রীগ্রন্থের প্রচার কামনা করি। মুদ্রণ দোষে যাহা ছ’একটা ভ্রম লক্ষিত হইল আশা করি পুনর্মুদ্রন সময়ে তাহা সংশোধিত হইবে। পোঃ সাইগুগঞ্জ গ্রাম মৃঙ্গাপুর জেলা শ্রীহট্ট গ্রন্থকারের নিকট শ্রীগ্রন্থ পাওয়া যায়। মূল্য ৮/০ আনা মাত্র।

শ্রীমতী তর্পণ।—জাতীয় ভাবের নবীন কবি শ্রীযুক্ত নৃসিংহদেব বন্দ্যোপাধ্যায় লিখিত, মূল্য ১০ আনা, কাইগ্রাম, বর্দ্ধমান গ্রন্থকারের নিকট প্রাপ্তব্য। ৫০ পৃষ্ঠার পদ্ম গ্রন্থ খানিতে গ্রন্থকার “নিবেদনানন্দ, দেশবন্ধু, উপাধ্যায়, অশ্বিনীকুমার, কেশবচন্দ্র, আশুতোষ আনন্দমোহন, সুরেন্দ্রনাথ, দেবেন্দ্রনাথ, বিদ্যাসাগর, ভূদেব, ভরিশচন্দ্র, যতীন্দ্রমোহন, নৌরজী, গোখলে, তিলক, বামমোহন ও শ্রদ্ধানন্দ” এই সকল মহাশ্রীর বিষয় আলোচনা করিয়াছেন। ভূমিকার মধ্যে লিখিয়াছেন—“ছোট ছোট অত্যাচার উপদ্রবে তিনি নিজে আসিতে না পারিয়া এক একটা মহাপুরুষকে সময় সময় এখানে পাঠাইয়াছেন, এই সব মহাপুরুষ তাঁহার প্রেরণা লইয়া এখানে আসিয়া কাজ করেন। শ্রীভগবান কদিন আসিয়া পূর্ণরূপে যে কার্য্য সাধন করিবেন এই সকল মহাপুরুষও তাঁহারই ঈশ্বিতে আসিয়া সেই কার্য্য আংশিক ভাবে করিয়া যান।” লেখকের লিখন ভঙ্গী বড় সুন্দর। আমরা এ গ্রন্থের প্রচার বহুল পরিমাণে দেখিতে পাইলে যথার্থই আনন্দিত হইব।

বৈষ্ণব সংবাদ ও মন্তব্য

পূজ্যপাদ শ্রীমতী রামদাস বাবাজী মহাশয় ৩পুরীধামে শ্রীশ্রীহরিদাস ঠাকুরের মহোৎসব শেষ করিয়া কলিকাতায় আসিয়াছিলেন, ২১২ দিনের জন্য শ্রীধাম নবদ্বীপে গিয়া সেখানকার কার্য্য শেষ করিয়া ২৬এ আশ্বিন রঘুনাথপুর গিয়াছেন, সেখান হইতে বাঁকুড়া ও মেদিনীপুর হইয়া ষষ্ঠী কিম্বা সপ্তমীর দিন পুনরায় কলিকাতার মঠে ফিরিবেন। ৩হুর্গা পূজার অষ্টমী হইতে কলিকাতায় তাঁহার মঠেই থাকিবেন। যোগার তাঁহার সহিত দেখা করিতে ইচ্ছা করেন তাঁহার ১৯০নং দম্মালাটা ষ্ট্রীটে গেলেই দেখা পাইবেন। ৩পূজার পর ত্রয়োদশাতে শোভাবাজার শ্রীযুক্ত বরেন্দ্রনাথ রায়ের বাটীতে তিন প্রভুর সূচক হইবে। তারপর বোধ হয় পূর্ণিমাতেই কটক রওনা হইবেন।

নিভাধামগত প্রভুপাদ শুকদেব গোস্বামী মহোদয়ের আশ্রিত ভক্তগণের সহায়তায় তদীয় কনিষ্ঠ ভ্রাতা প্রভুপাদ শ্রীযুক্ত গণেশচন্দ্র গোস্বামী ও প্রভুপাদের জ্যেষ্ঠপুত্র শ্রীমান্ শৌরহরি গোস্বামী বিগত ৩১এ ভাদ্রে প্রভুপাদের আদ্য শ্রাদ্ধ ও ব্রাহ্মণ ভোজনাদি যথারিতি সম্পন্ন করিয়াছেন। তৎপরে বিগত ৫ই আশ্বিন অধিবাস করিয়া ৬ই অষ্টপ্রহর নাম কীর্তন করিয়া ৭ই রবিবার মহা সমারোহে মহোৎসব কাৰ্য্য সমাধা করিয়াছেন। শ্রীল রামদাস বাবাজী মহাশয় সদলবলে মহোৎসবে যোগদান করিয়া নগর সঙ্কীৰ্ত্তনাদি যথা নিয়মে করিয়াছেন। সুপ্রসিদ্ধ শ্রীল বিশ্বরূপ গোস্বামী প্রভু কয়েকদিনই উপস্থিত থাকিয়া কীর্তনে ও সমাগত ভক্তবৃন্দের সাহিত মানাবিধ আলাপ আলোচনায় সকলকে আনন্দিত করিয়া ছেন। প্রভুপাদ শ্রীযুক্ত হরিশ্চন্দ্র গোস্বামী মহোদয় লিখিত নিম্নলিখিত শোকোচ্ছ্বাসটা সমাগত ভক্তবৃন্দের মধ্যে বিতরিত হইয়াছিল।—

সোদরোপম শুকদেব গোস্বামীর তিরোধানে, শোকোচ্ছ্বাস ।

(মৃত্যু দিবস শ্রীশ্রীজন্মষ্টমি ১৩৩৫)

শুকদেব—অগ্রহোত্র দ্বিজ যেন, প্রজ্জ্বালিত রাখে ছেন,
বিরহ অনল তোর, দহিবে হৃদয় মোর, যাবৎ মরণ ।

শুকদেব—এসেছিলি ধরাধামে, বিতরিতে হরিপ্রেমে,
সাধি কাজ, চলে গেলি—জিনিয়া মরণ ॥

শুকদেব—চির হাস্ত মুখরিত, হরি গুণ গান রত,
প্রকুল আনন তোর, ভুলিব কেমনে ।
স্মরিতে সে সব কথা, হৃদয়ে পাই যে ব্যথা,
ছিঁড়িয়াছে হৃদি তার দেখাব কোন জনে ॥

শুকদেব—সাধি সে আপন কাজ, নিভাধামে গেছ আজ,
নিত্য সিদ্ধ দেহ তোর জানি বহুদিন,
নিত্যানন্দ ধামে রহ, নিত্যানন্দ সঙ্গি-সহ,
নিত্যানন্দে ভাস চিরদিন ॥

তোর গুণমুগ্ধ “হরি দাদা”

৩১শে ভাদ্র মন ১৩৩৫ ।

সুপ্রসিদ্ধ বৈষ্ণব সাহিত্যিক পণ্ডিত শ্রীযুক্ত অমূল্যধন রায় ভট্ট মহাশয় পুত্রশোকের কাতর ছিলেন এ সংবাদ ভক্তির পাঠকগণ সকলেই অবগত আছেন। অনেকেই তাঁহার সংবাদ জানিতে আগ্রহ করিয়া আমাদের কাছে পত্রাদি দিতেছেন, সকলকে পৃথক পত্র দেওয়া কষ্টকর, তাই এই পত্রিকা দ্বারা জানাইতেছি যে, বর্তমানে তিনি পুনরায় বৈষ্ণব-জগতের কার্যে মনোনিবেশ করিয়াছেন। দাদা আমার বৈষ্ণব-জগতের মঙ্গলের জন্ত জীবন পণ করিয়াছেন। বৈষ্ণব প্রদর্শনীকে সাফল্য মণ্ডিত করিতে কি ভাবে যে তিনি দিবা রাত্রি পরিশ্রম করিতেছেন তাহা একমাত্র সেই প্রভুই জানেন। পূর্বেও বলিয়াছি এখনও আমরা সকলকে বিনীত অনুরোধ করি, যিনি যে ভাবে পারেন দাদাকে সাহায্য করিয়া তাঁহার আরও কার্য পূর্ণ করিতে যত্নবান হউন। দাদার ঠিকানা—

পোঃ পানিহাটী, শ্রীশ্রীগৌরাঙ্গ-গ্রন্থমন্দির, জেলা ২৪ পরগণা।

— ০ —

পানিহাটীর শ্রীযুক্ত অমূল্যধন রায়ভট্ট মহাশয়ের পত্র পাইয়া শ্রদ্ধেয় শ্রীযুক্ত বিশ্বরূপ গোস্বামী মহোদয় বিগত ২৯ আশ্বিন মঙ্গলবার পানিহাটীতে গিয়াছিলেন। ভট্ট মহাশয়ের পুত্র-শোকসম্পূর্ণ হৃদয়ে শান্তি দান কামনাতেই গোস্বামী প্রভুর গমন। সেখানে অনুভাবাবুর সহিত বহু সময় শ্রীমদ্গো প্রভুর লীলা কথা আলোচনা করিয়া অবশেষে গোস্বামী প্রভু তাঁহার স্বরচিত শ্রীশ্রীমদ্রূপপ্রভুর লীলাসম্বলিত “শ্রীশ্রীগৌরলীলা গীতিকাব্য” গ্রন্থ পাঠ এবং কীর্তন দ্বারা সকলের আনন্দবন্ধন করেন। সেখান হইতে কালকাতা হইয়া বৃহস্পতিবার সন্ধ্যার সময় মাসিলা “ভক্তি-নিকেতনে” “শ্রীশ্রীগৌরাঙ্গ-ভক্তসম্মিলনীর” সাপ্তাহিক অধিবেশনে যোগদান করিয়াছিলেন।

বিগত ১২এ আশ্বিন শুক্রবার শ্রদ্ধেয় শ্রীযুক্ত বিশ্বরূপ গোস্বামী প্রভু ভক্তি সম্পাদক মহাশয়ের কীর্তন সম্প্রদায়সহ হাওড়া জিলার ফুলেশ্বরের নিকট খলিসানী গ্রামে গিয়াছিলেন। শুক্র ও শনি দুই দিনই সেখানে সভা হইয়াছিল। সভায় সহস্রাধিক ভক্ত সমবেশ ছিলেন। কীর্তনানন্দ ও প্রভুর “শ্রীশ্রীগৌর লীলা গীতিকাব্য” গ্রন্থ পাঠ শ্রবণে উপস্থিত ভক্তবৃন্দ

সকলেই পরমানন্দ পাইয়াছেন । বহু দূর হইতে ভক্ত সমাবেশ হইয়াছিল । রবিবার সকালে উলুবেড়িয়া শ্রীশ্রীকালী পাড়িতে গিয়া কীর্তন কবিয়া নৌকাযোগে রাত্রে আন্দুলে ফিরিয়া তৎপর দিবস গোস্বামী প্রভু কলিকাতা গিয়াছেন । ৩৩র্গা পূজার সময় গোস্বামী প্রভু কলিকাতায় থাকিবেন

কটক শ্রীশ্রীরাসবিহারী মঠ হইতে আমরা “শ্রীগৌরানন্দদেবের শুভাগমন মহোৎসবের” পত্র পাইয়াছি । বিজয়া দশমীর দিন নীলাচলধাম হইতে বৃন্দাবন গমন মানসে শ্রীমন্মহাপ্রভু বর্হির্গত হইয়া ত্রয়োদশীতে কটকে আসিয়াছিলেন । মহারাজ প্রতাপকৃষ্ণের প্রীতি করুণা কবিয়া শ্রীল রামানন্দ রাঘের উদ্যানে পূর্ণিমা পর্য্যন্ত ছিলেন । শ্রীশ্রীরাধারমণ দেবের আশ্রিত ভক্তগণ দ্বারা এই উৎসবটী আজ ৯ বৎসর হইতেছে, এবারও নিয়মিত ভাবে উৎসব কার্য্য হইবে । রাসবিহারী মঠের শ্রীযুক্ত রাধাকৃষ্ণ বহু মহাশয় সর্বসাধারণকে যোগদান করিতে আবেদন জানাইয়াছেন :— উৎসবের কায়াবিবরণী—১৫ই কার্তিক শুক্রবার প্রাতঃকালে মতীচুড়া নিকটস্থ প্রাচীন ঘাট হইতে শ্রীশ্রীমন্মহাপ্রভুর অভ্যর্থনাস্থল স্বাগত সঙ্কীর্তন । সন্ধ্যায় আরতি শ্রীচৈতন্য চরিতামৃত পাঠ, বক্তৃতা ও সঙ্কীর্তন ।

১০ই শনিবার—পূর্বাঙ্কে লীলাগান ও সঙ্কীর্তন । অপরাঙ্কে বক্তৃতা, সন্ধ্যায় আরতি ও স্থানীয়ভক্তগণ কর্তৃক সঙ্কীর্তন ।

১১ই রবিবার—অপরাঙ্ক ৪ ঘটকায় মহোৎসব ও শ্রীমহাপ্রসাদ বিতরণ, সন্ধ্যায় মহানদী গড়গড়িয়া ঘাট পর্য্যন্ত সঙ্কীর্তন সহ শ্রীমন্মহাপ্রভুর অনুগমন ও তথায় লীলাকীর্তন ।

“শ্রীশ্রীগৌর-লীলা গীতি-কাব্য” সম্বন্ধে প্রেরিত পত্র

পরম পূজাপাদ শ্রীযুক্ত দীনেশচন্দ্র ভট্টাচার্য্য গীতরত্ন

ভক্তি-সম্পাদক মহাশয় শ্রীচরণ কমলেষু—

মহাশয়! আপনার সুবিখ্যাত ভক্তি মাসিকপত্রে পূজাপাদ শ্রীল বিশ্বরূপ গোস্বামী বিরচিত “শ্রীশ্রীগৌরলীলা গীতি-কাব্য” গ্রন্থের বিজ্ঞাপন

দৃষ্টে একখানি শ্রীগ্রন্থ আনয়ন করিয়া ছিলাম, পাঠে প্রাণে বড়ই আনন্দ লাভ করিয়াছি। একে প্রভুর লীলা তাতে আবার সম্বোধনযোগী ভাবে বর্ণনা, গ্রন্থখানি যে, কি উপাদেয় হইয়াছে তাহা বর্ণনার ভাষা আমি খুঁজিয়া পাই না, তবুও প্রাণের আবেগে কিছু লিখিয়া পাঠাইলাম। আপনার ইচ্ছা হইলে ভক্তি পত্রিকার একপার্শ্বে একটু স্থান দিতে পারেন।

আপনাদের আশীর্ব্বাদে ইতিপূর্বে নানা শ্রীগ্রন্থে ও মাসিক পত্রিকাতে প্রভুর লীলাচরিত্র পাঠ করিবার সৌভাগ্য হইয়াছে, নানাস্থানে পাঠ ও বক্তৃতাদিতেও কিছু কিছু শুনিয়াছি। প্রথমে শ্রীগ্রন্থের বিস্তারিত দেখিয়া ভাবিয়াছিলাম অস্ত্রান্ত্র গ্রন্থাদিতে যে ভাবে বর্ণনা দেখি এ বুঝি সেই ভাবেরই লেখা, কিন্তু গ্রন্থখানি পাঠ করিয়া আমার সে সন্দেহ দূর হইয়াছে। গ্রন্থের ভাব, ভাষা, সাজাইবার প্রণালী সকলগুলিই অতীব মনোহর হইয়াছে। শ্রীমৎগোরাঙ্গলীলার পূজাতাসটী পাঠে আমার বহুদিনের একটি সন্দেহ মিটিয়াছে। অনেক বলেন স্বপ্ন বিলাসটী ছয় গোস্বামী পাদের আশ্রয় নয়, উহা শ্রীমৎ বিশ্বনাথ চক্রবর্তী পাদের অমৃতব সিন্ধু। স্বপ্নবিলাসের যে সকল পদ মুদ্রিত দেখি তাহা শ্রীমৎ চক্রবর্তী পাদের আশ্রয়তো বৈষ্ণব মহাজনগণ করিয়াছেন। ঐ পদের সংখ্যাও ৩৪ টী মাত্র আমি পাইয়াছি, এতদতিরিক্ত কোথাও আছে কিনা আমি জানি না। গোস্বামী প্রভু তাঁহার শ্রীগ্রন্থে এই লীলাটী ঘেরূপ পরিস্ফুটভাবে লিপিবদ্ধ করিয়াছেন তাহাতে লীলাটির রসেরপর্যায় যে বিশেষ ভাবে পুষ্ট হইয়াছে তাহা ব্রজরস তত্ত্বাভিজ্ঞ ব্যক্তি মাত্রেই স্বীকার করিবেন।

ভারপর অস্ত্রান্ত্র যে কয়টি লীলার অবতারণা করিয়াছেন তন্মধ্যে “শ্রীশ্রীহরিনাস-অষ্টোত্ত মিলন” প্রসঙ্গটী ঐতিহাসিক সত্যের সহিত কাব্যের এক অভিনব সমাবেশ হইয়াছে। “শ্রীধাম নবদ্বীপ বর্ণন” গ্রন্থকারের লেখনীমুখে এমন সমৃদ্ধল ভাবে ফুটিয়াছে যে, পাঠ করিতে করিতে মনে হয় যেন বর্ণনীয় বিষয় প্রত্যক্ষ করিতেছি। “নিমাইয়ের পৌগণ্ড ও কিশোরলীলা” কাব্য চাপলা হেতু মধুর হাঙ্গরসের এক অধুরস্তু উৎস ছড়াইয়াছে। “দিথিক্রমী পরাভব” “গৌর গদাধর মিলন” “মুকুন্দের সহিত রঙ্গ” সবই হাঙ্গ এবং করুণ রসময়, বিশেষ শ্রীধরের সহিত

ব্যক্তি আমার নিকট যে কি মধুর লাগিযাকে তাহা আর কি বলিব। গ্রন্থখানির আগাগোড়া সমস্তই মধুর কোনটী কাথিয়া কোনটীর কথা বলিব। আমার মনে হয় শ্রীগ্রন্থখানি গৌরলীলা বসন্তত্ব অক্ষুদ্বন্ধিৎসু মাত্রেই আশোচ্য হইবে।

মহামতোপাধায় পণ্ডিত শ্রীযুক্ত প্রমথনাথ তর্কভূষণ মহোদয় ভূমিকার মধ্যে গ্রন্থকার গোস্বামী প্রভুর কবিত্ব, বর্ণন প্রণালী, ভাবার লালিত্য প্রভৃতি সম্বন্ধে যাহা বলিয়াছেন তদতিরিক্ত বলিবার ক্ষমতা আমার নাই। এক একটা প্রসঙ্গের শেষ সমযোপযোগী এক একটা সঙ্গীত সংযোজনা করিয়া প্রসঙ্গের মাধুর্য্য শক্ত্যাংশ বর্দ্ধিত করিয়াছেন। তবে একটা বিষয়ে গ্রন্থকারকে অনুরোধ না করিয়া পারিলাম না, সেটী এই যে, এমন মধুর রসাস্বাদনে তিনি বাধা দিলেন। কেননা—কেবলমাত্র আদিলীলা তিনি প্রকাশ করিয়াছেন, মধ্য ও অন্ত্যালীলা এই সঙ্গে পাইলে রসাস্বাদনে সকলে ভরপুর হইয়া যাইত। যাহাতে আমরা প্রভুর সমগ্র লীলাটী গোস্বামী পাদের নিকট হইতে পাইতে পারি, তাহার ব্যবস্থা আপনি করিবেন। ইহাই আমার নিবেদন।

প্রাণের আবেগে লিখিতে লিখিতে পত্রখানি দীর্ঘ হইয়া গেল, ক্ষমা করিবেন। আশা কবি আপনার কুশল। ইতি—*

শ্রীশুক-বৈষ্ণব-দাসানন্দাস

শ্রীতিনকড়ি ঘোষ এম, বি।

*। পত্রলেখক শ্রীগ্রন্থপাঠে আনন্দ পাইয়া প্রাণের আবেগে যাহা লিখিয়াছেন তাহা অতি সত্য, প্রকৃত পক্ষেই শ্রীশ্রীগৌরলীলা-গীতি-কাব্য গ্রন্থখানি ভক্তগণের আদরের জিনিষ হইয়াছে। যেমন লেখা, তেমনই ছাপা, তেমনই কাগজ, তেমনই বাঁধান। কোনটীই অপছন্দ হইবার নয়। আমরা সর্বাস্তঃকরণে শ্রীপ্রভুর চরণে গ্রন্থের বহুল প্রচার কামনা করি। গ্রন্থের প্রারম্ভে সপার্বক শ্রীমন্ন্যচাপ্রভুর চিত্রটা অতীব মনোরম হইয়াছে। গ্রন্থখানির মূল্য বাঁধান ২।০ টাকা আবাঁধা ২. টাকা। কলিকাতা ৫।১ ধর্ম্মতলা ষ্ট্রীট্ ও ৭-সি লিঙসে ষ্ট্রীট্ এম, এল সাহা। বার্ড কোং একাউন্ট ডিপার্টমেন্ট শ্রীযুক্ত জীবন কৃষ্ণ পাইন। গ্লোব ভলক্যানাইজিং কোং শ্রীযুক্ত ধীরেন্দ্রনাথ বন্দ্যোপাধ্যায়। শ্রীযুক্ত শিখরিজা নাথ রায় চৌধুরী সাতক্ষীরা হাউস কাশীপুর কলিকাতা এই সকল ঠিকানায় গ্রন্থ পাওয়া যায়। ভক্তিকাব্যালয়েও গ্রন্থ বিক্রয়ার্থ রাখা হইয়াছে। (ভঃ সঃ)

গৃহস্থের প্রয়োজনীয় কথা

কাপড়ে বা জামায় কোন ফলের দাগ লাগিলে দাগটী উত্তমরূপে নেবুর রসে ভিজাইয়া রাখিয়া শেষে গরম জলে ধুইলে পরিষ্কার হইয়া যায়।

—o—

তপ্ত ব্যাঞ্জন বা দুগ্ধ শীঘ্র শীতল করিতে হইলে একটী প্রসস্তপাত্রে জল লইয়া তাহাতে এক মুঠা লবণ ও একমুঠা কাপড় কাঁচা মোড়া ফেলিয়া দিয়া তাহার মধ্যে পাত্র ডুবাইয়া ধরিলে শীঘ্র শীঘ্র শীতল হয়।

—o—

নূতন রং করা ঘরে খুব বেশী রংয়ের গন্ধ থাকিলে ৩৪৪টা পেয়াজ ফালি ফালি করিয়া কাটিয়া ঘরের মধ্যে রাখিলে কয়েক ঘণ্টার মধ্যেই রংয়ের গন্ধ কমিয়া যায়।

—o—

ব্যবহৃত রুমাল কাচিয়া আর্শি অথবা পালিস করা পাথরের মেজের উপর টানিয়া মেলিয়া দিলে উহা শুকাইলে ঠিক ইন্দ্রি করা রুমালের মত দেখায়। লেঙ্গু ফিতা বা ঐরূপ কোন দ্রব্য কাচিয়া ভিজা অবস্থাতে যদি বোতলের চারিদিকে সমান করিয়া জড়াইরা দেওয়া যায় তাহা হইলে উহা শুকাইলে ঠিক নূতনের মত দেখাইবে।

—o—

দুইভাগ ক্যাষ্টর অয়েল ও একভাগ ভিনিগার মিশাইলে উৎকৃষ্ট পালিস প্রস্তুত হয়। প্রথমত ছোট কাপড়ের টুকরা দ্বারা লাগাইয়া শেষে বড় কাপড় দ্বারা ঘসিয়া দিতে হয়।

—o—

শাটিন কাপড় ধুইবার জলে কিছু মেথিলেটেড স্পিরিট দিয়া দিলে শাটিনের রং উজ্জ্বল থাকে।

—o—

চিমনিতে ময়লা জমিয়া দাগ হইয়া গেলে একটু কাপড়ের টুকরায় বা তুলায় স্ট্রীট লইয়া দাগের উপর লাগাইয়া শুকনা কাপড়ে পুছিয়া দিলে নূতনের মত পরিষ্কার হইয়া যায়।

—o—

অ্যালুইমিনিয়াম বাসনে দাগ ধরিলে সুন ঘসিয়া দিলে দাগ উঠিয়া যায়।

শ্রী শ্রীরাধারমণে জয়তি

“ভক্তির্ভগবতঃ সেবা ভক্তিঃ প্রেম-স্বরূপিণী
ভক্তিরানন্দরূপা চ ভক্তির্ভক্তস্ত জীবনম ॥”

২৭শ বর্ষ }
৪র্থ সংখ্যা }

ভক্তি
ধর্ম-সম্বন্ধীয় মাসিক পত্রিকা।

{ অগ্রহায়ণ
{ ১৩৩৫

প্রার্থনা

হে চির মঙ্গলময়! ভাবিয়াছিলাম আর প্রার্থনা করিয়া তোমাকে
বিস্তৃত করিব না, কিন্তু তোমার অদ্ভুত লীলাভঙ্গী দেখিয়া, প্রার্থনা না
করিলেও মধ্যে মধ্যে দু'একটি প্রাণের কথা বলিতে না পারিয়া যেন প্রাণটা
কেমন আন্-চান্ করে তাই আজ আবার কিছু বলিবার জন্ম বসিয়াছি।
তোমার নিকট বলিধাই আমি খালাস, যাহা করিবার হয় তুমি করিও।

বাল্যকাল হইতে ভাবিয়াছিলাম সংসার করিয়া সুখী হইব, যথাকালে
সংসার সাজাইয়া এক হই করিয়া দিনগুলি যেন বেশ কাটিতে লাগিল।
তারপর হাট যখন বেশ জমিয়া গেল তখন ক্রমে ক্রমে যেন সংসারের
উপর একটু একটু করিয়া বিরক্তি আসিতে লাগিল। আজ ছেলের অসুখই,
কাল মেয়ের বিবাহ, পরশ স্ত্রী রোগের তাড়নায় ছটফট করিতেছে, এই
অর্থের অভাব, এই আবার অর্থ পাইয়া তাহার রক্ষণাবেক্ষণের ব্যবস্থা, এ

সকল নানাবিধ ব্যাপারে মুখ ফুটিয়া হয় ত ছুই একবার বলিয়াও ফেলিলাম যে, আর পারি না। আবার একটু নিভুতে চিন্তা করিয়া নিজেকেই শিক্ষার আসিল, নিজের উপর নিজেই ধমক দিয়া বলিলাম—সংসারের ভোগ সুখ যাচিয়া যাচিয়া নিয়াছ, এখন পারি না বলিলে চলবে কেন? নিভুতে একটু হাসিলাম, আর তোমার উদ্দেশে বলিলাম—বেশ! একটা কাঠের পুতুলকে লইয়া রং বেরংয়ের খেলাটা বেশ খেলিতেছ?

যাক—এখন এত কাণ্ড কারখানার মধ্যেও দেখিতেছি, তোমার প্রতি নির্ভর রাখিয়া যে কার্য্যটা করি তাহাতেই খুব শান্তি পাই, আর সেই কার্য্যটি যেন অন্যায়সে নিষ্পন্ন হইয়া যায়। তারপর যখন দেখি,—কাহাকেও কিছু না বলিয়া মনে মনে তোমার নাম স্মরণ করিয়া যে কার্য্য করিব বলিয়া করণা করি তাহাতেও সেই কার্যের শুভাশুভ বুদ্ধিরূপে শক্তি সঞ্চার করিয়া তুমি বুঝাইয়া দাও, তখন তোমাকে সর্ব-মঙ্গলময়—বাঞ্ছাকল্পতরু না বলিয়া থাকিতে পারি না।

শাস্ত্রমুখে, সাধুমুখে শুনি তুমি অনন্ত শক্তিদাতা, আবার নিজের ক্ষুদ্র জীবনেও বহু কার্য্যে প্রত্যক্ষ করি যে, তুমি অনন্ত শক্তিদাতা, আনন্দময়। তোমার মত শাস্ত্র-সুখ-বিধান্তা জীবের হিতৈষী বন্ধু আর কে আছে। তোমাকে বলিয়া জানাইবার কি আছে নাথ! তুমি ত বাসনা প্রাণে জাগিবার পূর্বে হইতেই তাহার ফলাফল ঠিক করিয়া আমার প্রতি সেই মত ব্যবহার করিতেছ। তবে আর তোমাকে বলিও কি জানাইব? তোমার যাহা-ইচ্ছা তাহাই কর। যদি আমার প্রার্থনা জানিতে চাও তবে আমি এইমাত্র বলি যে, আমাকে যখন যে অবস্থায় রাখিবে, ধন, জন, গৃহাদির সহিত এবং ভোগ্যবস্তুর সহিত সংযোগ ও বিয়োগ যখন যাহা ঘটাও তাহাকেই যেন তোমার মঙ্গলময় বিধান বলিয়া সরল প্রাণে স্বীকার করিয়া লইতে পারি। তুমি যে শুধু আমার নয় সর্বজীবের চক্ষুর চক্ষু,

তর্কের কর্ণ, রসনার রসনা, সকল ইন্দ্রিয়ের ইন্দ্রিয়, মনের মন, জীবনের জীবন, একমাত্র আরাধ্য বস্তু ইহা যেন বুঝিতে—ভাবিতে এবং প্রত্যেক কার্যে অক্লান্ত করিতে পারি। সংসারের সুখ দুঃখ, লাভ অলাভ এ সকলই যে তোমার প্রদত্ত এবং জীবনের উন্নতির হেতু ইহা যেন বুঝিতে পারি। অকপট প্রাণে যেন বলিতে পারি “প্রভু! তোমার যাহা ইচ্ছা তাহাই পূর্ণ হউক।” আজ আমার তোমার নিকট এইটুকুই প্রার্থনা।

দীন—সম্পাদক

ব্রহ্ম হরিদাস আবাহন

(শ্রীযুক্ত যদুপতি দাস লিখিত ।)

নীচ কুলেতে জনম তোমার ভক্তকুলের কণ্ঠহার।
 নামীর চেয়ে নামটা বড় এই জানাতে অবতার ॥
 তুণের চেয়ে সুনীচ হ'য়ে সহিষ্ণুতায় তরুর মত।
 মান না নিয়ে পরকে দিয়ে নাম জ'পেছ অবিরত ॥
 কাঞ্জির বেতের আঘাত খেয়ে নামটা তুমি ছাড়নি।
 লক্ষ্যহীরার নয়ন বানে নামের বলে টলনি ॥
 স্বেচ্ছায় তুমি মৃত্যু বরিলে ভীষ্মের মত ভক্ত বীর।
 তোমায় অকে পারণ করিয়া বাংলা আজিও উচ্চ-নীচ ॥
 বৈষ্ণব-কুল-চূড়া-মণি তুমি তুমিই আদর্শ ভক্ত।
 একবার এসে অধিকার কর তোমারি শূন্য তক্ত ॥
 আবার মাতুক জগতবাসীরা নামের নিশান উচ্ছে তু'লে।
 নামীও তখন আসিবে মরতে তাঁহার সাধের গোলক কুলে ॥

সত্যের শিক্ষা

(শ্রীযুক্ত শিবকৃষ্ণ রায় বি, এ লিখিত)

যাঁহাকে সত্য-স্বরূপ পরমেশ্বর, অতীন্দ্রিয় অনুভূতির দ্বারা শিক্ষা দান করেন তিনিই প্রকৃত ভাগ্যবান। অনুভবের দ্বারা যে শিক্ষা সেই শিক্ষাই প্রধান। কারণ আমাদের ইন্দ্রিয়গণ সীমাবদ্ধ শক্তি বিশিষ্ট, এই জন্য আমরা তদ্বারা বস্তু-তত্ত্ব সম্পূর্ণরূপে অবগত হইতে পারি না।

আমাদের ধর্ম্মাধন্য বিচারকালে শ্রীভগবান আমাদের ধী শক্তির বিচার করিবেন না। অতএব জগতের গোপনীয় ও জটিল বিষয় সমূহ গবেষণা করিয়া বুঝা সময় নষ্ট করিবার প্রয়োজন কি ?

সাধ করিয়া কৌতূহলোদ্দীপক অপিচ নৈতিক জীবনের ক্ষতিজনক ব্যাপার অনুসন্ধান করতঃ অত্যন্ত প্রয়োজনীয় এবং আত্মোন্নতিকর বিষয়গুলিকে অবহেলা করা বিষম মূর্থতার কার্য্য সন্দেহ নাই। হায় হায় ! আমরা চক্ষু থাকিতেও অন্ধ। অতএব ত্রায় শাস্ত্রের শুদ্ধ যুক্তি তর্ক লইয়া থাকিবার আবশ্যিক কি ?

যাঁহার কণ “সনাতন বানী” গুণিতে পায় তাঁহার আর যুক্তি তর্কের কোন প্রয়োজন থাকে না।

সেই আদিবাণী প্রণব হইতে বিশ্ব চরাচর সৃষ্ট হইয়াছে। তাঁহার শক্তি ব্যতিরেকে কেহ কোন বিষয় ব্যাঝতে বা সত্য সিদ্ধান্তে উপনীত হইতে পারে না।

যাঁহার লক্ষ্যস্থল একমাত্র শ্রীভগবান, ধন্যহ যাঁহার নীতি, এবং সকল বস্তু যিনি ভগবদ্ভূষ্টিতে দোষহা থাকেন তিনিই ধীর ও ভগবৎ পাদপদ্ম লাভের প্রকৃত আধিকারী।

হে সত্যস্বরূপ ভগবান! তোমার নিত্য নির্মল প্রেমে আমাকে চিরদিনের জন্ত ভ্রম করিয়া রাখ।

হে নাথ! নানা বিষয় পাঠ বা শ্রবণ করিতে আর আমার ভাল লাগে না। হে পূর্ণ! আমি যাহা কিছু চাই সকলই তোমাতে আছে।

হে জগৎগুরু! তোমার সম্মুখে সকল শিক্ষক নীরব হউন। নিখিল বিশ্ব গভীর নীরবতায় পরিপূর্ণ হউক, আর তুমি নিজ করুণাশুণে তোমার অতুলনীয় মন্থপ্শনী ভাষায় আমাকে উপদেশ দাও।

যিনি যত অক্ষয় চিত্ত এবং আন্তরিক সরল ভাবাপন্ন তিনি তত সহজে স্নগভীর ভগবতত্ত্ব হৃদয়ঙ্গম করিতে পারেন। কারণ তাঁহার বুদ্ধি শুদ্ধ বলিয়া উহা ভগবৎ কৃপা জ্যোতিতে উদ্ভাসিত হয়। (যেমন সূর্য্যের আলো নিখিল বস্তুর উপর পতিত হইলেও স্বচ্ছ দর্পণাদিতে যেরূপ প্রতিফলিত হয়, অন্যত্র সেরূপ হয় না।)

পবিত্র চরিত্র সরল এবং ধৈর্য্যশীল ব্যক্তি তাঁহার কর্তব্যের সংখ্যা দেখিয়া ভীত হ'ন না, কারণ তিনি তাঁহার সমস্ত কার্য্যই ভগবানের সমস্তোষ বিধানার্থ করিয়া থাকেন—নিজের জগৎ নহে। এজন্য নিখিল কর্ম্ম করিয়াও তাঁহার হৃদয় শাস্তিতে পূর্ণ থাকে।

তোমার নিজ হৃদয়ের অদৃশ্যত বাসনারাশি তোমার অশান্তির প্রধান কারণ এবং অন্তরাগ—অন্তে নহে।

নীতিমান ভগবৎভক্ত প্রথমেই তাঁহার কি কি কর্তব্য, তাহা স্থির করতঃ উহা পালন করিতে যত্ন করেন এবং কার্য্যকালেও কোনরূপ লোভ বা হ্রস্বভিসন্ধির বশবর্ত্তী না হইয়া তাঁহার বিবেক বুদ্ধির সহায়তায় যথাযথ কর্তব্য পালন করিয়া যান।

ক্রমশঃ

“আমি আছি” ব’লে, নিয়ে ভারে কোলে,
আদর সোহাগ করে।

(বলে) “গৌর হরি বল, ভব পারে চল,
আসিহু তোদের ভরে ॥”

জীরের লাগিয়া, নিতাই কাঁদিয়া,
আপনি পাগল পারা।

গৌরাঙ্গ বলিয়া, প্রেম ধন দিয়া,
নেচে গেয়ে আত্মহারা ॥

এ দাস যোগেন্দ্র, দীন হীন মন্দ,
নিতাই চরণ সার।

নাই কোন ধন, অতি অভাজন,
ভব-র্গবে কর পার ॥

শ্রীশ্রীঅমিয় নিতাই চরিত

(ডাক্তার শ্রীমুক্ত ভোলানাথ ঘোষ দাস লিখিত)

(১০)

মাধাই বলিল—“প্রভু, আমার পাপের সীমা নাই সুতরাং তোমার নিকট হইতে দণ্ড পাওয়াই আমার যোগ্য হইতেছে। কিন্তু আমার বিশ্বাস হইতেছে না যে, তুমি একেবারে আমাকে ত্যাগ করিবে। প্রভু, আমাকে বলিয়া দাও কি করিলে আমি তোমার কৃপা পাইব।”

মাধাইএর বাক্যে শ্রীগোরাঙ্গের হৃদয় করুণায় আর্দ্র হইয়াছে, করুণাময়ের করুণ আঁখি করুণায় ছল ছল করিতেছে। তিনি সাধামত স্বীয় ভাব গোপন করিয়া বলিলেন “মাধাই, তুমি শ্রীনিত্যানন্দের অঙ্গ হইতে রক্তপাত করিয়াছ, তুমি নিতাইর নিকট অপরাধী, তিনি যদি তোমাকে ক্ষমা করেন তবেই তোমার উদ্ধার হইবার সম্ভাবনা। তিনি দয়াময়, তুমি তাঁহারই চরণ ধরিয়া পড়।” নিমাইএর কথা শুনিয়া মাধাই তখনই নিতাইএর চরণ ছুঁখানি ধরিয়া ক্রন্দন করিতে করিতে বলিলেন, “প্রভু! এখন তুমি ক্ষমা করিলেই আমি শ্রীভগবানের কৃপা পাই।”

শ্রীগোরাঙ্গ অমনি শ্রীনিত্যানন্দের হাত ধরিয়া বলিতেছেন, “শ্রীপাদ! তুমি যেরূপ দগ্ধ, তাহাতে মাধাই ক্ষমা মাগিবার আগেই, তুমি যে তাহাকে মার্জনা করিতে প্রস্তুত, তাহা জগতে সকলেই জানে কিন্তু তাহা উচিত নয় যেহেতু তাহাই হইলে এই দুঃখী ইহার অপরাধ রাশিকে অতি লঘু ভাবিবে। অতএব এই অপরাধীকে ক্ষমা করিতে আমি তোমার নিকট মিনতি করিতেছি, ইহা বুঝিতে পারিলে ইহার হৃদয়ঙ্গম হইবে যে, ইহার অপরাধ এইরূপ গুরুতর। শ্রীপাদ! তুমি মাধাইকে ক্ষমা কর, যেহেতু সাধুজন অন্তঃস্থ ও চরণাশ্রিত ব্যক্তিগণকে চিরদিন ক্ষমা করিয়া থাকেন। অতএব এ অধমকে ক্ষমা করার সাধু ও পাপীআয় কি বিভিন্নতা তাহার পরিচয় দাও।”

ইহাতে শ্রীনিত্যানন্দ গদগদ হইয়া বলিলেন, “প্রভু! তুমি আমাকে উপলক্ষ্য করিয়া এই উই শাপীকে উদ্ধার করিবে তাহা আমি জানি। আমার গোরাব বাড়াইবার নিমিত্ত আমার কাছে অল্পমতি চাহিতেছ; তাহাই হউক, আমি উহাকে ক্ষমা করিলাম, তাহা কেন, আমি তোমার সমক্ষে সরল ভাবে বলিতেছি যে, যদি আমি কোন জন্মে কোন সংকল্প করিয়া থাকি, তাহা আমি সমুদায় মাধাইকে দিলাম। তুমি এই পরম ছুংখী অন্তঃস্থ জীবটিকে চরণে স্থান দাও। (শ্রীঅমিয় নিমাই চরিত)

বিশ্বস্তুর বলে শুন নিত্যানন্দ রাঘ ।
 পড়িলে চরণে রূপা করিতে যুগায় ॥
 নিত্যানন্দ বলে প্রভু কি বলিব মুঞি ।
 বৃক্ষ দ্বারে রূপাকর সেই শক্তি তুঞি ॥
 কোন জন্মে থাকে যদি আমার স্মৃতি ।
 সব দিব মাথাইরে শুনহ নিশ্চিতি ॥
 মোর যত অপরাধ কিছু দায় নাট ।
 মায়া ছাড়ি রূপা কর কোমাব মাথাট ॥

প্রভু বলিলেন “শ্রীপদ । তুমি যদি মাথাটিকে ক্ষমা করিয়া থাক তাহা হইলে তাহাকে উঠাইয়া আলিঙ্গন কর । নিতাই বলিলেন “প্রভু তুমি আমার গৌরব দেখাইবার জন্য আমাকে উপলক্ষ্য করিয়া মাথাটিকে উদ্ধার করিতে ইচ্ছা করিয়াছ । তখন তিনি সেই পল্ল-সুগ্ধিত মাথাটিকে আলিঙ্গন করিয়া বলিলেন “ওবে অবোধ, শ্রীভগবান তোকে অগ্রেই ক্ষমা করিয়াছেন । দেখিতেছিস না তিনি তোব জন্য আমাকে অশ্রুণয় করিচ্ছে-
 ছেন ? ”মাথাটী সব কথা শুনিতো পাঠিলেন না । তিনি নিত্যানন্দের আলিঙ্গন লাভ করিবার পরক্ষণেই দীঘল হঠয়া চেতনা হারাইয়া পড়িয়া গেলেন । ভক্তগণ “চরিতোল” বলিয়া তাহাদিগকে ঘিরিয়া আনন্দে নৃত্য করিতে লাগিলেন ।

লোক সংঘট দেখিয়া প্রভু জগাই মাথাটিকে সেই অবস্থায় ফেলিয়া নিজ গৃহে ফিরিয়া আসিলেন । নদীয়াবাসী প্রেকাশ্রভাবে আজি এই সর্ব প্রথম প্রভু কর্তৃক এক আশ্চর্যা ব্যাপার দেখিলেন । ভক্তগণ পর্যাপ্ত অবাধ, বিশ্বয়ে অভিভূত । সকলে কি এক স্বর্গীয় ভাবে বিভোর হঠয়া প্রভুর বাটীতে বসিয়া আছে ।

তখন সন্ধ্যা হইয়াছে । এমন সময় জগাই মাথাটী আসিয়া বাহির

হহতে প্রভুকে "ঠাকুর" "ঠাকুর" বলিয়া ডাকিতে লাগিল। তখন প্রভু মুরারিকে বলিলেন—

এখানে আমার ঠাই আনহ মুরারি !

আজ্ঞা পাই হুহাৰে আনিল কোলে করি ॥

মুরারির দেহে তখন হল্পমান আবেশ হইয়াছে। তিনি অবলীলাক্রমে জগাই মাধাইকে কোলে করিয়া লইয়া আসিলেন। ইহাতেও জগাই মাধাইয়ের বল গৰ্ব্ব নাশ হইল।

দুই ভাই আসিয়া প্রভুর আঙ্গিনায় অচেতন হইয়া শুইয়া পড়িল। তখন প্রভু নিতাহকে সম্বোধন করিয়া বলিলেন "শ্রীপাদ! এই দুই জনকে গঙ্গা তীরে লইয়া গিয়া তুমি ইহাদের কর্ণে শ্রীহরিনাম মন্ত্র প্রদান কর।" জগাই মাধাইয়ের চেতনা নাই। ভক্তগণ তাহাদিগকে ধরা ধরি করিয়া লইয়া চলিলেন। প্রভুও ভক্তগণের সহিত কীৰ্ত্তন করিতে করিতে যাইতেছেন। "দুই ভাইয়ের চেতনা নাই, সুতরাং তাহাদিগকে ধরা ধরি করিয়া লইয়া গঙ্গাতীরে মৃত ব্যক্তির স্থায় শোধাইলেন। তখন নদীয়া টলমল হইয়াছে। সকলে জগাই মাধাইয়ের এ সংবাদ শুনিয়াছেন, শুনিয়া সেই স্থানে দৌড়িতেছেন। যেমন কোন বৃহৎ আনষ্টকারী ব্যাঘ্র ধরা কি মারা পড়িলে, দেশের লোক সমবেত হয়, সেইরূপ জগাই মাধাই ধরা পাড়িয়াছে, ইহা দেখিবার নিমিত্ত নদীয়া নগরে হুল্লুলু পড়িয়া গেল। ক্রমেই নাগরিকগণ জুটিতেছেন ও অভিনব কলরব হইতেছে। যাহারা পুৰ্বে বিক্রম করিয়াছিলেন, তাহারাও দেখিতেছেন, যে জগাই মাধাই একটু পুৰ্বে নদীয়ার "রাজা" ছিলেন, নদীয়ায় যাহাকে বাহা ইচ্ছা তাহাই করিতে পারিতেন ও করিতেন, সেই নদীয়ার রাজা অণু নিমেষের মধ্যে আর এক প্রকৃতি প্রাপ্ত হইয়াছেন। সেই দোঙ্গিও প্রতাপাবিত রাজা-দ্বয় অণু ধূল্য লুপ্তিত !

“তখন শ্রীগোরাঙ্গ গঙ্গারস্বরে, অর্থাৎ উপস্থিত তাবল্লোক শুনিতে পায় এইরূপ ভাবে বলিলেন, “শ্রীপাদ নিত্যানন্দ আমি এই দুইটা জীব আপনাকে দিলাম, আপনি ইহাদিগকে গঙ্গাস্নান করাইয়া হারনাম দান করুন,” এই মুহূর্তের কার্য্য বর্ণনা করিয়া অনেক প্রাচীন পদ আছে, তাহার মধ্যে একটি নিম্নে দিলাম। নিত্যানন্দ দুট ভাইকে বলিতেছেন—

আয় রে জাহুবী ভারে দুটি ভাই ।

আজ তোদের হরিনাম দিবরে জগাই মাধাই ॥ ৬ ॥

মাধাই, মারলি মারলি করলি তালরে,

এখন হরি বলে নেচে আয় ।

তুই মেরেছিস কলসীর খণ্ড,

আজ হরিনাম দিয়ে করিব দণ্ড ॥ (শ্রীঅমিয় নিমাই চরিত)

জগাই মাধাইয়ের তখনও জ্ঞান হয় নাই। ভক্তগণ মহানন্দে হরিধ্বনি করিয়া দুই ভাইকে কাঁধে তুলিয়া জলে নামিলেন। এইবার দুই ভাইয়ের চেতনা হইল। জ্যোৎস্নাময়ী, রজনী, সহস্র সহস্র লোক গঙ্গাতীরে সমবেত হইয়াছে। সকলেই প্রভুর কার্য্য দেখিতেছে। শ্রীগোরাঙ্গ গঙ্গাজলে নামিয়া দুই ভাইয়ের নিকট তাহাদের পাপ মাগলেন। বলিলেন “হে জগন্নাথ! হে মাধব! তোমরা এই তোমা তুলসী ও গঙ্গাজলের সহিত তোমাদের কৃত সমস্ত পাপ আমকে অর্পণ করিয়া তোমরা পবিত্র হও।” জগতের লোক দেখিতেছে প্রভু এই কথা বলিয়া সেই দুই ভ্রাতার পাপ গ্রহণ করিবার জন্য অঞ্জলি পাতিয়া দাঁড়াইলেন।

পাতিতপাবন প্রভুর এই অশেতুকী কৃপা শুনিয়া ত্রিজগৎ যেন শুস্তিত হইয়া গেল। জগাই মাধাইর চক্ষু দিখা ধারার আর বিরাম নাই, তাহারা ক্ষণিক শুদ্ধ থাকিয়া বলিল “প্রভু! আমরা পাপ করিয়াছি তৎক্ষণ অনন্ত কাল নরক ভোগ করিয়া প্রায়শ্চিত্ত করিব। তোমার ভক্তগণ তোমার

শ্রীকরে ফুল চন্দন উপহার দিয়া পূজা করে আর আমরা এমনই পাতকী তোমাকে পাপ উপহার দিব! তাহা হইবে না ঠাকুর! তুমি দণ্ড দাও. আমরা তোমার দণ্ড মনোস্থখে গ্রহণ করিব। তবে প্রার্থনা যেন আমরা কখনও তোমার চরণ বিস্মৃত না হই।”

দ্বয়ময় প্রভু একবার কোন উত্তর দিলেন না। তিনি আবার অঞ্জলি পাতিলেন এবং তাঁহার—

এ বোল শুনিয়া আঁখি করে চল চল।

মেঘের গম্ভীর নাড়ে বোলে হরি বোল॥

পুনরপি পাপ দান চািত কর পাতে।

“প্রভু বলিলেন”—জগাই মাধাই! তোদের পাপ দে, দিয়া স্মৃতে ত্রি-
নাম কর।” ইহাতে মাধাই বলিলেন “প্রভু! আমরাদিগকে ক্ষমা কর,
আমরা তোমাকে আমরাদিগের পাপ দিতে পারিব না। যাবৎ চন্দ্র সূর্য
থাকিবে, তাবৎ লোকে বলিবে যে, দুইটা নরাধম জগাই ও মাধাই,
ভগবানের হস্তে তাহাদের পাপ রাশি দিয়াছিল।”

ইহাতে শ্রীনিহ্যানন্দ মাধাইকে সন্মোদন করিয়া বলিলেন, “মাধাই কি
নির্কোষের স্থায় বলিতেছ? ভগবানের এক নাম পতিত পাবন।
অনেকে আছেন, যাঁহারা বলেন, ভগবান সাধুর বন্ধু, ও পতিতের অরি,
তিনি যে পতি-পাবন, অথ তোমরা দুই জাই তাহার সাক্ষী হও। তোমরা
ভাবিতেছ, তোমরা এরূপ করিলে তোমাদের কলঙ্ক হইবে, কিন্তু তোমাদের
যদি কলঙ্ক হয়, শ্রীভগবানের যশ হইবে। জীবের কলঙ্ক হয় হউক, কিন্তু
শ্রীভগবানের যশ হউক! ভগবানের যশ অথ তোমাদের দ্বারা জীবের
নিকট সম্যকরূপে প্রকাশিত হউক। অতএব তোমরা তিলান্ন বিলম্ব না
করিয়া অন্যায়সে প্রভুর হস্তে পাপ প্রদান কর।”

এমন সময় শ্রীগৌরানন্দ আবার গম্ভীর স্বরে বলিলেন, “জগাই মাধাই!
আমি ত্রিলোক মাঝে তোদের পাপ ভিক্ষা করিতেছি। তোদের পাপ

আমাকে দিয়া তোরা নিম্মল হ ।” তখন শ্রীনিত্যানন্দ দান মন্ত্র পড়াইতে লাগিলেন । জগাই মাধাই সে মন্ত্র পড়িয়া প্রভুর শ্রীহস্তে আপনাদের পাপ উৎসর্গ করিয়া দিল । আর প্রভু সকলকে শুনাইয়া গম্ভীর স্বরে বলিলেন “তোদের সমস্ত পাপ আমি গ্রহণ করিলাম ।”

অন্তরঙ্গগণ তখন দেখিলেন যে, প্রভুর সোনার বর্ণ অমনি কাল হইয়া গেল ।” (শ্রীঅমিয় নিমাই চরিত)

“হুইজন শরীরে পাতক নাহি আর ।

ইহা বুঝাইতে হৈলা কালিয়া আকার ॥” (১৫: ভা:)

তখন—

“প্রভু বলে—আর তোরা না করিস পাপ ।

জগাই মাধাই বলে, আর নারে বাপ ॥” ঐ

তারপর—

প্রভু বলে—শুন শুন তুমি হুইজন ।

সত্য এই তোরে আমি বলিল বচন ॥

কোটা কেটো জন্মে যত আছে পাপ তোর ।

আর যদি না করিস সব দায় মোর ॥” ঐ

তখন লক্ষ কণ্ঠ ভেদিয়া হরিক্ষনি হইতোছিল । ভক্তগণ এই সুমঙ্গল হরিক্ষনির মধ্যে জগাই মাধাইকে লইয়া প্রভুর বাটিতে গমন করিল । প্রভু গৃহে নিত্যানন্দ ও ভক্তগণের সহিত উপবেশন করিলেন । জগাই মাধাইয়ের তখনও আত্তি যাদু নাই ; তাহারা মুক্ত করে হুই প্রভুর স্তুতি করিতে লাগিলেন । যথা—

“জয় জয় মহাপ্রভু জয় বিশ্বস্তর ।

জয় জয় নিত্যানন্দ বিশ্বস্তরাধর ॥

জয় জয় নিজ নামা বিনোদ আচার্য্য ।

জয় জয় নিত্যানন্দ চৈতন্তের সর্ব কার্য্য ॥

জয় জয় জগন্নাথ মিশ্রের নন্দন ।
 জয় জয় নিত্যানন্দ চৈতন্য শরণ ॥
 জয় জয় শচীপুত্র করুণার সিন্ধু ।
 জয় জয় নিত্যানন্দ চৈতন্যের বন্ধু ॥
 জয় রাজপণ্ডিত - দুহিতা প্রাণেশ্বর ।
 জয় নিত্যানন্দ রূপাময় কলেবর ॥
 সেই জয় জয় তুমি যত কর কাজ ।
 জয় নিত্যানন্দ-চন্দ্র বৈষ্ণবধরাজ ॥
 জয় জয় শঙ্খ - চক্র-গদা-পদ্মধর ।
 প্রভুর বিগ্রহ জয় অবধূত বর ॥
 জয় জয় অষ্টমত জীবন গোরচন্দ্র ।
 জয় জয় সহস্র বদন নিত্যানন্দ ॥
 জয় গদাধর প্রাণ মুরারি ঈশ্বর ।
 জয় হরিদাস বাসুদেব প্রিয়কর ॥
 পাপী উদ্ধারলে যাহা নানা অবত্যায়ে ।
 পরম অদ্ভুত যাহা ঘোষণে সংসারে ॥
 আজি হই পাতকীর দেখিয়া উদ্ধার ।
 অজ্ঞত পাইল পূর্ব মহিমা তোমার ॥
 অজামিল উদ্ধারের যতেক মহত্ব ।
 আমার উদ্ধারে সেহো পাইল অল্পত্ব ॥
 সত্য কহি, আমি কিছু স্তুতি নাহি করি ।
 উচিতই অজামিল মুক্তি আধকারী ॥
 কোটী ব্রহ্মবধ করি যদি তোর নাম লয় ।
 সত্ত্ব মোক্ষ তার, বেদে এই সত্য কয় ॥

ছেন নাম অজামিল কৈল উচ্চারণ ।
 তেঞি বিচিত্র নহে অজামিলের মোচন ॥
 আমি দ্রোহ কৈলু প্রিয় শরীর তোমার ।
 তথাপিহু আমি ছই করিলে উদ্ধার ॥
 নিলক্ষে তারিলা ব্রহ্ম দৈত্য ছইজন ।
 তোমার কারুণ্য সবে ইহার কারণ ॥” (চৈতন্যভাগবত)

ভক্তগণ বলিলেন, প্রভু! আজ আমরা অনেক দেখিলাম। বিশেষ
 এই ছই ভাই যেভাবে তোমার স্তুতি করিল, তাহাতে ইহাদের পতি
 তোমার কৃপা স্পষ্টই বোঝা গেল।

ক্রমশঃ

কৃতজ্ঞতা

(পরিব্রাজক শ্রীমুক্ত ভুলুয়া বাবা লিখিত ।)

উপকারীর নিকটে উপকার স্বীকারের নাম কৃতজ্ঞতা। এই কৃতজ্ঞতা
 ভারতবর্ষীয় হিন্দুজাতি যেমন জানিত, ভারত তুলনা পাওয়া দুষ্কর।
 পরমেশ্বরে অকপট বিশ্বাস ও নির্ভরশীলতা এই জাতির স্বভাব। ভক্তিবোধ
 ইহাদের সাধনার প্রধান অঙ্গ। ইহাদের ঈশ্বর-জ্ঞান বিশ্ব জুড়িয়া,—
 ইহাদের ঈশ্বর বিশ্ব ব্যাপিরা বিশ্বরূপ; সুতরাং ইহাদের ভক্তিও বিশ্ব
 ব্যাপিনী, ইহাদের কৃতজ্ঞতাও আদর্শের অনুরূপ।

কৃতজ্ঞতা প্রকাশের এক আদর্শ মহারাজ বিক্রমাদিত্য। বিক্রমা-
 দিত্যের কৃতজ্ঞতা শ্রবণ করিয়া কৃতজ্ঞ ব্যক্তির হৃদয়ে কৃতজ্ঞতা প্রকাশের

জন্ম স্বভাবতঃই উৎসাহ জান্নায়া থাকে। বিক্রমাদিত্যের ক্রুতজ্ঞতার একটি পরিচয় রাজ পাঠকগণকে উপহার দিতেছি।

উড়িয়ায় এক পাণ্ডিত্য ব্রাহ্মণ ছিলেন। ব্রাহ্মণ অতিশয় দরিদ্র। তাঁহার পিতা, মাতা, স্ত্রী, পুত্র, বিধবা ভগ্নি, ও নাবালক ভাগিনেয় প্রভৃতি লইয়া তিনি সর্বদাই অভাবের পেয়নে কষ্ট পাহতেন। দুর্ভাগা তাঁহাকে যেন ছাড়িতে চাহিত না। তাঁহার নিত্য হুঃখে নিকটবর্তী গ্রাম সমূহের অধিবাসী সকলেই খুব হুঃখিত থাকিত।

সকলে তাঁহাকে একবার পরামর্শ দিল, “আপনি মহারাজ বিক্রমাদিত্যের সভায় একবার গমন করুন; তিনি যেমন গুণগ্রাহী, তেমনি বিছোৎসাহী, তেমনি দাতা। তাঁহার সভায় গমন করিলে আপনি নিশ্চয়ই অভাবের কবলে মুক্তি লাভ করিতে পারিবেন।”

ব্রাহ্মণ বাললেন—“কস্মল গঠিত অদৃষ্ট সঙ্গে সঙ্গে ফিরিতেছে। আমি বিক্রমাদিত্যের সভায় যাইলেও আমার দুর্গাতর অবসান হইবে বলিয়া বিশ্বাস করি না।” যাহা শুনি, ব্রাহ্মণ সকলের অনুরোধে বিক্রমাদিত্যের রাজ সভায় গমন করিলেন।

দীর্ঘ পথ হাঁটিয়া, শ্রান্ত ক্লান্ত শরীরে উজ্জয়িনীতে উপস্থিত হইয়া এক বৃক্ষতলে অনাগারে রাজ্য যাপন করিলেন। পরদিন প্রাতে স্নানাদি করিয়া, ক্ষুধাতৃষ্ণাপ্রসীড়িত কলেবরে, রাজসভায় উপস্থিত হইলেন। কিন্তু বিক্রমাদিত্য সেদিন অন্দর হইতে বাহিরে আসিলেন না। ক্রমে চারিদিন বিক্রমাদিত্য অন্দরেই রহিলেন। ব্রাহ্মণ তখন আপন অদৃষ্টের খেলা চিন্তা করিয়া উজ্জয়িনী হইতে বাহির হইলেন; এবং এক নিম্জ্জন বন মধ্যে প্রবেশ করিয়া আপন দুর্দৃষ্ট খণ্ডনের জন্ত তপস্বী আরম্ভ করিলেন।

কিছুকাল গত হইল। বিক্রমাদিত্য একদিন নিজ পাত্র মিত্রাদির সঙ্গে যুগয়ায় বাহির হইলেন। তিনি এক বস্ত্র মহিষের পশ্চাদ্ধাবন করিতে

করিতে বহু দূরবনে প্রবেশ করিলেন। তাঁহার অনুরোধে অদৃশ্য দেশে পড়িয়া রহিল। বেলা ক্রমে দ্বিপ্রহর হইল, তিনি ক্ষুধায় তৃষ্ণায় অতিশয় কাতর হইলেন; তাঁহার অশ্বও ক্ষুৎ-পিপাসায় অবসন্ন হইয়া পড়িল। তখন তিনি বন-মধ্যে দিক্‌বিদিক্‌ জ্ঞানশূন্য হইয়া ঘুরিতে লাগিলেন।

সহসা দেখিলেন, ছোট একটা তৃণ কুটীর। সামান্য একটু ছিন্ন বসন পরিধান করিয়া এক ব্রাহ্মণ তাহার মধ্যে ধ্যান-নিমগ্ন। তিনি তাঁহার নিকটে যাইয়া প্রণাম করিলেন এবং তাঁহার ক্ষুধা-তৃষ্ণা নিবারণের জন্য সাহায্য প্রার্থনা করিলেন। তখন সেই ব্রাহ্মণ ধ্যান ত্যাগ করিয়া, ব্যস্ত হইয়া উত্থিত হইলেন, এবং বিক্রমাদিত্যকে সুবাসিত শীতল জল ও ফল মূল আনিয়া প্রদান করিলেন। তাঁহার অশ্বের ঘাস ও পানীয় জল প্রদান করিলেন। ক্রমে বিক্রমাদিত্য সুস্থ হইলেন।

বিক্রমাদিত্য নিজে সাধনসিদ্ধ মহাপুরুষ ছিলেন। তিনি ব্রাহ্মণের আতিথেয়তায় অত্যন্ত বিমুগ্ধ হইলেন, এবং তাঁহার সঙ্গে কিছুক্ষণ সদালাপে তাঁহার অগাধ পাণ্ডিত্য ও কঠোর তপস্যার সম্যক পরিচয় প্রাপ্ত হইলেন। কিন্তু দেখিলেন, ব্রাহ্মণ সন্ন্যাসী নহেন। অথচ সন্ন্যাসীর মত বনবাসী। তখন কোতূহল বশে অতি বিনীতভাবে তাঁহার আশ্রমোচিত পরিচয় জিজ্ঞাসা করিলেন।

ব্রাহ্মণ কহিলেন, “আমার নিবাস উড়িষ্যায়; আমি, বৃদ্ধ পিতামাতা ও স্ত্রীপুত্রাদি নিয়া অভাবের পেষনে অত্যন্ত কষ্ট পাইতাম। শেষে দেশ-বাসীগণের অনুরোধে মহারাজা বিক্রমাদিত্যের সতায় সাহায্যের জন্ত উপস্থিত হই। কিন্তু আমার অদৃষ্ট আমার সঙ্গে সঙ্গে চলে। আমি উজ্জয়িনীতে আসিয়া ষে চারিদিন রাজসভায় গমন করিলাম, সেই চারদিনই মহারাজা স্বন্দরে রহিলেন, তখন বুঝিলাম, সমস্তই আমার কর্মফলস্বলক খেলা। যে দ্রুততির জন্ম আমার এই দ্রুততি, সেই দ্রুততি খণ্ডনের জন্ম

তখন বাহির হইলাম। আর দেশে যাই নাই। এই নির্জজন কাননে বসিয়া বিশ্বনাথের চরণ কমলে কৃতপাপের ক্ষমা ভিক্ষা করিতেছি।

মহারাজা বিক্রমাদিত্য নীরবে সমস্ত শ্রবণ করিলেন, আর বাঙ্‌নিশ্চিন্তি না করিয়া আপন অশ্ব-পৃষ্ঠে আরোহণ করিয়া রাজধানীতে আসিলেন। রাজবাড়ীর মত এক বাড়ী নির্মাণ করাইয়া। মহাসমারোহে ব্রাহ্মণকে আনাইয়া সেই বাড়ী এবং যথেষ্ট পরিমাণে ধন-সম্পদ প্রদান করিলেন। ব্রাহ্মণ স্বায় পরিজনবর্গকে আনাইয়া তথায় পরম সুখে বাস করিতে লাগিলেন।

বিক্রমাদিত্য কথায় কথায় প্রায়ই ব্রাহ্মণকে বলিতেন, “আপনি আমার যে উপকার করিয়াছেন, প্রাণ দিলেও তাহার প্রতিদান হয় না। আপনার এই রাজ্য,—আপনার জন্ত আমার এই দেহ,—আপনার অর্চনায় আমার সর্বস্ব নিত্য অর্পনীয়।”

ব্রাহ্মণ এই সব কথায় বিশেষ তৃপ্ত হইতেন না, বরং সন্দিগ্ন হইতেন। তিনি বুঝিতেন, তিনি এমন কোন উপকারই করেন নাই, যাহার জন্ত মহারাজ তাঁহাকে সর্বদা এইরূপ বাক্য বলিয়া স্তুতি করতে পারেন। ব্রাহ্মণ বিক্রমাদিত্যের কথার পরীক্ষা নিতে সঙ্কল্প করিলেন। ব্রাহ্মণের ভবনে একদিন বিক্রমাদিত্যের শিশু পুত্র বল লক্ষ টাকার অলঙ্কার পরিয়া প্রবেশ করিল। রাজকুমার বা মহিষীগণ ব্রাহ্মণের গৃহে যাতায়াত করিতেন। ব্রাহ্মণ রাজকুমারকে খুব স্নেহ যত্ন করিয়া, ভুলাইয়া আপন ভবনে তিন দিনের জন্ত গোপনে রাখিয়া দিলেন।

এদিকে রাজকুমারের অন্বেষণে রাজ বাটীতে ধুম পড়িয়া গেল। চারি দিকে লোক জন ছুটাছুটি আরম্ভ করিল। পুলিশের লোকেও নানাস্থানে খানাত্লাসী আরম্ভ করিল। যাহাকে পায় তাহাকেই সন্দেহ করিয়া তারা ধরিতে লাগিল। রাজকুমারকে খুন করিয়া কোন হর্ষভ

তাহার বহু মূল্য অলঙ্কার আত্মসাৎ করিয়াছে ইহাই লোকের ধারণা হইল।

চারিদিন গত হইল। রাজপরিবার মধ্যে কান্নাকাটা উত্থিত হইল। রাজধানীর মধ্যে ভয়, বিস্ময় ও শোকের ছায়া পতিত হইল। এমন সময় ব্রাহ্মণ তাহার এক অতি বিশ্বাসী ভৃত্যের হাতে রাজকুমারের গলার হার বাজারে বিক্রয়ের জন্ত পাঠাইয়া দিল। আর বলিয়া দিল, “এক কাজ করিস,—যেখানে দেখিবি অনেক লোক একত্র হইয়া রাজকুমারের বিষয় আলোচনা করিতেছে, সেখানে যাইয়া এই হার বেচিবার প্রস্তাব করিবি। এবং বলিবি “আমার প্রভু ব্রাহ্মণ অলঙ্কারের লোভে রাজকুমারকে হত্যা করিয়াছিলেন। এখন তিনি সেই সব অলঙ্কার বিক্রী করিতেছেন।”

ভৃত্য তাহাই করিল। বাজারের মধ্যে মহা হলস্থল পড়িয়া গেল। পুলিশ দলে দলে তখনই ব্রাহ্মণের ভবনে উপস্থিত হইল। ব্রাহ্মণ বলিলেন “হা, আমি গরীব ব্রাহ্মণ, অলঙ্কারের লোভ সম্বরণ করিতে না পারিয়া রাজকুমারকে হত্যা করিয়াছি। তখনই তাহাকে বাঁধিয়া বিচারালয়ে উপস্থিত করা হইল। বিচারও সঙ্গে সঙ্গেই হইয়া গেল। বিচারক অকৃতজ্ঞ ব্রাহ্মণকে শুলে চড়াইয়া হত্যা করিবার আদেশ দিলেন। ব্রাহ্মণকে সহরবাসীর সম্বোধ ও তিরস্কারের সঙ্গে বধ্য ভূমিতে আনিয়া দণ্ডায়মান করা হইল। কেবল মহারাজ বিক্রমাদিত্যের আদেশের অপেক্ষা করা হইতে লাগিল।

মহারাজা বিক্রমাদিত্য সমস্তই শুনিতেছিলেন। কিন্তু যখন শুনিলেন, ব্রাহ্মণকে বধ্য ভূমিতে নিয়া যাওয়া হইয়াছে, তখনই ছুটিয়া সেখানে গমন করিলেন। ব্রাহ্মণকে নিজে একবার ঘটনার সত্যাসত্য জিজ্ঞাসা করিলেন। ব্রাহ্মণ বলিলেন, “হা মহারাজ! আমি ধনলোভে আপনার কুমারকে হত্যা করিয়াছি। কি করিব! আমি হাজার হইলেও দরিদ্র

ব্রাহ্মণ; আপনি হাজার উপকার করিলেও আমি লোভের মোহে উন্মত্ত; —সুতরাং কৃতজ্ঞতা প্রকাশের অবসর —নাই। আমি এত টাকার অলঙ্কারের লোভ ত্যাগ করিব কিরূপে? আমি রাজকুমারকে হত্যা করিয়া সেই সকল অলঙ্কার আত্মসাৎ করিয়াছি।”

তখন সহস্র কণ্ঠে ব্রাহ্মণকে কৃতঘ্ন, বর্বর, পশু, রাক্ষস, প্রভৃতি শব্দে সম্বোধন করা হইতে লাগিল। “এখান পাপীষ্ঠকে শূলে আরোপন কর।” “এখনই বধ কর, সংহার কর,” ইত্যাদি আদেশ বিপুল জনসভ্য হইতে প্রদত্ত হইতে লাগিল। কিন্তু ধামান মহাপুরুষ বিক্রমাদিত্য ব্রাহ্মণের বন্ধন নিজ হস্তে খুলিয়া দিলেন, এবং সম্মানে হাত ধরিয়া রাজ সভায় নিয়া রাজ সিংহাসনে বসাইয়া দিলেন। আর বলিলেন, “আপনি আমার যে উপকার করিয়াছেন, তাহাতে অমন শত পুত্র নাশ করিলেও আপনার কোন অপরাধ হইতে পারে না। এই রাক্ষস, আর এই আমি বিক্রমাদিত্য আপনার।” শুনিয়া রাজধানীর সমস্ত অধিবাসীবৃন্দ বিস্ময়ে চমৎকৃত হইল। ব্রাহ্মণ তখন বিক্রমাদিত্যের কৃতজ্ঞতা দর্শন করিয়া অশ্রুসিক্ত নয়নে সম্মানে বলিতে লাগিলেন, “মহারাজ! আমি আপনাকে পরীক্ষা করিতে-ছিলাম। আপনার পুত্র আমার গৃহে পুত্রগণের সঙ্গে পরমানন্দে খেলা করিতেছে। আজ জানিলাম আপনি যথার্থই বিক্রমাদিত্য—আপনি যথার্থই সত্যময় অদ্বিতীয় মহাপুরুষ! জগতের লোক আপনার নিকটে কৃতজ্ঞতা শিক্ষা করুক। আর যিনি জনমের পূর্বে হইতে মরণের শেষ পর্য্যন্ত, অপার করণার হস্ত বিস্তৃত করিয়া, আমাদের নিত্য মঙ্গল করিতে-ছেন সেই পরাৎপর পরম করুণাময় বিশ্বনাথের নিকটে নিত্য কৃতজ্ঞতা প্রকাশ করিয়া, তাঁহার শ্রীচরণকমলে দেহ মন স্বজন পরিজন অর্পণ করিয়া, মানব-জীবনের গৌরব রক্ষা করুক।”

বিক্রমাদিত্য জিজ্ঞাসা করিলেন, “আপনি কেন এমন পরীক্ষায় নিযুক্ত

হইয়াছিলেন, যাহাতে আপনাকে শূলে চড়িয়া, নিষ্ঠুরভাবে প্রাণত্যাগ করিতে হইত।” ব্রাহ্মণ বলিলেন, “মহারাজ ! যে আপনার প্রাণ বাঁচাইয়া অপরকে পরীক্ষা করিতে বসে, সে কখনও প্রকৃত পরীক্ষক হইতে পারে না। যে নিজের প্রাণ বাঁচাইয়া কোন লোকহিতকর বা দেশহিতকর কৰ্ম করিতে বসে, সেও কখন কৃষ্কার্য্য হয় না।

ঐ ব্রাহ্মণ একদিকের আদর্শ, আর মহারাজা বিক্রমাদিত্য অন্যদিকের আদর্শ ! হিন্দুজাতির সম্মুখে এই সকল আদর্শ থাকায় তাহারাও তাহাদের কর্তব্য সাধনে প্রাণপণ করে। হিন্দু জাতির কৃতজ্ঞতা বিক্রমাদিত্যের আদর্শে গড়া। জানিমা আবার কবে হিন্দু নিজেদের প্রাচীন আদর্শ নিজ নিজ জীবনে প্রতিফলিত করিখা জাতির গৌরব রক্ষা করিতে সমর্থ হইবে।

সম্প্রদায়ের প্রতি নিবেদন

খ্রীশ্চীগোড়ীয় বৈষ্ণব সমাজ বাহাদুর দোহাই দিয়া বেড়ান, তাঁহারা কি ভাবে কোথায় বসিয়া সম্প্রদায়ের মঙ্গলের জন্ত কি করিতেছেন তাহা জানিবার জন্ত পরপর কয়েকখানি পত্র আমরা পাইয়াছি। সম্প্রদায়ের নানারূপ আচরণ দেখিয়া অনেকে আবার মৌখিক জিজ্ঞাসাও করিতেছেন। আবশ্যক হইলে পত্র লেখকগণের নামধামসহ এক একখানি করিয়া পত্রগুলি সবই আমরা মুদ্রিত করিব। কিন্তু তাহার পূর্বে আমরাও আজ সমগ্র বৈষ্ণব সমাজের নিকট একটি আবেদন জানাইতেছি।

পূজনীয় প্রভুপাদগণ, আচার্য্যগণ, বৈষ্ণব পত্রিকার সম্পাদকগণ নিজ নিজ ব্যক্তিগত স্বার্থহানি ঘটিলে যে ভাবে বাস্তব হইয়া পড়েন সম্প্রদায় মধ্যে কোন বিভ্রাট ঘটিলে সে ভাবের কোন সাড়া দেন না কেন? কয়েক মাস যাবৎ শ্রীশ্রীবিষ্ণুপ্রিয়া গৌরাঙ্গ পত্রিকায় শ্রীপাদ হরিদাস গোস্বামী প্রভু শ্রীধাম নবদ্বীপ, শ্রীধাম বৃন্দাবন প্রভৃতির নানাবিধ কলঙ্কের কথা প্রকাশ করিয়া সমাজের নিকট প্রতিকার প্রার্থী হইতেছেন। কিন্তু কৈ, তাঁহার আস্থানে কেহ সাড়া দিয়াছেন বলিঘাত কোন সংবাদ পাইতেছি না। তারপর কয়েক সপ্তাহ ধরিয়া বঙ্গবাসী সাপ্তাহিক সংবাদ পত্রে মহামহোপাধ্যায় পঞ্চানন তর্করত্ন মহাশয় শ্রীমন্নুহা প্রভুর সম্বন্ধে ধারাবাহিক প্রবন্ধ লিখিয়া সর্বসাধারণের নিকট যে ভাবে তাঁহাকে দাঁড় করাইবার চেষ্টা করিতেছেন তাহার প্রতিবাদ একমাত্র “গৌড়ায় ভিন্ন যে কয়খানি বৈষ্ণব সাপ্তাহিক বা মাসিক পত্রিকা আছে তাহার কোনখানিতে হইয়াছে কি?

সম্প্রদায়ের অনেকেই প্রভুপাদ শ্রীযুক্ত অতুলকৃষ্ণ গোস্বামী, প্রভুপাদ শ্রীযুক্ত প্রাণগোপাল গোস্বামী, প্রভুপাদ শ্রীযুক্ত রাধাবিনোদ গোস্বামী, প্রবীন পণ্ডিত শ্রীযুক্ত রসিকমোহন বিষ্ণাভূষণ, ভাগবত পঞ্চমগুলের আচার্য্য প্রভুপাদ শ্রীযুক্ত সত্যানন্দ গোস্বামী প্রমুখ পণ্ডিতগণের মন্তব্য জানিতে উৎসুক। আমরা শুনিয়াছিলাম কলিকাতা গোড়ীয় বৈষ্ণব-সাম্মিলনীর জুয়োগ্য সম্পাদক বহু ভাষাবিদ পণ্ডিত শ্রীযুক্ত অমূল্যচরণ বিষ্ণাভূষণ, তর্করত্ন মহাশয়ের প্রবন্ধের প্রতিবাদ করিতে চাহিয়াছেন। কিন্তু কৈ, তাঁহারও ত কোন সাড়া শব্দ নাই। ঘরে ঘরে বিবাদ বাঁধাইয়া কার্যা পণ্ড করিতে অনেক সময় লোকের অভাব হয় না কিন্তু বাহরের লোক আসিয়া যখন বৃকের উপর চড়িয়া নিজের আরাধ্য দেবতাকে অকথা অশ্রাব্য হৃদয়-বিদারক ভাষায় গালাগালি দেয় তখন কেহ প্রকাশ হন না কেন বুঝি না।

প্রতিবাদ যদি না করতে পারেন তবে লেখকের মতে বিশ্বাস স্থাপন করিয়া তাঁহার দলপুষ্ট করিবার অবসর দিয়া নিজেদের সমাজ হাল্কা করিয়া দিন তহাও আবার কেহ কেহ বলিতেছেন।

শ্রীধাম বৃন্দাবনের কলঙ্কের কথা শ্রীপাদ হরিদাস গোস্বামীর কৃপায় চতুর্দিকে রাস্তা হইয়া পড়িয়াছে। মোটামুটি ব্যাপারটি এই যে—শ্রীবৃন্দাবনে

গোবিন্দজির গোস্বামীগণ গোবিন্দজির জমিদারীর মধ্যে কসাইখানা বসাইয়া প্রাণী হত্যার প্রস্তাব দিতেছেন। বরিশালের সুপ্রসিদ্ধ স্বরাষ্ট্র কর্মী শাম্ভু শরৎকুমার ঘোষ বর্তমানে সন্ন্যাস গ্রহণ করিয়া শ্রীপুরুষোত্তমানন্দ স্বামীজি নাম গ্রহণ করিয়া শ্রীধামে বাস করিতেছেন। তিনিই আন্দোলনের সর্বপ্রধান উদ্বোধী, তাঁহার এই মহত্বেশ্য সাধনে শুধু গোড়ীয় বৈষ্ণব সমাজ নহে সমগ্র হিন্দু-সমাজেরই সহায়ত্ব দেখান দরকার। শ্রীবৃন্দাবন ধাম কেবলমাত্র বাঙ্গালার তীর্থ নহে, সমগ্র হিন্দুর পবিত্র তীর্থ। শ্রীপাদ হরিদাস গোস্বামী প্রভু শ্রী পবিষ্ণুপ্রয়া গৌরানন্দ পত্রিকায় লিখিয়াছেন—

“ * * * প্রভুপাদ প্রাণগোপাল গোস্বামী মহাশয় বৎসরের অধিকাংশকাল শ্রীবৃন্দাবনে বাস করেন এবং সেখানে তাঁহার অপ্রতিহত প্রভাব। তিনি এ বিষয়ে কি করিয়াছেন বা করিতেছেন, তাহা তাঁহার মুখেই প্রকাশ হওয়া প্রয়োজন। কারণ তাঁহার কথা মূলা অধিক এবং তিনি তাঁহার ব্যক্তিগত প্রভাব এ বিষয়ে কিছু প্রকাশ করিলে এই কার্যের বিশেষ সহায়তা হইবে। তিনি স্বয়ং গোড়ীয় বৈষ্ণব সম্প্রদায়চার্য্য ভাবে শ্রীধামের এই কলঙ্ক দূর করিবার জন্ত কি করিয়াছেন ও করিতেছেন তাহা আমরা জানিতে চাই। শ্রীধামে গমন করিয়া শ্রীধাম-মাহাত্ম্য ও শ্রীধামের পবিত্রতা রক্ষা করিলে তিনি কি করিয়াছেন গোড়ীয় বৈষ্ণব-সমাজ তাঁহার মুখে ইহার উত্তর চাহেন। শাস্ত্র রক্ষা আগে তারপর শাস্ত্র ব্যাখ্যা—শ্রীধাম রক্ষা আগে তবে ধামে বাস। তীর্থ-কণ্টকোদ্ধার আগে তবে তীর্থ মহিমা গান। তিনি বহুদর্শী, শাস্ত্রদর্শী ও ভজনবিজ্ঞ। এ সকল কথা তাঁহাকে বুঝাইতে হইবে না।

শ্রীহট্টের অবসর প্রাপ্ত জেলাম্যাজিষ্ট্রেট শ্রীকিশোরীমোহন সেন মহাশয় বাড়ী করিয়া শ্রীধামে বাস করিতেছেন এবং ভজনানন্দে আছেন। কলিকাতার বিখ্যাত এটর্নি শ্রীসত্যচরণ গুহ মহাশয়ও শ্রীধামে মধ্যো মধ্যো বাস করেন, তাঁহারও সেখানে বাড়ী আছে। শ্রীহট্টের নামজাদা জজ আদালতের উকিল প্রবর শ্রীরাধাবিনোদ দাস মহাশয়ও ব্রজবাস করিতেছেন। তাঁহারা সকলেই গোড়ীয় বৈষ্ণব এবং ভজননিষ্ঠ। এই ভজন-বিষয়কারী শ্রীধামের কলঙ্ক অপনোদনের জন্ত তাঁহারা হই বা কি করিতেছেন, তাহাও আমাদের জানা আবশ্যিক।

স্বনামধন্ত্য রামদাস বাবাজী মহাশয় সদলবলে মধ্যে মধ্যে শ্রীবৃন্দাবন গিরা কীৰ্ত্তনানন্দে ব্রজবাসী বৈষ্ণবের মন হরণ করেন, তিনিই বা এ সঙ্ক্ষে কি করিতেছেন। *

স্থানীয় জননাথক শ্যামুনা সংস্কার কাৰ্য্যের প্রচান উদ্যোগী পুরুষসিংহ শ্রীযুক্ত নারায়ণ বাবু বি.এ, এই গুরুতর বিষয়ে শ্রীমান্ শরৎকুমার ঘোষকে কি ভাবে সাহায্য করিতেছেন, তাহাও আমাদের জানা প্রয়োজন। স্মৃতিতে পাই শ্রীবৃন্দাবনের মিউনিসিপালিটির এ বিষয়ে পক্ষপাতিত্ব আছে। এ কথা যদি সত্য হয় তবে নারায়ণবাবুর ভাবী চেহারামানন্ত কালে শ্রীবৃন্দাবনের এই ভীষণ কলঙ্ক দূরভূত হইবার আশা আমরা কারতে পারি কিনা তাহার উক্তর আমরা তাঁহার নিকটেই চাই।

বিরক বক্ষ্য চূড়ামণি পূজ্যপাদ রামকৃষ্ণ দাস বাবাজী মহারাজ, মনোহর দাস বাবাজী মগরাজ এখনও শ্রীধামে বর্তমান থাকিতে শ্রীধামে এই কসাইখানা কয়েক বৎসর হইতে অবাধে চালিতেছে। সহস্র সহস্র প্রাণী হত্যা শ্রীধামবাসী বৈষ্ণবগণের চক্ষের উপর হইতেছে। ইহাতে তাঁহাদের আসন চলিতেছে না কেন ?

ভজননিষ্ঠ কৃষ্ণপদ দাস বাবাজী মহাশয় এই বৃদ্ধ বয়সেও বল পরিশ্রমে শ্রীচৈতন্য চরিতামৃতের একটি নূতন সংস্করণ বাহির করিতেছেন, তিনি শ্রীবৈষ্ণব পত্রিকার রীতিমত লেখক। এখন পর্য্যন্ত তাঁহার প্রবন্ধাদি

* পূজনীয় বাবাজী মহাশয়ের সচিব আমরা এ বিষয় আলোচনা করিয়াছি। তিনি বলেন যে, "প্রভুপাদগণ, আচার্য্য সন্তানগণ বা যে কেহ আলোচনার অগ্রণী হইয়া আমাদেরকে সম্ভবমত কাৰ্য্যের ভার দিলে আমরা তাহা লইতে বাধ্য, নচেৎ কোনরূপ আন্দোলন আলোচনায় অগ্রণী হওয়া আমরা স্বতন্ত্রভাবে কিছু করিতে পারি না, তারপর এসব কাৰ্য্যে যে ভাবে আলোচনা চালাইতে হয় তাহা করিতে গেলে কোনও আচার্য্য সন্তান বা প্রভুপাদকে অগ্রণী হওয়া আবশ্যিক। তবে এ সকল কলঙ্ক অপনান্দনে আমার সম্পূর্ণ সহায়ত্ব আছে। আশা করি আন্দোলনের নেতাগণ বাবাজী মহাশয়ের অবস্থা চিন্তা করিয়া তাঁহার সঙ্ক্ষে ব্যবস্থা করিবেন। (লেখক)

শ্রীবৈষ্ণব পত্রিকায় প্রকাশ হইতেছে। কিন্তু এ বিষয়ে তিনি উদ্যোগী কেন? তাঁহার মুখে আমরা ইহার উত্তর চাই।

শ্রীকামিনীকুমার বোস বি-এ বহুকাল শ্রীধামে বাস করিতেছেন। তিনি রাজসি বনমালী বায় বাহাজবের বিশ্বস্ত ম্যানেজার ছিলেন। শ্রীধামে তাঁহার প্রভুত্ব আছে। তিনিই বা এ বিষয়ে নীরব কেন?

শ্রীবৃন্দাবনে “বিপত্তির মধুসূদন” আর নাই। কিন্তু তাঁহার প্রবল পরাক্রান্ত গোষ্ঠী শ্রীশ্রীরাধারমণের সেবাইত গোস্বামি-যুবকগণ বিজ্ঞান আছেন। মিউনিসিপ্যাল কমিশনার শ্রীমদনমোহন গোস্বামি ভাগবতবক্ত, শ্রীকৃষ্ণচৈতন্য গোস্বামী প্রভৃতি বল-বিস্তালা গোস্বামি-কুলধ্বংসর যুবক-বৃন্দইবা এ সম্বন্ধে কি করিতেছেন?

আজ এই পর্য্যন্ত। আমরা আমাদের কাণ্ড করিব। তেজস্বী বৈষ্ণব চূড়ামণি শ্রীরসিকমোহন বিজ্ঞানভূষণ, নিভীক বক্তা ভাগবতাগ্রগর শ্রীকুলদা প্রসাদ মল্লিক ভাগবতরত্ন বি-এ. মহাশয়কে এই সময় শ্রীবৃন্দাবন যাত্রার জন্ত আমরা বাশিষ্ট ভাবে অনুরোধ করি। স্বামী বিশ্বানন্দকে তাঁহার মহাবীর দল লইয়া শ্রীধামে যাইবার জন্ত অনুরোধ করা হইবে। এ বিষয় ভারতবর্ষব্যাপী তুমুল আন্দোলন প্রয়োজন। পরে সহ্যগ্রহ ”

গোস্বামী প্রভু যাহা কিছু বলিবার সবই বলিয়াছেন এবং সপরিবারে আন্দোলনে যোগদান করিবার জন্য শ্রীধাম বৃন্দাবনে গিয়াছেন। এ সংবাদ আমরা পাইয়াছি। এখন সম্প্রদায়ের নেতৃবর্গ গোস্বামী প্রভুর সচিত পরামর্শ করিয়া যাহাতে শ্রীধামের কলঙ্ক দূর হয় তাহার চেষ্টা করিলেই আমরা সুখী হইব এবং আমাদের আবেদন নিবেদনের সফল ফলিল বলিয়া মনে করিব। এ সম্বন্ধে যাহার যাহা বক্তব্য লিখিয়া পাঠাইলে যথাকালে ভক্তিতে প্রকাশ হইবে।

দীনহীন—শ্রীকার্তিকচন্দ্র অধিকারী।

সঙ্কলন মহাদানী

মিতব্যয়িতা নিজস্ব টাকশাল ।

পরনিন্দা, পরচর্চা, পরপ্রত্যাশায় মানুষকে ছোট করে ।

মনের অন্ধকার অপেক্ষা গাঢ় অন্ধকার আর কোথাও নাই ।

অর্থ, বুলিৎকারে ভ্রাতৃ প্রায় সকলেরই চক্ষুকে অন্ধ করিয়া দেয় ।

কিছু করিয়া ফেলিয়া আহাম্মক হওয়া অপেক্ষা করিবার পূর্বে অন্ততঃ
দ্বিতীয়বার চিন্তা করা উচিত ।

অসৎ পথে থাকিয়া লাভবান হওয়া অপেক্ষা, সৎপথে থাকিয়া ক্ষতিগ্রস্ত
হওয়া শতগুণে ভাল, তাহাতে হৃদয়ে শান্তির অভাব হয় না ।

তোষামর্দপ্রিয় হামবড়া লোককে সম্বুধি করিবে, ইহা কখনও বিশ্বাস
করিতে নাই । (সম্মিলনী)

ব্রাহ্মণীর খাদ্য-সমন্বয়

ডাক্তার বেণ্টলী—“বলেন আজকাল যে সমস্ত রোগে বাঙ্গালী দেশের
সর্বনাশ সাধন হইতেছে, সেই সমস্ত রোগই বাঙ্গালীর অপরিহার্য খাদ্যের
জন্ত আশ্রয়-প্রকাশ করিতে পারিতেছে ।” অতঃপর তিনি এই সম্পর্কে আর
দুই একটি কথা বলিয়া বলেন, “আজ কাল বাঙ্গালীদের গড়ে যে আয়, তাহা-
তেও যদি তাঁহারা একটু হিসাব করিয়া খাদ্যাদি গ্রহণ করেন তাহা হইলেও
তাঁহারা হৃষ্টপুষ্ট ও বলিষ্ঠ হইতে পারেন । ফলে কোন প্রকার রোগই সহজে
তাঁহাদিগকে আক্রমণ করিতে পারে না ।” তিনি ব্রাহ্মণদিগের এক পাক ও
নিরামিষ আহারের প্রশংসা করিয়া বলেন, “আজ কাল সিদ্ধ চাউলের ভাত
বিশেষতঃ ফেন ফেলা সিদ্ধ চাউলের ভাত খাওয়ার যে প্রথা প্রচলিত হই-
য়াছে, তাহা খুবই অনিষ্টদায়ক । তাহাতে চাউলের সার ভাগ থাকে না ।”

সহজে পরিপাক হয় বলিয়া অনেকে পুরাতন চাউলের ভাত পছন্দ
করেন । ডাঃ বেণ্টলী তাহারও নিন্দা করিয়া বলিয়াছেন,—“এই ধরণের

চাউলের মধ্যেও সার ভাগ খুব কম।" তিনি আন্ত ছোলা প্রভৃতি খাওয়ার খুবই প্রশংসা করিয়াছেন। আমাদের দেশের বালক বালিকারা তেমনভাবে দুগ্ধ পান করিতে পায় না। তাঁহার মতে পুষ্টিকর খাদ্য গ্রহণ করিলে ম্যালেরিয়া বেরিবেরি, এমন কি কুষ্ঠব্যাধি পর্য্যন্ত হইতে পারেনা।

(মেদিন'পুর চিঠিতথী)

গারো পাহাড়ে বিরাট শুদ্ধি কার্য

শ্রীযুক্ত ললিতা দাস ব্রহ্মচারী বৃন্দাবনস্থিত, "গৌরান্দ্র দরিদ্রালয়" নামক "হাসপাতাল" ও "অরফেনেজের" প্রতিষ্ঠা করিয়াছিলেন। তিনি স্বামী সচ্চিদানন্দজী মহাশয়ের শিষ্য। তিনি সম্প্রতি বাঙ্গালার গারো পাহাড়ে অবস্থান করিতেছেন। তথায় তিনি খুব অল্পদিনের মধ্যেই ১০,৭৬৭ জন গারো হাজং ডালু কোচকে (যাঁহারা খৃষ্টান হইয়া গিয়াছিল তাহাদের) শুদ্ধি করিয়া লইয়া জটনৈক গোস্বামী সন্তান দ্বারা তাঁহাদিগের মধ্যে অধিকাংশকেই বিষ্ণু মন্ত্রে দীক্ষিত করাইয়া "হরিনাম কীর্ত্তন" করার ব্যবস্থা করিয়াছেন। তিনি আশা করেন, অতি সত্বরই আরও বহু খৃষ্টানকে হিন্দু সনাতন ধর্মে দীক্ষিত করিতে পারিবেন। এই শুদ্ধি বাপারে যে অর্থ ব্যয়ের প্রয়োজন হইয়াছে তাহা তিনি সমস্তই তাঁহার নিজ তহবিল হইতে বহন করিয়াছেন। ব্রহ্মচারী মহাশয় এই সমস্ত "খন্দর" ব্যবহারের প্রয়োজনীয়তা পাহাড়ীদের মধ্যে বুঝাইয়া দিয়া যাহাতে খন্দর প্রস্তুত ও ব্যবহৃত হয়, তাহার বিশেষ চেষ্টা করিতেছেন। (সময়)

গৌড়ীষ বৈষ্ণব-সাম্রাজ্য

কাশিমবাজারের মহারাজকে মুখপাত্র করিয়া কলিকাতায় এই প্রতিষ্ঠানটি গড়িয়া উঠিয়াছে। প্রতিষ্ঠান-নির্মাণের আধুনিক ও বহিরঙ্গ পদ্ধতি-সমূহ বেশ সুনিপুণ ভাবেই অবলম্বিত হইয়াছিল। এখন এই প্রতিষ্ঠানের একখানি নিজের গৃহে আছে। শুনিয়া দুঃখিত হইলাম, প্রতিষ্ঠানটি ভালরূপে চলিতেছে না। কি করা যায়? যাহা হইয়া গিয়াছে সে সম্বন্ধে আলোচনা করা নিম্প্রয়োজন। এখন কি করা যায়, তাহাই ভাবিতে হইবে। শ্রীগৌরান্দ্র-নিত্যানন্দের দ্বারা প্রবর্তিত যে বৈষ্ণবধর্ম,

তাহাই গৌড়ীয় বৈষ্ণব ধর্ম। এই ধর্মের বাহাতে প্রতিষ্ঠা হয় ও প্রচার হয়, এই ধর্মাবলম্বী লোকে বাহাতে কতাবদ্ধ হইয়া নিজেদের ধর্মের যুগোপযোগী সংস্কার করিতে পারেন তাহাব ব্যবস্থা করাই এই সম্মিলনের উদ্দেশ্য হওয়া স্বাভাবিক। শ্রীগোরাঙ্গ-নিত্যানন্দের ধর্ম বাহারা যাজন করেন, তাঁহাদের মধ্যে নানারূপ মতভেদ আছে, এই মতভেদ স্বাভাবিক, ধরিয়া লইতে হইবে মতভেদ থাকিবে। এই মতভেদ সম্বন্ধে মিলনের ভূমি কোথায় প্রথমে তাহাই নির্ধারণ করিতে হইবে। গৌড়ীয় বৈষ্ণব সম্মিলনের গৃহ নির্মিত হওয়ার পর, অন্ততঃপক্ষে আরও তিনটিদল বলিতেছে আমরাই গৌড়ীয় বৈষ্ণব স্মরণে আমাদেরও কলিকাতায় গৃহ চাই। এজন্য আবেদনপত্র বাহির হইয়াছে এবং কেহ কেহ কাশিমবাজারের মহারাজকেও ধরিয়াছেন। এই তিনটি দল ছাড়া আর একটি প্রবল ও সক্ষম দল রহিয়াছে, ইহাদের কলিকাতায় মঠ আছে, ব্যাংক টাকা আছে, ছাপাখানা ও কাগজ আছে, মোটারগাড়ী আছে মোটারগাড়ীতে চড়িয়া কলিকাতায় ভিক্ষা করার ব্যবস্থা আছে। আলোচ্য সম্মিলন বাতীত অন্ততঃপক্ষে আরও চারিটি প্রাত্যেগীদল এই কলিকাতা সহরেই রহিয়াছে। প্রথম প্রয়োজন, এই চারিটিদলের নেতৃগণকে গৌড়ীয় বৈষ্ণব সম্মিলনের গৃহে সমস্মনে নিমন্ত্রণ করিয়া আনিয়া তাঁহাদিগকে বুঝাইয়া দেওয়া যে, এই সম্মিলনের গৃহ আপনাদের সকলেরই, আপনারা কেহ কাহাকেও গালাগালি না করিয়া আপনাদের নিজ নিজ মত এইস্থানে বাক্ত করার তুল্যরূপ অধিকারী। এই কার্যটি প্রথম দরকার। মায়াপুরের দলের সহিত গোস্বামীদের বিরোধ আছে থাকুক; সূর্যাবাবুর দল, শ্রীখণ্ডের দল, রামদাসের দল, বা সধরচাঁদের দলের, ভিতর যে সব মতভেদ আছে থাকুক; গৌড়ীয় বৈষ্ণব সম্মিলন কোনও দলের পক্ষপাত করিবেন না। এই সব দলের নেতৃবৃন্দকে তুল্যরূপ অধিকার দিয়া ও তুল্যরূপ সম্মানিত করিয়া সম্মিলনের ভবনে লইয়া আসিবেন এবং প্রত্যেকেই বলিবেন আপনি আপনার কথা বলুন, কিন্তু কাহারও অর্থাৎ শ্রীগোরাঙ্গ-নিত্যানন্দের মতাবলম্বী বলিয়া বাহারা নিজেদের পরিচয় দেন, তাঁহাদের কাহারও কোনরূপ নিন্দা করিবেন না। সম্মিলনকে সফল করিতে হইলে ইহাই প্রথম প্রয়োজন। দ্বিতীয় প্রয়োজন, অধ্যাত্মবিজ্ঞানে পারদর্শী, তুলনামূলক ধর্মালোচনায় ও ধর্মসম্বন্ধে অভ্যস্ত, কয়েকটি সুশিক্ষিত (cultured)

লোক। এই লোকগুলি সম্মিলনের অন্তরঙ্গ শাখা হইবেন। ইহারা কোন দলের পক্ষপাতী হইবেন না, প্রত্যেক দলের যাহা ভাল শ্রদ্ধার সহিত তাহা স্বীকার করিবেন। “গৌড়ীয় বৈষ্ণবধর্ম” কি প্রকারে যুগ-ধর্ম বা সার্বজনীন ধর্ম হইতে পারে সে সম্বন্ধে চিন্তা ও আলোচনা করিবেন। এই প্রকারে কার্য করিলে এই প্রতিষ্ঠানটির দ্বারা অনেক উপকার হইতে পারে। তাহা না করিয়া এই সম্মিলন যদি বিবাদমান শাখা বা উপসম্প্রদায় সমূহের মধ্যে কোন একটির পক্ষপাতী হইয়া অপরাধুলিকে উপেক্ষা করেন তাহাহইলে এই সম্মিলনের কোন কাজ হইবে না। টাকার জোরে যদিইবা কেহ ইহাকে কোনরূপে বাঁচাইয়া রাখেন, তাহাহইলেও সেই বাঁচিয়া থাকা মরিয়া ভূত হওয়ার মতো একটা অবাঞ্ছনীয় ব্যাপার হইবে। এই সম্মিলনের যদি কেহ বর্জ্যপক্ষ থাকেন, এবং তাঁহারা যদি “সর্বজ্ঞ” না হন, তাহাহইলে তাঁহারা আলোচনা করুন। যাহা হইবার তাহা হইয়া গিয়াছে, অতীতের আলোচনায় বেশী লাভ নাই, বর্তমান এই প্রতিষ্ঠানের দ্বারা দেশের যতটুকু কল্যাণ করা যাইতে পারে, তাহা করার পন্থা নির্ধারণ করা হউক। (বীরভূমি)

নবদ্বীপে ষাট্রানিগ্রহ

ভেটের সৃষ্টি

আজ প্রায় ৫০ বৎসর হইল নবদ্বীপে ভেটের সৃষ্টি হইয়াছে। প্রথমে শ্রীমমহাপ্রভুর বাড়ীতে ভেট ৭০ আনা, পরে ১০ আনা ক্রমশঃ ১/০ আনায় পরিণতি লাভ করিয়াছে, পরে কতদূর গড়ায় কে জানে? শ্রীনিত্যানন্দ দেব স্থাপিত হইয়াছেন প্রায় ৪৫ বৎসর। শ্রীবাস অঙ্গনও প্রায় ঐরূপ। পরে “সোনার গোরাক” “পঞ্চতত্ত্ব” প্রভৃতিও প্রায় ২৫।৩০ বৎসর স্থাপিত হয়। এখন, নবদ্বীপের এই নূতন ব্যবসায় বিপুল অর্থোপার্জন দেখিয়া প্রায় ১০০ শত বাড়ীতে ভেটের ব্যবস্থা হইয়াছে! আবার কোন কোন আঞ্চলিক ও সংসারত্যাগী সন্ন্যাসধর্মাবলম্বী বাবাজী মহাশয়েরাও ভেটের ব্যবস্থা করিতেছেন।

সরাইবাড়ী

ধর্মপ্রাণ বৈষ্ণবমণ্ডলী ও অন্যান্য সম্প্রদায়ের জনগণ ধর্মার্জন করিয়া মোক্ষলাভ বাসনায় আকুল আবেগে কত অর্থব্যয়, কত শারীরিক ক্লেশ স্বীকার কত বিনিয়োগ রজনী যাপন করিয়া দলে দলে নবদ্বীপ পরিদর্শন মানসে শ্রীধাম নবদ্বীপে আগমন করেন। তাঁহাদের বাসস্থানের জগৎ বহু সরাইবাড়ী স্থাপিত হইয়াছে। প্রথম ইহা যাত্রীগণের সুবিধার জগৎই প্রতিষ্ঠিত হইয়াছিল, কিন্তু এখন মিউনিসিপালিটির অভিভাবকগণের অমনোনিবেশবশতঃ অনেক সরাইবাড়ী কষাইখানায় পর্য্যবসিত হইয়াছে।

প্রধানতঃ ধর্মগতপ্রাণা নিরক্ষর, অসহয়া মহিলাগণই তীর্থস্থানে ছুটিয়া থাকেন। আর নবদ্বীপের অধিকাংশ সরাইবাড়ীর কর্তাগুলিও নিরক্ষর চারত্রহীন। কাজে কাজেই মাতৃগণ পদেপদেই লালিত, অপমানিত ও প্রতারিত হইয়া থাকেন।

কোন কোন সরাইবাড়ীর অধিকারীরাই আবার ভেটবাড়ীর “দালাল”। ইহাদের সহিত ভেটবাড়ীর উপার্জনের অর্থ অংশভাগে চুক্তি থাকে। কাজেই যাত্রীগণ অর্চন পূজাদি বর্জিত প্রতিষ্ঠাহীন অর্থলোভীদের দ্বারা স্থাপিত অপ্রতিষ্ঠিতপ্রাণ বিগ্রহাদি দর্শন করিয়া প্রতারিত হন।

যদি কোন যাত্রী অর্থাভাববশতঃ কোন ভেটবাড়ী যাইতে অনিচ্ছা প্রকাশ করেন তখন তাঁহাকে সরাইবাড়ীর কর্তার দ্বারা যেরূপে লালিত হইতে হয় তাহা শ্রবণ করিলে শরীরের প্রতিক্রিয়াবিন্দু অগ্নিস্ফুলিঙ্গের মত ছুটিয়া বাহির হইতে চায়। সে কাহিনী হৃদয় বিদারক।

ভেটবাড়ীর অত্যাচার

অধিকাংশ ভেটবাড়ীর গোস্বামীগণ নিজেদিগের অন্তরালে রাখিয়া নষ্ট-চরিত্র মনুষ্যত্বহীন পিশাচদিগকে ভেট আদায় করিবার জন্ত নিয়ুক্ত করিয়া থাকেন। তাহাদের অত্যাচার সম্বন্ধে বহুবার বহুব্যক্তি সংবাদপত্রে পত্রাদি প্রকাশ করিয়াছেন। সেই সব হৃদয়বিদারক ব্যাপার শ্রবণ করিলে তাহা অসম্ভব বলিয়াই মনে হয়। কিন্তু কালের অপরিহার্য পরিবর্তনে ধর্মজগতেও এই দুর্বস্থা ঘটয়াছে ধর্মের সুনামের শ্রোতে পঙ্কিলতার আবির্ভাব হইয়াছে।

যে চৈতন্যদেব কামিনী কাঞ্চন বর্জিত হইয়া, আচণ্ডালকে আলিঙ্গন করিয়া অভিনব ভ্রাতৃপ্রেম দেশমধ্যে আনিয়াছিলেন, আজ তাঁহারই পথা-বলম্বী কুলাঙ্গার পিশাচগণ দেশের ও দেশের প্রতি ধর্মের দোহাই দিয়া যে অনাচার অবিচারের শ্রোত অশ্রুতিহতভাবে বণাইতেছেন, ইহার প্রতি ধর্মপ্রাণ মনীয়মণ্ডলীর এবং দেশবাসী আপামর সর্বসাধারণের সম্পূর্ণ দৃষ্টিপাত একান্ত কর্তব্য।

আশাকরি দেশনেতৃগণ ও দেশভ্রাতৃগণ আজ স্বদেশবাসীকে পাষণ্ডের অত্যাচার হইতে রক্ষা করিয়া যাহাতে ধর্মপ্রাণ ভক্তগণকে প্রতারিত হইতে না হয় সে বিষয়ে দৃষ্টিপাত করিবেন। (মেদিনীপুর হিতৈষী)

বৈষ্ণব-সংবাদ ও মন্তব্য

পূজনীয় শ্রীমৎ রামদাস বাবাজী মহাশয় বিগত ১৭ই কার্তিক হইতে ১৯শে কার্তিক পর্য্যন্ত হাওড়া জেলার পোন্ডা গ্রামে সাধারণ হরিসাধন সমাজের ১৪শ বাৎসরিক আধবেশন উপলক্ষে অগ্রপ্রের নাম কীর্তন করিয়া ৬পুরীধামে গিয়াছিলেন। সেখান হইতে ২৪শে কার্তিক ফরিয়া ঐ দিনই আন্দুলের সন্নিকট গড়মূঙ্গাপুর গ্রামে নিতালীলাপ্রবিষ্ট মহামুভব কালাচাঁদ বাবাজী মহাশয়ের মঠে কীর্তন করেন। উক্ত মঠে নূতন শ্রীমন্দিরে শ্রীবিগ্রহ প্রবেশের কারণ এই কীর্তন। পরদিন ২৫শে কার্তিক পাণি-হাটীতে শ্রীমন্মহাপ্রভুর আগমনোৎসব উপলক্ষে কীর্তন হইয়াছে।

পানিহাটীতে কীর্তনের পর একবার নবদ্বীপ গিয়াছিলেন। ফরিয়া কলিকাতায় ২১ স্থানে কীর্তন করিয়াছেন। অগ্রহায়ণের প্রথম কয়েকদিন কলিকাতা ঝঞ্জে থাকিয়া অগ্রহায়ণের ৫ই সদলে বাবাজীমহাশয় শ্রীধাম বৃন্দাবন গমন করিয়াছেন। তথায় নিতাধামগত শ্রীপাদ মধুসূদন গোস্বামী সার্কভৌম মহোদয়ের স্মরণ মহোৎসব উপলক্ষে কয়েক দিন থাকিয়া ১০ই কিম্বা ১৪ই মথুরা হইয়া এলাহাবাদ যাইবেন। তথা হইতে ৬কাশীধামে ও গয়াক্ষেত্রে কীর্তন শেষ করিয়া ২১শে অগ্রহায়ণ শ্রীখণ্ডের মহোৎসবে যোগদান করিবেন। সেখান হইতে দাইহাটী প্রভৃতি ঘুরিয়া শ্রীধাম নবদ্বীপে আসিবেন। তথা হইতে পৌষ

মাসের প্রথম সপ্তাহেই কলিকাতার মঠে ফিরিবেন। পৌষ মাসের তালিকা ষথাসময়ে প্রকাশ হইবে।

— ০ —

আমাদের পরমারাধ্য শ্রীমৎ রাধারমণদেবের অতিপ্রিয় শিষ্য ৩পুরীধামের শ্রীশ্রীহরিদাস ঠাকুরের সমাজের মহান্ত শ্রীমৎ গোবিন্দদাস বাবাজী দাদা মহাশয় বিশেষ অসুস্থ হইয়া বিগত ২৪শে কার্তিক পূজনীয় বাবাজী মহাশয়ের সহিত কণিকাভায় আসিয়াছিলেন। শ্রীধাম নবদ্বীপ হইতে শ্রীযুক্ত বিহারী দাদা ও অজ্ঞান্য দুই চারিজন ভক্ত গোবিন্দ দাদাকে ২৫শে কার্তিক শ্রীধাম নবদ্বীপে লইয়া গিয়াছেন। শ্রীরাধারমণ দাদাকে শীঘ্র শীঘ্র নিরাময় করুন ইহাই আমাদের আন্তরিক প্রার্থনা।

— ০ —

শ্রীপাট পাণিহাটিতে শ্রীমন্নহাপ্রভুর আগমন উপলক্ষে মহা সমারোহ কীর্তন মনোৎসব হইয়া গিয়াছে। তৎসহ পরম ভাগবৎ শ্রীযুক্ত অম্বলাধন রায় ভট্ট মহাশয়ের অক্লান্ত পরিশ্রমের ফল বিরাট বৈষ্ণব প্রদর্শনী বসিয়াছিল, আমরা উৎসবে যোগদান করিবার সৌভাগ্য পাইয়া বৈষ্ণব প্রদর্শনী দর্শনে অপরিসীম আনন্দ লাভ করিয়াছি। উৎসবের ও বৈষ্ণব প্রদর্শনীর বিস্তৃত বিবরণ আগামী সংখ্যায় প্রকাশ হইবে।

— ০ —

আমরা শুনিয়া দুঃখিত হইলাম যে, কলিকাতা গোড়ীয় বৈষ্ণব সম্মিলনীয় সুযোগ্য সম্পাদক বহুভাষাবিদ পণ্ডিত শ্রীযুক্ত অম্বলাচরণ বিদ্যাভূষণ মহাশয় বিশেষ অসুস্থতা নিবন্ধন কিছুদিনের জন্ত সম্পাদকের কার্য হইতে অবসর লইয়াছেন। শ্রীমন্নহাপ্রভু অম্বলাবাবুকে শীঘ্র শীঘ্র রোগমুক্ত করুন ইহাই প্রার্থনা। যতদিন না তিনি সুস্থ হইয়া পুনরায় কাষ্যে যোগদান করেন ততদিন সম্মিলনীয় সহকারী সম্পাদক শ্রীযুক্ত পুলিন চন্দ্র দে মহাশয় সম্পাদকের কার্য করিবেন। আমরা শ্রীমন্নহাপ্রভুর নিকট নবীন সম্পাদকের কার্যের সর্ব প্রকার সাফল্য কামনা করি।

শ্রী শ্রীরাধারমণো জয়তি

“ভক্তির্ভগবতঃ সেবা ভক্তিঃ প্রেম-স্বরূপিণী
ভক্তিরানন্দরূপা চ ভক্তির্ভক্তেশু জীবনম ॥”

২৭শ বর্ষ } ৫ম সংখ্যা }	ভক্তি ধর্ম-সম্বন্ধীয় মাসিক পত্রিকা।	{ পৌষ ১৩৩৫
---------------------------	--	---------------

[একদিন শ্রীপাদ রামদাস বাবাজী মহাশয়ের প্রিয় শিষ্য, ব্রহ্ম-বনের ভজননিষ্ঠ শ্রদ্ধেয় শ্রীযুক্ত গৌরাঙ্গদাস দাদা মহাশয়ের সহিত পূজাপাদ শ্রীল বিশ্বরূপ গোস্বামী প্রভুর “শ্রী শ্রী নিতাই তত্ত্ব” সম্বন্ধে আলোচনা হইতেছিল, ইতিমধ্যে শ্রীপাদ রামদাস বাবাজী মহাশয় আলোচনা ক্ষেত্রে উপস্থিত হইয়া দুই জনের সিদ্ধান্তের মিম্যাংসা করিয়া দিলেন। শ্রীল বিশ্বরূপ প্রভুর সহিত শ্রীযুক্ত গৌরাঙ্গদাস বাবাজী মহাশয়ের সিদ্ধান্তের যে স্থানে অমিল হইতেছিল শ্রীপাদ বাবাজী মহাশয় তাহার সমীচীন মিম্যাংসা করিয়া দিয়া শ্রীল গোস্বামী প্রভুর সিদ্ধান্তই রসপুষ্ট বলিয়া সমর্থন করিলেন এবং প্রাচীন পদবর্ত্তা শ্রীল বাসুদেব ঘোষ ঠাকুরের—

“বদি গৌরাঙ্গ না হ’ত কি মেনে হইত
কেমনে ধরিতাম দে ।”

এই পদের আনুগত্যে তদনুরূপ “শ্রীশ্রীনিতাই-গুণ” বর্ণন করিবার ইঙ্গিত করিলেন। শ্রীপাদ বাবাজী মহাশয়ের ইঙ্গিতে আমাদের পূজ্যপাদ শ্রীল বিশ্বরূপ প্রভু নিজ স্বভাবসিদ্ধ কবিত্ব শক্তিতে উল্লিখিত পদের অনুরূপ যে নিতাই গুণ বর্ণন করিয়াছেন, আমরা ভক্তির পাঠক-গণের অবগতি এবং আনন্দবিধানের জন্ত নিম্নে তাহা অবিকল মুদ্রিত করিলাম।]

(ভক্তি-সম্পাদক)

“শ্রীশ্রীনিতাই-গুণ”

যদি, নিতাই না হ'ত কেমনে কি হ'ত

এ ঘোর কলিতে গতি ।

ওকে, গোর সন্ধান দিয়া মহা দান

শোধিত জীবের মতি ॥

গোরা নামাকরে কত সুধা ঝরে

কিবা তার আন্বাদন ।

যদি, সেধে না পিয়াত হোন কলিহত

জুড়াত তাপিত জন ॥

উদিল নিতাই ত্রিভুবনে ঠুতাই

ডাকিল প্রেমের বান ।

তাছে, ভক্ত হংস পতিত বংশ

পাথারে করিল স্থান ॥

বদনে নিতাই শুণ গাও ভাই
 দয়ালের শিরোমণি সে ।
 গৌর প্রেমে সে হেন মাতোয়াল
 দিশেশ্বরী প্রীতি নিমিষে ॥
 “গোরা গোরা” বলি মারে মালসটি
 কভু পড়ে ভূমে আছাড়ি ।
 ধলায় ধুসর হয় কলেবর
 কভু কাঁদে বাহু পসারি ॥
 ব্রজ বনবাসে যে উজ্জ্বল রসে
 শ্রীরাধা শ্রামের পিহীতি ।
 সে রস ছানিয়া কখনা নিঙড়িয়া
 দেখাইল তার মুরতি ॥
 প্রেমের আশ্রয়ে বিষয়ে নিতাই
 সহায়, অধিতে ধার
 দাস “বিশ্বরূপে” কয় হেন যে নিতাই
 বলিহারী যাই তার ॥

“পাঁচালী” প্রভৃতি কাব্যে ভক্তিরসের উপকরণ ।

“ভক্তি” পত্রিকার বিগত শ্রাবণ সংখ্যায় আমি ছইখানি গীতাভিনয় হইতে কোন কোন স্থল উদ্ধৃত করিয়া ভক্তিরসের উদাহরণ প্রদর্শন করিয়াছি । বস্তুতঃ প্রাচীন বঙ্গসাহিত্যে ভক্তিরসের অফুরন্ত প্রস্রবণ । তাই প্রভুর জন্ত প্রাণ কাঁদিলেই আমি প্রাচীন বঙ্গসাহিত্যের আশ্রয় গ্রহণ করিয়

থাকি। আমি তখন বিষ্ণাপতি ও চণ্ডীদাস, গোবিন্দদাস ও জ্ঞানদাস, কৃষ্ণদাস ও বৃন্দাবনদাস, লোচনদাস ও কুন্তিবাস, মুকুন্দরাম ও ঘনরাম, কাশীদাস ও ভারতচন্দ্রের সুশীতল পদছায়ায় উপবিষ্ট হইয়া প্রাণ জুড়াইতে চেষ্টা করি। আবেগপূর্ণ হৃদয় লইয়া যখনই প্রাচীন বঙ্গীয় কবিগণের পদাশ্রয় গ্রহণ করিয়াছি, তখনই আমি কৃতার্থ হইয়াছি। ঠাঁহাদের অসীম রূপায় আমাকে কদাপি বিফলমনোরথ হইতে হয় নাই।

প্রাচীন কবি বলিতে আমি ভগবদ্ভক্ত সাধক চণ্ডীদাস হইতে মহাজ্ঞানী কৃষ্ণচন্দ্র মজুমদার পর্যাস্ত গণনা করিতেছি। কবির ঈশ্বরচন্দ্র গুপ্ত এবং বঙ্গীয় কবি-ওয়ালী ও পাঁচালীগায়কেরা এমন কি সাধক হরিনাথ মজুমদারও আমার মতে প্রাচীন কবি-শ্রেণী ভুক্ত। ফলতঃ পাশ্চাত্য সভ্যতা ও পাশ্চাত্যভাবের প্রভাববর্জিত যে কিছু সাহিত্য বঙ্গভাষায় বর্তমান, তাহাকেই আমি সংক্ষেপতঃ বঙ্গীয় প্রাচীন সাহিত্য নামে অভিহিত করিতেছি। এরূপ বলিবার হেতু এই যে, সাহিত্যই খাঁটি স্বদেশী বাঙ্গলা সাহিত্য—এই সাহিত্যেই বাঙ্গালী সাধারণের জীবন ও জাতীয়ভাব ও চিন্তা যথাযথভাবে প্রতিফলিত হইয়াছে। ইহাতে লৌকিকতা নাই, কৃত্রিমতা নাই, কপটতা নাই। কৃত্রিমতা ও আড়ম্বর পরিশূন্য এই সকল কবিই খাঁটি বাংলা কবি। মহাকবি বিষ্ণাপতি ও সাধক চণ্ডীদাসের পরিচয় দিবার প্রয়াস পাওয়া বুঝা। অপরের কথা দূরে থাকুক কলিযুগপাবনাবতার শ্রীশ্রীমদমাধুপ্রভু পধ্যস্ত বিষ্ণাপতি ও চণ্ডীদাস উভয়ের কবিতার সমাধুর্যা পানেই বিভোর হইয়া যাইতেন। যথা—

চণ্ডীদাস বিষ্ণাপতি

রায়ের নাটক গীতি

কর্ণামৃত শ্রীগীতগোবিন্দ।

স্বরূপ রামানন্দ সনে

মহাপ্রভু রাত্রি দিনে

গায় শুনে পরম আনন্দ ॥

তারপর কবিবন্ধনের “চণ্ডীকাব্য” ধনরামের “শ্রীধর্মমঙ্গল” ভারতচন্দ্রের “অন্নদামঙ্গল” ভক্তিরসমিশ্রিত কতই যে সুমধুর ভাব ও দিব্য বাক্যে সমৃদ্ধ, তাহা সুরসিক ভক্ত পাঠকমাজ্রেই অবগত আছেন। তাহার পর সর্বজন পরিচিত কৃত্তিবাস ও কাশীরামদাসের পরিচয় দেওয়া সর্বথা নিশ্চয়োজন। এই সকল মহাকবি কত নরনারীর দগ্ধপ্রাণে যে অমৃত চালিয়া দিয়াছেন ও অগ্নাপি দিতেছেন. তাহা গণনা করিবার সাধ্য আমার নাই। তাহার পর হরুঠাকুর, রামবহু প্রভৃতি বঙ্গের কবিওয়ালারা এবং দাশরথি, ব্রজমোহন, রসিকচন্দ্র প্রভৃতি “পাঁচালী” গায়কেরা সর্বদাসুন্দর কবিতাবলী ও গীতের জন্ত পূর্ববঙ্গীয় নরনারীর ধর্মভাব পোষণে যে কতই সাহায্য করিয়াছেন, তাহা স্মরণ করিলে ঋণভারে আমার হৃদয় ব্যথিত হইয়া পড়ে। অধিক কথা বলিতে কি, লোক-চিত্তজ্ঞ ও সমাজতত্ত্বজ্ঞ ভক্ত-সাধক দাশরথিকে আমি মনে মনে পাশ্চাত্য মহাকবি সেক্সপীয়রের সহিত তুলনা করিয়া থাকি। কোন কোন সুপ্রসিদ্ধ সাহিত্য সমালোচক দাশরথিকে তাঁহার অশ্লীলতা হেতু ভদ্রসমাজের বহির্ভূত করিতে চাহিয়াছেন। কিন্তু অশ্লীলতা দোষের কথা ধরিলে, শুধু দাশরথি কেন জগতের বহু বহু সুপ্রসিদ্ধ কবিকেই ভদ্রসমাজ হইতে বিদূরিত করিতে হয়। ফলঃ: মহাকবিগণের অশ্লীলতা দোষ পরিমার্জনীয় বলিয়াই মনে হয়। আর যে সকল ভাগ্যবান মহাত্মা, সাধনাবলে অথবা ভগবৎকৃপায় ভাবশুদ্ধি ও চিন্তের পবিত্রতা লাভ করিয়াছেন, তাঁহাদের পক্ষে জগতে অশ্লীল কিছুই নাই। তবে তরলমতি অপরিপক্ববুদ্ধি বালক বা যুবকগণের পক্ষে অনেক সময়ে অশ্লীলতা দোষ চিন্তোন্নতির অন্তরায় বটে। যাহা হউক, দাশরথির নামে নাসিকা কুঞ্চিত না করিয়া আমি প্রত্যেক পাঠক ও পাঠিকাকে তাঁহার গ্রন্থাবলী সহাসুভূতি পূর্ণ হৃদয়ে পাঠ করিতে অনুরোধ করি। দাশরথির পাঁচালীগ্রন্থের স্তায়

ব্রজমোহন ও রসিকচন্দ্রের পাঁচালীগ্রন্থও অবশ্য বঙ্গীয় পাঠক পাঠিকার আদরণীয় ও অবশ্য পাঠ্য।

পাঁচালীগ্রন্থ সাধারণতঃ দুইভাগে বিভক্ত। ছড়া ও গান। ছড়াগুলির মধ্যে অনেক ভাল কথা পাওয়া যায়, কিন্তু অনেক স্থলে গানগুলিই পাঁচালী গ্রন্থের শ্রেষ্ঠ অংশ। বিশেষতঃ দাশরথির কোন কোন গানের তুলনা নাই বলিলেই হয়। ঐ হার শক্তিবিষয়ক “আগমনী” গান অত্যাপি শরৎকালে আবালবৃদ্ধবনিতার কণ্ঠে কণ্ঠে ধ্বনিত হইয়া থাকে। তদ্বাচীত ঠাহার কৃষ্ণ বা রামচন্দ্রাদি বিষয়ক গানগুলিও ভক্তিরসে পরিপূরিত। ব্রজমোহন ও রসিকচন্দ্র রাঘবেরও কোন কোন গীত অত্যাপি সাদরে গীত হইয়া থাকে। আমার প্রবন্ধ দীর্ঘ হইয়া উঠিতেছে, অতএব দাশরথির ছই একটা সুপ্রসিদ্ধ গীতমাত্র উদ্ধৃত করিয়া এ প্রবন্ধের উপসংহার করিব। চিন্তামূল পাঠক ও সঙ্গদয়া পাঠিকাগণ নীরবে নির্জনে দাশরথীর গ্রন্থাবলী পাঠ করিয়া ভক্তিরস আনন্দন করিবেন।—গুহক চণ্ডালের সরল ও অকপট প্রেম স্মরণ করিয়া ভগবান রামচন্দ্র ভ্রাতা লক্ষ্মণকে বলিতেছেন—

“কার প্রাণ নাশন,

কল্পবি রে ভাই শোন।

মিতার আমার কোন অপরাধ নাই।

প্রেমে “ওরে হাঁরে,”

ও বলে আমারে।

আমি ওরে বড় বালবাসি তাই ॥

“ওরে হাঁরে” বলে জাতীয় স্বভাব,

অন্তরে উহার বড়ই ভক্তিভাব,

চাইনে অল্পধন, সাধু নইলে মন, জুড়ায় না রে—

আমি ভাবগ্রাহী কেবল ভাবেতে জুড়াই ॥

ভক্তিশূন্য আমি ব্রাহ্মণেরো নই,

ভক্তিতে আমি চণ্ডালেরো হই,

ভক্তিশূন্য নর, সুধা দিলে পর, সুধাইনে রে—
ভক্তে বিষ দিলে সুধাবলি খাই ॥”

জননী মেনকার নিকট জগন্মাতার আগমন উপলক্ষে—

“বসিলেন মা হেমবরণী, হেরষেরে ল’য়ে কোলে ।
হেরি গনেশ জননী রূপ, রাণী ভাসেন নয়ন জলে ॥
ব্রহ্মাদি বালক যাব, গিরিবালিকা সেই তারা,
পদতলে ষালকভানু, বালকচন্দ্রধরা,
বালকভানু জিনি তনু, বালক কোলে দোলে ॥

রাণী মনে ভাবেন—উমারে দেখি,

তি উমার কুমারে দেখি,

কোন রূপে সঁপিয়া রাখি নয়ন-যুগলে—

দাশরথি কহিছে রাণি ! দুই তুল্য দরশন,
হের ব্রহ্মময়ী আর ঐ ব্রহ্মরূপ গজানন,
ব্রহ্ম-কোলে ব্রহ্ম-ছেলে, বসেছে মা ব’লে ॥”

কবির অন্তিমকালে ত্রিভাপহারিণী ভাগীরথী-সমীপে প্রার্থনা—

“অন্তে পদপ্রান্তে মোরে, স্থান দিও মা সুরধুনি ।

তয়ে ডাকি মা গঙ্গে ভয়-ভঞ্জিনি তরঙ্গিনি ॥

জনক জননী দারা সূত বন্ধুবান্ধবে

নয়ন মুদিলে তারা, কেহ না সঙ্গে ধাবে

অপার ভবসাগরে ভরলা জননি ॥

এ মা তরে অশেষ পাতকী

শমনেয়ে দিয়ে কাঁকি,

বেদে শুন মা তুমি নাকি পতিত-পাবনী—
 আমি ত পতিত, দুঃখ দিওনা ফিরে ফিরে,
 অজ্ঞান বালক তোমার সঙ্কনে এল মা তীরে,
 নিম্মল তব মাললে তারাজতে পরাণি।”

শ্রীবিষ্ণুশ্বর দাস।

ভারতে সভ্যতার চরম অবস্থা।

ভারতীয় সভ্যতা যে কতকালের তাহা নির্ণয় করিবার আশায় বহু প্রাচ্য ও পাশ্চাত্য পণ্ডিতমণ্ডলী অনেক রকমে তাঁহাদের চিন্তাশক্তি প্রয়োগ করিয়াছেন এবং স্ব স্ব চিন্তার ফলও তাঁহারা জগতে প্রকাশ করিয়াছেন। পাশ্চাত্য মনীষিগণের নানা জনে এ সম্বন্ধে নানা সমীচিন কথাও কহিয়া থাকেন এবং পাশ্চাত্য ভাবে ভাবিত এদেশেরও অনেক চিন্তাশীল ব্যক্তি সেই সব কথায় সমর্থন করিতে কুণ্ঠিত নহেন। আমরা বলি, ভারতীয় সভ্যতার প্রাচীনত্ব নিয়ে তাঁহাদের এ মাথা ঘামাইবার প্রয়োজন নাই। জগৎ-সৃষ্টির প্রথমের ভারতের সৃষ্টি হইয়াছে এবং পৃথিবীর অপর সকল অংশ যখন অজ্ঞানানুকারে নিমগ্ন, এমন কি কোন কোন অংশে যখন, মানবের অস্তিত্বই ছিল না, তখন হইতেই এই ভারতে সভ্যতার আলোকচ্ছটা বিচ্ছুরিত হইয়াছিল। সভ্যতাভিমাত্রী পাশ্চাত্য জাতি,—তাঁহারা অল্পদিন মাত্র ধরাপৃষ্ঠে আপনাদের অস্তিত্ব প্রকাশ করিয়াছেন এবং আরও অতি অল্পদিন;—বলিতে গেলে এই দিনকতক মাত্র ধরাতলে আপনাদের প্রভাব বিস্তারে সমর্থ হইয়াছে, তাঁহারা বোধহয় একেবারে এতটা মানিয়া লইতে কিছুতেই পারিবেন না

তাহা না পারিলেও ভারতীয় সভ্যতা যে অল্পদিনের নহে, পরন্তু ইহা যে অতি প্রাচীন সভ্যতা এ কথা স্বীকার সকলকেই করিতে হইবে। যাহা হউক, একথা লক্ষ্য বৈশী আলোচনা করিবার আমাদের প্রয়োজন নাই। পাশ্চাত্য জাতি কি বলিল না বলিল, তাহার জন্ত আমাদের ক্ষুব্ধ হওয়ারও কোন আবশ্যিকতা আমরা বুঝি না। ফল কথা আমরা এইটুকুমাত্র বুঝিব যে, ভারতীয় সভ্যতা কোন স্মরণাতীত কাল হইতেই ধরাধামে প্রকাশিত হইয়াছে।

বর্তমান সভ্যতাভিমাত্রী সেদিনের পাশ্চাত্য জাতি আজ স্বকীয় সভ্যতার যথেষ্ট বড়াই করিলেও, পাশ্চাত্যের এই নবীন সভ্যতা এবং প্রাচ্যের সেই প্রাচীন সভ্যতার মধ্যে প্রকাশ্য বাবধান রহিয়াছে। প্রাচ্য প্রতীচ্য সভ্যতার মূলতঃ ভেদ বর্তমান। প্রাচ্য সভ্যতার প্রতিষ্ঠা ছিল—ত্যাগে, আর এই বর্তমান প্রতীচ্য সভ্যতার ভিত্তিই হইল—ভোগপরায়ণতা। প্রতীচ্য সভ্যতা আজ চাহিতেছে,—যেন ঙ্গৎটাকে মুঠার মধ্যে পুরিয়া তাহাকে সম্পূর্ণরূপে স্বকীয় ভোগবিলাসের একমাত্র উপাদানরূপে গ্রহণ করিতে;—আর প্রাচ্য সভ্যতা চাহিয়াছিল,—আপনার সব ঢালিয়া, আপনার মন প্রাণ সমস্তই অর্পণ করিয়া জগতের হিতসাধন করিতে। প্রাচ্য চাহিয়াছিল,—আপনার সর্বস্ব জগৎকে দান করিতে, আর প্রতীচ্য চাহিতেছে,—জগতের সর্বস্ব আপনি লইতে। তফাৎ এইটুকুই। চিন্তাশীল ব্যক্তি ভাবিয়া দেখিবেন,—প্রকৃত সভ্যতার বিকাশ কোন ভাবে ? তাই দেখিতেছি,—পাশ্চাত্য সভ্যতার (?) এই ভাবে ক্রমোন্নতি লক্ষ্য করিয়া আজ সে দেশের যথার্থ চিন্তাশীল মনীষিগণ উদ্ভিন্ন হইয়াছেন।

ভোগে সুখ নাই, শাস্তি নাই, ত্যাগেই যথার্থ সুখ শাস্তি লাভ হয়; প্রাচ্যের পণ্ডিতমণ্ডলী একদিন যে কথা বুঝিয়াছিলেন, ভারতীয় প্রাচীন আর্ষ্যগণ প্রথম অবস্থায় ক্রমাগত যুদ্ধবিগ্রহ প্রভৃতি ব্যাপারে লিপ্ত

থাকিতেন বটে, কিন্তু বহুদিন এইভাবে কাটিয়া গেলে অবশেষে তাঁহারাও বুঝাছিলেন, এই সকলে সুখ নাই। ভোগের পী তৃপ্তি হয় না, স্মরণ তাহাতে আনন্দ নাই। প্রকৃত আনন্দ,—তাগে। তাগেই শাস্তিলাভ হয়। যুদ্ধবিগ্রহাদি দ্বারা নরশোণিতে ধরাবন্ধ রঞ্জিত করিয়া শত্রুশির লুপ্তিত করিলেও নিষ্কৃতি নাই, তাহাতেও ভয় দূর হইবার সম্ভাবনা কোথায়? “বৈরাগ্যমেবাভয়ং” এইরূপ ভাবসমূহ ক্রমশঃ হৃদয়দের রূপান্তরিত হইতে লাগিল। অর্থাৎ সত্যতার ধারণা ক্রমশঃ রূপান্তরিত হইয়া আসিতে লাগিল।

পাশ্চাত্য পণ্ডিতমণ্ডলীর বিশ্বাস যে, জগৎ ক্রমোন্নতির পথে অগ্রসর হইতেছে। এই উন্নতির স্বরূপই হউক,—সত্যতার বিকাশ। জগতে যতই সত্যতার অধিকতর বিকাশ হইতে থাকিবে, জগতের উন্নতির স্বরূপও ততই ক্রমশঃ অধিকতর সুস্পষ্টরূপে প্রকাশিত হইবে। এক্ষণে প্রশ্ন এই যে, সে উন্নতি তবে কিরূপ? বর্তমানে পাশ্চাত্য জাতি যেক্ষণ উন্নতির জন্য ব্যস্ত হইয়া উঠিয়াছেন, সেই উন্নতিই কি জগতের যথার্থ উন্নতি? অথবা এইরূপ উন্নতিতেই কি জগৎ তৃপ্তি ও শাস্তিলাভ করিবে? কখনই নহে। কেবল জড়বিজ্ঞানের উন্নতিতেই জগতের যথার্থ উন্নতি সম্ভবপর নহে। কেবলমাত্র স্বার্থপরতা সংসাধন এবং ভোগবিলাস চরিতার্থ করণোদ্দেশ্যে পরস্পর পরস্পরকে ধ্বংস করিবার চেষ্টা কখনও সত্যতা-পন্থাচা হইতে পারে না। এই চেষ্টা ব্যক্তিগত হউক অথবা জাতিগত হউক, উভয়তঃই সমান অকল্যাণকর। জড়বিজ্ঞানের উন্নতির সহিত এই যে ক্রিয়া নূতন নরহত্যার কলকৌশল আবিষ্কৃত হইতেছে, ইহাই কি সত্যতার পরিচয় নয়? না, কখনই তাহা নহে। প্রাচীন ভারতীয় জাতি ইহা সম্যক্রূপে বুঝিয়াছিলেন এবং যথার্থ পথেরও সন্ধান তাঁহারা পাইয়াছিলেন। বাহারা জগতের ক্রমোন্নতিতে বিশ্বাসবান, সেই সকল

পাশ্চাত্য বৃদ্ধগণ এ কথাও বলিয়া থাকেন যে, যুদ্ধবিগ্রহাদি যখন জগৎ হইতে একবারে উঠিয়া যাইবে, তখনই জগতের যে শাস্তিময় অবস্থা ঘটবে, সেই অবস্থাই সভ্যতার চরম অবস্থা। সেই সভ্যতার চরম অবস্থা যখন উপস্থিত হইবে, তখন মারামারি কাটাকাটি আর জগতে থাকিবে না। সবই মৈত্রীবন্ধনে আবদ্ধ হইবে। এইরূপ পাশ্চাত্য পাণ্ডিত-মণ্ডলীরও ধারণা।

কিন্তু ধারণা হইলে কি হইবে? শুধু মুখের কথায় তাই হইয়া যায় না! ইহা করিতে হইলে চিত্তকে অনেকখানি সাধনার পথে লইয়া যাইতে হয়। প্রাণভবিয়া একান্তভাবে প্রেমভক্তির সাধন করিতে হয়। কিন্তু পাশ্চাত্যের আজ সে ভাব কোথায়? কাজেই বলিতে হয় জাগতিক সভ্যতার সাধনাক্ষেত্রে পাশ্চাত্যজাতি এখনও মাত্র অজ্ঞান শিশু। এই জগতের বিশাল ক্ষেত্রে এখন কেবল উদ্ভ্রান্ত ভাবে চারদিকে চাহিয়া দেখিতেছে মাত্র। সুস্থির ভাবে বসিবার উপযোগী স্থান এখনও নির্ণয় করিতে পারে নাই। অনেক ঘটনার ঘাতপ্রতিঘাত সহ্য করিয়া, বহু বিপ্লবের ভিতর দিয়া আসিয়া, অনেক দেখিধা, অনেক ঠেকিয়া যখন জ্ঞানলাভ করিবে, তখন সে জগতে আপনায় স্থান করিয়া লইতে সমর্থ হইবে। এখনও বিলম্ব আছে। পাশ্চাত্যের নিজের ধারণা লইয়াই বলিতেছি যে, সভ্যতার চরম অবস্থায় উন্নীত হইতে এখনও উদ্যম বহু বিলম্ব আছে।

তবে এ কথাও এ স্থলে বলিয়া রাখি যে, প্রতীচ্য আজ যে ভাবের সাধনার আত্মনিয়োগ করিয়াছে,—সভ্যতা মনে করিয়া যে পথে চলিয়াছে; —সে সাধনা মানবের শুভকারী নহে এবং সে পথ জগতের কল্যাণের পথও নহে। দেখিয়া ঠেকিয়া শিখিবার দিন পর্য্যন্ত যদি সে টিকিয়া থাকিতে পারে, তবেই জ্ঞানলাভ করিয়া যথার্থ সভ্যতার

গৌরব লাভ করিবার সৌভাগ্য তাহার ঘটবে। নতুবা তাহার ধ্বংস অবশ্যজ্ঞাবী।

পরস্পর মারামারি কাটাকাটি করিয়া ধ্বংস হইবার জগৎ যে ভাবের পথ আজ সে প্রস্তুত করিতেছে তাহা দেখিয়া স্বতঃই মনে হয় যে, সেই জ্ঞানলাভ করিবার কাল উপস্থিত হওয়া পর্য্যন্ত সে টিকিবে ত? যদি কোনও দৈব ঘটনায় অকস্মাৎ তাহার এই মতি পরিবর্তিত হইয়া যায় এবং অন্তরে প্রকৃত জ্ঞানলাভের বলবতী স্পৃহা জাগিয়া উঠে, তবেই তাহার মঙ্গল। প্রকৃত জ্ঞানের অধিকারী হইয়া তখন সে যথার্থ সভ্যতারও অধিকারী হইতে পারিবে। জ্ঞানের পূর্ণতাই যদি সভ্যতার চরম অবস্থা হয়, তবে সভ্যতার সাধনাক্ষেত্রে শিশু পশ্চাত্যের এখন সে জ্ঞান কোথায়? জ্ঞানের পরিপূর্ণ অবস্থাই যে হইল,—ত্যাগের অবস্থা! তাহা ত ভোগের নয়!

যোগাত্মের উদ্বর্তন (Survival of the fittest) ইহাই যদি সত্য হয়,—অস্বতঃ পশ্চাত্য এ কথা খুবই স্বীকার করিয়া থাকেন এবং তাহা একান্ত ভাবে বিশ্বাস করেন বলিয়াই তাঁহারা অপরকে ধ্বংস করিয়া নিজের প্রতিষ্ঠা বিস্তারে সর্বদা যত্নশীল হইতেছেন। কিন্তু এই ধ্বংসবাদই কি যোগাত্মের পরিচয়? ধ্বংসের পরিণাম ধ্বংস। অপরকে ধ্বংস করিতে গেলে নিজেকেও একদিন অপরের হস্তে ধ্বংস হইতে হইবে। পরস্তু সকলকে আপনার করিয়া লইতে পারিলে সকলেই আপনার হইবে। এ শিক্ষা ত পশ্চাত্য এখনও পায় নাই! এবং জগতে এ ভাবের মঙ্গলও কই প্রচার করিতে পারে নাই। তাই প্রাচ্যের বর্তমান মহাকবি পশ্চাত্য সভ্যতার এই ভাবধারা লক্ষ্য করিয়াই গাহিয়াছেন,—

“জাগিয়া উঠিবে প্রাচী যে অরুণালোকে

সে আলোক নাই আজি প্রভাতের চোখে।”

সত্যই ত ; ভারত ভূমি যুগে যুগে যে আলোকে জাগিয়াছে ;—
পাশ্চাত্য সে আলোর সন্ধান পায় নাই । যাউক সে কথা ।

ধনগর্ভিত পাশ্চাত্য ভূখণ্ড আজ প্রকৃত সভ্যতার পথে দাঁড়াইতে
না পারিলেও এই ভারতবর্ষ কিন্তু একদিন সভ্যতার চরম অবস্থায়
উপনীত হইয়াছে অবশ্য একবারেই তাহা সম্ভব হয় নাই । এই অবস্থায়
পৌছবার জন্ত ভারতকেও কতকাল সাধনা করিতে হইয়াছে । কত
যুগ যুগান্ত ধরিয়া কঠোর ঐকান্তিক সাধনার বলে তবে ভারতভূমি এই
অবস্থায় উপনীত হইয়াছে ।

হত্যা, নিষ্ঠুরতা প্রভৃতি আনুর্ভবিক ভাবসমূহ যদি জগতে সভ্যতার
পরিপাকী হয়, পক্ষান্তরে ক্ষমা, মৈত্রী, করুণা প্রভৃতি দৈবী ভাবনিচয় যদি
সভ্যতায় অঙ্গ বলিয়া গণ্য হইয়া থাকে ; তবে একথা মুক্তকণ্ঠেই বলিতে
পারা যায় যে, বহু অতীত যুগ হইতেই ভারতভূমিতে সভ্যতার আলোক
প্রজ্বলিত হইয়াছে । অতি প্রাচীন বৈদিক যুগ হইতে ভারতীয় সভ্যতার
যে ধারাটী ক্রমাগত নানা বৈচিত্র্যময় ঘটনার মধ্য দিয়া চলিয়া আসিয়াছে
দীর্ঘচিন্তে সেটীর পানে লক্ষ্য করিলে আমরা ইহার কয়েকটা স্তর
দেখিতে পাই এবং সেই স্তরগুলির মধ্যে সভ্যতার একটা ক্রমবিকাশও
বেশ বুঝিতে পারি । বৈদিক যুগের কর্ষকাণ্ড, দার্শনিক যুগের জ্ঞান-
কাণ্ড এবং তৎপরবর্তী বৌদ্ধ যুগ অথবা পৌরাণিক যুগের যে সমর্থকার
অবস্থাতেই আমরা লক্ষ্য করি, তাহাতেই বুঝিতে পারি যে, এই
ভারতবাসীর যে কোনও যুগের যে কোনও সাধনপদ্ধতি অথবা কর্ষ-
প্রেচেষ্টার মূলেই রহিয়াছে, ঐ প্রেমভক্তি অথবা মৈত্রী-করুণার একটা
গোপন উৎস । সেই উৎস হইতেই একদিন অমৃতমধুর স্রোতধারা
বিনির্গত হইয়া প্রবল বন্যার প্লাবনে সমগ্র ভারতভূমি ভাসাইয়া দিয়াছে ।
সভ্যতার চরম অবস্থা ভারত সেইদিন জগৎকে দেখাইয়াছে ।

আর একটি কথা এখানে বলিয়া রাখি। ভারতের একটা বৈশিষ্ট্য আছে, যাহা লইয়া জগতের অল্প যে কোনও অংশ হইতে তাহার একটা স্বাভাবিক বিগ্ৰহমান। সে বৈশিষ্ট্য,—ভারতে ভগবানের অবতারত্ব গ্রহণ করিয়া আবির্ভাব। এটা আর জগতের কোনও দেশে কোনও কালে সম্ভব হয় নাই। ভারতই শ্রীভগবানের একমাত্র প্রিয় লীলাভূমি। ধর্মের গ্লানি, অধর্মের অভ্যুত্থান কখনই সভ্যতার অক্ষুণ্ণ অবস্থা নহে। এষ্ট জগৎ ভারতে এ অবস্থা যখনই উপস্থিত হইয়াছে, শ্রীভগবান তখনই অবতাররূপে আবির্ভূত হইয়া ইহার প্রতীকার সাধন করিয়াছেন। যুগে যুগেই ইহা ঘটয়া আসিয়াছে।

ছাপর ও কলির সন্ধিক্ষণে যখন কুরুক্ষেত্রসমর সংঘটিত হইয়াছিল, একদিক দিয়া দেখিতে গেলে তখন ভারতে উন্নতির চরম অবস্থা উপস্থিত হইয়াছিল। অনেকে মনে করেন, রাষ্ট্রীয় ভাবে ভারতের ভেদন উন্নতি আর কোনও কালে হয় নাই। কিন্তু জাগতিক নিয়মে উন্নতির পর পতনও অনিবার্য। ভারতেরও তাহাই অবশ্য হইয়াছে। কুরুক্ষেত্র-যুদ্ধের পর হইতেই ভারতের রাষ্ট্রীয় অধঃপতন যে হইয়াছে, তাহা স্বীকার করিয়াও বলিতেছি যে,—ভারতবর্ষে না হইয়া এটা যদি জগতের আর কোনও দেশে হইত, তবে এই পতনের পর তাহার আর উত্থান সম্ভবপর হইত না। এই পতনের সঙ্গে সঙ্গেই তাহার অস্তিত্ব মুছিয়া যাইত। কিন্তু ভারতবর্ষে সে হেন রাষ্ট্রীয় মৃত্যু আলিঙ্গন করিয়াও আবার অল্প দিক দিয়া বাঁচিয়া উঠিল কেন? তার কারণ সে মৃতসঞ্জীবনী মন্ত্র পাইয়াছে এবং তাহার প্রয়োগবিধিও শিখিয়াছে। জগতের আর কোনও দেশ তাহা পায় নাই! পায় নাই বলিয়াই যে জাতি যখন রাষ্ট্রীয় উন্নতি লাভ করিয়াছে, সেই তখন জগতে একবার দিন কতকের জন্ত খুব বাহাদুরী করিয়া লইয়াছে। তার পর রাষ্ট্রীয়

অধঃপতনে যেমন মরিয়াছে, বাঁচে নাই! জগতের সকল দেশই তাই!

রাষ্ট্রীয় হিসাবে ভারতবর্ষ সেদিন উন্নতির চরম শিখরে আরোহণ করিয়াছিল বটে, কিন্তু বর্তমান প্রতীচ্য ভূখণ্ডের মতই সেদিন পরস্পর মারামারি করিয়া মরিতে চাহিয়াছিল। তাই ভারতের ভাগ্যশুণে শ্রীভগবানের আবির্ভাবও অতি প্রয়োজন হইয়াছিল। যুগ যুগান্তবাপী সভ্যতা ও সাধনার মূলীভূত যে ভাবধারা ভারতবাসীর অন্তরে অন্তরে সংগোপনে চিরদিন রহিয়া যাইত, এই রাষ্ট্রীয় উন্নতিলাভ করিয়া এখন ভারতবাসীর অন্তরটা অতি কঠোর যেন মরুময় হইয়া উঠিয়াছিল এবং সেই বিশুদ্ধ মরুভূমি সম হৃদয়ে তাহার সাধনার চিরন্তন ভাবধারাটীও বিলীন হইয়া গিয়াছিল। ভারতের যে যেখানে ছিল, ছোট বড়, সবল দুর্বল সবাই আসন্ন সেদিন মরিবার ও মারিবার জন্য কুরুক্ষেত্রে সমাগত হইল। কেহ ধর্মের মুখ চাহিল না, বিবেকের অন্তশাসন মানিল না, উচ্চ নীচ বিচার করিল না;—অসমিকা ও দাস্তিকতাচ পরিপূর্ণ হইয়া অতি ক্ষুদ্র ঘে,—সেও আপনাকে মহৎ বলিয়া মগন্ধে বুক ফুলাইয়া দাঁড়াইল।

ভারতের সেই যৌৱ দুদ্দিনে—সেই মরণোন্মুখ ভারতবাসীকে তাহার চিরন্তন সাধনার মহাসত্য স্মরণ করাইয়া দিবার জঙ্গ যিনি আবির্ভূত হইয়াছিলেন, সেই পূর্ণব্রহ্ম শ্রীভগবান শ্রীকৃষ্ণ করিলেন কি? সবাই যখন গন্ধে আচ্ছন্নারা;—শৃগালও যখন সিংহ হইবার আশায় লালসিত; তখন সেই মহতোমহীমান মহাপুরুষ করিলেন কি? তৃণদাপি সুনীচ হইয়া সামান্য সারথীর কার্যে ব্রতী হইলেন এবং সেদিন তিনি যে মহাবাহী প্রচার করিলেন, তাহাই জগতের পক্ষে একান্ত মঙ্গলময়। তাহার আর তুলনা নাই। ভারতে সেদিনকার সেই বীরত্ব ঐশ্বর্য্য সভ্যতার যথার্থ পরিচয় নহে; — প্রকৃত সভ্যতার পরিচয়,—শ্রীভগবানের শ্রীমুখনিঃসৃত সেদিনের সেই

আর একটি কথা এখানে বলিয়া রাখি। ভারতের একটা বৈশিষ্ট্য আছে, যাহা লইয়া জগতের অল্প যে কোনও অংশ হইতে তাহার একটা স্বাতন্ত্র্য বিদ্যমান। সে বৈশিষ্ট্য,—ভারতে ভগবানের অবতারত্ব গ্রহণ করিয়া আবির্ভাব। এটা আর জগতের কোনও দেশে কোনও কালে সম্ভব হয় নাই। ভারতই শ্রীভগবানের একমাত্র প্রিয় লীলাভূমি। ধর্মের গ্লানি, অধর্মের অভূতখান কখনই সভ্যতার অনুকূল অবস্থা নহে। এই জগৎ ভারতে এ অবস্থা যখনই উপস্থিত হইয়াছে, শ্রীভগবান তখনই অবতাররূপে আবির্ভূত হইয়া ইহার প্রতীকার সাধন করিয়াছেন। যুগে যুগেই ইহা ঘটিয়া আসিয়াছে।

ছাপর ও কলির সন্ধিক্ষণে যখন কুরুক্ষেত্রসমর সংঘটিত হইয়াছিল, একদিক দিয়া দেখিতে গেলে তখন ভারতে উন্নতির চরম অবস্থা উপস্থিত হইয়াছিল। অনেক মনে করেন, রাষ্ট্রীয় ভাবে ভারতের তেমন উন্নতি আর কোনও কালে হয় নাই। কিন্তু জাগতিক নিঃসঙ্গে উন্নতির পর পতনও অনিবার্ধ্য। ভারতেরও তাহাই অবশ্য হইয়াছে। কুরুক্ষেত্র-যুদ্ধের পর হইতেই ভারতের রাষ্ট্রীয় অধঃপতন যে হইয়াছে, তাহা স্বীকার করিয়াও বলিতেছি যে,—ভারতবর্ষে না হইয়া এটা যদি জগতের আর কোনও দেশে হইত, তবে এই পতনের পর তাহার আর উত্থান সম্ভবপর হইত না। এই পতনের সঙ্গে সঙ্গেই তাহার অস্তিত্ব মুছিয়া যাইত। কিন্তু ভারতবর্ষে সে হেন রাষ্ট্রীয় মৃত্যু আলিঙ্গন করিয়াও আবার অল্প দিক দিয়া বাঁচিয়া উঠিল কেন? তার কারণ সে মৃতসঞ্জীবনী মন্ত্র পাইয়াছে এবং তাহার প্রয়োগবিধিও শিখিয়াছে। জগতের আর কোনও দেশ তাহা পায় নাই! পায় নাই বলিয়াই যে জাতি যখন রাষ্ট্রীয় উন্নতি লাভ করিয়াছে, সেই তখন জগতে একবার দিন কতকের জন্ত খুব বাহাদুরী করিয়া লইয়াছে। তার পর রাষ্ট্রীয়

অধঃপতনে যেমন মরিয়াছে, বাঁচে নাই! জগতের সকল দেশই তাই!

রাষ্ট্রীয় হিসাবে ভারতবর্ষ সেদিন উন্নতির চরম শিখরে আরোহণ করিয়াছিল বটে, কিন্তু বর্তমান প্রতীচা ভূখণ্ডের মতই সেদিন পরম্পর মারামারি করিয়া মরিতে চাহিয়াছিল। তাই ভারতের ভাগাণ্ডে শ্রীভগবানের আবির্ভাবও অতি প্রয়োজন হইয়াছিল। যুগ যুগান্তবাপী সভ্যতা ও সাধনার মূলভূত যে ভাবধারা ভারতবাসীর অন্তরে অন্তরে সংগোপনে চিরদিন রহিয়া যাইত, এই রাষ্ট্রীয় উন্নতিলাভ করিয়া এখন ভারতবাসীর অন্তরটা অতি কঠোর যেন মরুময় হইয়া উঠিয়াছিল এবং সেই বিশুদ্ধ মরুভূমি সম হৃদয়ে তাহার সাধনার চিরন্তন ভাবধারাটিও বিসীন হইয়া গিয়াছিল। ভারতের যে যেখানে ছিল, ছোট বড়, সবল দুর্বল সবাই আসিয়া সেদিন মরিবার ও মারিবার জন্ম কুরুক্ষেত্রে সমাগত হইল। কেহ ধর্মের মুখ চাহিল না, বিবেকের অন্তশাসন মানিল না, উচ্চ নীচ বিচার করিল না;—প্রচণ্ডিকা ও দাস্তিকতার পরিপূর্ণ চরিত্র অতি ক্রুদ্ধে,—সেও আপনাকে মরণ বলিয়া মগন্ধে বুক ফুলাইয়া দাঁড়াইল।

ভারতের সেই যৌর হৃদয়ে—সেই মরণোন্মুখ ভারতবাসীকে তাহার চিরন্তন সাধনার মঙ্গলস্বরূপ স্মরণ করাইয়া দিবার জন্ম যিনি আবির্ভূত হইয়াছিলেন, সেই পূর্ণব্রহ্ম শ্রীভগবান শ্রীকৃষ্ণ করিলেন কি? সবটাই যখন গাঙ্গে অজ্ঞানরা;—শৃগালও যখন দিগ্গ হইবার আশায় লালায়িত; তখন সেই মস্তোমহীদান মহাপুরুষ করিলেন কি? তৃণাদপি সূনীচ হইয়া সামান্য সারগৌর কার্যে ব্রতী হইলেন এবং সেদিন তিনি যে মহাবাহী প্রচার করিলেন, তাহাই জগতের পক্ষে একান্ত মঙ্গলময়। তাহার আর তুলনা নাই। ভারতে সেদিনকার সেই বীরত্ব ঐশ্বর্য্য সভ্যতার যথার্থ পরিচয় নহে;— প্রকৃত সভ্যতার পরিচয়,—শ্রীভগবানের শ্রীমুখনিঃসৃত সেদিনের সেই

মহাবাণী। এ বাণী,— শুদ্ধ ভারত হইতে বিধোষিত হইয়াছে। জাগতিক সত্যতার চরম অবস্থার পরিচায়ক এই মহাসত্য ভারতেরই নিজস্ব।

তারপর আরও বহুদিন কাটিয়া গেলে ভারতের এমনই আর এক ঘোর দুদিনে শ্রীভগবান আবির্ভূত হইয়াছিলেন। দ্বাপর-কালির সন্ধিক্ষণে শ্রীভগবান শ্রীকৃষ্ণাবতारे যে মহা সত্য ঘোষণা করিয়াছিলেন, তাহার বাকী অংশটুকু এদিন আবার শ্রীচৈতন্যাবতারে প্রকাশ করিয়া সম্পূর্ণ করিলেন। সেদিন যে সত্য তিনি উপদেশে প্রচার করিয়াছিলেন এবং মাত্র উপদেশে প্রচার করিয়াই বৃদ্ধি তৃপ্ত করিতে পারেন নাই;—সেই সত্য আপন জীবনাদর্শে জগৎবাসীকে এদিন আরও ভাল করিয়া দেখাইয়াছেন। সেদিন ছিল,— উপদেশ; এ দিন হল, দৃষ্টান্ত, সেদিন যাচা বাণীতে ছিল; এ দিনে তাহা একবারে বৃত্তি করিয়া দেখা দিল।

পুণ্যভূমি ভারতের গৌরবময় বহুযুগব্যাপী সাধনার মূলে যে ভাবের উৎসর্গ গোপনে গোপনে উৎসারিত হইত,— দ্বাপর-কালির সন্ধিক্ষণে ভগবান শ্রীকৃষ্ণ তাহা হইতে উত্তাল ক্রমের তটিনীর সৃষ্টি করিয়াছিলেন। কিন্তু সেই পুণ্য-নীতল-সলিলে অবগাহন করিয়া শরীর মন জুড়াইতে অথবা পান করিয়া পরিতৃপ্ত হইতে চাহিলে সে প্রেম-নদীর কূলে যাইতে হইত। তাহা বড় সহজসাধ্য ছিল না। কাজেকী সকলের পক্ষে তাহা সম্ভবও হইত না। তাই কলিযুগে আবার তিনি শ্রীচৈতন্যাবতারে আবির্ভূত হইয়া প্রেম-ভক্তির বস্থা আনিয়া দিলেন। হরজিনীর তীর পর্য্যন্ত আর বাইতে হয় না। অত কষ্ট স্বীকারের প্রয়োজন নাই। প্রেম-ভক্তির প্লাবন আসিয়াছে। চারিদিক ডুবিতেছে। চারিদিক ভাসিতেছে। তুমিও ডুব দাও, তুমিও ভাসিয়া যাও। সবাই নাও, সবাই দাও। কাহারও লইতে বাধা নাই বিঘ্ন নাই। যত পার ডুব দাও যত ইচ্ছা পান কর,

কুরাইবে না। খাও, ছড়াও, বিলাইয়া দাও। হরি! হরি! হরি!
এমন ভাবের মন্ত্র আর জগতে কোন কালে কোনজন এমন ভাবে দিতে
পারিয়াছে কি?

১৪০৭ শকের কাশ্মীরী পূর্ণিমা তিথিতে শ্রীধাম নবদ্বাপে যে মহাপুরুষ
আবির্ভূত হইয়াছিলেন, তাঁহার শ্রীমুখ হইতে যে মহামহিমময়ী বাণী
বিধোষিত হইয়াছে, তার চেয়ে মানব-কল্যাণকর মহাসত্য আর কিছুই
জগতে প্রকাশ পাইতে পারে না। সে মহাবাণী—এই ভারতেরই বাণী। সে
মহাসত্য—এই বাঙ্গালারই প্রাণ হইতে উদ্ভূত। আর কোনও সন্ন্যাস দেশ,
কোনও সভ্যতাভিমাত্রী জাতি এমন উদার মহাসত্য আজ পর্য্যন্ত প্রচার
করিতে পারিয়াছে কি?

তাই বলিতেছিলাম, সভ্যতার পরিপূর্ণ অবস্থাতেই এই সত্য প্রকাশ
পাইতে পারে। ভারতের যুগযুগান্তকালের সাধনার ভিতর দিয়া যে
মহাসত্য চিরদিনই প্রকাশ হইতে চাহিয়াছে, বহুবার বহুপ্রকারে আভাসে
যাহা প্রকাশ হইয়া পড়িয়াছে, সেই মহাসত্য এতদিনে ভারতের ভাগ্যশুভে
মূর্ত্ত হইয়া জগৎ সমক্ষে প্রকাশিত হইল। ভারতে এই মহাসত্য
প্রকাশ জাগতিক সভ্যতার স্রম অবস্থা।

শ্রীনৃসিংহদেব বন্দ্যোপাধ্যায় ।

“শ্রাম-শ্রামা দর্শনে”

(রামপ্রসাদী সুর)

যেমন দাঁড়িয়ে আছি শ্রামা,
কাল ভজ্তে চায় না যারা,

থাক্ গো শিবের বুকের পরে ॥
দেখুক্ কাশী ব'লে তোরে ॥

হাতে দেখি শাগিন্ত অসি
 কোথা গেল সে মোহনবঁশী
 ত'য়েতে হয় মন তরাসী বন্ গো আমি দাঁড়াই ফিরে ॥
 জ্বিনয়না হবি ব'লে
 শিখিপুচ্ছ ধ'রে ছিলে
 আবার মুক্তকেশী হবি ব'লে টাচর চুল ফেলোছিস্ দূরে ॥
 যে মুখে সুধার রাশি
 সেথা দেখি অট্টহাসি
 আভ্যক দেখি লোলজিহ্বা যেন লেলিহান করে ॥
 যেথা) বনফুল মালা দোলে
 আজ) নবমুগ্ধ মালা গলে
 ওমা! অশির অশুর নবে সংহারিছ ছই করে ॥
 পীতাম্বর পরিহরি
 আজ সেজেছ দিগম্বরী
 পাষণে পাষণী বটে বাথা দিতে বাঘাঘরে ॥
 তোর সাধ পূরে'ছে কিম্বা আরো কিছু আছে বাকি
 অধম "নগি"রে যেন অস্ত্রমে দিও না ফাঁকি
 (আমি) শব হ'য়ে প'ড়ব শুয়ে চরণ ছুটি হৃদে ধ'রে ॥
 দীন-- স্ত্রীমণিমোহন মল্লিক ।

বৈষ্ণব ধর্মের অবস্থা

(ভবঘুরের দপ্তর হইতে প্রাপ্ত)

(৪)

পূর্বে যে অবনতির কথা বলা হইয়াছে তাহার প্রধান কারণ আমার মনে হইয়া সমাজের আচার্যগণের দোষে। এই বিষয়ে পূর্বে কিছু কিছু বলিয়াছি পুনর্বার বলিতেছি, সমাজের আচার্যগণ যদি নিজেরা বৈষ্ণব ধর্মের আচরণ, বৈষ্ণব শাস্ত্র সকলের অক্ষুণ্ণ রাখিয়া না দিতেন, এবং কেবল বংশ গৌরবে গৌরব বোধ করিয়া অল্প সকলকে হীন মনে না করিয়া বৈষ্ণব শাস্ত্রসকল নিজ হস্তেই অব্যবহার্যরূপে অবরুদ্ধ না রাখিতেন, তাহা হইলে বোধহয় এরূপ হইত কি না সন্দেহ। নিজেরা আচার দ্বারা প্রচার না করায় সমাজ ক্রমে এই অবনতির দিকে অগ্রসর হইয়াছে এ কথা বোধহয় অস্বীকার করিবার কোন কারণই নাই। অবশ্য গুরুসম্প্রদায়, আচার্যসম্প্রদায় সকলেই যে বিদ্যা শূন্য তাহা নহে। কিন্তু শূন্য বিদ্যা থাকিলে কি হইবে; অর্থলিপ্সা, লোকমুখাপেক্ষিতা এবং অতদ্ব্যগ্ৰাহিতা দোষে দূষিত হইয়া তাঁহারা বিদ্যার মুখা উদ্দেশ্য ছাড়িয়া গৌণ উদ্দেশ্যের পশ্চাতে প্রধাবিত হইতে লাগিলেন। গোস্বামী শাস্ত্রের আলোচনা এক প্রকার বন্ধ হইয়া গেল। ভক্তিশাস্ত্রের মধো থাকিলেন কেবল শ্রীমদ্ভাগবতের কথকতা। তাহাতেও আপত্তি ছিল না কিন্তু শ্রীমদ্ভাগবতের ভক্তি-সিদ্ধান্ত পরিভাষ্য হইয়া কথকতা ক্রমে সংগীত রসের মধো পরিগণিত হইল। গলাবার্জিত্তে বাঁচার যত কৃতিত্ব তিনিই সমাজে তত আদর পাইতে লাগিলেন। অর্থবান ব্যক্তিগণ কখন কোনকালে প্রচুর অর্থ ব্যয় করিয়া একটা কথকতা দিলে তবেই সকলে

শুনিত পাইত। সর্বদা যে আলোচনা তাহা মোটেই রহিল না। এরূপ কালে ভদ্রে কচিং আলোচনা যে আলোচনাই নহে তাহা বোধহয় কোন বিজ্ঞ ব্যক্তিই অস্বীকার করিবেন না।

কালে ভদ্রে একদিন ভোজ বাড়ীতে ছুদ বি খাইয়া যদি পুষ্ট হইতে পারা যায়, ইহা যদি সম্ভব হয়, তবে এইরূপ পাঠে বা কথকতার ফল হইতে পারে। কিন্তু তাহা কি সম্ভব? বলবান হইতে সাধ করিলে যেমন নিত্য নিয়মিত বি খাইতে হয়, পুষ্ট হইতে বাসনা থাকিলে যেমন নিত্য দুগ্ধ পান আবশ্যিক, সেইরূপ শুদ্ধা ভক্তি লাভের ইচ্ছা থাকিলে নিত্য নিয়মিত ভাবে ভক্তিশাস্ত্রের আলোচনা করিতে হয় ও তাহার সাধন করিতে হয়। ভক্তি লাভ এত সহজ নয় যে, একবার কোন রকমে একটু শুনিয়াই হইবে। ভক্তি লাভ অতি দুর্লভ। ইহা এত সহজসাধ্য হইলে গোস্বামীগণ চতুঃষষ্টি প্রকার ভক্তি অঙ্গ যাজনের ব্যবস্থা দিতেন না। প্রণয়াশক্ত যেমন প্রেমা-স্পন্দকে তিলমাত্রও বিস্মৃত হইতে পারে না, আহারে বিহারে, শয়নে, গমনে, সর্বদাই যেমন তাহারই কথা লইয়া থাকে, তন্ত্রও সেই প্রকার ভগবানের কথা লইয়া কাল কাটায়, এক তিলাঙ্কি সময়ের জন্তও ভুলিয়া থাকিতে পারে না। ইহাই ভক্তি। এই ভক্তির চতুঃষষ্টি প্রকার সাধনাঙ্গ আছে। ইহা সাধন করিয়া ক্রমে সিদ্ধি লাভ হয়। সুতরাং এখন সহজেই অনুমান করা যায় যে, এই ভক্তির আচার প্রচার কিরূপ গুরুত্বযুক্ত। যখনকার কথা আমি বলিতেছি তখনকার গুরুগণের যদি জীবোদ্ধার প্রবৃত্তি থাকিত তাহা হইলে তাঁহারা কখনই ইহাকে একটা অর্থোপার্জননের প্রশস্ত পথ বলিয়া ধরিয়া লইতে পারিতেন না।

যাহা হউক, যে কোন রকমেই হউক এ সময় ভক্তিশাস্ত্রের আলোচনার মধ্যে কথকতার ভাবেই হউক বা অন্ত যে কোন ভাবেই হউক বর্তমান থাকিল একমাত্র শ্রীমদ্ভাগবতের আলোচনা, তবে যে সকল

গ্রন্থে শ্রীমদ্ভাগবতের সারতত্ত্ব সকলিত আছে, যাহাতে জীবের ভজন-তত্ত্ব নিরূপিত আছে, যাহাতে পরমকরণ শ্রীমদ্ভাগবতের প্রভূত জীব-দয়ার পরাকাষ্ঠা প্রদর্শিত আছে সেই সকল সাধক-সুহৃদ গোস্বামী শাস্ত্রের অশুশীলন না থাকায় সাধনপথ এক প্রকার বিলুপ্তই হইয়া উঠিল। এমন কি বৈষ্ণবস্মৃতি হরিভক্তি বিলাস যাহা বৈষ্ণবমাত্রেয়ই নিত্য প্রয়োজনীয় তাহাও সকলে ভাল করিয়া দেখিল না। অত্যাশ্র বৈষ্ণব-গ্রন্থের নামও হয় ত অনেকে জানিতেন না।

গোস্বামি-গ্রন্থ ভিন্ন নানা প্রকার ভক্তিশাস্ত্র, যাহাতে, শ্রীনরোত্তম, শ্রীবিখ-নাথ প্রভৃতি মহাপ্রভুর পরবর্তী মহাত্মাগণ জীবদয়ার পরাকাষ্ঠা প্রদর্শন করাইয়া ভাবী কালের জন্য বৈষ্ণবের ভজনক্রম সুসবোধভাবে লিপিবদ্ধ করিয়াছিলেন তাহার কতকগুলি ভাষাগ্রন্থ, কতকগুলি সংস্কৃত, কিন্তু কুদ্রাবয়ব বলিয়া না জানি কোন্ অপরাধে সেই সকল অমূল্য গ্রন্থ রত্ন সকল পশ্চাতে পড়িয়া পচিতে লাগিল। যাহাদের হাতে শাস্ত্র ছিল তাঁহারা শাস্ত্রালোচনাটা শুধু অর্থাগমের একটা সুগম পন্থা বলিয়া ধরিয়া লইলেন এবং সাধারণের সঙ্গে এমনভাবে উহার আদান প্রদান চালাইতে লাগিলেন যে, সাধারণে বুদ্ধিগত অনেক অর্থ খরচ না করিতে পারিলে ঐ সকলগ্রন্থ কাহাকেও শুনিতে বা শুনাইতে নাই। বড়ই দুঃখের বিষয় ইহারা একবার ভাবিয়াও দেখিলেন না যে, যে সকল মহাত্মাগণ ঐ সকল গ্রন্থাদি প্রণয়নে জীবনপাত করিয়াছিলেন তাঁহারা কখনই ব্যক্তিবিশেষের ভাবী ব্যবসার সাহায্যার্থ করেন নাই। আর ব্যবসার মোহে পড়িয়া এটুকু ভাবিবারও অবসর সব পণ্ডিতগণ পাইলেন না যে, জীবদয়ার পরাকাষ্ঠা দেখাইয়া শাস্ত্রকারগণ কি মহান্ নিঃস্বার্থ ব্যবহার করিয়াছেন, আর আমরা কি করিতেছি।

এইভাবে অধিকাংশ প্রণোদিত হইয়াই তাঁহারা অন্যান্য ভক্তিশাস্ত্রের

অনুসন্ধান করিতেও পারিলেন না। সুতরাং ভাগবত মাত্রই নানারূপে তাহাদের নিকট অর্থাগম সুলভ বলিয়া চলিতে লাগিল, আর সমস্ত ভক্তিগ্রন্থ লুপ্ত হইতে গেল।

শ্রীমদ্ভাগবতে যে ভক্তিসিদ্ধান্তাদি নাই তাহা যেন কেহ মনে না করেন। অধিকন্তু দেখিতে গেলে শ্রীমদ্ভাগবতে ভক্তির প্রকৃষ্টতা যতদূর নিরূপিত হইয়াছে অন্য কোন শাস্ত্রই তাহার তুলনায় শ্রেষ্ঠ নহে; তথাপি যখন স্বয়ং শ্রীমদ্ভাগবত প্রভু গোস্বামীগণের প্রতি নিজ শক্তি প্রদান করিয়া গ্রন্থ প্রণয়ন করাইয়াছেন তখন অবশ্যই যে তাহার কোনও বিশেষ কারণ আছে তাহাতে সন্দেহ নাই। এটা ঠিক যে, অকারণ কখনই গোস্বামী শাস্ত্রাবলি প্রণয়ন হয় নাই।

বৈষ্ণবের কেবল ভক্তির সিদ্ধান্তসকল অবগত হইলেই কার্য্য হইল মনে করা উচিত নয়। ভক্তির সিদ্ধান্ত সকল অবগতির সঙ্গে সঙ্গে ভক্তির সাধনও আবশ্যিক। সেই আবশ্যিকীয় সাধনক্রম প্রদর্শনই গোস্বামীশাস্ত্রের উদ্দেশ্য। তারপর গোস্বামী শাস্ত্রে যে কেবল সাধ্য সাধন তত্ত্ব ও সাধনক্রম মাত্রই নির্দিষ্ট হইয়াছে তাহাই নহে। রাগমাগীয় ভক্তির সাধন অবগত হইতে হইলে গোস্বামী গ্রন্থ ভিন্ন গত্যন্তর নাই। যে গোস্বামী শাস্ত্রের এত মহিমা সেই গোস্বামী শাস্ত্রের সংগোপনেই যে বৈষ্ণব সম্প্রদায়ের অধঃপতন হইয়াছে বোধহয় তাহা আর বিশেষ করিয়া বলিবার কোনই আবশ্যিক হইবে না। তবে একটা কথা—এই দোষের জন্ম কাহাকে দোষী করা যায়। আমি খুব সাবধানে, অতি সন্তর্পণে সম্প্রদায়ের এই দোষের বোঝা সম্প্রদায়ের প্রচারক প্রভুগণের উপরই প্রথম চাপাইতেছি। কেন, তাহা পূর্বে বলা হইয়াছে।

দ্বিতীয়তঃ অভ্যাগত বৈষ্ণবগণকেও একেবারে দোষশূন্য বলিতে পারিলাম না। কেন না গোস্বামীগণ যেমন বৈষ্ণবধর্মের প্রবর্তক, অভ্যাগতগণও

সেইরূপ বৈষ্ণব-সমাজের আদর্শ। আদর্শে দোষ পড়িলে তাহা যেমন শীঘ্রই বহু ব্যাপক হইয়া পড়ে এক্ষেত্রেও তাহাই হইল।

প্রধানতঃ অধিকাংশই নিরক্ষর, তাহাতে আবার গুরুবংশ নিম্নত হওয়ায় তাঁহারা অতিশয় গর্বিত হইয়া পড়িলেন, পক্ষান্তরে এই স্থান হইতে ইহাদের দ্বারাই বৈষ্ণব সমাজে পণ্ডিতবিদেষিতার বীজ রোপিত হইল। ইহারা জাতি, বিদ্যা ও মহত্বকে ভুক্তিকন্টক বলিয়া বড়াই করিতে লাগিলেন। ইহার মধ্যেও অনুসন্ধান করিয়া দেখিলে দেখা যায় এ সকলের বড়াই থাকিলে তাহাদের বড়াই থাকে না। বেসেরগুণে আর দেশেরগুণে ইহাদের কথা লোকে সমীচীন বলিয়া গ্রহণ করিল। দিগ্বাশুক্ প্রতীষ্ঠাপ্রিয় গৃহস্থ বৈষ্ণবগণ ইহাদের দেখাদেখি কৈ ধুয়া ধরিয়া গুণাপেক্ষা বেসের ও অন্তঃশৌচাপেক্ষা বাহ্যশৌচের আদর অধিক দেখাইতে লাগিল। রাগপথের মানসী সেবা, মানসী ভজন ছাড়িয়া দিয়া কেবল বাহ্যিক মৌখিক ভজনের পক্ষপাতী হইলেন। রাগমার্গের ভজন গিয়া কেবল বাহ্যিক ভিলক ছাপা কণ্ঠধারণ শিখারক্ষণ প্রভৃতির সহিত মালার ঝুলি হস্তে ভ্রমণ ও দশজন এক সঙ্গে বসিয়া জপমালা হস্তে নানাবিধ খোস গল্প কচিং কীর্তনগানের বা কথকতার আসরে বসিয়া দুই চারিটি সঞ্চারী ভাবের আভাসমাত্র প্রকাশ করিতে লাগিলেন। সর্কীর্তন ক্ষেত্রে দল্লময় উল্লক্ষন আর সময় সময় চর্ক্য চোম্ব লেহু পেয় প্রসাদ সেবন আর অহঙ্কারপূর্ণ বাহ্য শৌচ, বৈষ্ণবে অস্থায়ী প্রীতি তদিতরে স্থায়ী বিদেষ এইমাত্র বৈষ্ণবচাচার বলিয়া অবশিষ্ট রহিল। এই রূপ নানাভাবে বাহ্যিক আচার মাত্র বৈষ্ণবতা বলিয়া সমাজে রহিল। ইহা দ্বারা পক্ষান্তরে যে মুখ্য মুখ্য ভজনাস, বিশুদ্ধ রাগের অশুগত ভজনপথ বিলুপ্ত হইয়া গেল তাহা আর কেহ শুভ আমলেই আনিলা না। রাগাশুগা ভজন পথই বৈষ্ণবধর্মের প্রাধান্য। প্রগাঢ় অনুরাগে ইষ্ট সেবন ও অনুরাগ নয়নে ইষ্ট বৃষ্টি ক্ষুরণ ইহাই বৈষ্ণবধর্মের প্রকৃষ্টতা, এই মহৎগুণের নিকটই

একদিন ভারতের অস্ত্রান্ত্র ধর্ম-সমাজ হেট মুণ্ড হইয়াছিলেন। শ্রীমদ্মহা-
 প্রভু কলিজীবের দারুণ চূর্দৈব দর্শন করিয়া তাহার শাস্তির জন্ত এই ভজন-
 পথ মহৌষধ স্বরূপ দান করিয়া বৈদী শ্রবণ কীর্ত্তনাদি ভক্ত্যঙ্গ অল্পপান-
 স্বরূপ নির্দেশ করিয়া দিয়াছিলেন। কিন্তু কাল মাহাত্ম্যেই হউক আর যে
 কোন কারণেই হউক বিকৃত বৈষ্ণব সমাজ মহৌষধ হারায়েয়া কেবলমাত্র
 অল্পপানের মধুটুকু লেহন করিতে লাগিলেন। ফলে রোগ শাস্তিত
 হইলই না অধিকন্তু রোগের বৃদ্ধির সহিত নানাবিধ উপসর্গের উৎপত্তি
 হইয়া অধঃপতনের পথ অধিকতর প্রস্তুত হইতে চলিল। সুতরাং এই অধঃ
 পতনের মূলে আচার্য্য গোস্বামীসন্তান, অভ্যাগত, গৃহস্থ বৈষ্ণব ইহারা
 সকলেই অল্প বিস্তর দোষী। আমার ভ্রায় অযোগ্যের যদিও এত বড় একটা
 কথা বলার অধিকার নাই অথাপি আলোচ্য বিষয়েব গুরুত্ব হিসাবে না
 বলিয়া থাকিতে পারিলাম না। আশাকরি সকলেই আমার প্রতি কৃপা
 দৃষ্টি রাখিবেন। মনে রাখিবেন আমি কাহারও প্রতি বিশেষ বশতঃ এ
 সকলকথা বলিতেছি না। আমার বক্তব্য শেষ পর্য্যন্ত শুনিয়া যাঁহার যাহা
 বক্তব্য থাকে বলিবেন, এইটাই আমার বিনীত নিবেদন।

ক্রমশঃ

প্রশ্নোত্তর

(প্রভুপাদ শ্রীযুক্ত সত্যানন্দ গোস্বামী সিদ্ধান্তরত্ন লিখিত)

প্রশ্ন—“হরে কৃষ্ণ হরে কৃষ্ণ কৃষ্ণ কৃষ্ণ হরে হরে। হরে রাম হরে রাম
 রাম রাম হরে হরে ॥” এই দ্বাত্রিংশদক্ষর নাম মন্ত্র যোগে উচ্চ সর্কীর্ণনে
 অষ্ট প্রহরাদি হইতে পারে কি না ?

উত্তর।—“কলিঃ সভাজয়ন্ত্যার্য্যা গুণজ্ঞাঃ সারভাগিনঃ

যত্র সর্কীর্ণনেনৈব সর্বস্বার্থোহভিলভ্যস্তে ।”

“তথা চৈবোত্তমং লোকে তপঃ শ্রীহরি কীর্তনম্ ।

কলৌষুগে বিশেষেণ বিষ্ণুপ্ৰীতৈশ্চ সমাচরেৎ ॥”

(শ্রীহরিভক্তিবিলাস ১১শ বিলাস (১২৪|১২৫))

“বাতোহপাত্তো হরেন্নাম উগ্রাণামপি দুঃসহ

সর্কেষাং পাপরাশীনাং ষথৈব তমসাং রবিঃ ।” ঐ ১২৭

“সকুহুচ্চারিতং যেন হরিরিত্যক্ষর ষয়ং ।”

“পরং সর্কার্তনাদেব রাম রামেতি মুচ্যতে ।” ঐ ২০৯

“সন্তুঙ্কোমুক্তিমাপ্নোতি হরেন্নামানু কীর্তনাৎ ।”

“এতদেব পরং জ্ঞানমেতদেব পরং তপঃ ।

এতদেব পরং তদ্বং বাসুদেবশ্চ কীর্তনম্ ॥”

“অথ চ্ছৎ স্মরণং বিষ্ণোর্বর্হ্বায়াসেন সাধাতে

ওষ্ঠস্পন্দনমাত্রেণ কীর্তনস্ত ততো বরম্ ॥”

“যেন জন্ম শতৈঃ পূর্কং বাসুদেব সমর্চিতঃ ।

তন্মুখে হরিনামানি সদা তিষ্ঠন্তি ভারত ॥”

টীকা—ইথং নামকীর্তনশ্চ পরম সাধনত্বং সাধাত্বঞ্চ লিখিত্বা ইদানীং স্বতঃ পরমপুরুষার্থ রূপাণাং শ্রবণ কীর্তন স্মরণাদি ভক্তি প্রকারাণামপি মধ্যে শ্রীমন্মাম কীর্তনশ্চ শ্রেষ্ঠাং লিখন্ তত্রাদৌ তেষেব পরমশ্রেষ্ঠত্বেন শ্রীমুক্তা-ফলাদিগ্রহকারাণাং সম্যক্তাৎ স্মরণাদপি শ্রেষ্ঠাং লিখতি অবেতি বিষ্ণোঃ স্মরণং অথং সংসার দুঃখং তন্মূলং পাপং বা ছিনন্তীতি অবহিষ্টবতোব । কিন্তু বহুলায়সেনৈব তৎসাধাতে মনসো হনিগ্রহত্বেন স্মরণশ্চ ওষ্ঠস্পন্দন কীর্তনস্ত ওষ্ঠস্পন্দন মাত্রেণাষচ্ছিং অতন্ততস্তম্যাৎ স্মরণাৎ কীর্তনং বরং শ্রেষ্ঠঃ ।...স্মরণাদীনামপি পূজাঙ্গত্যাং পূজায়াঃ শ্রেষ্ঠ্যমভিপ্রেত্য তত্শাপি সকাশান্নাম সর্কার্তনশ্চ শ্রেষ্ঠাং লিখতি যেনেতি “কলৌ তদ্বরি কীর্তনাৎ ।” টীকা—হরৈস্তগবতঃ হরীত্যক্ষরষয়শ্চ বা কীর্তনমাত্রেণ তৎ সর্কং কলৌ ভবতীতি ।”

শ্রীহরিভক্তি বিলাসের কারিকা ও টীকার তাৎপৰ্য্যে শ্রীহরি কীর্তনকেই জগতের লোকের, বিশেষতঃ কলিকালে উত্তম তপস্বী বলা হইয়াছে এবং উহা সমাচরণীয়। সূৰ্য্য যেমন অন্ধকার বিনষ্ট করে তদ্রূপ হরিনাম সমস্ত পাপরাশি ধ্বংস করিয়া থাকে। ইত্যাদি।

পূজাপাদ শ্রীদনাতন গোস্বামী টীকায় উহা আরও পরিষ্কার লিখিলেন— নাম কীর্তন শ্রেষ্ঠ সাধন এবং শ্রেষ্ঠসাধ্য। স্বতঃ পরম পুরুষার্থরূপ শ্রবণ, কীর্তন, স্মরণাদি বিবিধ প্রকার সাধন ভক্তির মধ্যে শ্রীনাম কীর্তনের শ্রেষ্ঠত্ব প্রথ্যাপনার্থ শ্রীমুক্তা ফল গ্রহণকারাদির সম্মত স্মরণ হইতে কীর্তনের শ্রেষ্ঠত্ব লিখিত হইয়াছে—“অর্ঘ্যচ্ছৎ” ইত্যাদি শ্লোকে অর্থাৎ শ্রীবিষ্ণু স্মরণ সংসা হুঃখ ও তাহার মূলভূত সকল পাপকে ধ্বংস করেন এই জন্ত উহার নাম “অর্ঘ্যচ্ছৎ” হইয়াছে। কিন্তু কলিযুগে সতত কলুষমগ্ন জীবের ভগবৎ স্মরণ বহু আয়াসে হইয়া থাকে, যেহেতু বহু ব্যবসায় লইয়া ইত্যন্তঃ ধাবিত মনকে স্থির করিতে সহজে পারা যায় না। শ্রীভগবানের নাম কীর্তন-জনিত ওষ্ঠ স্পন্দিত হইলেই পাপ বিনষ্ট হইয়া থাকে এজন্ত স্মরণ হইতে কীর্তনের শ্রেষ্ঠতা। উহার অপর বিশেষ কারণ অন্তরিক্ষিয় মন, শ্রবণেন্দ্রিয় কর্ণ, এবং বাগিন্দ্রিয় মুখের যুগপৎ কার্য্য হইয়া এক অনির্লক্ষ্যনীয় সুখ বিশেষের সম্পাদন করিয়া থাকে। অথবা পক্ষান্তরে যদি স্মরণাদিকে পূজাঙ্গ মধ্যে ধরিয়া পূজারই শ্রেষ্ঠতা বলিতে চাও, তাহাও বলিতে পারা যায় না; যেহেতু কলিতে নাম সঙ্কীর্তনের শ্রেষ্ঠতা উক্ত হইয়াছে। শ্রীভগবানের নাম গ্রহণ করিবার উদ্দেশ্যে “হরি” এই অক্ষরদ্বয়ের কীর্তন মাত্রেরই সকল যুগের সকল সাধনের দ্বারা অপ্রাপ্য শ্রেষ্ঠ-সাধ্য ভগবৎকৃপা লাভে জীব সক্ষম হইয়া থাকে।”

ইহা হইতে শ্রবণাদি হইতে কীর্তনের শ্রেষ্ঠতা বিশেষ প্রতিপাদিত হই এবং হরিনাম কীর্তনও পাওয়া গেল। কিন্তু হরিনামের কীর্তন

বিধি পাইলেও সাক্ষাৎ “হরে কৃষ্ণ” ইত্যাদি দ্বাত্রিংশদক্ষর মন্ত্রের কীর্ত্তন মন্ত্রে প্রমাণ পাওয়া গেল না বলিয়া যদি ভ্রম হয় তন্নিবারণার্থ এখানে শ্রীশ্রীকৃষ্ণচৈতন্য মহাপ্রভুর পার্শ্বদ পূজ্যপাদ শ্রীল রূপ গোস্বামীকৃত লঘু ভাগবতামৃতের প্রারম্ভে প্রভুর বন্দনা শ্লোকে এইরূপ স্পষ্ট দেখা যায়। যথা—

“শ্রীচৈতন্যমুখোদগীণা হরেকৃষ্ণেতি বর্ণকাঃ ।

মঙ্কয়ন্তো জগৎ প্রেম্নি বিজয়স্তাং তদাহ্বয়াঃ ॥”

টীকা যথা—অত্র কলৌ প্রকটিতানি প্রভাবত্যাং স্বপ্রভুনা সংপ্রচারিতত্যাং পয়ম পূমর্থদত্যাং তদ্রূপত্যাচ্চ কৃষ্ণ নাম্নাং বিজয়ং মঙ্গলমাহস্প্রীতি হরেকৃষ্ণেতি ইতি শব্দ আওর্থঃ” ইতি হেতুপ্রকরণ প্রকাশাদি সমাপ্তিস্থ ইত্যমরোক্তঃ তেন দ্বাত্রিংশদক্ষরো নাম মন্ত্বে বোধাতে। তদাহ্বয়াঃ কৃষ্ণনামানি হরেনানি হরেনানাম হরেনানৈব কেবলং কলৌ নাস্ত্যেব নাস্ত্যেব নাস্ত্যেব গতিরন্যথা.....”

এখানে “শ্রীকৃষ্ণ চৈতন্য মহাপ্রভুর বদন নিঃসৃত হরেকৃষ্ণ হরেকৃষ্ণ ইত্যাদি নাম জগজ্জনকে প্রেমমগ্ন করিয়া সর্বোপরি বিরাজ করিতেছে।” পূজ্যপাদ বিদ্যভূষণ মহাশয় এখানে ইতি শব্দ আওর্থার্থে স্বীকার করিয়া দ্বাত্রিংশদক্ষর মন্ত্রের আদিতে হরেকৃষ্ণ আছে, সেই সম্পূর্ণ নাম মন্ত্র স্বীকার করিয়া গিয়াছেন।

অতএব উক্ত নাম মন্ত্র জপাদি হইতে উচ্চ কীর্ত্তনের বিশেষ বিধিই দেখিতে পাওয়া যায়। ঐ নাম মন্ত্রে অষ্টপ্রহরাদি উচ্চ সঙ্কীৰ্ত্তন অবাধে হইতে পারে। অলমিতি।

পতিধ্বনি

আমাদের সকল কর্তব্যের প্রধান কর্তব্য শরীর রক্ষা। কিন্তু আমাদের অনেকেরই এই দিকে তেমন দৃষ্টি নাই। ফলে আমরা দিন দিন হীনবীৰ্য্য, ক্লীণদেহ ও ভগ্নস্বাস্থ্য হইয়া পড়িতেছি। শরীরতত্ত্ববিদগণের মতে নিয়মিত শারীরিক পরিশ্রম, উপযুক্ত খাদ্য, যথা—ছন্দ, ঘ্রত ও মাখন প্রভৃতি পুষ্টিকরদ্রব্য শরীর রক্ষার পরিপোষক। তাই বোধ হয়, সেই যুগে চার্ব্বাক কল্পকণ্ঠে ঘোষণা করিয়াছিলেন “ঋণং রুত্বা ঘ্রতং পিবৎ”। কিন্তু আমাদের এমনই চর্ভাগা, এই সমস্ত দ্রব্য ক্রমেই আমাদের দেশে শুধু দুর্শ্মল্য নহে—দুপ্রাপ্যও হইয়া পড়িতেছে। আমাদের দেশে গোধনের সংখ্যা হ্রাসই যে ইহার প্রধান কারণ, সে বিষয়ে বোধ হয় সন্দেহ নাই। ১৯১৬-১৭ খ্রীষ্টাব্দে আমাদের দেশে গাভীর সংখ্যা ছিল ৪ কোটি ৯৪ লক্ষ কিন্তু পাঁচ বৎসর অতীত হইতে না হইতেই অর্থাৎ ১৯২০-২১ খ্রীষ্টাব্দে সেখানে গাভীর সংখ্যা ৪ কোটি ৮৯ লক্ষ। পাঁচ বৎসরে পাঁচ লক্ষ গাভীর সংখ্যা হ্রাস হওয়া শুধু অস্বাভাবিক নহে—ভয়াবহ। আমাদেরিগকে ইহার একটা ব্যবস্থা করিতে হইবে। প্রতি বৎসর ব্রিটিশ শাসিত ভারতে গো-খাদকের রসনা তৃপ্তর জন্ত এক কোটি গরু নিহত হয়। বিলাতে শুধু গো-মাংস চালান দেওয়ার জন্ত প্রতি বৎসর গড়ে দশ লক্ষ গরুর প্রাণ নাশ হয় এতদ্ব্যতীত শুধু চামড়ার জন্তও নিশ্চয় ভাবে নানাস্থানে নানাভাবে বহু গোহত্যা করা হয়। রোগে যদি গো মহিষাদি মারা যায়, বাজারে সেই মৃত গো-মহিষাদির চামড়ার তেমন চাহিদা নাই, তাই এই জন্তও গোহত্যার ব্যবস্থা আছে। এই কলিকাতা সহরের উপকণ্ঠে যে জবাই

থানা আছে, তাহাভেই তো প্রতি বৎসর এক লক্ষ গরু জবাই করা হয়। সুতরাং অবস্থা যে কি ভীষণ হইয়া পড়িতেছে, তাহা তো সহজেই অনুমান করা যাইতে পারে। ইহার কি কোন প্রতিকার নাই? শৌর্য্য, বীৰ্য্য ও মেধা অর্জন করিয়া আমরা যদি জাতি হিসাবে দশ জনের একজন হইতে চাহি, তাহা হইলে অস্ত্রাস্ত্র সমস্তার সহিত আমাদিগকে এই সমস্তারও সমাধান করিতে হইবে, নতুবা আমরা যেই তিমিরে সেই তিমিরেই থাকিব। (বহুমতী)

বৈষ্ণব সংবাদ ও মন্তব্য

গত অগ্রহায়ণ মাসের ৫ই শ্রীপাদ রামদাস বাবাজী মহাশয় শ্রীধাম বৃন্দাবন গমন করিয়াছিলেন এ সংবাদ ভক্তির পাঠকগণ অবগত আছেন। সেখানকার শ্রীনামযজ্ঞের শুভাসুষ্ঠান ও অন্তান্ত বিবরণ যথা স্থানে দেখিবেন। আমরা শুনিয়া অত্যন্ত আনন্দিত হইলাম যে, চাকালেশ্বরের শ্রীল সনাতন দাস বাবাজী ও কুসুম সরোবরের পণ্ডিত শ্রীল উদ্ধারণ দাস বাবাজী মহাশয় শ্রীপাদ বাবাজী মহাশয়ের সহিত শ্রীশ্রীরাধাকৃষ্ণের পঙ্কোদ্ধার করিবার সঙ্কল্প করিয়াছেন। শ্রীধামের প্রাচীন কীর্তি অনেকগুলিই সংস্কার অভাবে লুপ্ত হইতে বসিয়াছে। এ সময় কাহারও চূপ করিয়া বসিয়া থাকা যুক্তিযুক্ত নয়। অনেক ভক্ত আছেন যাহারা কায়-ক্লেশে কিছু করিতে পারেন না শ্রীভগবৎ কৃপায় তাঁহাদের অর্থের অভাব নাই কেহ অগ্রণী হইয়া কার্য্য করিলে অনেকে অর্থ সাহায্য করিতে পারেন। এই শ্রেণীর ভক্তগণের এ মহা সুযোগ ত্যাগ করা কোন মতেই উচিত নয়। এই শ্রীশ্রীরাধাকৃষ্ণের পঙ্কোদ্ধার জন্ত

পূজনীয় বাবাজী মহাশয় দ্বারে দ্বারে ভিক্ষা করিতে প্রস্তুত। ইহার অন্তর্গত ভক্তগণের মধ্যে বাহারা অর্থশালী তাঁহারা এই সময় অর্থের সং-ব্যবহার করিয়া অক্ষয়কীর্তি বজায় রাখুন পক্ষান্তরে বাবাজী মহাশয়কেও যাহাতে এ বিষয়ের জন্ত দ্বারে দ্বারে ঘুরিতে না হয় তাহারও ব্যবস্থা হউক। মোট কথা শ্রীশ্রীরাধারমণের ইচ্ছাশক্তিতে অনুপ্রাণিত হইয়া বাবাজী মহাশয় আজ যে কার্যের সঙ্কল্প লইয়া আমাদের নিকট উপস্থিত হইয়াছেন আমাদের সকলেরই উচিত সে সঙ্কল্প সিদ্ধির যতটুকু আনুকূল্য আমাদের করিবার সামর্থ আছে ততটুকু করা। বলা বাহুল্য শ্রীশ্রীরাধাকৃষ্ণের পঙ্কোদ্ধার কল্পে যিনি যাহা সাহায্য করিবেন এই ভক্তি-পত্রিকায় তাঁহার প্রাপ্তি স্বীকার করা হইবে। সাহায্য পাঠাইবার ঠিকানা—

শ্রীপুলিনচন্দ্র দে

২১নং ডাক্তার লেন, তালতলা, কলিকাতা।

—•—

আমরা শুনিয়া আনন্দিত হইলাম যে, ৮পূরীধামের শ্রীশ্রীহরিন্দাস ঠাকুরের সমাজের মহাস্ত্রীমৎ গোবিন্দদাস বাবাজী দাদা মহাশয় শ্রীধাম নবদ্বীপে গিয়া ক্রমেই স্তূহ হইতেছেন। শ্রীশ্রীরাধারমণ যখন তাঁহার নিজ জনকে অভয় দিয়াছেন তখন আমাদের ভাবনার কোন কারণ নাই। আমরা খুবই আশা করি আগামী মহোৎসবের সময় গোবিন্দ দাদা ভক্ত গণকে লইয়া খুবই আনন্দ করিতে পারিবেন। জয় জয় শ্রীশ্রীরাধারমণ।

—•—

শ্রীপাদ রামদাস বাবাজী মহাশয় সম্প্রদায় সহ শ্রীধাম বন্দাবন হইতে কিরিবার পথে এলাহাবাদ, কানী ও গয়ায় কীর্ত্তন করিয়া আসিবেন কথা

ছিল কিন্তু শ্রীধামের বহু ভক্তের অনুরোধে সেখানেই কয়েক দিন বিলম্ব হওয়ায় এবং ২১এ অগ্রহায়ণ শ্রীখণ্ডের উৎসবে যোগদান করিতে হইবে বলিয়া মথুরা হইতে আর কোথাও না যাইয়া একেবারে শ্রীখণ্ডে আসিয়াছিলেন।

৫ই অগ্রহায়ণ কলিকাতা হইতে রওনা হইয়া ৬ই শ্রীধাম বৃন্দাবনে পৌছিয়া ঐ দিনই শ্রীশ্রীনাম যজ্ঞের শুভাধিবাস করিয়া ছিলেন। ৭ই প্রাতঃকাল হইতে শ্রীশ্রীনাম আরম্ভ হয়, ১১ই পর্যন্ত নামযজ্ঞ চলিয়াছিল। এই নামযজ্ঞের মধ্যে ৩ ৭ই ও ৮ই শ্রীশ্রীরাধারমণের শ্রীমন্দিরে কীর্তন হয়। ১০ই শ্রীনামযজ্ঞের ক্ষেত্রে কীর্তন করেন। ১১ই শ্রীমন্দির প্রভুব শ্রীবৃন্দাবনে পৌছান তিথি পড়ে। ঐ দিন শ্রীচবিতামৃত হইতে উক লীলাটী নগরকীর্তন হয়। তৎপরে ১২ই প্রাতে নগর কীর্তন এবং ১৩ই মিত্যলীলা প্রতিষ্ঠা শ্রীপাদ মধুসূদন গোস্বামী মহোদয়ের সমাধি প্রতিষ্ঠা হয় ও কীর্তন হয়। ১০ই শ্রীল বিনোদবিহারী গোস্বামীর বাড়ীতে নগর কীর্তন হয়। ১৫ই শ্রীল মাধবদাস বাবাজী মহাশয়ের টোরে এবং ১৬ই রাত্রে শ্রীবন্ধু বিহারীর মন্দিরের নিকটস্থ জয়লাল হরগুলাল হাবিলিতে কীর্তন হয় তৎপর দিন। অর্থাৎ ১৭ই বৈকালে মথুরাধিগিদা বিশ্রাম করেন ১৮ই সকালে শ্রীশ্রীরাধাকুণ্ড তাঁরে কীর্তন করিয়া ১৯এ শ্রীখণ্ডভিমুখে রওনা হইলেন।

২১এ শ্রীখণ্ডে শ্রীনিষ্ঠ্যানন্দ মহিমা কীর্তন করেন এবং শ্রীএকাদশী বলিয়া পরিবেশন কীর্তন হয়। ২২এ শ্রীশ্রীনরহরি সরকার ঠাকুরের স্মৃতি কীর্তন করিয়া ২৩এ নগর কীর্তন করেন। ২৪।২৫।২৬।২৭ পর্যন্ত অগ্রান্ত ভক্তগণের আগ্রহে ভিন্ন ভিন্ন স্থলে কীর্তন করিয়া ২৮এ তারিখে শ্রীপাঠ যাজিগ্রামের মহাস্ত শ্রীল মধুসূদন দাস বাবাজী মহারাজের তিরোভাব মহোৎসব শেষ করেন ২৯এ সকালে কাটোয়ায় কীর্তন করেন। তৎপর ১লা পৌষ নবদ্বীপ হইয়া ২রা কলিকাতায় পৌছিয়াছেন।

গত ১লা পৌষ রবিবার শিবপুর যষ্টিতলায় “মাতৃ-মণ্ডপে” কলিকাতা গৌড়ীয় বৈষ্ণব-সাম্মিলনীর হাওড়া শাখার একটি বিশেষ অধিবেশন হয়। সভাপতি হইয়াছিলেন মহামহোপাধ্যায় শ্রীযুক্ত শিতিকণ্ঠ বাচস্পতি মহোদয়। শ্রীসাম্মিলনীয় স্থায়ী সভাপতি প্রভুপাদ শ্রীযুক্ত অতুলকৃষ্ণ গোস্বামী মহোদয় সর্বপ্রথমে বক্তৃতা করেন। ঐ দিন কাগজে বিষয় নির্দিষ্ট ছিল “ঐ বৃষ্টি কেঁদে ফিরে যায়” নির্দিষ্ট বক্তা ছিলেন পণ্ডিত শ্রীযুক্ত গোপেন্দ্র ভূষণ সাংখ্যতীর্থ। নানা যুক্তি ও নানা প্রকার উপমা দিয়া সাংখ্যতীর্থ মহাশয় বিষয়টী শ্রোতৃবর্গের নিকট অতি অপূর্বভাবে ব্যাখ্যা করিয়া ছিলেন। যেটুকু অবশিষ্ট ছিল তাহা শেষে সভাপতি মহাশয় বুঝাইয়া দিয়া ছিলেন। বক্তৃতার পূর্বে ও মধ্যে মধ্যে শ্রীযুক্ত দীনেশচন্দ্র ভট্টাচার্য্য ও অনাথবন্ধু ভট্টাচার্য্য সঙ্গীত করেন। শ্রীযুক্ত সুরেন্দ্রনাথ নন্দী মহাশয় রজনীকান্ত সেনের “কেন বঞ্চিত হব চরণে” গানখানি গাহিয়া সকলের তৃপ্তি-সাধন করিয়া ছিলেন। এই শাখা-সাম্মিলনীর নির্দিষ্ট গৃহ আছে। তথাপি মধ্যে মধ্যে আমরা ভিন্ন ভিন্ন পরীতে এই ভাবেও অধিবেশন দেখিতে পাইলে অত্যধিক আনন্দিত হইব।

BENGAL

শ্রীরাধারমণে জয়তি

WRITERS' UNION

“ভক্তির্ভগবতঃ সেবা ভক্তিঃ শ্রেম-স্বরূপিনী
ভক্তিরানন্দরসঃ ভক্তির্ভক্তস্য জীবনম্ ॥”

২৭শ বর্ষ }
৬ষ্ঠ সংখ্যা }

ভক্তি
ধর্ম-সম্বন্ধীয় মাসিক পত্রিকা ।

{ মাঘ
{ ১৩৩৫

“অদিনের পথে”

কেগে, অদিনের পথে কাণ্ডারী মোর ভগ্ন এ দেহ ভার
নয় পরিয়া, ফিরে চাও আগে গর্জিছে পারাবার
পড়ি, তপ্তবালুকা শয়নে
মরি, মর্মের মছা দহনে
বন্ধু আমার কেহ নাই, যারা আছিল সকাল সাঁঝে
ফেলিয়া গিয়াছে অদিনের পথে তপ্তবালুকা মাঝে ।

* * * *

সেদিনের স্থখ নিত্য বুঝিয়া বাঁধিলু যে গৃহ খান
কোথায় সে গৃহ পরিজন মোর প্রাণের অধিক প্রাণ
এবে, অদূরে আঁধার ঘোর
আসে, নামিতে নয়নে মোর

আসে, স্তম্ভ তিমির আদি অনাদির সঙ্গী হ’তে আমার
ওগো, কাণ্ডারী কোথা কাণ্ডারী ঐ নামিছে ঘন আঁধার ।

* * * *

রসনা নিরস ক্রমশঃ অবশ ডাকিতে না পাই শক্তি
 সৃজনের ডাক ডাকি নাই আগে, ভাবি নাই হবে এ গতি
 আমি, কুজনের ছিন্তা বাধা
 তাহে, সৃজন না হ'ল সাধা

আজ, তার ফলে কেহ আঁধার অতলে নাহি সামালিতে তাল
 ডুবে যায় রবি সেদিনের ছবি এদিনের মহাকাশ ।

* * * *

ক্রমে, শিথিল অঙ্গ শিথিল শূন্য বাহতে নাহিক বল
 ভয়ে তনু কাঁপে মরমের তাপে বৃদ্ধি হতবিকল
 আর, নিবেদন নাহি সরে
 বুঝি, নীরব করিল মোরে

তার হে এবার ভব পারাবার পদতরি করি দান
 রক্ষ এ দীনে কে আছে হে কর অদিনের সমাধান ।

* * * *

তবে কি হে শুরু তুমি কাণ্ডারী, একি কন্ঠের পাক
 ত্রাহিমে দয়াল ত্রাহিমে বন্ধু, ফুরাইল মোর ডাক
 এসে, মাঠে: অভয় দানে
 যদি, প্রাণ দাও মরা প্রাণে

তবে, বিশ্বক্ৰপের বিশ্বের পাপ ত্রিতাপের হয় শাস্তি
 নহে, যায় তার ইহ পরকাল গৃহ তনু মন ভাব কাশ্তি ।

শ্রীবিষ্ণুরূপ গোস্বামী ।

শ্রীশ্রীঅমিয় নিতাই চরিত

(ডাক্তার শ্রীযুক্ত ভোলানাথ ঘোষ দাস লিখিত ।)

(২১)

ভক্তগণ আনন্দে নাচিতে লাগিলেন নিতাই গোরও ভুবনশোভন নৃত্য আরম্ভ করিলেন । পরে জগাই মাধাই উঠিয়া নাচিতে লাগিল । তখন প্রকৃষ্ণ, ভক্তগণের সহিত পিঁড়ায় বসিয়া দেখিতে লাগিলেন । এখন লোচন দাসের গীত শ্রবণ করুন—

“ও জগাই মাধাই নাচে একি ঠাকুরালি ।
নাচে হরিবোল হরিবোল হরিবোল বলি ॥
“এ হেন করুণানিধি কে আছে ঠাকুর ।
দোষ নাহি দেখে করে করুণা প্রচুর ॥
জীরের উদ্ধার লাগি নাচয়ে উল্লাসে ।
এ বড় ভরসা বাঞ্ছে ত্রিলোচন দাসে ॥”

বৃন্দাবন দাস বলেন—

“যার অঙ্গ পরশিতে রমা পায় ভয় ।
সে প্রভুর অঙ্গ সঙ্গে মদ্যপ নাচয় ॥”

হুই ভাই প্রভুর আঙ্গিনায়, পরম আনন্দে নৃত্য করিতেছে । শচী মা ও বধু বিষ্ণুপ্রিয়া, ইহাদিগকে পূর্বে কত ভয় করিতেন, গঙ্গানানে বাইবার সময় ইহাদের নাম শুনিলে পূর্বে ভয়ে কাঁপিতেন । আর আজ সেই জগাই মাধাইয়ের কি পরিবর্তন । তাহারা তাঁহাদের আঙ্গিনায়, “হরিবোল” বলিয়া নাচিতেছে । দেবীষ্ণু গৃহের অভ্যন্তর হইতে তাহা দর্শন করিতেছেন । ক্রমে জগাই মাধাই স্থির হইল । পূর্বাবস্থা স্মরণ করিয়া তাহারা আবার

কাঁদিতে লাগিল। ভক্তগণ অনেক করিয়া বুঝাইয়া তাহাদিগকে শান্ত করিলেন।

দুই ভাই আর গৃহে গেলেন না। ভক্তগণের সঙ্গে সঙ্গেই থাকিলেন। তাঁহারা নিয়ম করিয়া দুইলক্ষ হরিনাম জপ করেন আর অল্পতাপে কাঁদেন। ইহাই তাঁহাদের এখন প্রতিদিনের কাজ।

“জগাই মাধাই এখন পরম ভাগবত। মুহূর্ত্তকাল তাঁহারা বুঝা অপ-
বায় করেন না, দিবারাত্র কৃষ্ণনাম জপ করেন। ব্রাহ্মমুহূর্ত্তে গাত্রোথান
—সুরধুনী স্থান, তারপর হরিনাম কঠিতে বসেন। হরিদাস প্রত্যহ
তিনলক্ষ হরিনাম লইতেন, ইহারা প্রথম হইতেই প্রত্যহ দুইলক্ষ
হরিনাম লইতে লাগিলেন। দুইলক্ষ নাম গ্রহণ সোজা কথা নহে,
দুইলক্ষ নাম লইতে এক দিবারাত্রের প্রায় দুই তৃতীয়াংশ কাটিয়া যায়।
বিবেচনা করুন, প্রায় ১৪১৫ ঘটিকাল একস্থানে বসিয়া একচিন্তে
নামগ্রহণ অল্প শক্তির কথা নহে! নামের প্রতি তীব্রতর অঙ্গুরাগ ও
অটল বিশ্বাস না জন্মিলে এরূপ হইবার আশা নাই। নামের
কোন স্মৃতিরসে, কোন অজ্ঞাত শান্তিপ্রদ রসে আকৃষ্ট না হইলে
এরূপ হইবার সম্ভাবনা নাই। শুদ্ধচিত্তে নিয়ত নাম গ্রহণে কৃষ্ণপ্রেম
লাভ হয়। ইহা শাস্ত্রের নির্ধারণ; যুক্তি ইহার সাপক্ষে, প্রত্যক্ষ উদা-
হরণ ইহার সঙ্গীত প্রমাণ। অতএব অল্পদিন মধ্যেই জগাই মাধাই
পরম ভক্ত হইয়া উঠিলেন। চরিতামৃতে লিখিত আছে—“নামের ফল
কৃষ্ণ পদে প্রেম উপজয়।” জগাই মাধাইর চরিত্রে ইহার পরিচয়
পাই। কৃষ্ণনাম শ্রবণেই এবং কৃষ্ণনাম উচ্চারণেই, তাঁহাদের নয়নে
জল আসিত, এবং জগতের তাবৎ কৃষ্ণের শক্তিধরূপ অনুভব করিয়া
রোমাঞ্চিত কলেবর হইতেন।”—(অচ্যুতবাবু)

এইরূপ দিনের পর দিন যাইতেছে কিন্তু দুইভাইয়ের স্বদেহের ওাপ

গেল না। পূর্বকৃত পাপ তাঁহাদের সর্বদা স্মরণ হইত, তখন তাঁহারা নিতাই গৌর ছইতায়ের নাম লইয়া কাঁদিয়া আকুল হইতেন। এইরূপ ইহাদের ব্যাকুল অবস্থায়, অনেক সময় তাঁহারা, আহার পর্য্যন্ত করিতে পারিতেন না, তখন দয়াল নিতাই, আবার কখন বা ভক্তবৎসল শ্রীশচীনন্দন, তাঁহাদের নিকট বসিয়া, কত আশ্বাসবাণী বলিয়া তাহাদের যে আর পাপ নাই, তাহা শত শতবার বুঝাইয়া আহার করাইতেন। কিন্তু তথাচ তাহাদের হৃদয়ের তাপ একেবারে নিবৃত্ত হইল না।

মাধাই, প্রভু নিত্যানন্দের শ্রীঅঙ্গে রক্তপাত করিয়াছিল—তাঁহার সে মনোকষ্টের আর অবধি নাই। ছই প্রভু তাহাকে কত সাহায্য দেন, কিন্তু হয়!—“তথাপি মাধাইর চিন্তে না পার প্রসাদ।”

একদিন মাধাই নিস্তিতে নিতাইটাদকে একাকী পাইয়া পুনঃ পুনঃ তাঁহার অভয় পাদপদ্মে প্রণাম করিয়া এইরূপ স্তব করিলেন—

জয় জয় জয় পদ্মাবতীর নন্দন !

জয় নিত্যানন্দ—সর্ব বৈষ্ণবের ধন !!

জয় জয় অক্রেম পরমানন্দ রায় !

শরণাগতের দোষ ক্ষমিতে জুয়ায়।”

“ভক্তির স্বরূপ প্রভু তোমার কলেবর।

তোমারে চিন্তয়ে মনে পার্শ্বতী শঙ্কর ॥

তোমার সে ভক্তিয়োগ তুমি কর দান।

তোমা বই চৈতন্যের প্রিয় নাহি আন ॥”

“তুমি যে জগৎপিতা মহাযোগেশ্বর।

তুমি সে লক্ষণচন্দ্র মহাধনুর্ধর ॥

তুমি সে পাষাণময় রসিক আচার্য্য।

তুমি সে জানহ চৈতন্যের সর্বকার্য্য ॥”

“তুমি সে করহ প্রভু পতিতের জাগ ।
 তুমি সে সংহার সর্ব পাষণ্ডীর প্রাণ ॥
 তুমি সে করহ প্রভু বৈষ্ণবের রক্ষা ।
 তুমি সে বৈষ্ণবধর্ম্য করাইলা শিক্ষা ॥”
 “পরম কোমল-সুখ বিগ্রহ তোমার ।
 যে বিগ্রহে করে কৃষ্ণ শয়ন বিহার ॥
 সে হেন শ্রীঅঙ্গে আমি করিছু প্রহার ।
 মুঞি হেন দারুণ পতকী নাহি আর ॥”
 “পার্বতী প্রভৃতি নবাব্দুদ নারী লৈয়া ।
 যে অঙ্গ পূজয়ে শিব জীবন ভরিয়া ॥
 যে অঙ্গ স্মরণে সর্ব বন্ধ-বিমোচন ।
 হেন অঙ্গে রক্ত পড়ে মোহের কারণ ॥”
 “যে অঙ্গ সেবিয়া শৌণকাদি ঋষিগণ ।
 পাইল নৈমিষারণ্যে বন্ধ বিমোচন ॥
 অনন্তব্রহ্মাণ্ড করে যে অঙ্গ স্মরণ ।
 হেন অঙ্গ মুঞি পাপী করিছু লজ্বন ॥”
 “যে অঙ্গ লজ্বিয়া ইন্দ্রজিত গেল ক্ষয় ।
 যে অঙ্গ লজ্বিয়া দ্বিবেদের নাশ হয় ॥
 যে অঙ্গ লজ্বিয়া নাশ গেল জরাসন্ধ ।
 আরো মোর কুশল ! লজ্বিছু হেন অঙ্গ ?”
 “বলিতে বলিতে প্রেমে ভাসয়ে মাধাই ।
 বক্ষে দিয়া শ্রীচরণ পড়িলা তথাই ॥”

চৈঃ ভাঃ

“মাধাই নিতাইকে বলিতেছেন “প্রভু! তোমাকে আঘাত করিয়াছি, তাহাতে আমার তত দুঃখ নাই, কারণ তুমি আমার পিতা, আমি তোমার পুত্র। অবোধ পুত্র এইরূপই করিয়া থাকে। কিন্তু আমি যে কতজীবকে হিংসা করিয়াছি, তাহা আমি নিরাকরণ করিতে পারি না। আমার ইচ্ছা করে যে, আমি তাঁহাদের প্রত্যেকের চরণ ধরিয়া ক্ষমা মাগি। কিন্তু আমি অনেককে চিনি না, মাতাল হইয়া কার কি অনিষ্ট করিয়াছি, তাহা জানি না। আমি যদি সেইসব লোকের দেখা পাই, আর তাহাদের চরণ ধরিতে পারি, তবেই বোধহয় আমার জন্মের তাপ যাইতে পারে।

(অমিয় নিমাই চরিত ।)

দয়াল নিতাই, মাধাইয়ের মনোভাব বুঝিয়া সম্মুখে বলিলেন, “বেশ, তুমি যদি ঐরূপ না করিলে শান্তি না পাও, তাহা হইলে গঙ্গার ঘাটে বসিয়া প্রত্যেক স্নানার্থীর নিকট তোমার অজানিত দোষের জন্ত বিনীত ভাবে ক্ষমা চাহিয়া লও।”

“নিত্যানন্দের সহিত এইরূপ পরামর্শ করিয়া মাধাই নদীয়ার ঘাটে আসিয়া বসিলেন। পরিধানে একখানি ছিন্ন ও মলিন বস্ত্র। উপবাস, অনিদ্রা ও ক্রন্দনে শরীর জীর্ণ। সেই নদীয়াররাজা আজ ঘাটের এককোণে বসিয়া হরিনামের মালা লইয়া নাম জপ করিতেছেন। যে কেহ ঘাটে আসিতেছেন, মাধাই উঠিয়া তাহার চরণে পতিত হইয়া কাতরস্বরে কাদিতে কাদিতে বলিতেছেন, “আপনি কৃপাকরিয়া আমাকে উদ্ধার করুন, আমি জানিয়া বা না জানিয়া, যদি আপনাকে কোন দুঃখ দিয়া থাকি, তবে আপনি আমাকে ক্ষমা করিলে শ্রীভগবান আমাকে ক্ষমা করিবেন।”

“মাধাই বিচার না করিয়া, বালক, বৃদ্ধ, নর, নারী, চণ্ডাল, ব্রাহ্মণ, প্রভি জনের পদতলে পড়িয়া, এইরূপ রোদন করিতে লাগিলেন। নদীয়ার রাজার এইরূপ দৃশ্য দেখিয়া সকলে যে কেবল মাধাইকে ক্ষমা করিলেন তাহা নহে,

যিনি মাধাইকে দেখিতে লাগিলেন তিনিও কাঁদিতে লাগিলেন। এইরূপে মাধাইয়ের দ্বারা, লোকের মন নির্মল ও নগরে ভুবনমঙ্গল হরিনাম প্রচার হইতে লাগিল।”

“মাধাই শ্রীবাসের বাড়ী অন্ন খাইতেছেন না। শ্রীনিত্যানন্দ আজ্ঞা করিতেছেন তবু মাধাই অন্ন গ্রহণ করিতে পারিতেছেন না, কেবল ক্রন্দন করিতেছেন। ইহাতে শ্রীনিত্যানন্দ শ্রীগোরাঙ্গকে সংবাদ দিলেন ও শ্রীগোরাঙ্গ স্বয়ং আসিলেন। শ্রীগোরাঙ্গ স্বয়ং আসিয়া দেখেন যে, মাধাই সম্মুখে অন্ন রাখিয়া—আহার করিতেছেন না, কেবল রোদন করিতেছেন। শ্রীগোরাঙ্গ সম্মুখে বসিলেন, বলিয়া বঝাইতে লাগিলেন, “মাধাই! তোমার অনন্ত পাপ আমি গ্রহণ করিয়াছি, আমি তোমার সম্মুখে বসিয়া আছি এবং আর কিছু যদি তোমার প্রার্থনা থাকে, তাহাও তোমায় দিতে প্রস্তুত আছি, তুমি শান্ত হও।”

ইহাতে মাধাই বলিলেন, “প্রভু! আমি সব বুঝি। তুমি যখন আমার সম্মুখে, তখন আমি আর চাইব কি? আর তুমি যখন আমার পাপ গ্রহণ করিয়াছ, তখন আমার যে পাপ নাই, তাহাও জানি। কিন্তু এখন যে রোদন করিতেছি, এ পাপ স্মরণ করিয়া নয়, তোমার কৰুণা স্মরণ করিয়া। আমি যে পাপ করিয়াছি, তাহার উপযুক্ত দণ্ড যদি আমাকে ভোগ করিতে হইত, তবে আমার হুঃখ থাকিত না। আমি অস্পৃশ্য পামর, তাহা গ্রাহ্য না করিয়া তুমি আমাকে যত কৰুণা করিতেছ—ততই আমার আত্মগ্নানি বাড়িতেছে। এই যে তুমি আমার সম্মুখে আমাকে অন্ন খাওয়াইবার নিমিত্ত অন্তনয়-বিনয় করিতেছ—কিন্তু তুমি বা কি, আর আমি বা কি? প্রভু! বলিতে কি, তুমি যে পরিমাণে আমাকে কৰুণা করিতেছ, সেই পরিমাণে আমার হুঃখ বাড়িতেছে।”

“এখানে ইহা জিজ্ঞাসা করা যাইতে পারে যে, ভগবান যখন স্বয়ং

মাধাইয়ের পাপ গ্রহণ করিলেন, তখন তাহার এত কাতরে রোদন কেন? ইহার উত্তর এই যে, অবশ্য ঈশ্বর সর্বশক্তিমান, তিনি সকলই করিতে পারেন কিন্তু তব্রাচ তিনি কখনও আপনার নিয়ম আপনি লঙ্ঘন করেন না। শরীরে পাপ প্রবেশ করিলে ঐ পাপ অনুভূতাপনলে গলিয়া নয়নদ্বারা বাহির হইয়া থাকে। এই তাঁহার নিয়ম, আর মাধাইয়ের তাহাই হইল। যদিও তিনি মাধাইয়ের পাপ গ্রহণ করিলেন, তবুও তাহার সে পাপের কষ্ট ভোগ করিতে হইল। ভগবানের আজ্ঞা যে, পাপের ফল ভোগ করিতে হইবেই হইবে। শ্রীগৌরান্ন মাধাইয়ের পাপ নষ্ট করিলেন বটে, কিন্তু সমুদায় নিয়ম ঠিক রাখিয়া তিনি স্বেচ্ছায় ও সর্বেশ্বর বলিয়া বালকের মত যাহা ইচ্ছা তাহাই করেন না।

তিনি যে গৌরদেহ অবলম্বন করিলেন, তাহা প্রকৃত প্রস্তাবে নিত্য ও চিন্ময় এবং তাহাতে শ্রীকৃষ্ণ ও শ্রীরাধা নিয়ত বিরাজ করিতেন। তবে তিনি কেন আহার করিতেন? কেন ঘাইতেন? ঐ দেহের কেন রোগ হইয়াছিল? শ্রীভগবান যখন দেহ লইয়া নরসমাজে বিরাজ করেন, তখন দেহেরও যে সমুদায় ধর্ম তাহাও সাধারণ জীবের স্থায় পালন করিয়া থাকেন। মাধাইয়েরও সেইরূপ, স্বভাবের যে নিয়ম তাহা পালন করিতে হইল।”

(শ্রীঅমিয় নিমাই চরিত ।)

মাধাই নিজ হস্তে কোদালি ধরিয়া নবদ্বীপে গঙ্গায় একটা ঘাট প্রস্তুত করেন। ঐ ঘাটের নাম হইল “মাধাইয়ের ঘাট” মাধাইয়ের ঘাট আজও নবদ্বীপে প্রসিদ্ধ। মাধাইয়ের সেই গান—

“ভোমরা ছ’ভাই গৌর নিতাই ।

আমরা ছ’ভাই জগাই মাধাই ॥”

আজিও মোহন সুরে আমাদের কর্ণে বাজিতেছে। মাধাইয়ের বংশীয়গণ অত্য়পি বর্তমান আছেন, তাঁহারা পরম গৌরান্ন ভক্ত।

ক্রমশঃ

“তার্থ চিন্তা”

(পরিব্রাজক শ্রীযুক্ত ভুলুয়াবাবা লিখিত ।)

প্রয়োজন হইলে পরচর্চাও করিতে হয়। পরচর্চা ও পরনিন্দা অত্যন্ত অন্তায় কর্ম বলিয়া যে মুখে ঘোষণা করা যায়, সেই মুখেই আবার পরনিন্দা করিতে হয়। তাই দেখিতে পাই, রামায়ণে রামের মহিমা বর্ণন করিতে রাবণের দুর্নাম গান করিয়াছেন, তাই মহাভারতে যুধিষ্ঠিরের ধর্মপ্রাণতা প্রচার করিতে দুর্জোধন এবং দুঃশাসনের দুষ্কর্মাবলী কীর্তন করিয়াছেন। শ্রীভাগবত গ্রন্থেও শ্রীকৃষ্ণের ভগবানস্ব প্রদর্শন করাইতে তাই জরাসন্ধ, শিশুপাল, কংস, দন্তবক্র প্রভৃতির নিন্দা প্রচার করিয়াছেন।

প্রয়োগের বিধান অনুসারে তীব্র হলাহলও অমৃতের ফল প্রদান করে। যখন সমাজে নানারূপ বিশৃঙ্খলা ঘটে, নানারূপ ব্যাভিচারের স্তরঙ্গ প্রবাহিত হয়, এবং মোহের অন্ধকারে সমগ্র সমাজকে গ্রাস করে, তখন বিশৃঙ্খলতার বিরুদ্ধে কথা বলিতে হয়, দুর্জনের কদাচারের বিরুদ্ধে সমালোচনা করিতে হয়, এবং তাহা দ্বারা সমাজে সত্য প্রতিষ্ঠিত হয়। শকরাচার্য্য। চৈতন্যদেব, বুদ্ধদেব তাহার নিদর্শন। স্বরূপকথনের নাম নিন্দা নহে। সমাজের মঙ্গলের জন্য, দৈর্ঘ্যের বশবর্তী না হইয়া, যখন কদাচারের সমালোচনা করা যায়, তখন তাহাকে নিন্দা বলে না। যে দুর্জন শাসন করিতে রাজা রাজদণ্ড ধারণ করেন, তাহার নিন্দা জনসমাজে প্রচারিত হইলে, লোকলজ্জা শুয়েও সে অনেক সময়ে স্বভাবের পরিবর্তন করে। সাধুবাদ প্রচারে বা হিন্দুধর্ম প্রচারে জীবের যেমন মঙ্গল সাধিত হয়, সাধুর

পদজ্বলনের সংবাদ, অথবা ভণ্ডের ছল-কৌশলের বিবরণ প্রচারেও সময়ে সময়ে জনসমাজের অনেক কল্যাণ ঘটিয়া থাকে। একজনের দৃষ্টান্তে দশজনের শিক্ষা হয়। পাপের অবাধবাণিজ্য বাধাপ্রাপ্ত হয়, এবং ছুটে ছুঁড়তি পরিত্যাগ করিয়া সৎপথে গমন করে।

বর্তমান সমাজের অবস্থা দর্শন করিয়া ভাল মন্দ অনেক প্রকারেই চিন্তাই মনের মধ্যে স্থান পায়। স্বদেশ, স্বজাতি বা আপন সমাজের উন্নতি চেষ্টায় সকলেরই অধিকার আছে। যে যতদূর শক্তিমান সে ততদূর চেষ্টা করে। যে যথা ভাল বিবেচনা করে, সে তাহাই ডাকিয়া দশজনকে সুনাইয়া থাকে। আমিও যথা সৎ ও সত্য বলিয়া নিশ্চয় করিয়াছি, সহৃদয়ে তাহাই জগৎকে সুনাইতে ইচ্ছা করি। সমাজের অসদংশ বা ভণ্ডের উন্নতির সংস্কার করিতে, প্রধান ও প্রবাণ পুরুষগণের সম্মুখে স্থাপিত করিলাম। আমার উদ্দেশ্য যদি সাধু হয়, তাহা হইলে ইহার জন্ত আমি অপরাধী নই।

যার যা ইচ্ছা সে তাই করুক, তুমি তাহার প্রতিবাদ করিও না, করিলে পরদিন্দার পাপে পাপী হইবে, ইহা একদলের মত। সে দলের মধ্যেও তাহাদের নিছান্তের বিরুদ্ধবাদ দর্শন করা যায়। তাহারা এখন ভণ্ডের নিন্দা করিতে কুঞ্জিত হয়, তখন পরদিন্দার ধূয়া ধরে; কিন্তু সেই ভণ্ডের নিন্দা বা সমালোচনা করিতে কোন সাধু সত্যবাদী দণ্ডায়মান হইলে, তাহারা তাহার নিন্দা করে। তাহাদের সঙ্গে একমত হওয়া কঠিন ব্যাপার!

বুদ্ধদেব অদৃষ্টবাদী অকস্মা লোকের জড়তার বিরুদ্ধে বক্তৃতা করিয়া ছিলেন। শঙ্করাচার্য্য বৌদ্ধগণের নাস্তিকতার বিরুদ্ধে দণ্ডায়মান হইয়াছিলেন, এবং চৈতন্যদেব মায়াবাদ ও হিংসার বিরুদ্ধে জগতকে শিক্ষা দিয়াছিলেন। প্রত্যেক শিক্ষক তাহার ছাত্রকে সাধুবাদ শিক্ষা দিতে

অসাধুতার বিরুদ্ধে উপদেশ দিয়া থাকেন। সূত্রাং বিরুদ্ধবাদই দৃশ্যীয় নহে। যাহা সত্য, যাহা সারগর্ভ, তাহা গ্রহণীয়। সত্য প্রচারিত হউক। সত্যের উপাসনা আরম্ভ হউক। প্রবীণ পুরুষগণ জনসাধারণকে সত্যের মর্ম ও সত্যের মহিমা বুঝাইয়া দিউন। আর্থ্য সমাজের কল্যাণ হউক। যাহা মিথ্যা তাহা ভাসিয়া যাউক, জলে আলিপনার মত মিথিয়া যাউক। আবেগ উষ্মেগ ও অসার প্রলাপ ধর্মজগত হইতে অন্তর্হিত হউক। এইবার আমার বক্তব্য বলিব।

তীর্থের উৎপত্তি।—পরমপুরুষ পরমেশ্বর তাঁহার চরণাশ্রিত ভক্তগণের পদস্পর্শদ্বারা অতীর্থকে তীর্থ করিয়া থাকেন। তীর্থের তীর্থত্ব কেবল সাধু মহাপুরুষগণের অবস্থিতি লইয়া, এবং তীর্থের মহিমা কেবল তাঁহাদের গমনাগমনে সর্ধঙ্কিত হয়। সাধুগণই তীর্থের অলঙ্কার এবং তীর্থের অঙ্ককারনাশক বিমল নিষ্কলক পূর্ণ সুধাকর। সাধুগণই তীর্থের গৌরবস্তম্ভ এবং তীর্থ-যাত্রিগণের শান্তিলাভের অক্ষয় মঙ্গলনিকেতন। আর যে সকল গৃহস্থ তীর্থে বাস করেন, সাধুগণ তাঁহাদের নিত্যশীর্ষাদক পরম সচায়।

সাধু ভক্তের অভাবে তীর্থ যেমন অন্তঃসারশূন্য তেমনি সৌন্দর্য্য-বিহীন। সাধুর অভাবে তীর্থস্থান গৃহস্থ পরিত্যক্ত শূন্যগৃহময় বাস্তুভিটা অথবা উপেক্ষণীয় কক্ষ কুদ্র মরুভূমি। যে তীর্থে সাধু নাই তাহা দর্শন-যোগ্য নহে; তাহা গমনীয় নহে এবং সেবনীয় নহে। তাহাতে গমন করিলে যেমন বৃথা পরিশ্রমে শরীরক্ষয় ও মনঃক্লেশ ঘটে তেমনি অর্থনাশ ও বিড়ম্বনার সম্ভাষে চিত্ত ব্যথিত হয়।

তীর্থ পর্য্যটনের উদ্দেশ্য।—তীর্থ পর্য্যটনের উদ্দেশ্য আলোচনা করিলে অন্তরে আশা ও উল্লাসের সঞ্চার হয়। কারণ তীর্থ পর্য্যটনের মত আশ্চর্য্যত্বের সহজ উপায় আর নাই। তীর্থের

মনোরম প্রাকৃতিক দৃশ্য যাত্রীর অন্তরে অপূৰ্ণ আনন্দের স্রোত প্রবাহিত করে। নানাপ্রকারের সাধকগণের সাধনপদ্ধতি ও ত্যাগশীলতা দর্শন করিয়া অন্তরে বিশ্বয়নিশ্চিত ভক্তির উদয় হয়। কেহ ধোয়াসনে বাসিয়া নিম্নলিখিত নেত্রে ধ্যানস্থ, কেহ ভক্তশিষ্যগণ মধ্যে উপবেশন করিয়া জ্ঞান-বিচারে নিযুক্ত, আবার কোন কোন স্থানে সাধুগণ হরিনাম সঙ্কীৰ্ত্তনে বাহুজ্ঞানশূন্য উন্মাদের মত নৃত্যময়, কোথাও বা ভাগবত শ্রবণে একাগ্র অন্তরে নীরবে ধ্যানস্থ যোগীর মত উপবিষ্ট, ইত্যাদি নানা প্রকার ভাব দর্শন করিয়া তীর্থযাত্রীর চিত্ত কণকালের জন্ত বিষয়ের ছবিবিসহ যত্নগা বিস্মৃত হয়।

সর্বশাস্ত্র অধ্যয়নে সারাজীবন অতিবাহিত করিলে যে জ্ঞান লাভ না করা যায়, একটীমাত্র সাধুদর্শনে তাহার দশগুণ জ্ঞানের উদয় হয়। প্রচলিত প্রথার অনুসরণে ধ্যানচরণ করিয়া দীর্ঘকালে যে অধিকার না জন্মে, দুই চারিদিন সাধুসঙ্গ করিলে তাহা জন্মিয়া থাকে। সাধুসঙ্গে তীর্থভ্রমণ করিলে তীর্থের বিশেষত্ব সহজে এবং স্বল্প সময়ে অনুভব করা যায়। সাধুসেবায় চিন্তের প্রশমতা জন্মে, ভগবদ্ভক্তির উদয় হয়, এবং সংসার কলহের নিবৃত্তি হয়। তীর্থে যাইয়া সাধুসঙ্গে একত্রবাসে যে আনন্দ অনুভব করা যায়, তাহার স্মৃতি দীর্ঘকাল অন্তরে জাগ্রত থাকিয়া শাস্তিদান করিয়া থাকে। স্মৃতরাং তীর্থ পর্য্যটনে যে পরমা-নন্দ লাভ করা যায় ও অশেষ কল্যাণ সাধিত হয় একথা কাহারো অস্বীকার করিবার অধিকার নাই।

যাহারা তীর্থে যাইয়া সাধুদর্শনে বঞ্চিত হয় সাধু সেবায় বিকৃত থাকে এবং সাধুর উপদেশ অন্বেষণ না করিয়া গৃহে প্রত্যাগমন করে তাহাদের তীর্থমান হস্তিমানের মত, তাহাদের তীর্থপর্য্যটন মৰ্কটের গ্রাম প্রদক্ষিণের মত। তাহারা লক্ষ্যহীন নাবিকের মত সমুদ্র ভ্রমণের

কষ্টই মাত্র সহ্য করে। তাহার অমৃতকুণ্ডের তীরে উপস্থিত হইয়া বালুকায় স্নান করে এবং আপনার বলকষ্টে উপার্জিত অর্থ উন্নতের মত জঙ্গলের মধ্যে নিক্ষেপ করে।

শ্মশানের বিত্তীষিকা।—শ্মশান সাধনায় বিত্তীষিকা বিঘ্ন উৎপাদন করে। ভূত প্রেত আসিয়া সাধককে ভয় প্রদর্শন করে। কত ব্যাঘ্র ভল্লকে গ্রাস করিতে সম্মুখে উপস্থিত হয়। কখনো কত মনোহরা রমণীমূর্তি, মনোরম ভোগসমূহ সম্মুখে ধরিয়া সাধককে বিপথ-গামী করিতে চেষ্টা করে। শ্মশান সাধনায় তাই বীরত্বের প্রয়োজন হয়। তাই শ্মশান সাধককে বীরসাধক বলিয়া থাকে। বস্তুতঃ সাধনা যে বীরের কার্য্য তাহাতে আর সন্দেহ নাই।

সংগ্রামজয়ী বীর অপেক্ষা শ্মশানজয়ী সাধকের শক্তি ও প্রাভাভ অনেক অধিক। সিদ্ধের ত তুলনাই নাই। সংগ্রামজয়ী বীর প্রতিদ্বন্দ্বী নৃপতিকে পরাজিত করিয়া তাহার সম্পত্তি উপভোগ করে, আর শ্মশান-সাধনায় সিদ্ধবীর স্বরাট সম্রাট জগন্নাথকে বশীভূত করিয়া পরম শাস্তি-লোকে চিরস্থির রাজত্ব লাভ করে।

কাহার নাম শ্মশান ?—স্বল্পভাবে বিচার করিলে এই শ্মশান সাধনা সর্বত্র বিরাজিত। যে কোন স্থানেই সাধনা করিতে উপবেশন কর, সর্বত্রই আসনকে শ্মশানের মত করিতে হইবে! যে স্থানে উপসর্গ নাই, সংসারের কোলাহল নাই, এবং মায়া মমতার আকর্ষণ নাই, তাহারই নাম শ্মশান। অথবা যে স্থানে দণ্ডায়মান হইলে জগতের নন্দরত্ন স্বভাবতঃ মনের মধ্যে জাগ্রত হয়, বৈরাগ্যের বিষাদ অন্তঃ-করণকে অবসন্ন করে, আপন মরণের কথা স্মৃতিপথে উদ্ভিত হইয়া বন্ধুজনের মমতাপাশ ছেদন করিতে আরম্ভ করে এবং অতীত জীবনের অসং কাম্বাবলী স্মরণ করাইয়া পরকালের ভাবনা সম্মুখে ধরিয়া শরীরকে

রোমাঞ্চিত করে তাহারই নাম শ্মশান। এইরূপ স্থানই সাধনার স্থান, এবং এইরূপ স্থানে আসন পাতিলেই অনায়াসে একাগ্র অন্তরে সাধনা করিতে সমর্থ হওয়া যায়। যিনি সাধনা করিতে উপবেশন করিবেন তাঁহার আসন যদি বৈরাগ্যজনক না হয়, যদি শ্মশানের মত মন-প্রাণ উদাসকারী না হয়, সাধনায় সিদ্ধিলাভ তাঁহার পক্ষে সুকঠিন। যেস্থানে বসিলে, পুত্র-পরিজনের কোলাহল-তরঙ্গ চিত্তকে অভিঘাত করে, ধন সম্পত্তির বিনিময়বার্তা কর্ণকে ব্যথিত করে, মমতার চিত্র নয়নপথে পতিত হইয়া ভগবদ্গুণি রোধ করে এবং সংসার বাসনায়, ভগবানের চরণ-কমলে ধ্যানস্থ মন জলৌকার মত সঙ্কুচিত ও প্রসারিত হইয়া গতিশীল হয় সেস্থানে সাধনা হয় না।

আসনের সঙ্গে সাধনার অত্যন্ত নিকট সম্বন্ধ। আসন চঞ্চল হইলে মন নিশ্চয়ই চঞ্চল হইবে। তাই ভবদশীগণ নির্জন, সর্বপ্রকার প্রলোভনশূন্য স্থানে সাধনার জন্তে আসন নির্মাণ করেন।

ক্রমশঃ

ভ্রম

সুনীল বারিধি রয় নীরবে পড়িয়া,

পাতিয়া বিশাল বক্ষঃ আপনার মনে ;

সে বারিধি বক্ষঃ হ'তে জনম লভিয়া,

নাচে কিন্তু উর্ধ্বমালা ভীম গরজনে।

* প্রবন্ধটি সুদীর্ঘ, আমরা একটু একটু করিয়া প্রকাশ করিব, পরি-ব্রাজক মহাশয়ের নিজ অভিজ্ঞতায় প্রবন্ধটি লেখা, কাজেই আশা করি ইহার মধ্যে পাঠকগণ অনেক নিগূঢ়তত্ত্ব জানিতে পারিবেন। (ভঃ সঃ)

কার বক্ষঃ হ'তে তার হ'য়েছে উদ্ভব,
 কে তারে বকের মাঝে রাখিয়াছে ধরি ;
 আশ্রয় হ'য়ে গিয়ে ভুলি সেই সব,
 কুলে উঠে অহঙ্কারে গরজন করি ।
 আশ্রয় ছাড়িয়া আসি পড়ে বেলাভূমে,
 ভীমরোলে গরজিগা মাতি অহঙ্কারে ;
 আছাড়ি আছাড়ি কত পড়ি তটভূমে,
 তারপর নিজ ভ্রম বুঝিতে সে পারে ।
 তখন সে উদ্ধাম গতি নাহি রয়,
 আচা-কা হইয়া যেন কত সঙ্কুচিত,
 বারিধির বৃকে এসে মুখটা লুকায় ;
 মুখে শুধু ফেন পুঞ্জ হয় উদগীরিত ।
 তেমনি এ ভবতলে অজ্ঞান মানব,
 মত্ত হ'য়ে অহঙ্কারে কত যে কি করে ;
 অহঙ্কারে মোহঘোরে ভুলে' যায় সব,
 আপনারে কত বড় ভাবে সে অন্তরে ।
 অনেক আঘাত ভবে পায় সে যখন,
 তখন তাহার মনে জ্ঞানোদয় হয় ;
 আপনার যত ভ্রম বোঝে সে তখন,
 কাতরে তোমার পদে আশ্রয় সে লয় ।

প্রভু হে !—তোমা ছাড়া কিছু নাহি হয় যে সম্ভব !

ভ্রমেতেই এইটুকু বোঝে না—মানব !!

শ্রীশ্রীসিংহদেব বন্দ্যোপাধ্যায়।

বৈষ্ণব ধর্মের অবস্থা

(ভবঘুরের দপ্তর হইতে প্রাপ্ত ।)

[৫]

ইতিপূর্বে আমি গুরুবংশ নিম্নত হওয়ায় নিরুপেক্ষা একটু পক্ষিত হইয়া পড়িয়াছিল একথা বলিয়াছি সেইটাই আর একটু খোলসা করিয়া বলব। হিন্দু সমাজ নানা শাখায় বিভক্ত এবং প্রত্যেক শাখাই নিজ নিজ সম্প্রদায়িক সাধু, শাস্ত্র ও গুরু উপদেশে চালিত হইয়া থাকে। এই শাখাগুলির মধ্যে যতই অসামঞ্জস্য দেখা যাউক না কেন, গুরু করণ, গুরু উপদেশ পালন, গুরুমতানুসরণ ইত্যাদি কোন শাখার সহিত কোন শাখার অসামঞ্জস্য দেখা যায় না। গুরু যে মূল ইহা সকল শাস্ত্র এবং সকল সম্প্রদায়ই একবাক্যে স্বীকার করিয়া থাকেন। গুরুকে বাদ দিয়া কোন সাধন করিয়াইসে সিদ্ধিলাভ করিতে পারা যায় না, গুরুই যে সকল সাধন ভজনের মূল ভিত্তি একথা সর্ববাদী সম্মত।

হয়ত—হয়ত কেন অনেক বলিয়াও থাকেন যে, অনাদিনিধন শ্রীভগবানের উপাসনায় একজন মনুষ্য যথাবর্তী থাকিবে কেন ?

একথা যাহারা বলেন তাঁহারা প্রাচীন শাস্ত্র গ্রন্থাদি আলোচনার অবসর পান কিনা জানিনা কিন্তু যদি সামান্ত সামান্ত লৌকিক ব্যাপার লক্ষ্য করিয়া দেখেন ভাঙা হইলেও এভাবে সন্দেহ মনে আসিতে পারেনা। যাক, যাহারা একথা বলেন তাঁহাদের সোজামুজি বোঝা উচিত যে, যখন গুরুকরণ প্রথা বরাবর চলিয়া আসিতেছে তখন অবশ্যই ইহার মধ্যে কোন মূলভঙ্গ নিহীত আছেই। সমাজে যে কোন প্রথা প্রতিষ্ঠিত হয় তাহার লে উদ্দেশ্য ভালই থাকে। তবে আমাদের ব্যবহার দোষে হয়ত

অনেক সময় অনেক গোলমাল হইয়া যায়, সেজন্য মূলের দোষ দেওয়া যায় না। মনে করুন কোন গৃহের ২৭জন পোয়া আছে কিন্তু তাহার সংসারে একজনে রন্ধন করে আর সকলে খায়। হয়ত আপনি বলিবেন, বাঃ একজন কষ্টকরিয়া রাখিবে আর সকলে বসিয়া বসিয়া খাইবে তাহা হইবেনা। কিন্তু ভাবিয়া দেখুন যদি পরিবারস্থ সকলকেই স্বতন্ত্র ভাবে আপন আপন রন্ধন করিতে হয় তাহা হইলে অত্র কাজ কন্মের অবকাশ থাকে কোথা হইতে। যদিও অবকাশ থাকে তবে রন্ধন ভোজন সূচাক্রমে সম্পন্ন হয় না। এটা যেমন একটি সংসারের শৃঙ্খলা রক্ষণের ব্যবস্থা, সেইরূপ সমাজের কোন মহৎ উদ্দেশ্যে গুরুপদবী স্থাপিত হইয়াছে। একথা অস্বীকার করিয়া নিজ মত স্থাপনের প্রয়াস বাতুলতা মাত্র।

শাস্ত্রানুশীলন ও ইষ্ট সাধনাদ্বারা তত্ত্বজ্ঞানের উদয় হয় একথা বোধ হয় কেহ অস্বীকার করিবেন না। আবার ধর্মের সকল তত্ত্ব অবগত হওয়াও সকলের সাধ্যায়ত্ত্ব নহে, কারণ সংসারে আমরা সাধারণতঃ দোষতে পাই মানুষের প্রথম চেষ্টা অন্ন, দ্বিতীয় চেষ্টা ধর্ম। যাহারা অন্নের চিন্তা অধিক করে তাহাকেই শাস্ত্র বদ্ধজীব বলিয়াছেন; আর যাহারা ধর্মের চিন্তা অধিক করে তাহারাই মুমুকু বলিয়া কথিত হয়। সাধারণতঃ বদ্ধ জীব ধর্মপথে সম্পূর্ণরূপে জীবন উৎসর্গ করিতে পারে না। তাই সংসারে সাধারণতঃ মুক্ত বা মুমুকু জীবের সংখ্যা অধিক দৃষ্ট হয় না। যদিও মুমুকু হুঁচারজন পাওয়া যায় কিন্তু মুক্ত অর্থাৎ সুহৃৎলভ। মুক্তজন সংসারের অতীত। সংসারী সাধারণতঃ বরং ধর্মচিন্তা না করিয়াও কোন রকমে থাকে কিন্তু অন্নচিন্তা বিরহিত হইয়া থাকা তাহার পক্ষে দুঃসাধ্য। তারপর ধর্মের তত্ত্ব সম্যক উপলব্ধি করিয়া স্থির সিদ্ধান্তে উপনীত হওয়াও সহজ সাধ্য নহে। উহাতে প্রচ্যুত শাস্ত্রানুশীলন, গুরুরূপা ও নিরবচ্ছিন্ন নিবিষ্ট সাধন আবশ্যিক হয়। কেবল ভোতা পাখীর মত শাস্ত্র মুখস্ত করিয়া বা সেচ্ছাচারীভাবে সাধন

করিলে হয় না, উভয় বলেরই তুলা রূপ প্রয়োজন। পাণ্ডিত্য হীন সাধক উপযুক্ত গুরুর উপদেশে আত্মজ্ঞান লাভ করিয়া নিজে কৃতার্থ হইতে পারেন বটে কিন্তু অপরের সংশয় ছেদন করিয়া তাকে ধর্মপথে আনিবার শক্তি হয় না, এইজন্যই উভয় বল সম্পন্ন ব্যক্তিকে স্ব স্ব শাখায় গুরুপদ দেওয়া হইয়া থাকে।

বংশপরম্পরা গুরুগণ যাহাতে গুরুপদবীর যোগ্যতা লাভ করিতে পারেন সমাজে তাহারও সুব্যবস্থা নির্দিষ্ট আছে। হুংখের বিষয় আমরা তাহা পালন করি না। ব্যবস্থা আছে গৃহস্থ অর্থ উপার্জন করিয়া গুরুগণের অন্তিষ্ঠা দূর করিবেন, আর গুরুগণ নিজ নিজ শিষ্যের ভক্তিদত্ত অর্থে নিশ্চিন্ত হইয়া বিद्या উপার্জন, শাস্ত্রাকুশীলন ও ধর্মশাস্ত্রের সার আকষণ পূর্বক সাধনবল সংস্থ করিয়া সেই তত্ত্বজ্ঞান-সাধনোৎস বিদ্যাস গৃহস্থ শিষ্যের মধ্যে প্রচার করিয়া শিষ্যকে সাধ্যসাধনতত্ত্বের সুগম উপদেশ প্রদান করিবেন। এদিকে গৃহস্থগণকেও আত্মসংযমী ও অজ্ঞান হইয়া বিদ্যাস সহকারে আপনাপন গুরুমুখে শাস্ত্রসার সাধনলক্ষ উপাসনা ও তত্ত্ব অবগত হইয়া সাধনে প্রবৃত্ত হইতে হইবে। ইহাই প্রাচীন গুরুশিষ্য পরম্পরা সূন্যম। পাঠকগণ! বলুন দেখি এখন সমাজে এ ভাবের নিয়ম প্রচলিত দেখিতে পান কি? কিন্তু ষতদিন সমাজে এই সকল সূন্যম বলবান ও বর্তমান ছিল ততদিন সমাজ ধর্ম ও অর্থবল সম্পন্ন সকল স্তরের আকর ছিল। আমাদের দুর্ভাগ্য বশতঃ যেমন যেমন এই সকল সূন্যমের বিপদায় ঘটতে লাগিল সূখের সাগর নিরাপদ হিন্দু সমাজও তেমনি তেমনি গুণাঠয়া মক্ভামতে পরিণত হইতে লাগিল।

এইখানে আবার একজনের ঘাড়ে দোষ না চাপাইলে এ সমস্তার মীমাংসা হয় না। এখন এই অধঃপতনের কারণ স্বরূপে কাহাকে দাঁড় করান যায় সেইটাই ভাবিবার কথা। একটু নিব্বিষ্টচিত্তে কোনরূপ

পক্ষপাতিত্ব না করিয়া ভাবিলে শিষ্যদের দোষ অপেক্ষা গুরুর দোষটাই যেন ক্রমে বেশী জাগিয়া উঠে। কেন তাহাই বলিব। অবশ্য আমার এই রূপ মনে হয়, হয়ত আমার ভুলও হইতে পারে কিন্তু আমার পক্ষে যে সকল যুক্তি আছে তাহা ধীর ভাবে আগে শোনা দরকার তারপর যাহার যাহা কিছু বক্তব্য থাকে বলুন।

হিন্দুর শাস্ত্রানুসারে গুরু মনুষ্য নহেন। হিন্দু গুরুকে উপাস্ত্র দেবতার সমান জানিত এবং সেইভাবে সমান পূজা করিত, সম্মান দিত; এখনও সমাজে গুরুর নেবতুল্য সমাদর দৃষ্টিগোচর হয়।

সিদ্ধে সাধাতুল্যতা প্রাপ্তই সিদ্ধ। গুরু সিদ্ধ বলিয়াই গুরুকে ইষ্টতুল্য জ্ঞান করিবার ব্যবস্থা শাস্ত্র দিচ্ছিলেন। তাহা হইলে সহজেই বোঝা যায় যে, অসিদ্ধ ব্যক্তির গুরুপদবীতে অভিজীত চর্চিবার অধিকার নাই। তবে যে নিজে অসিদ্ধ হইয়া গুরু পদবীতে বসিতে যাওয়া অজ্ঞান মূলক অনধিকারে অধিকার বা হঠকারিতা একথা কে অস্বীকার করিবে? কুল-ক্রমাগত ব্যবধান বিবেচনায় নিজে অনুপযুক্ত হইয়াও উপযুক্তের স্নায় কার্যা করিতে যাইয়া, এক অন্ধ যেমন অপর অন্ধকে পথ দেখাইতে গিয়া, উভয়েই কুপেতে পতিত হয়, সেইরূপ নয় কি? যে মান সিদ্ধব্যক্তি ভৃগতুল্য জ্ঞান করেন সেই দেব-গৌরব সাধনহীন প্রাকৃত স্বভাববিশিষ্ট ব্যক্তি ধারণ করিতে চান কি বলিয়া তাহা আমরা বুঝিতে পারি না। উপযুক্ত পরিপাক শক্তি না থাকিলে কি গুরুপাক খাত্ত দ্রব্য জীর্ণ হয়? বরং জোর করিয়া খাইলে কঠিন ব্যাধিই হইয়া পড়ে। শাস্ত্রোক্ত সমাচারিত গুরুগৌরবের পরিণামফল অথবা অপব্যবহার নিবন্ধন এখন বিষময় হইয়া পড়িয়াছে। সম্মানের লোভে বিমোহিত হইয়া গুরুবংশধরগণ নিতান্ত অপরিণামদর্শী হইয়া ক্রমশঃ বিজ্ঞার অনাদর করিয়া বিলাসিতার শ্রোভে গা ভাসাইয়া দিয়াছেন তাহাতে ফল হইয়াছে এই যে, যাহার গৌরবে গৌরব ছিল

সেই সাধন, সেই শাস্ত্রাঙ্কুশীলনাদি তৃণের মত ভাসিয়া গিয়াছে। থাকিবার মতো আছে কেবল পুরুষপুরুষগণের কীটদষ্ট জীর্ণপীতি (মহু লেখা কাগজ) আর তিলকমালা ও মনোযোগশূন্য দায়সারা লোক দেখান আত্মিকপূজা। পাঠকগণ, তবু নাট এ কিন্তু আমি বর্তমান সময়ের কোন সম্প্রদায় বিশেষ বা ব্যক্তিবিশেষকে লক্ষ্য করিয়া এ সকল কথা বলিতেছি না। আপনারা আশ্বস্ত হউন, আমি ধীরে ধীরে আলোচনা করিতে করিতে বর্তমান সময় পর্য্যন্ত আসিব এইরূপই আশা আছে। আমি যখনকার কথা বলিতেছি তখন এইভাবে গুরুগণ বিদ্বাশূন্য, সাধনহীন, মনুসার “মুখভাগবতী” পরায়ণ, কেবল আত্মভরণপটু হইয়া বার্ষিক আদায়েই উৎসর্গ ছিলেন। শিষ্যরাও সকল ব্যক্তিরা ক্রমে হাত সঙ্কোচ করিলেন। তখন আর চলে না, অগত্যা গুরুবংশধরেরা কেহবা চাকুরী, কেহ বা ব্যবসাবাণিজ্য প্রকৃতি আরম্ভ করিলেন। ক্রমে ধর্মসমাজ গুরু বংশধরগণ দ্বারা অবনতিরদিকেই অগ্রসর হইতে চলিল।

সকলই চিন্তাশীল পাঠকগণ! এখন বলুন দেখি এ দোষটা যে উপর হইতে উৎপত্তি হইয়াছে তাহা অস্বীকার করি কেমন করিয়া? গুণবানে প্রীতি যেমন স্বাভাবিক, গুণহীনে অন্যাদরও তেমনি স্বাভাবিক। এখনও সমাজ যে এত বিকৃত হইয়াছে তথাপি প্রকৃত সাধুর অন্যাদর করিতে সমর্থ হয় কয়জনে? গুরুগণ যদি প্রকৃত গুরুপদবীর যোগ্যগুণে বলবান থাকিতেন তবে কার সাধ্য তাঁহাদের অন্যাদর করে। কিন্তু তাঁহাদের সে তেজ কোথায়? তাঁহারা বিদ্বাশিষ্যেবন না, সাধনবল সঞ্চয় করিবেন না, কেবল পীতিতে লেখা মন্ত্র কাণে ফুঁকিয়া বংশের গৌরব দেখাইয়া বোলআনা মহিমাটুকুর দাবী করিবেন, ইহাতে লোকের শ্রদ্ধা বা ভক্তি থাকিবে কেন? শ্রদ্ধা বা ভক্তি কি কষ্ট কল্পনা করিয়া হয়? উহা স্বভাবতঃ গুণ-পক্ষপাতী।

পাঠকগণ শুনিলে অবাক হইবেন এখন পর্য্যন্তও অনেক স্থানে দলিলে বা চৌকিদারী কাগজে কতকগুলি লোকের ব্যবসা "ঠাকুরালী" বলিয়া লেখা হয়। বলা বাহুল্য ইহা গুরুগিরির নামান্তর। আপনারা বিচার করিয়া বলুন দেখি যাহা এক সময় ভক্তির দান ছিল, তাহা যে এখন ব্যবসায় পরিণত হইয়াছে ইহা কি অধঃপতনের কথা নহে ?

ব্রাহ্মণগণ নিজ নিজ সাধনায় সিদ্ধ হইয়া সকলের পূজা পাইতে লাগিলেন, নানাশাস্ত্রে তাঁহাদের উচ্চমতিমা কীর্ত্বিত হইল। ক্রমে তাঁহাদের বংশধরগণ বিলাসিতার মোখে ব্রাহ্মণোচিত গুণে অনাদর করিয়া শাস্ত্রোক্ত ব্রাহ্মণ মহিমাটুকুর ষোল আনা দাবী করিয়া বসিলেন ! সদাচার রক্ষার জন্ত কোলিনা প্রথা স্থাপিত হইয়া নবধাকুললক্ষণের বিধি হইল। কিন্তু কুলিন সন্তানগণ একধামাত্র সুলক্ষণের উত্তরাধিকারী না হইয়া শত শত অনাচার করিয়াও পৈত্রিক কুলমর্যাদার ষোল আনা দাবীদার হইয়া বসিল। আমার মনে হয় হিন্দুসাজে গুণগত মর্যাদা যে ক্রমে বংশগত হইয়া পড়ে ইহাই সমস্ত অবনতির মূল।

এখন পর্য্যন্ত যাহা দেখিতেছি ইহার পর হয়ত ডাক্তারের ছেলেকে ডাক্তার বা হাকিম উকিলের ছেলেকে হাকিম উকিল না বলিলে মানহানি উপস্থিত হইবে। আমার এ সকল কথায় কেহ যেন মনে করিবেন না যে, আমি এই সকল মহৎশের গৌরব বিধেবী। আমি তাঁহাদের শত শত অনাচার অত্যাচার দেখিয়াও অবনত মস্তকে তাঁহাদের গৌরব স্বীকার করিব। কিন্তু কর্তব্য পরামুখতার জন্ত উচিত সমালোচনা করিতে ভয় পাইব কেন? তাঁহারা যদি নিজ নিজ বংশ-গৌরব রক্ষা করিতে যত্নশীল হন, তাহাতে আমাদের আনন্দ হইবে। আর আমাদের এই সমালোচনাও সার্থক মনে করিব।

আলোচনাক্ষেত্রে একটু একটু করিয়া আমি আমার বক্তব্য বিষয় হইতে অনেকটা দূরে আসিয়া পড়িয়াছি। বৈষ্ণবধর্মের অবস্থা আলোচনা করাই আমার উদ্দেশ্য। প্রসঙ্গক্রমে ছ'একটা কথা বলিয়াছি রাগ করিবার ইচ্ছাতে কিছুই নাই। আমি যাহা বলিলাম সত্য কি না ধীরভাবে আলোচনা করিয়া দেখিবেন, তবে—

“মনুষ্যানাং স্বরূপ কথনং নিন্দা, দেবানাং স্বরূপকথনং স্তুতিঃ।”

এই হিাবাবে যদি কেহ নিন্দা বলিয়া ধরিয়া লন, তাহা হইলে আমি নাচার।

ক্রমশঃ

বিশ্ব-হিতে অন্ধপ্রেম

(শ্রীযুক্ত নৃসিংহদেব বন্দ্যোপাধ্যায় লিখিত ।)

মানুষের সুখ কি এবং কিরূপে তাহা লভ্য? এ কথার বোধ হয় সর্ববাদী সম্মত উত্তর এই যে, মনুষ্যত্বই সুখ এবং মনুষ্যত্বের বিকাশেই তাহা লাভ করা যায়। এই মনুষ্যত্বের উন্মেষ আবার কিরূপে হয়? কর্তব্যপালনেই মানুষের মনুষ্যত্ব উন্মেষিত হইয়া থাকে।

কর্তব্যপালনেই মানুষের ধর্ম। তাই দেখিতে পাই, কর্তব্যপালনরূপ মানবধর্মের উপর মানুষের একটা স্বাভাবিক প্রবৃত্তি রহিয়াছে। যেখানে তাহার অভাব দেখিব, বুঝিতে হইবে, সেখানে মানব-হৃদয়ে অস্বাভাবিক অবস্থা ঘটিয়াছে। কর্তব্যপালনে ঔদাসীন্য যথার্থ মানব-হৃদয়ের স্বাভাবিক প্রবৃত্তি কখনই হইতে পারে না। কারণ তাহাহইলে মানুষ ও পশুতে কোন প্রভেদ থাকে না। যেহেতু পশুর স্বাভাবিক কর্তব্যজ্ঞান নাই এবং কর্তব্যপালনে প্রবৃত্তিও তাহার নাই। কিন্তু মানুষের আছে। এই গুণেই মানুষ—মানুষ; আর এই গুণের অভাবেই পশু—পশু।

পশু-পক্ষী কীট-পতঙ্গাদি মানবের প্রাণীগুলি এই ধরাপৃষ্ঠে বিচরণ

করিয়া বেড়াই, কোন কর্তব্যাকর্তব্যের ধার অবশ্যই তাহারা ধারে না। কৃপা হইলেই পায়, নিদ্রা আসিলেই শয়ন করে। এই পর্য্যন্ত। সুখ বা দুঃখের একটা অনুভূতি তাহাদেরও অন্তরে আছে বটে, কিন্তু তাহাও “আছে” ঐ পর্য্যন্ত। তা ছাড়া আর কিছই তাহারা জানে না।

কিন্তু মানুষ তাহা কখনই নহে। মানুষের জন্ম ও জীবন কখনই পঙ্ক-পক্ষীর জন্ম-জীবনের এক পর্য্যয়ে ফেলিতে পারা যাইবে না। মানব ও মানবের প্রাণীর মধ্যে পার্থক্যের কথা বলিতে হইলে, এক কথাই ইচ্ছাই বলিলে যথেষ্ট হইবে যে, মানবের, ধর্ম—কর্তব্যজ্ঞান এবং মানবের প্রাণীর ধর্ম,—কর্তব্যজ্ঞানহীনতা।

মানুষেরও এই কর্তব্যজ্ঞান আবার সর্বকালে এবং সর্বাবস্থায় একই-রূপ থাকে না। সময় এবং অবস্থা-বিশেষে মানুষেরও এই একান্ত এবং স্বাভাবিক মানবধর্মের উৎকর্ষাপকর্ষ ঘটিয়া থাকে। তবে একথা সত্য যে, মনুষ্যজীবন বলিতে আমরা যাহা বুঝি, তাহা স্বয়ং এই স্বাভাবিক মানবধর্ম প্রভাবেই নিয়ন্ত্রিত হইয়া থাকে। কিন্তু ব্যক্তি-বিশেষের অন্তররাজ্যে অবস্থা এবং সময়বিশেষে এই মানবধর্মের প্রাবল্য অথবা দৌর্বল্য যেমন ঘটিয়া থাকে—মানবজীবন তাহার ঐ স্বাভাবিক ধর্ম প্রভাবেই প্রভাবান্বিত এবং নিয়ন্ত্রিত হয় বলিয়া,—সেই ব্যক্তির মনুষ্যত্বও তেমনি তখন ঐ মানবধর্মের প্রাবল্য অথবা দৌর্বল্যের হিসাবেই অধিকতর বিকশিত হয় অথবা বিমলিন হইয়া পড়ে।

ফলকথা কর্তব্যজ্ঞানই হইল, মানুষের ধর্ম এবং সেই কর্তব্যপালনই মানুষের জীবন। কর্তব্যজ্ঞানের এবং কর্তব্যপালনস্পৃহার অন্তর্ভা অথবা আধিক্য লইয়াই বাষ্টি হিসাবেও প্রত্যেক মানুষের মনুষ্যত্ব পরিমাণ করিতে হয়। মানুষরূপে জন্ম লাভ করিয়া একদিনেই কেহ মানুষ হইতে পারে না। মনুষ্যত্ব লাভ করিতে হইলে বহু সাধনার প্রয়োজন হয়। প্রত্যেক মানুষের সম্বন্ধেই একথা বলিতে হইবে যে, তাহার কর্তব্যজ্ঞান যতই বর্দ্ধিত এবং কর্তব্যপালনস্পৃহা যতই বলবতী হইবে, তাহার মনুষ্যত্বও ততই অধিকতর বিকশিত হইতে থাকিবে। মানুষ যত “মানুষ” হইতে থাকিবে, তাহার কর্তব্যের সীমাও ততই অধিকতর বিস্তৃত হইতে থাকিবে। তখন আর ক্ষুদ্র সীমানক গৃহকোণে

আবদ্ধ থাকিয়া আপনার এবং আপনার স্ত্রী-পুত্র-কন্যার প্রতি কর্তব্য-পালন করিগাই মানুষ তৃপ্ত থাকিতে পারিবে না। তখন গৃহ ছাড়িয়া গ্রাম, গ্রাম ছাড়িয়া ক্রমশঃ দেশের কাছে মানুষের কর্তব্য আসিয়া পড়িবে। তারপর আরও অগ্রসর হইয়া মানুষ সমগ্র জগতের জন্য আপনার কর্তব্য বুঝিতে চাহিবে এবং অবশেষে বিশ্বের হিতে আপনাকে চালিয়া দিবে। মানুষের প্রাতি বিধাতার হঁহাই নির্দেশ।

বিধাতা সাধ করিয়া এই যে বিশ্ব সৃষ্টি করিয়াছেন এবং অফুরন্ত সৌন্দর্য্য দিয়া এমন ভাবে যে তাহাকে সাজাইয়াছেন, সে সৌন্দর্য্যের অন্তর্ভুক্তি শুদ্ধ মানুষের অন্তরেই আছে। পশুপক্ষী, কীটপতঙ্গ, স্থাবর-জঙ্গম, সর্ব্ব চরাচরই তাঁহার সৌন্দর্য্য সৃষ্টির উপাদান হইলেও, সে সৌন্দর্য্যের অন্তর্ভুক্তি এই সকলের কাহারও ভিতর তিনি দেন নাই। দিয়াছেন— শুদ্ধ মানুষের অন্তরে। মানুষই বিশ্বরচয়িতার সৌন্দর্য্য-সৃষ্টির প্রধানতম ও শ্রেষ্ঠতম উপাদান এবং এই সৌন্দর্য্যের অন্তর্ভুক্তিও তিনি তাই শুদ্ধ মানুষের অন্তরেই দিয়া রাখিয়াছেন। মানুষকে লইয়াই তিনি এই বিশ্বের লীলাখেলা করিতেছেন, মানুষকেই আবার সে লীলা-মাহাত্ম্য বৃষ্টিবারও শক্তি এবং সমর্থ দিয়াছেন। মানুষ যে কে এবং কত বড় অথবা মানুষের পরিপূর্ণ বিকাশ যে কিরূপ তাহা মানুষকেই বঝাইবার জন্ত তিনি আবার মানব-বুদ্ধি ধারণ করিয়া পরাতলে মানুষের মধ্যই আবির্ভূত হইয়া থাকেন। মানুষই ভগবানের বিশ্বসৃষ্টির যন্ত্র, মানুষই ভগবানের বিশ্বপালনের আধার, মানুষই ভগবানের বিশ্বধ্বংসের অস্ত্র। সৃষ্টি-সৃষ্টি-লয় তিনি মানুষকে দিয়াই করিয়া থাকেন। তাঁহার ভাঙ্গা-গড়া-রাখা সকলেরই মূল উপলক্ষ আছে,—মানুষ। মানুষই ভগবানের হাতের পুতুলের মত বিশ্বসৃষ্টির সেই আদিকাল হইতে বিশ্বের কাজ করিয়া যাইতেছে। কথাটা এই যে, শ্রীভগবান যন্ত্রী, আর মানুষ তাঁর হাতের যন্ত্র মাত্র।

তাহা হইলেই ভগবানের সৃষ্টি এই বিশ্বের হিতসাধনই যে মানুষের কর্তব্য তাহাতে ত আর কোনই সন্দেহের অবসর মাত্র নাই। এই কর্তব্য মানুষকে বুঝিতে হইবে এবং এই কর্তব্যপালনে সচেষ্ট হইতে হইবে। মানুষের প্রাতি বিশ্ববিধাতার ইচ্ছাই যে বিধান। এই বিধিনির্দিষ্ট বিধানের অনুবর্ত্তী হইতে যে মানব যতটুকু পরিমাণে সমর্থ হইবে, তাহার জীবনও

ততখানি সার্থক হইবে। মানুষের মনুষ্যত্বের পরিপূর্ণ বিকাশই যে বিশ্বের হিতসাধনে আত্মনিয়োগ! বিশ্বশ্রমের মহামতিমার মধ্যে আপনার ক্ষুদ্র ক্ষুদ্র স্বভাৱ ডুবাইয়া দিয়া একান্ত ভাবে তদীয় শ্রমোষ বিধানের অনুবর্ত্তী হওয়াই যে মানবের কর্তব্য এবং এইখানেই যে মানব-জীবনের সার্থকতা।

বুঝিলাম, কর্তব্যজ্ঞান মানবমনের স্বাভাবিক ধর্ম এবং কর্তব্যপালন মানব-জীবনের একমাত্র ভিত্তি। এখন আমরা বুঝিতে চাহি যে, মানব-জন্মের এই স্বাভাবিক কর্তব্যজ্ঞান কোন শক্তির বলে নিয়ন্ত্রিত হইয়া মানবকে কর্তব্যপালনে উৎসুক করে! যদি বল,—এই কর্তব্যজ্ঞানই যখন মানব হৃদয়ের এষ্ট স্বাভাবিক বৃত্তি, তখন সেইজ্ঞানই স্বয়ং মানুষকে কর্তব্যপালনে প্রণোদিত করে! আবার কে করিতে আসিবে! এ কথা স্বীকার করিলেও তাহার উত্তরে আমাদের এইমাত্র বক্তব্য যে, মানুষ যদি শুদ্ধ কর্তব্যের খাতিরেই কর্তব্যপালনে উৎসুক হইত, তাহা হইলে তাহা সম্পূর্ণ এবং সর্বাঙ্গসুন্দর হইত না। তাহাতে একটা অপূর্ণতা রাখাই যাইত। কর্তব্যপালন মনবজীবনের একমাত্র ভিত্তি হইলেও এ ভাবে কর্তব্যপালনে আমরা মনুষ্যত্বের সম্পূর্ণ বিকাশ দেখিবার আশা করিতে পারি না। এইরূপ খাতিরে পড়িয়া যে কর্তব্যপালন, তাহার নিত্যকাল-ব্যাপী স্থায়িত্ব সম্বন্ধেও প্রচুর সন্দেহের অবসর আছে এবং এরূপ কর্তব্যের সীমাও নিশ্চয়ই দূর প্রসারিণী হইবার সম্ভাবনা নাই। শুদ্ধ জ্ঞানের প্রেরণাতেই যদি মানবের কর্তব্য পরিচালিত হইত তবে তাহা মানবের প্রাণীসমূহের কর্তব্যগুলির চেয়ে খানিকটা অগ্রসর হইলেও খুব বেশীদূর যাইতে পারিত না। ব্যবহারিক জগতেও আমরা নিত্য দেখিতে পাই, খাতিরে পড়িয়া অথবা অসুরোধের বশে যে কার্য করা হয় তাহা কি সর্বাঙ্গসুন্দর হয়? না, তাহাতে তেমন মাধুর্য্য থাকে? দায়ে পড়িয়া যেটা করতে হয়, কঠোর কর্তব্যের মুখ চাতিয়া হয় বিরক্তিপূর্ণ অন্তরে নয় ত ভীতিবিহ্বল শুষ্কপ্রাণে কোনরকমে সেটা সারিয়া দিয়া দায় মুক্ত হওয়া যায় মাত্র। সে কার্য সাধনে, না পাওয়া যাক অন্তরে আনন্দ; না হয় প্রাণে শান্তি। যে কর্তব্যপালন মানব জীবনের একমাত্র ভিত্তি, অথবা সম্পূর্ণ মনুষ্যত্বের সুখময় অবস্থা,—এরূপভাবে সেই কর্তব্যপালন একটা আত্মবঞ্ছনা ছাড়া আর কি বলিব? এরূপভাবে কর্তব্যপালন করিয়া মানবাত্মার তৃপ্তি

ও শাস্তিলাভের সম্ভাবনা আছে কি ? হোক না, মানবের সে কর্তব্য বিশ্বহিত সাধন ! তাহাতে কি আসে যায় !

স্বীকার করি, মানবের প্রাণীর কর্তব্যজ্ঞান নাই এবং মানবের তাহা আছে, কিন্তু শুদ্ধ এই কঠোর জ্ঞানের অনুপ্রেরণাতেই যদি মানুষের মন কর্তব্যপালনে পরিচালিত হইত, তাহা হইলে একদিন না একদিন তাহাকে ত্যক্ত-বিরক্ত হইয়া কর্তব্যের সম্মুখ হইতে পলাইয়া আসিতে হইত। সুতরাং মনুষ্যজ্ঞের পূর্ণাবস্থা ঘটিবার সম্ভাবনা থাকিত না এবং মানবজীবন সর্বাস-সুন্দর— এক কথায় সার্থক হইত না।

তবে উপায় কি ! বিধিবহিত বিশ্বহিতসাধন তবে কি মানবের দ্বারা সম্ভবপর নহে ? তাহার এই কর্তব্যজ্ঞানটা কিভাবে একবারেই নিরর্থক ? না, একবারেই নিরর্থক এমন কথা বলি না। এই কর্তব্যজ্ঞান আছে বলিয়াই মানুষ বিশেষ অপর সকল প্রাণীর চেয়ে শ্রেষ্ঠ। মানুষই সৃষ্টির শ্রেষ্ঠ জীব। তবে তাহার এই জ্ঞান সার্থক হয় তখনই, যখন তাহা প্রেম গিয়া আত্মসমর্পণ করে। যে জ্ঞানবলে মানুষ অপর সকল প্রাণীর চেয়ে শ্রেষ্ঠ বলিয়া স্বীকার করিতে ছ, সেই জ্ঞানই যে মানুষের স্মৃগময় মনুষ্যত্ব বিকাশের একমাত্র উপকরণ ইহা কিন্তু স্বীকার করিতে পারি না।

পূর্বেই বলিয়াছি, বিশ্বের হিতসাধন মানবের কর্তব্য। কিন্তু মানবের এই কর্তব্যজ্ঞান যদি প্রেমকে পুরোভাগে লইয়া সেই বিশ্বহিতসাধনে অগ্রসর হয়, তাহা হইলে সে সিদ্ধিলাভ করিতে পারিবে। নতুবা তাহার সিদ্ধিলাভের আশা সুদূরপর্যন্ত। অসম্ভবও বলিতে পারি।

জ্ঞান চক্ষুমান। সে সমস্তইই দেখিতে পায়। ভালমন্দ, সুবিধা-অসুবিধা বিচার করিতে পারে। বুঝিয়া ব্যাঘ্রিয়া তিলাব করিয়া তালে তালে পা ফেলে। একটা কাজও সে নিষ্কিচারে করে না বা করিতে পারে না। প্রত্যেক বিষয়ের খুটিনাটী সে তন্ন তন্ন করিয়া খুঁজিয়া দেখে। প্রতি কার্যের ক্রেতা বিচ্যুতি স্বপ্ন এবং সূতীক্ষ্ম দৃষ্টিতে ধারণা ফেলে। তাহার বিচার করিবার নৈপুণ্য আছে, বিবেচনা করিবার শক্তি আছে ; সেইজন্য বিশ্বের যাবতীয় বিষয়ই সে আপন বিচার বিবেচনায় ভাল করিয়া বুঝিয়া লয়। তাহার চক্ষু আছে সে দেখিতে পায়। স্বকীয় বিবেচনার বাহিরে তাই সে একপদও অগ্রসর হয় না তাহার বিবেচনার বাহিরে সে আর কিছুকেই আমল দিতে চায় না।

কিন্তু প্রেম অন্ধ। শুধু অন্ধ নয়, বিচার ও বিবেচনার কোনই ধার সে ধারে না। সে একরূপ পাগল। সেইজন্য যারা তাহার আকাঙ্ক্ষিত, যাহাকে সে পাইতে চায়; তাহাকে পাইবার জন্যই আত্মহারা। বাস্তবকে পাইবার জন্য সে আপনার সব্বস্ব ত্যাগ করিতে পারে। বাস্তবের নিকট সে আপনাকে বলি দিতে পারে। যেহেতু সে অন্ধ—সে পাগল, সে বিচার-বিবেচনার অতীত। কিন্তু জ্ঞান তাগা পারে না। যেহেতু সে বিচার-বিবেচনার অধীন। জ্ঞান তাহার বিচার-বিবেচনার শক্তি লইয়া নিজের-স্থান করিয়া লইয়াছে,—মাহুষের মাপায়। আর প্রেম—বিচার-বিবেচনা শক্তি হীন অন্ধ প্রেম তাহার আসনখানি পাত্তায়াছে,—মাহুষের স্তম্ভ মধ্যে!

জ্ঞান যাহা বিশ্বহিতসামন করিতে বিবেচনা করিয়া। বুঝিয়া বুঝিয়া হিসাব করিয়া সূক্ষ্ম দৃষ্টিতে চারিদিকের সুবিধা অসুবিধা দেখিতে দেখিতে যে অগ্রসর হয়। সুবিধা বোধে ত খুব দ্রুত অগ্রসর হয় বটে, কিন্তু অসুবিধা দেখিলেই আবার পিছাইয়া পড়ে। তাই মনে হয়, বিশ্বহিতসামন কর্তব্য বলিয়া জ্ঞানগণ একাকী জ্ঞান শেষ পর্যন্ত সে কর্তব্য পালন করিয়া উঠিতে পারবে কি না তাহাতে অবশ্যই সন্দেহ রাগিয়াছে। কিন্তু প্রেম কোন দিকে চাহিয়া দেখিতে জানে না। যেখানে সে যাইতে চায়, যাহাকে সে পাইতে চায়; সেখানে তাহার কাছে সে যাইবেই। তাই বলিতেছি এই বুদ্ধিভক্তিহীন পাগল যদি জ্ঞানের সঙ্গে থাকে, তাহা হইলে কিন্তু জ্ঞানের কর্তব্য পালন অসম্ভব নয়। পাগল যেমন করিয়াই হউক জ্ঞানকে টানিয়া লইয়া গিয়া তাহার কর্তব্য দেবতার পায়ের তলে তাহাকে ফেলিয়া দিবে। জ্ঞান ভাবিয়া চিন্তিয়া তাহার গন্তব্য পথের সুবিধা অসুবিধা বুঝিতে চাহিলে কি হইবে, এত পাগল যদি তার সঙ্গে থাকে, তাহা হইলে সে যে তাহাকে আদৌ বুঝিবার অবসরই দিবে না। যতক্ষণ জ্ঞানের নির্দিষ্ট স্থানে তাহাকে পৌছাইয়া দিতে না পারিবে, ততক্ষণ সে কিছুতেই ছাড়িবে না? বুদ্ধিভক্তি নাই এবং বিচার-বিবেচনা কিছুই সে করে না বটে, কিন্তু অন্ধের ক্ষমতা যে অসীম!

জ্ঞান জানে, বিশ্বহিতসামন তাহার কর্তব্য। ইহাই তাহার প্রতি বিমাতার নির্দেশ। এ কর্তব্য বড় কঠোর! কিন্তু কঠোর হইলেও ইহা

পালন করিতেই হইবে। ইহা, বিধাতার নির্দেশ। ইহা যে তাহার আদেশ। ইহাই বুদ্ধি জ্ঞান চলিয়াছে। সে কর্তব্য পালনে ইহাতে তাহার আনন্দ নাই। কর্তব্যের জন্তই যে কর্তব্য পালনে চলিয়াছে। শুধু হৃদয়ে মগ্নি মুখে জ্ঞান চলিয়াছে, তাহার অতি কঠোর কর্তব্য দেবতার পূজোপকরণ মাথায় লইয়া। ভাবনায় সে বিভোর হইয়াছে নানারূপ সন্দেহ দোলায় তাহার হৃদয় আন্দোলিত হইতেছে। একবার ভাবিতেছে পূজোপকরণ যথাযথ লইয়াছি ত ? দেবতা ইহাতে সন্তুষ্ট হইবেন ত ? যে পথ অবলম্বন করিয়াছি, এই পথেই কি নির্দিষ্ট স্থানে পৌঁছিতে পারিব ? হয় তো পথভুল হইয়াছে ; ফিরিল ! আবার অন্য পথ ধরিয়া নবোত্তমে খুব দ্রুত কিছুদূর অগ্রসর হইল। আবার ভাবিতে বসিল এইরূপে আশার আলোকরশ্মি সম্মুখে দেখিয়া কখনও বা কিছুদূর ছুটিয়া যাইতেছে। আবার হরতো বা কখনও নৈরাশ্রের অন্ধকারে পথ হারাইয়া আপন মনে ভাবিতেছে এ ভাবে সে কতদিনে যে আপনার নির্দিষ্ট স্থানে পৌঁছিতে তা কে বলিবে ! এমন বিচার-বিবেচনা করিতে করিতে জ্ঞানের যে অনন্ত কাল কাটিয়া যাইবে ; তবে একা সে কেমন করিয়া এই বিশ্বহিতসাধন রূপ তাহার কর্তব্য দেবতার মহাপূজা সার্থক করিবে !

কিন্তু পাগল প্রেম জ্ঞানের সঙ্গে থাকিলে, সে তাহাকে এমন ভাবে বসিয়া ভাবিতে দিবে না। পাগল তাহাকে একবারে, টানিয়া লইয়া যাইবে। অন্ধের কাছে আশার আলোকের শিখাও নাই, নৈরাশ্রের অন্ধকারও নাই। আশা-নৈরাশ্রের ধার সে ধারে না, ভাল মন্দের বিচারও সে করে না অসুবিধা অসুবিধা কিছা লাভ ক্ষতির হিসাবও সে দেখে না, সুখ দুঃখের তোয়াকাও সে রাখে না, সে চলিয়াছে ত চলিয়াছে বারণ কর্ত্তনাবে না, বাধা দেও মানিবে না, অসুবিধার কথা সহস্রবার বুঝাইতে যাও ভ্রক্ষেপও করিবে না।

জ্ঞানের কর্তব্য পূজার আয়োজন, আর প্রেমের কর্তব্য পূজার। ভাবটা একবার তুলনা করিয়া দেখ, আয়োজন আর কি ছাই! পাগলের কোনই উত্থোগ-আয়োজন নাই। পাগল দেখ বিরাম বিহীন ছুটিতেছে তাহার দেবতার উদ্দেশ্যে, দেখ দেখ, অন্ধের নোড় দেখ। অন্ধ আশে পাশে পশ্চাতে কোন দিকেই চাহিতেছে না, চাহিয়া সে কি করিবে? সে যে কিছুই দেখিতে পাইবে না তাই সে বিরামবিহীন ছুটিতেছে, যতক্ষণ পর্যন্ত সে তাহার নির্দিষ্ট স্থানে না পৌঁছিতে পারিবে, ততক্ষণ আর থামিবে না। দেখ দেখ তাহার অবস্থাটা একবার দেখ, আঘাত লাগিয়া পড়িয়া যাইতেছে, তবু কাগরও সাহায্য চাহিবে না। চাহিবে কাহার কাছে? তাহার বাঙ্কিত ছাড়া আর যে কেউ কোথাও আছে বা থাকিতে পারে, এ ধারণাই যে তাহার নাই তাই সে পড়িয়া গিয়া নিজেই উঠিতেছে উঠিয়া আবার তেমনি ছুটিতেছে নিজেকেও সে হারাফ্যা ফেলিয়াছে। পদে কত কণ্টক বিদ্ধ হইতেছে, লক্ষাই নাই অবিরত ছুটিতেছে। এমনই করিয়া তাহার দেবতার চরণতলে যখন সে আছড়ানিয়া পড়িবে তখন সে আর কোথাও যাইবে না কিছুই চাহিবে না। তখন তাহার কর্তব্য পালন শেষ হইবে।

বিশ্বহিতসাধন একমাত্র কর্তব্য হইলেও জ্ঞানের কর্তব্য পালন ও প্রেমের কর্তব্য পালনে এইরূপ পার্থক্য রহিয়াছে। এই পার্থক্য দেখিয়া আমরা এখন কি বুঝিব? বিশ্বহিতসাধনরূপ মানবকর্তব্য পালনে কে সমর্থ? মানবের মস্তিষ্কে অবস্থিত প্রাদীপ্তক জ্ঞান? না, মানবহৃদয়ের অন্ধ প্রেম?

শুধিতেছে ধার

আর যে সহিতে নারে
বিরহ তাহার।
প্রাণ মোর কাঁদিতেছে
করে হাহাকার ॥

মানো না আঁখিটা মোর
ঢালে অশ্রুধার।
বুঝিবা নীরবে তার
শুধিতেছে ধার ॥

শ্রীঅনাথবন্ধু ভট্টাচার্য্য।

গ্রন্থ-সমালোচনা ও প্রাপ্তি স্বীকার ।

রামায়ণের কথা ও অশ্বপূর্বক বিবাহ—মহারাজ বাহাদুর সার ৩নরেন্দ্রকৃষ্ণ দেব, কে, সি, আই, ইর পুত্র শ্রীযুক্ত শৈলেন্দ্রকৃষ্ণ দেব প্রণীত । ২৫নং শ্রামপুকুর ষ্ট্রীট শ্রীযুক্ত অরবিন্দকৃষ্ণ দেবের নিকট পাওয়া যায়, মূল্য ১২ মাত্র ।

গ্রন্থখানি যে দুইখানি স্বতন্ত্র গ্রন্থের সমষ্টি তাহা গ্রন্থের নামেই বোঝা যায় । প্রথম গ্রন্থখানি রামায়ণের কথা । ইহা পাঠ করিতে করিতে গ্রন্থকারের উত্তম ও অধাবসায়ের প্রশংসা না করিয়া পারা যায় না । নানাশাস্ত্র আলোচন করিয়া গ্রন্থকার খুব সাবধানের সচিত্ত রামায়ণসম্বন্ধে বহু জ্ঞাতব্য বিষয় অতি সুন্দর ভাবে লিপিবদ্ধ করিয়াছেন । আরও একটা সুবিধা এই যে, কোথা হইতে কোন প্রমাণ গ্রহণ করা হইয়াছে তাহাও প্রত্যেকটিরই স্থচা দেওয়া হইয়াছে । সুতরাং পাঠকগণ ঠিক করিলে অমাবাসেই মূল গ্রন্থের সচিত্ত উদ্ধৃত অংশ মিলাইয়া দেখিতে পারেন । গ্রন্থখানি ঐতিহাসিক পদ্ধতিতে লেখা । গ্রন্থকারও ভূমিকার মধ্যে বলিয়াছেন—“রামায়ণের কথা—ইহা ঐতিহাসিক তত্ত্বপরীক্ষা । আমি কতকগুলি অনুবাদিত গ্রন্থ সাহায্যে রচনা করিয়াছি । ষাঁহারা সংস্কৃতজ্ঞ তাঁহারা অত্র গ্রন্থ হইতে উত্তরোত্তর আরও অনুসন্ধান করিলে প্রকৃত তথ্য নিশ্চয় জানা যাইবে । বহু বিখ্যাত রাজার নাম স্বপ্নেদ ও পুরাণে পাওয়া যায় । তাহাদের পৌরাণিক গল্প বাদ দিলে যথার্থই ইতিহাস আবিষ্কৃত হইবে । ইহাতে আর এক উপকার হইবে, ষাঁহারা এক্ষণে পুরাণাদি গ্রন্থকে বিবেচনা করেন ইহাতে কোন কাজের কথা নাই ; তাহা পড়িয়া সময় নষ্ট করা যাত্র, তাহারা পড়িলে বুঝিবেন ইহাতে ইতিহাস নিহিত রহিয়াছে ; যদিও বহুিক আবৃত আছে । ইহা ব্যতীত নৈতিক সিদ্ধান্তের বিবৃতি অপৰ্যাপ্ত । জ্ঞানপূর্ণ প্রবাদ বাক্য সম্বন্ধে যুরোপ আমাদিগকে কিছু নূতন উপদেশ দিতে পারেন না, তবে সেই নৈতিক সিদ্ধান্ত পুরাণাদির নানাস্থানে ছড়ান রহিয়াছে । কতক দৃষ্টান্ত এই পুস্তকের অন্তর্ভূত করিয়াছি ” গ্রন্থকার সংস্কৃত শ্লোক তুলিয়া গ্রন্থের কলেবর বৃদ্ধি না করিয়া মূলের প্রকৃত অনুবাদ

দিয়াছেন। কাজেই সাধারণ পাঠকেরও ভয়ের কারণ নাই। আমাদের মনে হয় গ্রন্থখানি একাধারে পাঠকের আনন্দের সঙ্গে সঙ্গে শিক্ষাদানের বিশেষ অঙ্গকূল হইবে।

দ্বিতীয় গ্রন্থখানিতে অস্ত্রপূর্কী-বিবাহ বা বিধবা বিবাহের সম্বন্ধে আলোচনা হইয়াছে। এটিও আবার দুই খণ্ডে বিভক্ত। প্রথম খণ্ডে বিধবা বিবাহ এই শব্দ ব্যবহার না করিয়া কেন অস্ত্রপূর্কী-বিবাহ শব্দ গ্রন্থকার ব্যবহার করিয়াছেন তাহার কৈফিয়ৎ দিতে গিয়া ভূমিকার একস্থানে বলিয়াছেন—“প্রাচীন কালে গ্রন্থে “পরপূর্কী” ও “অস্ত্রপূর্কী” প্রায় ব্যবহৃত হইত। এক্ষণে এই দুইটি শব্দের প্রয়োগ বিরল হইয়াছে। তাহার ফলে উহাদের অর্থ প্রভেদ হইয়াছে। মনুসংহিতা, ৯৭১, বাগ্‌দান কল্পাকে অপর পাত্রে সমর্পণ করা বধুকে অস্ত্রপূর্কী বলিয়া অনেকে মনে করেন। প্রকৃতি বোধ অভিধান ইহার অর্থ নির্দেশ করেন, “যে কস্তুর স্বামীর মৃত্যুর পর পুনরায় বিবাহ হয়; ধিক্‌তা পুনভূতা।” প্রথম খণ্ডে গ্রন্থকার বিধবা বিবাহ নিষেধের কাল ও কারণ নির্ণয় করিয়াছেন। দ্বিতীয় খণ্ডে যাহা লিখিয়াছেন তাহা গ্রন্থকারের ১৯১০ সালে লিখিত “বিধবার বিবাহ হওয়া উচিত কি না?” পুস্তকের কিছু কিছু পরিবর্তন করা। একথা গ্রন্থকারও স্বীকার করিয়াছেন। উভয়খণ্ডেই বহু শাস্ত্রীয় প্রমাণ উদ্ধৃত করিয়া দিয়াছেন। লেখকের মত গ্রহণ করা না করা পাঠকগণের ইচ্ছা। তবে স্বর্গীয় বিজ্ঞানসাগর মহাশয়ের পর এরূপ সংস্কৃত তর্ক যুক্তি দেখাইয়া এ বিষয় লইয়া উত্তম প্রকাশ আর কেচ করিয়াছেন বলিয়া আমরা জানিনা। গ্রন্থকার নিজে আইনজ্ঞ কাজেই বিধবা বিবাহ সম্বন্ধে কোথায় কোন আইনের নজীর আছে তাহা দেখাইতেও বিরত হন নাই। পরিশিষ্টে কয়েকজন বিদ্বৎ বাঙ্গালীর মত উদ্ধৃত করিয়া দিয়াছেন। মোট কথা স্ত্রীজাতীয় সর্ববিধ উন্নতি কামনায় গ্রন্থকার অনেক কথাই বলিয়াছেন। প্রাচীন ভারতের নারী সমাজের ইতিহাস সংগ্রহ করিবার প্রয়াসী মাঝেরই এ গ্রন্থে অনেক উপকার আসিবে বলিয়া আমাদের ধারণা।

গ্রন্থখানির ছাপা কাগজ বাঁধান কোনটাই অপ্ৰশংসনীয় নহে। এখন গ্রন্থকারের উদ্দেশ্য সফল হইলেই ভাল।

* * * *

শ্রী শ্রীরাধারমণো জয়তি

“ভক্তিভগবতঃ সেবা ভক্তিঃ প্রেম-স্বরূপিণী
ভক্তিরানন্দরূপা চ ভক্তিভক্তস্ত জীবনম ॥”

২৭শ বর্ষ

৮ম সংখ্যা

ভক্তি

বর্ষ-মাসিক পত্রিকা

চৈত্র

১৩৫৫

শ্রীগোরাঙ্গ আবির্ভাব

প্রাচীন)

কাল্পন-পূর্ণিমা নিশি, শচী-অঙ্কাকাশে আসি,
গোরচন্দ্র হইল উদয় ।

সে শশীর সহচর, ভক্ত-তারকানিকর,
চারিদিকে প্রকাশিত হয় ॥

পাপ ঘোর অন্ধকার, সর্বত্র ছিল বিস্তার,
বিধূদয়ে প্রশ্রয় করিল ।

জীবের ভাগ্য কুমুদ, হেরি শশী মনোমদ,
প্রেমানন্দে হাসিতে লাগিল ॥

পাপ অমানিশি ভোর, হরিষে ভক্ত-চকোর,
তুলিল আনন্দ কোলাহল ।

প্রেম-কৌমুদীর সুধা, গিয়ে দূর কৈল ক্ষুধা,
সবাই হইল সুশীতল ॥

সে প্রেম সুধার কণা, পাঞা তৃপ্ত সর্বজনা,
জীবকুল ভেল আনন্দিত ।

আপন করম দোষে, না পাইয়া লবলেশে,
প্রেমদাস ধূলায় লুণ্ঠিত ॥

শ্রীশ্রীঅমিয়নিতাই চরিত

(ডাঃ শ্রীযুক্ত ভোলানাথ ঘোষ দাস লিখিত ।)

(২২)

এই লীলার উপসংহারে শ্রীল শিশির বাবু দুইটা বিষয়ের আলোচনা করিয়াছেন। উহা পরম উপাদেয় বোধে উদ্ধৃত হইল। যথা—

“শ্রীভগবান এ অবতারে যখন জীবগণকে শুধু করুণায় উদ্ধার করিলেন, তখন চক্রের স্মরণ কেন করিলেন? তাহার উত্তর এই যে, কোন কোন জীব এরূপ হীন অবস্থা প্রাপ্ত হয় যে, তাহাদিগকে ভয় বাতীত শুধু করুণায় বশীভূত করা যায় না। শুধু করুণায় জগাই কোমল হইল, কিন্তু মাধাই হইল না। মাধাই ভয় পাইয়া তবে আপনার দুর্দশা বুঝিতে পারিল।

আর এক কথা এই, শ্রীগৌরাজ অচেতন দুই ভাইকে ফেলিয়া কেন চলিয়া আসিলেন? ইহার উত্তর এই যে, প্রথমতঃ সেখানে অত্যন্ত লোকের ভীড় হয়। দ্বিতীয়তঃ, বল করিখা বাড়ী পড়িয়া কাহাকেও উদ্ধার করা নিয়ম নয়। সে উদ্ধার ঠিক হয় না। নিয়ম এই যে, কৃপাপ্রার্থী জীব অনুগত হইয়া, কৃপা প্রার্থনা করিবে, তবেই তাহার হৃদয়ে যে বীজ অঙ্কুরিত হয়, তাহা সজীব থাকিয়া পরিবার্দ্ধিত হইবে। শ্রীগৌরাজ জগাই মাধাইয়ের চৈতন্য উদয় করিয়া দিয়া চলিয়া আসিলেন, আর তাহারা আসিয়া শ্রীচরণে আশ্রয় লইলেন এবং তখনই প্রকৃত প্রস্তাবে তাহাদের উদ্ধার ক্রিয়া আরম্ভ হইল। জগাই মাধাই পাপপঙ্ক হইতে উদ্ধার হইয়া দেবতা হইলেন। পাপী মাধাই আজ নদীয়ার নর নারীর নিকট “মাধাই ব্রহ্মচারী” নামে অভিহিত। লোকে গৌর নিতাইর কার্য্য দেখিয়া অবাক বিষ্ময়ে চাহিয়া রহিল। সকলে একবাক্যে বলিল,—

“নিমাই পণ্ডিত সত্য গোবিন্দের দাস।

নষ্ট হৈব—যে তাঁরে করিব পরিহাস ॥

এ দুইর বৃদ্ধি ভাল যে করিতে পারে।

সেই বা ঈশ্বর, কি ঈশ্বর শক্তি ধরে ॥

শ্রীনিতাই গৌর দুই ভাইর জয় জয় ধ্বনি, চারিদিকে শোনা যাইতে

লাগিল তাঁহাদের নিন্দকের সংখ্যাও হ্রাস হইল। প্রাচীন পদে, তখনকার নদীয়াবাসিগণের মনের অবস্থা দেখুন—

“অবতার ভাল গৌরাল, অবতার কৈলা ভাল ।
 জগাই মাধাই নাচে বড় ঠাকুরাল ॥
 চাঁদ নাচে সুরজ নাচে আর নাচে তারা ।
 পাতালে বাসুকি নাচে বলি গোরা গোরা ॥
 নাচয়ে ভকতগণ হইয়া বিভোরা ।
 নাচে অকিঞ্চন যত প্রেমে মাতোয়ারা ॥” (শ্রীবাসুদেবধোষ)
 “গোরা চাঁদ মুখে হরি বোলে ।
 জগাই মাধাই হেরি বাহু পসারি করয়ে কোলে ॥
 গোরা চাঁদের পরশ পাঞা ।
 জগাই মাধাই নাচে ভুজতুল, ভাবেতে বিভোল হৈঞা ॥”
 (শ্রীঘনশ্রাম দাস)

আজু কি আনন্দ নদীয়া নগরে,
 জগাই মাধাই দৌহে দেখিবারে,
 ধায় চারিদিকে কি নারী পুরুষ,
 পরাপর কহে কত না কথা ।
 কেহ কহে অতি বিরলেতে রৈয়া,
 ঐ দেখ দেখ দুহু পানে চাইয়া,
 সুরজের সম তেজ এবে ভেল
 সে পাপ শরীর গেল বা কোথা ?”
 “কেহ কহে কিবা গোরা মুখশলী
 পানে চাহি জানি কত স্থখে ভাসি,
 হাসি সুধা পানে উন মত হৈয়া,
 লোটাইয়া পড়ে চরণ ভলে ।
 কেহ কহে দেখ নিতাই চাঁদে,
 চাহি হিয়া মাঝে কত ক্ষেদ করে,
 হুঁখানি চরণ পরশিয়া করে,
 করে অভিষেক আঁখের জলে ॥
 (শ্রীনরহর সন্ন্যাস)

শ্রীল কবিরাজ গোস্বামী বলেন—

প্রথমে বান্দব আমি জগাই মাধাই ।
পাতত পাবন নামের সাক্ষী ছইভাই ॥

জল-কেলি

জল-কেলি গোরা চাঁদের মনেতে পড়িল ।
পারিবদগণ সহ তলেতে নামিল ।
কার অঙ্গে কেহ জল ফেলিয়া সে মারে ।
গৌরাঙ্গ ফেলিয়া জল মারে গদাধরে ।
জল ক্রীড়া করে গোরা হরবিহু মনে ।
ভলাহুগি কোলাকুলি করে জনে জনে ।
গৌরাঙ্গ চাঁদের লীলা কহনে না যায় ।
বাসুদেব ঘোষ তাই গোরা গুল গায় ।

জগাই মাধাই উদ্ধার লীলার মধ্যে ঠাকুর বৃন্দাবন দাস, প্রভুগণের এক
দমন কার জল-কেলি লীলা বর্ণনা করিয়াছেন ।

কার্তন্যাস্তে প্রভু গঙ্গাস্নানে গমন করিয়া, জল-কেলি করিতেছেন ।
প্রথমে হাত ধরা-ধার করিয়া “কয়া কয়া” খেলা লইল । তাহার পর রাতি
মত জলযুদ্ধ । পরস্পরে চোখে জল দিতেছেন । নিমাই আশ্রি গদাধরের
জল যুদ্ধ হইতেছে । নিমাই জল দিয়া গদাইর আঁখি ভাল করিয়া দিাছেন
অতি ভাল মানুষ গদাই সহিয়া আছেন । নিমাইর চোখে জোরে জল দিতে
পারিতেছেন না পাছে বাথা হয় । ওদিকে নিতাই ও অধৈতে বোর যুদ্ধ
বাধিয়া গিয়াছে । তখন একলে জলযুদ্ধে ক্ষান্ত দিয়া তাহাদের এই প্রেম
কোন্দল দেখিতে লাগিলেন । সে কোন্দল বড়ই মধুর—লোকে তাহা বড়ই
আনন্দের সহিত উপভোগ করিত ।

নিত্যানন্দের বাপের বয়সী অধৈতোর চক্ষে নিতাই নির্ধাতে জল ফেলিয়া
মারিল । তিনি আর চক্ষু মিলিতে পারেন না, একে বয়স পঁচাত্তর, তাহার
উপর উপবাসে শুষ্ক শরীর, বলবান নিতায়ের সহিত তিনি পারিবেন কেন ?

শ্রীঅধৈত তখন মহাক্রুদ্ধ হইয়া নিতাইকে গালি দিতেছেন, বলিতেছেন—
“এ মাতাল কোথা হইতে আসিল, আমার একেবারে চক্ষু ছইটী কানা
করিয়া দিল । আর শ্রীবাস পণ্ডিতের ত মুলেই জাতি নাই তাই এ.

মাতালটাকে তাহার গৃহে স্থান দিয়াছে আর নিমাই চোরার ত কথাই
নাই, সে ত ঐ মাতালের সঙ্গ ছাড়েই না।

প্রভু হাসিয়া মধাঙ্ক করিয়া দিলেন, একবার হার হইলে হার নহে, তিন
বার হারাইতে পারিলেই তদেই ত হার বাগদা সাবাস্ত হইবে। শ্রীনিত্যানন্দ
ও শ্রীঅদ্বৈতে আবার জন্মবন্ধ আরম্ভ হইল। কেও কাহাকেও হারাইতে
পারেন না। অবশেষে নিতাই ক্রমী হইলেন। শ্রীঅদ্বৈতের চক্ষে জলের
আঘাত বড়ই লাগিয়াছে তিনি চোখ মেলিতে পারি যতেন না। ক্রোধে
বলিতেছেন “মাতাল—নিশ্চরক মাতাল, সন্ন্যাসী কখনও ভ্রাস্ত্রণ বধ কারতে
পারে না। জাত জন্মও জানি না, পাপ নায়েব খবরও কেহ রাখে না।
পাশ্চমে বুদ্ধাবনে লোকেও ঘরে ঘরে ভাত খেয়ে বেড়িয়েছে এই মাত্র
পরিচয় জানা আছে। এখানেও ত খাওয়া পরার বিচার দেখি না—লোকে
বলে কিনা অসম্ভূত।

শ্রীঅদ্বৈতের এইরূপ মিন্দা চলে স্থাপি শুনিয়া, শ্রীনিত্যানন্দ আপনগণ সহ
হাসিতে লাগিলেন। নিতাইর গাঙ্গ দেখিয়া অদ্বৈত ক্রোধে জলিয়া উঠিলেন।
বলিলেন, আজ সকলকে সংহার করিব। ভক্তগণ শুনিয়া হাসিতে লাগিলেন।
তখন আবার নিতাই ও অদ্বৈতে কোণকুলি হইল। তাই শ্রীবন্দ্যবন দাস
অদ্বৈত প্রভুর ক্রোধকে “হাস্তময়” বলিয়া বর্ণনা করিয়াছেন। অর্থাৎ তিনি
যতই ক্রুদ্ধ হউন না কেন তাহাতে অনাবিল আনন্দ স্রোতই প্রবাহিত হইত।

নিমাইর গঙ্গাসলিলে নিমজ্জন ও নিতাই কর্তৃক উত্তোলন,
নাটক অভিনয়, শ্রীঅদ্বৈতের দণ্ড, গৌরীদাসকে বৈঠা দান
ও মুরারির অপূর্ব স্বপ্ন দর্শন।

“ললিতার কথা শুনি, হাসি হাসি বিনোদিনী,

কহিতে লাগিল ধনী রাই।

আমারে ছাড়িয়ে শ্রীম, মধুপুরে যাবে গো,

এমন কথা কভু শুনি নাই ॥

হৃদয় মাঝারে মোর, এ ঘর খন্দিরে গো,

রতন পালক বিছা আছে ॥

অনুরাগের তুলি, তাহাতে বিছায়ে গো,

শ্রীমর্চাদ বুমাঘে রয়েছে ॥

তোমরা বল যে শ্যাম, মধুপুরে যাবে গো,
কোন পথে বঁধু পলাইবে।

এ বুক চিরিয়া যবে বাহির করিয়া দিব,
তবে তু শ্যাম মধুপুরে যাবে ॥

শুনিয়া রাইয়ের কথা, ললিতা চম্পকলতা,
মনে মনে ভাবিল বিশ্বয়।

চণ্ডীদাসের মনে, হরষ হইল গো,
যুচে গেল মাথুরের ভয় ॥”

নদীঘায় এখন সঙ্কীর্ণনের বড় ঘটা। প্রভু অগুরঙ্গ ভক্তগণ লইয়া শ্রীকৃষ্ণ নাম কীর্তন করেন। শ্রীকৃষ্ণের প্রতি শ্রীমতীর প্রেম কিরূপ তাহা আপনি বিরহিণী রাখা ভাবে বিভাচিত হইয়া জীবকে সেই ছলভ শ্রীকৃষ্ণ প্রেম প্রাপ্তির উপায় নির্দেশ করিয়া দিতেছেন। আমরা উপযুক্ত অবসরে এ সম্বন্ধে বিস্তারিত আলোচনা করিতে চেষ্টা করিব।

নিতাইর দাস্ত্র ভাব। তিনি সদা নিমাইর সঙ্গে সঙ্গে থাকিয়া সঙ্কীর্ণনের সময় তাহাকে পতন হইতে রক্ষা করিতেন। শুধু যে পতন হইতেই রক্ষা করিতেন তাহা নহে তাঁহাকে সর্বতোভাবে রক্ষা করিতেন, এখন সেই কথাই বলিতেছি।

একদিন শ্রীবাসের আঙ্গিনায় নৃত্য করিতে করিতে বলিলেন, আজি আমার নৃত্যকালে সুখ হইতেছে না কেন? আমি কি অপরাধে প্রেম হারাইলাম? আমার কি কোন কুলোকের সঙ্গ হইয়াছিল? তোমাদের নিকট যদি কোন অপরাধ করিয়া থাকি তবে তাহা ক্ষমা করিয়া আমাকে একটু প্রেম দাও, প্রেম বিহনে আমার প্রাণ যায়।

প্রভুর বাক্যে, ভক্তগণ দ্বঃখিত হইয়াছেন, কেবল শ্রীঅদ্বৈত প্রেমে ভাসমান হইয়া নৃত্য করিতেছেন। তিনি তখন শ্রীঅদ্বৈতের নিকট প্রেম ভিক্ষা করিলেন কিন্তু তিনি তখন প্রভূদত্ত প্রেমে উন্মত্ত হইয়া নৃত্য করিতেছেন এবং প্রভুর কথায় কি বলিতে এমন কিছু বলিয়া বলিলেন যাহাতে নমাই শ্রীবাস আঙ্গিনার দ্বার খুলিয়া বিদ্রোহের ভ্রায় ক্ষত গতিতে গিয়া গঙ্গায় কাম্প প্রদান করিলেন। কেবলমাত্র নিতাই ও হরিদাস ইহা লক্ষ্য করিলেন। নিতাইর নঘন গৌরের মুখ পদ্ম দর্শন ব্যতীত আর কোন দিকে বাইত না। তিনি সদাই গৌর-দর্শন লুখে আত্মহারা হইয়া থাকিতেন।

নিমাই গঙ্গায় ঝাঁপ দিলে, সঙ্গে সঙ্গে নিতাই ও তাহার অনতিবিলম্বে হরিদাস ঝাঁপ দিলেন। তাঁহারা একজন মস্তক ও অপরে চরণ ধরিয়া তাঁহাকে জীবে আনিলেন। তাঁহার চেতনা ছিল না। তিনি চেতন পাইয়া বলিলেন “কেন আমাকে উঠাইলে? আমার প্রেম শূণ্ড দেহ রাখিয়া কি ফল?” প্রভুর বাক্যে নিতাইর নয়ন দিয়া জল পড়িতে লাগিল। নিতাইর দুঃখ দেখিয়া নিমাই নীরব হইয়া মাথা হেঁট করিলেন। তখন নিতাই ভরসা পাইয়া বলিলেন “প্রভু তোমার সেবক গরব করিয়া তোমাকে যদি ছুটা কথা বলে, তাহাতে কি তোমার তাহাকে প্রাণে মারা উচিত? তুমি তাহাকে অস্ত্র দণ্ড দাও। নিমাই হঠাৎে শাস্ত হইয়া পরে শ্রীঅষ্টৈতকে প্রসাদ করিয়াছিলেন।

প্রভু গঙ্গায় নিমজ্জিত হইতে যাইবার সময় বলিয়া গেলেন—

“প্রেম শূণ্ড শরীর খুঁইয়া কি ফল?” কৃষ্ণ প্রেমহীন জীবন থাকা আর না থাকা ছইই সমান প্রভু এই লীলায় ইহাই শিক্ষা দিলেন।

অপর এক দিবস একজন মাত্ৰা-ব্রাহ্মণ-নারী তাঁহার সম্মুখে নিপতিত হইয়া বলিলেন, “শ্রীভগবান আমাকে উদ্ধার কর।”

শ্রীগৌরাজের তখন ভক্ত ভাব, তিনি একথা সহ্য করিতে পারিলেন না, তাঁহার মুখ মলিন হইয়া গেল, তিনি গঙ্গায় গিয়া প্রাণ বিসর্জন করিতে দৃঢ় সঙ্কল্প করিলেন। তিনি ভাবিলেন যখন মাত্ৰা ব্রাহ্মণ নারী আমাকে শ্রীকৃষ্ণ বলিয়া জ্ঞান করিল, এবং আমার পদধূলি গ্রহণ করিল, তখন আর আমার প্রাণ রাখিয়া দরকার নাই। তিনি বিছাৎ গতিতে ছুটীয়া গিয়া গঙ্গায় ঝাঁপ দিলেন। ঐদিবস তখন নিতাই ঘটনা স্থলে ছিলেন না। যথা শ্রীচৈতন্য ভাগবতে—

জলে মগ্ন হইল প্রভু না পাই দেখিতে।

সকল নিজ ক্রম ঝাঁপ দিলেন পশ্চাতে ॥

পুত্র পুত্র বিধায় আই শচীমাতা।

ঝাঁপ দিতে চাহে বিশ্বস্তর হরি যথা ॥

উন্মত্তা পাগালনী শচী কঁাদে উভরায়।

হা-কান্দ কান্দনে কান্দে ভূমেতে লুটায়।

ঐছন প্রমাদ দেখি অবধৌত রায়।

প্রভুর উদ্দেশে ঝাঁপ দিলেন গঙ্গায়।

জলমগ্ন হইয়া প্রভুর ধরিলেন হাতে ।

ধরিয়া তুঙ্গিল গঙ্গাকূলে আচম্বিতে ।

তখন চেতনা পাইয়া নিমাই নিতাইকে অভিমান ভরে বলিতেছেন শ্রীপাদ ! তোমরা আমাকে কেন বাঁচাইলে, আমি কীটাকীট । বয়োজ্যেষ্ঠ ব্রাহ্মণ কল্পা মখন আমাকে শ্রীকৃষ্ণ সঙ্কোচন করিয়া আমার পদধূলি চাইয়া ছেন, তখন আমি আর এ কলুষিত দেহ রাখিব না । ভক্তগণ প্রভুর এই অপূৰ্ণ দাস্ত্যব দেখিয়া প্রেমামন্দে বিভোর হইলেন ।

একদা নিমাই, শুক্লাক্ষর ব্রহ্মচারীর খুদ কাড়িয়া খাইয়াছিলেন । প্রভুর পরম ভক্ত শুক্লাক্ষরের মনে ইহাতে নিতান্ত ক্ষোভ ছিল । ইহাতে শ্রীনিমাই তাঁহার ক্ষোভদূর করিবার নিমিত্ত এক দিবস নিত্যানন্দকে সঙ্গে লইয়া তাঁহার গৃহে ভোজন করেন । এই দিবস বিজয় আখরিয়া নিমাইর চিন্ময় ব্যক্ত দর্শন করিয়া বাহু হারাইয়া ছিলেন ।

তার পর একদিবস নিমাই ভক্তগণকে সঙ্কোচন করিয়া বলিলেন, এসো একাদশ অঙ্ক বাঁধিয়া সাজিয়া গুণ্ণয়া শ্রীকৃষ্ণ লীলার স আশ্বাদন কর । প্রভুর মাসির বাড়ী স্থান নির্দিষ্ট হইল । বৃদ্ধিমত্ত ষ্টান ও সদাশিব কবিরাজ সমস্ত বন্দোবস্ত করিয়া দিলেন । তখন প্রভু বলিলেন, “আমি হবো রাধা, গদাধর হইবে ললিতা, শ্রীপাদ নিত্যানন্দ হইবেন আমার বড়াই, হরিদাস কোতোয়াল, শ্রীবাস নারদ এবং শ্রীঅদ্বৈত হইবেন শ্রীকৃষ্ণ । আর যাহাকে যাচা কারণে কি বলিতে হইবে তাহা আপনি স্মরিত হইবে ।”

চৈতন্য-চন্দ্রোদয় নাটকে এই অভিনয় লীলা বর্ণিত আছে । দেবতার স্বয়ং আসিয়া ভক্তদের শরীরে অধিষ্ঠান হইয়া এই লীলা করিয়াছিলেন । নিমাই আপনি রাধা এবং শ্রীঅদ্বৈতের দেহে শ্রীকৃষ্ণরূপে প্রবেশ করিয়া ছিলেন । এই লীলা যতদূর এই মর জগতে দেখান যায় তাহা দেখান হইলে দেবতাগণ ভক্তদেহ ত্যাগ করিয়া অন্তহিত হইলেন । আর তখন—

“নিজরূপ ধরিলেন প্রভু নিত্যানন্দ ।

নৃত্য করে সবা মাঝে পরম আনন্দ ।

যেছে জন সুশীতল স্ত্যভাব তাহার ।

অগ্নিতাপ দিলে তপ্ত হয় পুনর্বার ।

অগ্নি ছড়াইলে পুনঃ শীতল স্ফন্দ ।

এই মত যোগমায়া ছাড়ি নিত্যানন্দ ।

তাহার পর কিছুদিন অতীত হইয়াছে। শ্রীঅদ্বৈত তাঁহার শান্তিপুত্রের বাটীতে বসিয়া জ্ঞান পথের শ্রেষ্ঠতা প্রচার করিতেছেন। ইহাতে প্রভুর প্রচারিত ভক্তি পথকে হেয় করা হইতেছে। শ্রীঅদ্বৈতের উদ্দেশ্য লইয়া প্রাচীন গ্রন্থ সমূহে অনেক বিচার আছে। শ্রীঅদ্বৈত জানেন শ্রীগোরাঙ্গ স্বয়ং ভগবান, এখন শ্রীগোরাঙ্গ যে শুধুই শ্রীঅদ্বৈতকে ভক্তি করেন তাহা নহে, তিনি বল পূর্বক তাঁহার চরণ ধূলিও গ্রহণ করেন। অদ্বৈতের শ্রীমুখের বাণী,—

“বলে নাহি পারি আমি প্রভু মহাবলী।
ধরিয়াও লয় মোর চরণের ধূলি।”

শ্রীঅদ্বৈত ভাবিলেন, আমি জ্ঞান ব্যাখ্যা করিয়া, প্রভুর ক্রোধের উদ্বেক করিয়া, তাঁহার দণ্ড গ্রহণ করিব। তখন আর তিনি আমাকে ভক্তি করিবেন না। আর তাঁহার দণ্ড পাইলেই আমি কৃতার্থ হইব। তিনি শিষ্যগণকে যোগবাশিষ্ঠ পড়াইয়া ভক্তির বিরুদ্ধে জ্ঞান ব্যাখ্যা করিতে লাগিলেন।

নিমাই এই সংবাদ পাইয়া, একদা শ্রীনিত্যানন্দকে বলিলেন, “চল, শান্তিপুত্রের আচার্য্যের বাড়ী যাই।” নিত্যানন্দ অমনি প্রস্তুত। পরদিবস প্রত্যুষে মাতাকে বলিয়া, উভয়ে শান্তিপুত্রাভিমুখে চলিলেন।

পথে গঙ্গার ধারে কলিতপুর (নলেপুর) গ্রাম। গ্রামপ্রান্তে একটা কুটার দেখিয়া প্রভু নিতাইকে জিজ্ঞাসা করিলেন এ কাহার ঘর? নিতাই নাম প্রচারার্থ নানাস্থানে ভ্রমণ করেন, তাঁহার জানা ছিল, বলিলেন, “ইহা একটা গৃহী সন্ন্যাসীর বাটা।” নিমাই বলিলেন “চল যাই, গৃহী সন্ন্যাসী কেমন দেখিয়া আসি।”

তখন উভয়ে সন্ন্যাসীর বাটা গেলেন। নিত্যানন্দ সন্ন্যাসী, তিনি সন্ন্যাসীকে দেখিয়া নমস্কার করিলেন, সন্ন্যাসীও তাঁহাকে নমস্কার করিলেন। নিমাই প্রশ্ন করিলে সন্ন্যাসী—“ধন বংশ স্ত্রীবিবাহ হউ বিত্তালাভ” বলিয়া আশীর্ব্বাদ করিলেন। তখন সেই পরম তেজস্বী ও পরম সুন্দর নিমাই চাঁদ উঠিয়া করঘোড়ে বলিতেছেন, “ঠাকুর। আমি এই সকল বিফল আশীর্ব্বাদ লইয়া কি করিব। যাহাতে আমি কৃষ্ণদাস হইতে পারি আপনি সেইরূপ আশীর্ব্বাদ করুন।”

তখনকার সেই কৃষ্ণভক্তি শূন্য জগতে থাকিয়া সন্ন্যাসী জানেন না যে, কৃষ্ণদাস হওয়া আবার কিরূপ আশীর্বাদ। তিনি নিমাইর ভুবনমোহনরূপে আকৃষ্ট হইয়া, তাঁহাকে প্রাণের সহিতই আশীর্বাদ করিয়াছেন। এখন নিমাইর তাহাতে আপত্তি শুনিয়া তিনি প্রাণে বাধা পাইলেন। তখন নিতাই ব্যাপার বুঝিয়া, তাঁহাকে সান্ত্বনা দিয়া বলিতেছেন, “ঠাকুর, আপনি বালকের কথা শুনিয়া কেন দুঃখ করিতেছেন। আমি দোঁষধাই আপনার মহিমা বুঝিয়াছি। নিতাইর বাক্যে, সন্ন্যাসী ঠাকুর ঠাণ্ডা হইয়া বলিতেছেন, “যদি ভাগ্যক্রমে শুভাগমন হইয়াছে তবে আজ এখানে থাকা হউক।” নিতাই বলিলেন, আমাদিগকে স্থানান্তরে যাইতে হইবে, আমরা বড়ই বাস্তব আছি। যদি ইচ্ছা হয়, কিছু জলযোগ করাইতে পারেন।” নিতাই উপস্থিত তাগ করিবার পাত্র নহেন।

তখন কিছু আম কাঠাল ও ছন্দাদ দিয়া, তাহাদিগকে জল খাইতে দেওয়া হইল। ফলাহার শেষ হইলে, সন্ন্যাসী নিতাইকে জিজ্ঞাসা করিতেছেন, কিছু “আনন্দ” আনিব কি? “আনন্দ” মানে মদ। নিতাই বিপদে পড়িলেন। বুঝিলেন সন্ন্যাসী বামাচারী। কি উত্তর করিবেন ভাবিতেছেন। এমন সময় সন্ন্যাসীর স্ত্রী, তাঁহাকে ডাকিয়া বলিলেন, “অতিথিকে বাস্তব করা ভাল নয়, উহাদিগকে স্বচ্ছন্দে খাইতে দাও।”

নিমাই তখন নিতাইকে জিজ্ঞাসা করিলেন, “আনন্দ” কাহাকে বলে? নিতাই উহার অর্থ বলিলেন। নিমাই শুনিয়া “ত্রিবিষ্ণু শ্রীবিষ্ণু” বলিয়া আচমন করিয়া সন্ন্যাসী আসিবার পূর্বেই ছুটিয়া গঙ্গায় ঝাঁপ দিয়া পড়িলেন*। নিতাইও তাঁহার পশ্চাৎ পশ্চাৎ গঙ্গায় ঝাঁপ দিলেন। সত্তরপে উভয়েই সমান পটু। তখন দুই ভাই, স্রোতের অনুকূলে শান্তিপুরের পথে ভাসিয়া চলিলেন। দীর্ঘ পথ, একবারও ডাঙ্গায় উঠিলেন না। নিমাইর সহিত নিতাই যে কেন শান্তিপুর যাইতেছেন তাহা জানেন না। মধ্য পথে আসিয়া নিমাইর দেহে শ্রীভগবানের আবেশ হইল তিনি বলিলেন, “নাড়া, আবার জীবকে জ্ঞান শিক্ষা দিতেছে, আজ আমিও তাহাকে ভাল করিয়া জ্ঞান শিক্ষা দিব।” নিতাই তখন নিমাইর উদ্দেশ্য বুঝিলেন,

* মন্ত্রপের গৃহে গমন করা অস্বাভাবিক, গেল গঙ্গান্নান করা কর্তব্য, ইহাই বুঝাইবার নিমিত্ত কি নিমাই গঙ্গায় ঝাঁপ দিলেন? (লেখক)

কি হয় জানিবার জ্ঞান কোতুংলী হইলেন, কিছুই বলিলেন না, নিমাইর সহিত ভাসিয়া চলিলেন।

অঐত ভবনে পৌছিয়া, নিমাইর আবার ভগবান ভাব হইল। তিনি শ্রীঅঐতের চুল ধরিয়া কিলাইতে লাগিলেন। তাঁহার মনোবাসনা পূর্ণ হইল। তিনি প্রভুর প্রসাদ লাভ করিয়া মহানন্দে নৃত্য করতে লাগিলেন।

প্রভুঘরের আগমনে অঐতভবনে উৎসব হইল। অঐত গৃহিণী সীতা দেবী পরম যত্নে প্রভুঘরকে ভূঞ্জাইলেন। একপক্ষেত্রে খাইতেবসিলে নিতাই ও অঐতে প্রায়ই দ্বন্দ্ব হইত, এ ক্ষেত্রেও সে নিয়মের অন্তর্থা হইল না। নিতাই উচ্ছিষ্ট অন্ন ছড়াইয়া অঐতের গায়ে দিলেন। অঐত প্রভু পরম সান্ত্বক, তিনি নিতাইর ব্যবহারে ক্রুদ্ধ হইয়া, পারধেয় বস্ত্রখানা পরিত্যাগ করিয়া অন্ন বস্ত্র পরিধান করিলেন। কিছুকাল উভয়ে গালাগালি হইল, পরক্ষণে আবার উভয়ে মহানন্দে আলিঙ্গন করিলেন। সে এক মধুর দৃশ্য!

অঐত প্রভুর প্রেমবন্দী হইয়া, দুই ভাই কয়েক দিন শান্তিপুরে রহিলেন। তাহার পর তাঁহারা নবদ্বীপে যাত্রা করিলেন। পথে হরিনদী গ্রাম। এইস্থানে প্রভুর শরীরে, আবার শ্রীভগবান প্রকাশ পাইলেন। তিনি ভগবদ্ভাবে আবিষ্ট হইয়াই নৌকায় উঠিয়া, নিজ হাতে নৌকা বাহিয়া, নদী পার হইলেন।

শান্তিপুরের ওপারে অম্বিকা কালনা গ্রাম। সেখানে গৌরীদাস পণ্ডিত বাস করেন। ইঁহার পিতার নাম কংশারি মিজ, মাতার নাম কমলা দেবী। ইনি পরম বৈষ্ণব, শালিগ্রামে ইহার পূর্ব বাস ভবন ছিল, গঙ্গাতীরে বাস করিবার ইচ্ছা করিয়া তিনি শালিগ্রামের বাস উঠাইয়া এখানে আসিয়া বাস করিতেছেন।

নিমাই সেই নৌকার বৈঠাখানি কাঁধে করিয়া, গৌরীদাসের গৃহে আসিলেন। গৌরীদাস নিমাইকে চিনেন না। দেখিতেছেন এক নবীন ব্রাহ্মণ কুমার তাঁহার গৃহে আসিতেছেন। আর আগন্তকের রূপে চারিদিক আলো হইতেছে। গৌরীদাস একবার নিমাই ও নিতাইকে দেখিতেছেন, আবার নিতায়ের কাঁধের বৈঠা খানির পানে চাহিতেছেন। গৌরীদাস

চিত্রার্পিতবৎ নিম্পন্দভাবে দাঁড়াইয়া দাঁড়াইয়া এই দৃশ্য দেখিতেছেন। নিমাই প্রথমে কথা বলিলেন। বলিলেন—

“— শান্তিপুরে গিয়াছিহু।

হরিনদী গ্রামে আসি নৌকায় চড়িহু ॥

গথা পার হৈহু নৌকা বাহিয়া বৈঠায়।

এই লহ বৈঠা এবে দিলাম ভোমায়।

এই স্থানে এই গৌরীদাসের আর একটু পরিচয় দিতে হইবে। পুঙ্কেই বলিয়াছি তিনি পরম বৈষ্ণব। তাঁহারা ছয় ভ্রাতা, জ্যেষ্ঠাশুক্রমে তাঁহাদের নাম—“দামোদর, জগন্নাথ, সুর্য্যদাস, গৌরীদাস, কৃষ্ণদাস ও নৃসিংহচৈতন্য।

কেবল গৌরীদাস কেন, ছয় ভ্রাতাই ছিলেন পরম বৈষ্ণব। তবে গৌরীদাসের একটু বিশেষত্ব ছিল—তাঁহার কৃষ্ণানুরাগের তুলনা মিলেনা। তিনি পূর্বলীলার সেই সুন্দর সখা; তাঁহাতে দীর্ঘবলের আবেশ হইল। বর্তমান লীলাতেও, নিকাইর সহিত ভ্রাতার বিশিষ্ট সম্বন্ধ হইয়াছিল। ক্রমশঃ তাহা আমরা স্মৃতি হইতে স্মৃতির রূপে দেখিতে পাইব, দয়াল নিকাই তাঁহাদের তিনি বিশেষ রূপা পাত্র হন।

নিমাই গৌরীদাসকে বৈঠা খানি দিলেন, দিয়া বলিলেন “এখন এই বৈঠা খানি ধর, ধরিয়া স্থাপিত জীবগণকে ভবনদী পার কর।” তিনি দুই হাতে উগা ধারণ করিয়া বলিলেন, “তুমি কে ? তুমি কি আমাদের সেই ভবপারের কাণ্ডারী ?” প্রভু বলিলেন, “আমি নদীয়ার নিমাই পণ্ডিত।” গৌরীদাস পণ্ডিত, নদীয়ার নিমাই পণ্ডিতের নাম শুনিয়া ছিলেন, এখন বুঝিলেন তিনি কি বস্তু। বুঝিয়া তাঁহার পায়ে পড়িতে গেলেন, ভক্ত প্রিয় নিমাই অমান তাঁহাকে বক্ষে ধরিলেন। আর তিনি তাঁহার বক্ষে প্রবেশ করিলেন। নিমাইর আলিঙ্গনে পণ্ডিত শঙ্কমান হইলেন। তখন—

“গৌরীদাস পণ্ডিতের প্রেমোচ্ছ্বাস ভক্তি।

কৃষ্ণ দিতে প্রেম দিতে ধরে মহাশক্তি ॥”

শ্রীনিমাই এই ভবনদী পারের জন্ত গৌরীদাসকে আর একটা বস্তু দিয়াছিলেন—তাঁহার স্বহস্ত নিশিত একখানি গীতা গ্রন্থ। এই শ্রীগীতাও বৈঠা অষ্টাপি অধিকার গৌরী দাস মন্দিরে আছে। ঠাকুর ঘনশ্রাম যথার্থই বলিয়াছেন—

“প্রভুর শ্রীচন্দ্রের অক্ষয় গীতা বানি ।
দর্শনে যে সুখ তাহা কি কহিতে জানি ।”

প্রিয় পাঠক ! প্রভু কর্তৃক এই বৈঠা দানের কথা ভাবুন । গৌরীদাসের শিষ্য হৃদয় চৈতন্য, তাঁহার শিষ্য শ্যামানন্দ । এই শ্যামানন্দ সমগ্র উৎকল ভূমি নিতাই গৌরাসের প্রেমে পূর্ণ করিয়াছিলেন ।

ইহার পর নিমাই ও নিতাই, নবদ্বীপে আসিয়া ভক্তগণের সহিত মিলিত হইলেন ।

মুরারি, প্রভুদ্বয়ের বড়ই প্রিয়, তিনি কয়েক দিবস বিচ্ছেদের পর তাঁহা-দিগকে দেখিয়া পরম আনন্দে প্রথমে নিমাইকে, পরে নিতাইকে প্রণাম করিলেন । প্রভু ইহাতে হাসিয়া বলিলেন—মুরারি ! বিপরীত ব্যবহার করিলে কেন ? মুরারি বলিলেন—“তুমি যেমন চিত্তে লওয়াইলো ।” ভাল পরে জানিতে পারিবে বালয়া প্রভু অপরের সহিত কথা কহিতে আরম্ভ করিলেন ।

ঐ দিন রাতে মুরারি এক অপূর্ব স্বপ্ন দর্শন করিলেন । “এ মরুভূমি সংসার প্রান্তে শান্তির শ্বেত প্রবাহ বহিয়া যাইতেছে, ভক্তি নির্বারণী শান্তি দায়িনী সেই জাহ্নবা বক্ষে এক শ্বেত শতদল ভাসিয়া উঠিল, সে শুভ্র শতদলোপরি অত্যন্ত দেহ মহামন্ত্র নিত্যানন্দ ! নিত্যানন্দ যেন দীর্ঘে ধীরে অগ্রসর হইতেছেন ; মস্তকে নাগরাজের সহস্র ফণা বিস্তৃত থাকিয়া ছায়াদান কারতেছে—হাতে প্রকাণ্ড ধনু, মুঘল শোভা পাহতেছে । দোখতে দেখিতে মুরারি দেখিতে পাইলেন যে, আর নিত্যানন্দের সে মহিমান্বিত মূর্ত্তি নাই, সে মূর্ত্তি চাকতে যেন বলদেবরূপে পরিবর্ত্তিত হইল । আরও দেখিলেন তাঁহার পশ্চাতে শ্যাম কান্তি বনিষ্ট শ্যাম সুন্দর । হাতে বিমোহন বেহু, মাথায় চিচিত্র চাক চুড়া । অক্লান্ত হইল, এই কৃষ্ণ চন্দ্রই তাঁহার গৌর সুন্দর । এই আশ্চর্য্য ভাব অবলোকন করিতে করিতে, স্বপ্নের সহিত মুরারির নিদ্রাভঙ্গ হইল, দেখেন যে প্রভাত হইয়াছে : মুরারির মনে, পূর্ব-দিনের প্রভুর কথা জাগিল, তিনি অমানি প্রভুর বাঁড়ী আসিলেন । আজ আর অগ্রে তিনি তাঁহাকে প্রণাম করিলেন না ।

আজ মুরারি অস্ত্র মনস্ক, মনে আনন্দ ও অস্বাভ্য ভাবের একত্র সমাবেশ । মুরারি অল্প অল্প হাসিতেছেন, সেই অবস্থায় অগ্রে আসিয়া নিত্যানন্দকে

প্রণাম করিলেন। কেন? মুরারির আজ আবার প্রণাম প্রণালীর পরিবর্তন কেন? এই প্রশ্ন হইলে তিনি উচ্চারণ করিলেন—

“পবন কারণে যেন শুষ্ক তৃণ চলে।

জীবের সকল কৰ্ম্ম তোর শক্তি বলে ॥” (১৫: ভাঃ)

ক্রমশঃ—

“গৌর”

এস হে নদীয়ার পূর্ণস্রোত ন’দেতে ফিরিয়া একটীবার ।
 অভাবে তোমার বাংলা আঁধার হিন্দু ভুলেছে হিন্দুত্ব তার ॥
 শুষ্ক এবে সে মধু করিনাম ভরে’ছিল যায় সারাটা দেশ ।
 পাপেতে পূর্ণ মনুজের মন নাহি আর ধৰ্ম্ম-ভাবের লেশ ॥
 তাহাদের মন পূর্ণ অধিকার করিয়াছে আজি দানবী ভাবে ।
 শুধু অনাচারী দলুজ মতে তাহারা তাদের জীবন জাপে ॥
 মাতৃ-পিতৃ ভক্তি ভুলিয়া তাহারা ফিরিছে সদাই অধৰ্ম্ম পথে ।
 ছার সে ধন ও সম্পদ লাগি ভায়ের বিবাদ ভাঙের সাথে ॥
 এস হে গৌর ষুগ অবতার মাতাও তোমার ভারতে এবে ।
 সাধু উপদেশ করিঃ দান চালাও তা’দেরে মহান ভাবে ॥
 শিখাও তা’দেরে পিতৃ-মাতৃ ভক্তি সহোদর সহ সরল শ্রীতি ।
 প্রদান তা’দেরে ঈশ্বরে ভক্তি মধুর ষুগল নামেতে মতি ॥

শ্রীপ্রবোধ নারায়ণ চৌধুরী ।

তীর্থ চিন্তা

(পরিব্রাজক শ্রীমৎ ভুলুয়া বাবা লিখিত ।)

তীর্থ এখন বন্দরে পরিণত।—পরশুরাম তীর্থ পর্যটন করিয়াছিলেন, বলরাম তীর্থ পর্যটন করিয়াছিলেন, এবং দেবমি নারদ, মহামুনি বাস, মহর্ষি বশিষ্ঠ প্রভৃতি সকলেই তীর্থ পর্যটন করিয়া- ছিলেন। তখন তীর্থ সকল যে ভাবে আশ্রিত ছিল, যে ভাবে তীর্থে যাইয়া জ্ঞান ভক্তি লাভ করা যাইত এখন তাহা নাই। তখন তীর্থস্থানে মাস্থ্য কেবল ধর্ম সাধনের জন্ত গমন করিত। যখন সংসার ধর্ম শেষ করিয়া ইহস্বখে বীৎস্পৃহ হইত, যখন আশীবৎসর বক্রম হইত, তখন পুণ্ড্রক্ষেত্রে দেহাবসান করিতে গমন করিত। তখন সকল লোকের তীর্থে বিশ্বাস ও ভয় ছিল এবং তীর্থে মুক্তিস্থান জ্ঞান করিত। পাছে তীর্থে বসিয়া একটা মিথ্যা কথা বলিতে হয়, এই ভয়ে তীর্থে তিনদিনের বেশী কেহ বাস করিত না। ঘরে বসিয়া সংসার তাড়নে নানাক্রম পাপ করিলে তীর্থে যাইয়া তাহার মুক্তি আছে, কিন্তু তীর্থে বসিয়া পাপ করিলে সে পাপের আর ক্ষমা নাহি, লোকের মনে এইরূপ বিশ্বাস ছিল। তীর্থবাসিগণ তাই দেবতা- স্থানীয় ছিলেন; তাই তীর্থ স্থান জ্ঞান ভক্তি লাভের প্রধান সহায় ছিল।

কিন্তু কালে তাহার পরিবর্তন ঘটিল। হিংসাধর্ম বিবর্জিত, আত্ম- কর্ম্মর, কলহশূন্য মহাপুরুষগণের মধ্যে সমাজচ্যুত নিন্দিতকর্ম্মরত দুর্ভাগ্য দল আত্মরক্ষার জন্ত প্রথম আসিয়া বাসভবন নিষ্কাশন করিতে লাগিল। পবিত্র ক্ষেত্রে দুর্জন আসিয়া তাহার মর্ষাদা নষ্ট করিতে লাগিল, দেখিয়াও কেহ কোন প্রতিবাদ করিল না। রাজা তখন সদস্য বিচারে অলস ছিলেন।; জমীদার টাকা পাইলেই জমী বন্দোবস্ত করিয়া প্রজারপত্তন আরম্ভ করিলেন—তীর্থ তাহার লাভের সম্পত্তি হইল। এইরূপে যত কুলটা স্ত্রীলোক সমাজে গ্লানি সহ্য করিতেছিল, তাহারা নিষ্কটকে ইন্দ্রিয় ভোগের নিমিত্ত আপন আপন উপপতিকে সঙ্গে করিয়া তীর্থ বাসিনী হইল। মৃত পতির উপাঞ্জিত অর্থে অট্টালিকা নির্মাণ করিয়া উপপতি লইয়া বাস

করিতে লাগিল। উপপতির নাম সন্ন্যাসী বা বৈরাগী ঠাকুর রাখিয়া আপান তাহার ভৈরবী বা সেবাদাসী হইল। লোকের চক্ষে ধূলি নিক্ষেপ করিয়া সাধু সাধ্বী সাজিয়া সুখে কালাতিপাত করিতে লাগিল। ক্রমে সাধু সজ্জন অপেক্ষা অসৎ অসতীর সংখ্যা তীর্থে অধিক হইল দেখিয়া জন সাধারণের তীর্থ নামে বিপরীত ধারণা হইল। অনেকে তীর্থকে মুক্তিস্থান না বলিয়া অসৎ ও কুলটার আশ্রয় স্থান বলিয়া উপেক্ষা করিতে আরম্ভ করিল। দুর্জনেরা দুর্কাসনা পূর্ণ করিতে তীর্থকেই সুযোগ্য স্থান বোধ করিয়া দলে দলে তাহাতে প্রবিষ্ট হইল।

তীর্থ স্থান আনানের বিভীষিকায় বিভাসিকাময় হইল। তাহার প্রতি-বিধানে কেহ অগ্রসর হইল না। সুপারিস্কৃত কথিত ক্ষেত্র কণ্টকারীর তুল্যে পরিপূর্ণ হইল কোনও কৃষক তাহাতে লাঙ্গল দিল না।

যাহারা বৈষ্ণব মণ্ডলের শিরোভূষণ, সেই সকল ভাগবত পুরুষেরা ক্ষেত্রে ভ্রমমান হইয়া, এক প্রাণ্ডে যাইয়া, নীরবে অবস্থান করিতে লাগিলেন। অজ্ঞাদিকে কাশী প্রভৃতি তীর্থের জ্ঞানময় নির্দিকার গুরুগণ গৃহেব অর্গল বন্ধ করিয়া জাগতিক সঙ্কর পরিত্যাগ করিলেন। সাধনাসনে বিভীষিকার উৎপাদ দেখিয়া আত্মরক্ষায় অধিকতর মনোনিবেশ করিলেন।

তীর্থ যোগের স্থান না হইয়া ভোগের স্থান হইল। ভোগের দেশে দোকান বসিল। ভোগ্য বস্তুর আমদানী আরম্ভ হইল। সেই সকল সম্ভাদরে ক্রয় করিতে সহরের পরিদদার তীর্থে যাইয়া উপস্থিত হইল। তীর্থ বন্দরে পরিণত হইল। অর্থ উপার্জনের স্থান হইল। যেক্রমে যে পারিল, অর্থাগমের একটা সুবিধা করিয়া গইল।

সাধুর আশ্রম বা আখোড়া হোটেলে পরিণত হইল। গোঁসাইবাড়ী ও ঠাকুর মন্দির প্রেসাদ ক্রয়ের দোকান হইল। নানা প্রকারে ভক্তি করিয়া ভণ্ডের দল মহাপুরুষ সাজিয়া বসিল। নির্বোদ যাত্রী তাহাদিগের কৌশলে বিমূঢ় হইয়া তাহাদিগকে মহাপুরুষ জ্ঞান করিতে লাগিল ও কষ্টোপার্জিত অর্থ তাহাদিগের সেবায় প্রদান করিতে লাগিল। এই সব ভণ্ডের অনেক আড়কাঠি জুটিতে লাগিল। যাত্রীদের ঘাড় ভাঙ্গিয়া যাহা সংগ্রহ করিতে লাগিল, শেষে তাহা অংশ করিয়া লইতে লাগিল। সাধারণ গণগ্রামে যে সকল ছল চাতুরীর নাম গন্ধও নাই পবিত্রকারী তীর্থে সে সকল নানা প্রকারে নানা আকারে উৎপন্ন হইতে লাগিল।

তীর্থ ব্যবসার স্থান হইল। ধর্মকণার ব্যবসা, শাস্ত্র পাঠের ব্যবসা, সঙ্গীতের ব্যবসা, কণকতার ব্যবসা এবং ধর্মবক্তৃতার ব্যবসা আরম্ভ হইল। ধর্ম লইয়া ব্যবসা প্রথমতঃ তীর্থস্থান হইতেই আরম্ভ হইল। পরে নগরে ও গ্রামে বরষার প্রবাহের মত প্রবাহিত হইল।

সরলতা ও সত্যবাদিতা, যাঁহা সাধনার প্রধান অঙ্গ, তাঁহা উন্নাদের লক্ষণ হইল। যদি কেহ সত্য কথা বলিল, সরল ভাবে আত্মপর সংবাদ প্রকাশ করিল, ভেঙে দল তাঁহাকে উন্নাদ বলিয়া প্রমাণ করিল; অথবা তাঁহাকে লালিত্য করিতে, মিথ্যা বাক্যে তাঁহার কলঙ্ক রটাইতে আরম্ভ করিল।

ঠাকুর দর্শনে ভেটের অত্যাচার। পৃথিবীতে যত জাতি আছে, সকলেরই তীর্থ ও দেবতা আছে। প্রতিমা পূজা কেবল হিন্দু জাতির মধ্যে বিद्यমান। অন্যান্য জাতির ভজন মন্দিরে প্রতিমা নাই। কিন্তু উপাসনা আছে। সেই তীর্থ ও মন্দির দর্শন করিতে দলে দলে যাত্রী গমন করিয়া থাকে। কিন্তু আমাদের উপাসনা মন্দির বা ঠাকুর গৃহ দর্শন করিতে যে ভাবে জরিমানা দিতে হয় অথবা সেবাইতদের পুত্র পরিবারের বন্দালকার সংগ্রহের চাঁদা দিতে হয়, সে ভাবে আর কোথাও কোন জাতিকে কিছু দিতে হয় না। আজ জেরু জেলেমের গির্জায় জর্মান সম্রাট কৈশর অথবা ভারত সম্রাট পঞ্চম জর্জ যেখানে বসিয়া উপাসনা করেন, অথবা আর্চ বিশপ যেখানে বসিয়া প্রার্থনা করেন, সেইস্থানে কতিশয় দীন দুঃখী একজন সাধারণ খৃষ্টান বিনা ভেটে প্রবেশ করিতে পারে। আজ মন্দির মন্দিরে যেখানে বাসিয়া, তুর্কীর সুলতান নামাজ করিয়া থাকেন, একজন নগ্ন ফকীর সে স্থানে প্রবেশ করিতে কোনও ভেটের উৎপাত সহ করে না। দেব মন্দির বা উপাসনা মন্দির তুলিয়া অর্থোপার্জনের ব্যবসা হিন্দুদেশের মত অন্য কোনও দেশে নাই। অথবা আমাদের মত ব্যবসা কারবার নিমিত্ত, দেবমন্দির গঠন বা প্রতিমা প্রতিষ্ঠা অন্য কোনও দেশের লোকে করে না।

আমরা ধাশ্বিক বলিয়া গর্ব করি, আমরা স্মৃনিষ্মল ধর্ম্মমতে দীক্ষিত বলিয়া অভিমান করি, আমাদের ধর্ম্ম ত্যাগের ধর্ম্ম, ঠেরাগের ধর্ম্ম, জ্ঞান বিজ্ঞানের ধর্ম্ম বলিয়া আমরা বড়াই করি, কিন্তু বর্ত্তমান সময়ে আমাদের ধর্ম্মক্ষেত্রের কার্য কলাপ বিচার করিলে, আমাদের বিবয় লালসা ও ভোগা-শক্তিকে সাক্ষা মান্ত করিলে আমাদের ধর্ম্ম ঠকের ধর্ম্ম এবং আমাদের তীর্থ স্থান ব্যবসার বন্দর, ইহা ভিন্ন আর কিছু বলা যায় না।

এখন হিন্দু সমাজের শাসক নাই, অভিভাবক নাই, গুরু নাই। যাহার যাহা ইচ্ছা সে তাহাই করে। এবং লোক ডাকিয়া তাহাই প্রচার করে। উচ্ছৃঙ্খলতায় হিন্দুর সংসার পরিপূর্ণ। সরল বিশ্বাসী, ধর্মভীরু, সাধারণ অজ্ঞ লোকদিগকে ভুলাইবার অসংখ্য উপায় আবিষ্কৃত হইয়াছে। পরকীয় সাধনের নামে পতিভ্রমণ কুললক্ষ্মীকে কুলটায় পরিণত করিতে নানারূপ মধুর আলাপের সৃষ্টি হইয়াছে।

হিন্দু জাতির তীর্থ ও দেবতা প্রাণাধিক সামগ্রী। এ জাতি যতদিন নির্মূল না হইবে ততদিন ইহার তীর্থ ও দেবার্চনা বিদ্যমান থাকিবে। সঙ্কল্প বিক্রয় করিয়া হিন্দু নরনারী তীর্থপর্যটনে গমন করিবে, এবং তীর্থস্থানের ও তীর্থবাসী সাধুর সংস্কার সাধিত না হইলে দুর্জ্ঞান অথলোলুপ তীর্থপাণ্ডা ও ভণ্ডের হস্তে বড় ষড়্ধ হইতে থাকিবে। তীর্থ যাত্রার উদ্দেশ্য সাধিত হইবে না।

তীর্থ ও সাধু সংস্কার কর্তৃত্ব জনসাধারণের হাতে।—সাধারণ কথায় বলা হয় “জর ও পরকে আহাঁর না দিলেই তাগরা চলিয়া যায়।” আমরা সাধুসেবা করিবার সময় যদি একটু ধীর ভাবে সাধুর যোগ্যতা বিচার করিয়া সেবা করি, তাহা হইলে অনেক সাধু পরিচ্ছদ পরিবর্তন করিয়া আপন আপন জাতীয় বাবসায় নিযুক্ত হয়। সাধুর সাধুর বিচার করতে সকলেই আধিকারী নহে এবং সকলেই বিচারের অবসরও প্রাপ্ত হয় না, এ কথা প্রতিবাদ যোগ্য না হইলেও সাধুদের রক্ষকই যে তাহাদের সংস্কারক হইতে একমাত্র অধিকারী তাহাতে আর সন্দেহ নাই।

সত্যবাদিতা ও সচ্চরিত্রতা না থাকিলে কেহ সাধু পদ বাচ্য হয় না। এবং যাগর গতিবিধি ও কার্যকলাপ সরলতাময় নহে সে সত্যবাদী ও সচ্চরিত্র হয় না। অশ্রান্ত বিষয় পরিত্যাগ করিয়া আমরা মাত্র এই দুই তিনটি বিষয় যদি লক্ষ্য করিয়া চলিতে থাকি তাহা হইলে আমরা অনেক বিভ্রমনার হস্তে নিষ্কৃতি লাভ করিতে পারি।

যে রমণাসঙ্গে শঙ্করাচার্য্য, বুদ্ধদেব, শ্রীচৈতন্যদেব সকলেই একবাক্যে নিন্দা করিয়া গিয়াছেন, সেই রমণাসঙ্গী সাধুকে আমরা সাধু বলিয়া কি কল্প সেবা করি? যখন কোন সাধুর সঙ্গে সেবাদাসী বা ভৈরবী দর্শন করিব, তখন তাহার বিশেষ কোন অশ্রু গুণের পরিচয় না পাইলে, আমরা তাঁহাকে উপেক্ষা করিয়া চলিয়া যাইব। যে আশ্রমে সাধু পরমাত্মন্দরী

যুবতী সেবাদাসী বা ভৈরবীর সঙ্গে দুগ্ধফেননিভ পালক শয্যার শয়ন করিয়া রাত্রি যাপন করেন, তাহাকে বিলাস মন্দির না বলিয়া আশ্রমের সম্মান কেন প্রদান করিব ? এরূপ সাধুকে আমার কষ্টোপার্জিত অর্থ কেন প্রদান করিব ? এবং এরূপ সাধু সাহায্য প্রার্থনা করিলে তাহাকে কাজকর্ম করিয়া জীবিকানিষ্কাহ করিতে কেনই বা না উপদেশ দিব ?

স্বর্ণকারের দোকানে স্বর্ণ বিক্রয় করিতে উপস্থিত হইলে সে কষ্টি পাথর বাহির করিয়া তাহা পরীক্ষা করে পরে তাহার মূল্য নির্ধারণ করে। আমাদের ঘরেও সাধু পরীক্ষার কষ্টি পাথর আছে। আমরা রূপ সনাতন, দাস রথুনাথের স্তায় বৈরাগীর দেশে বাস করি। আমাদের সম্মুখে যিনি বৈরাগী সাজিয়া দণ্ডায়মান হইবেন, আমরা তাঁহাকে সেই পুরাতন আদর্শে বিচার করিব। তাঁহাদের পারচ্ছদ দীন হীন কাঙ্গালের মত ছিল। তাঁহারা যৌষিৎসঙ্গকে—চূর্ণকুময় প্রাণনাশক ঘৃণিত বিষ বলিয়া সর্বথা পরিত্যাগ করিয়া ছিলেন। তাঁহারা নিঃসঙ্গ হইয়া শ্রীশ্রীরাধা গোবিন্দের তস্বকথা শ্রবণ কীর্তনে জীবন অতিবাহিত করিয়াছিলেন। আর নির্জন কক্ষে উপবেশন করিয়া জগৎ-কল্যাণকর গ্রন্থ সকল প্রণয়ন করিয়া গিয়াছিলেন। আমরা এখন সেই আদর্শ বৈরাগ্য সাধক দর্শন করিতে ইচ্ছা করি। তাই বৈরাগীর সংসার বৈরাগ্য ও ভগবদ্ভক্তি রথুনাথ দাস গোস্বামী প্রভৃতি মহাআগণের আদর্শে গঠিত কিনা, তাহার উদ্দেশ্য মহৎ কিনা তাহা সম্যক প্রকারে আলোচনা করিব। সে আলোচনায় যদি তিনি অযোগ্য হন, তবে তাহাকে গোয়ালন্দের ঘাটে চাকুরী অধেষণে অনুরোধ করিতে পারি কিনা পাঠকগণ বিচার করিয়া দেখুন।

যিনি বৈরাগী হইয়া রম্য হস্তা নিশ্চাণে অর্থ সংগ্রহ করেন, সেবাদাসীকুলে পরিসেবিত হন, অথবা হোটেলের ব্যবসা করেন, তাঁহাকে রূপ সনাতনের পরিচ্ছদ পরিধান করিতে দেখিলে, তাহার সংশ্রব পরিত্যাগ অবশ্য কর্তব্য।

এইরূপে শাস্ত্র সাধকেরও দৃষ্টান্ত আছে। সকলেই তাগীর শিরোমণি। যিনি স্বামিজী হইবেন তিনি ত্রৈলোক্যস্বামী ভাস্করানন্দস্বামী বা বিষ্ণুদ্বানন্দস্বামী হইবেন। তাঁহাদের আশ্রমে ত ভৈরবীর দঙ্গল ছিল না ? সুতরাং বর্তমান সময়ের স্বামীগণের আশ্রমে ভৈরবী দেখিলে সম্মান করিতে কেন অগ্রসর হইব ?

একস্থানে একই সময়ে দুইটা বস্তু অবস্থান করিতে পারে না, ইহা

বৈজ্ঞানিক সত্য। যে মনে দালান কোঠা গড়িবার বাসনা, লোক প্রতিষ্ঠার বাসনা, সেবাদাসী বা ভৈরবীর বাসনা, উত্তম পান, ভোজন, শয্যেনেব বাসনা, সে মনে বৈরাগ্যজনক ভাবভঙ্গির অর্থাভাবে কখনও সম্ভব হয় না। যদি কখনও কোন বিষয়-পিপাসাকে ধর্মকথার মধ্যে ভাবোন্মত্ত হইতে দর্শন করি, তাহা বালির সরবতের মত বিবেচনা করি। বালির সরবত যখন ঢালা-ঢালী করা যায় তখন জলের সঙ্গে বালি মিশ্রিত হয়, কিন্তু দুই মিনিট রাখিয়া দিলে বালি পাত্রেব তলায় পড়িয়া যায়, জল অধিকতর পরিষ্কৃত হইয়া উপরে অবস্থান করে। ঘোর বিষয়াসক্ত ব্যক্তি যখন সাধুসঙ্গনের সভায় ধর্মভাবে বিভোর হয়, তখন তাহা কেবল সাময়িক আবেগের ঢালাঢালির ফল। যখন সেস্থান পরিত্যাগ করে, তখন তাহার ধর্মবুদ্ধি উদরের সর্বনিম্ন তলায় নিশ্চল হইয়া পড়িয়া থাকে, এবং বিষয়বুদ্ধিরূপ জল অধিকতর নিম্নল হইয়া উপরে উঠিত হয়। ধর্ম ও সম্পদের সাধনা একসঙ্গে করা যায় না। তাই বলিতে ছিলাম, যে দৈহিক সুখ সাচ্ছন্দের জন্ত ব্যাকুল সে ধর্মসাধনার সাধক নহে। তাহার সঙ্গ করিলে সাধুসঙ্গ হয় না, অথবা তাহার সেবাদ সাধুসেবা হয় না এইরূপই আমার বিশ্বাস।

ক্রমশঃ

দীনশরণ।

দীন আমি, অতি হীন আমি, কথা এটা ত মিথ্যা নয়।
 কত দুঃখে ভরা আমার হৃদয়, তাও জানি সমুদয়।
 সংসারে এসে কত দুঃখ তাপ সহিতেছি নিশিদিন,
 পথ ভোলা আমি পাছ এ ভবে ঘুরিমা বিরামহীন।
 শুধু ঘুরে মরি ভব সংসারে, পাহনা পথের দেখা,
 পথহারা আমি ভ্রান্ত পৃথিক বিপথে পড়িয়া একা।
 এ যে গো সকলি সত্য, আছা মিথ্যা ত কিছু নয়।
 আমিও এ কথা আপনার মনে মনে লই অতিশয়।

শুধু তাই নয়,—আমার হৃৎকের আরও ত অনেক আছে ।
 সংসারে আমি শুধু অপমান পেয়েছি সবার কাছে ।
 কত অপমান আর লাঞ্ছনা হয় আমি এই ল'য়ে,
 চলিয়াছি এই ভবসংসারে সব চেয়ে নীচ হ'য়ে ।
 জানি জানি তাহা, সৰ্ব্বদা জানি,—আমি কত দীনহীন,
 মরমের মাঝে রেখেছি গাঁথিয়া ভুলি নাই কোনদিন ।
 মানি তাহা,—এই ভবে যে আমার কোনই মূল্য নাই ।
 বায়ু-বিতাড়িত শুষ্ক পত্র সম আমি উড়ে যাই ।
 ধূলিকণা যথা পথে ঘাটে সদা অনাদরে প'ড়ে রয়,
 আমিও তেমনি তুচ্ছ ঘৃণ্য জানি তা স্নানশয় ।
 আমার দীনতা, আমার হীনতা, লাঞ্ছনা অপমান,
 এহ ল'য়ে আমি সংসার মাঝে হ'য়ে থাকি ত্রিঘমান ।
 সত্যই আমি সংসার ঘাটে আসিয়া লেগেছি যেন,
 জঞ্জাল এক,—শ্রোতে ভাসমান শৈলবাল ঠিক হেন ।
 দুই পায়ে ক'রে দূরে ঠেলে দিতে আমারে সবাই চায় ।
 এমনি ঘৃণ্য এমনি তুচ্ছ, সংসারে আমি হয়,
 এত দীনহীন ঘৃণ্য হয়েও হৃৎক আমার নাই ।
 দীনতার মাঝে, হৃৎকের মাঝে এক সান্ত্বনা পাই,
 সেই সান্ত্বনা আর কিছু নয়—শুধু তব শ্রীচরণ ।
 কারণ তাহার,—দীন আমি, আর, তুমি যে দীনশরণ ।

শ্রীনৃসিংহদেব বন্দ্যোপাধ্যায় ।

আধুনিক সাহিত্যে ভগবদ্ভক্তির উপ করণ

আমি দশরথির “পাঁচালী” হইতে ভক্তির উপকরণ সংগ্রহ করিতে যাইয়া বঙ্গীয় প্রাচীন সাহিত্য সম্বন্ধে কিছু কিছু বলিয়াছি। আধুনিক সাহিত্যেও যে ভক্তিপ্রসঙ্গ একবারে বিরল এ কথা বলিবার যো নাই। বস্তুতঃ অনুলস্কন্ধে হইলে, আধুনিক লেখকগণের প্রবন্ধাদিতেও যথেষ্ট ভক্তির উপকরণ পরিদৃষ্ট হয়। আমি অল্প পাঠকগণকে এইরূপ কয়েকটা প্রবন্ধের স্থলবিশেষ উদ্ধৃত করিয়া আমার কথা সপ্রমাণ করিতে চেষ্টা করিব। কোন কোন প্রবন্ধের লেখক আমার অজ্ঞাত। তথাপি তাঁহাদের প্রবন্ধ-গোরবে মুগ্ধ হইয়া আমি পাঠক ও পাঠিকাবর্গের চিত্তবিনোদনের উদ্দেশ্যে তাঁহাদের প্রবন্ধ সকল হইতে কতিপয় স্থল উদ্ধৃত করিয়া দিলাম। ভরসা করি ইহাতে উক্ত প্রবন্ধ লেখকগণের কীর্তি ও গোরব অধিকতর পরিষ্কট ও সমৃদ্ধ হইবে।

নিম্নে প্রদত্ত চিত্রের সাহায্যে সহৃদয় পাঠক ও সহৃদয়া পাঠিকাগণ সর্বভূতে ভগবৎসঙ্গ উপলব্ধি করিতে চেষ্টা করুন—

“বিশ্বের প্রত্যেক পদার্থে হরি অনুলপ্রাণিত হইয়া আছেন। বিশ্বাস চক্ষু তাহা দর্শন করে। এই চরাচরে যাহাতে শ্রীভগবান নাই, বীজরূপে ভগবানের সঙ্গা যে বস্তুতে নাই তাহা জগতে থাকিতে পারে না। বাস্তবিক কল্পনাবলেও ঈশ্বরের শক্তি বিবার্জিত কোন বস্তুর সঙ্গা মনে ধারণা করা যায় না। যাহাতে ভগবান নাই এমন কোন বস্তুই নাই। পুতিগন্ধ পরিপূরিত স্নানকারজনক স্থানাবাহিত কুমি হইতে তেজঃপুঞ্জ কলেবর, জ্ঞান সম্পদ সম্পন্ন মহর্ষি পর্য্যন্ত সর্বভূতে সেই বিশ্বনিয়ন্তা পরম কারুণিক শ্রীভগবানের বিদ্যমানতা স্পষ্টরূপে প্রতীত হইতেছে। সাগর তীরস্থিত বেলাভূমির

অসংখ্য বালুকাকণা হইতে চির তুহিন সমাচ্ছন্ন অভভেদী হিমাঙ্গি পর্যাস্ত প্রত্যেক স্থানেই সেই মহামতিময় মহেশ্বরের আন্তত্বের সুস্পষ্ট নিদর্শন পরিদৃশ্যমান হইতেছে। তাঁহার আশ্রয় বাতীত চেতনাচেতন কোন বস্তু ক্ষণকালের জন্তও তিষ্ঠিতে পারে না। তিনি আছেন বনিতাই চন্দ্রে সূর্য্য নভোমণ্ডলে বিবাজ কারতেছে, অগস্ত হীরকখণ্ড বক্ষে ধারণ করিয়া রজনী শোভা ছড়াইতেছে; বিশাল সাগরোশ্মি সৈকত ভূমিতে নৃত্য করিতেছে; নির্ঝরিনী শৈলবক্ষ বিদারণ করিয়া কুলু কুলু ধ্বনি করিতে করিতে প্রবাহিত হইতেছে; এবং দেব ও দানব, তিথাক ও ঔরগ সকলেই স্ব স্ব কন্ম সাধনে বিনিয়ুক্ত রহিয়াছে। বাজরূপে ভগবান তাঁহার সকলেই মূল ধারণ করিয়া রহিয়াছেন এবং সকলকেই নির্দিষ্ট কন্ম সাধনে নিযুক্ত কার তেছেন। তিনি এক হইলেও অসংখ্য, নিরাকার হইলেও বহু আকার সম্পন্ন এবং নিষ্ক্রিয় হইলেও বহুতর ক্রিয়াশীল। (লেখক অজ্ঞাত)

অতি ক্ষিপ্ত হস্তে অঙ্কিত নিয়ে প্রদর্শিত দুইটি চিত্রে এইবার ভগবান নন্দনন্দন এবং দেবাদিদেব মহাদেবের স্বরূপচিত্র দর্শন করিয়া পরিতৃপ্ত হউন—

“যে সচ্চিদানন্দ শ্রীগোবিন্দের বদনারবিন্দ হইতে গীতারূপ মকরন্দ স্ফাণ্ডিত হইয়াছে, তিনি স্বয়ংই নিজ শ্রীমুখবর্ণিত নিলিপ্ততার দেদীপ্যমান দৃষ্টান্ত। ভোগ মধো অলৌকিক সন্ন্যাসের দৃষ্টান্ত শ্রীকৃষ্ণের চরিত্রেই জ্বলন্তভাবে পরিদৃশ্যমান। জন্মকাল হইতে লীলা সম্বরণ পর্যাস্ত সর্বাবস্থায় ভগবান নন্দনন্দন অভ্যদ্ভূত নিলিপ্ততার পরিচয় প্রদান করিয়াছেন। চিন্তাশীলতার সচিত যিনিই শ্রীকৃষ্ণলীলা অনুধাবন কারবেন তিনিই এই তত্ত্বের গূঢ়রহস্য উপলব্ধি করিয়া কৃতার্থ হইবেন। এইরূপ আর এক পরম দেবতার মহচ্চরিত্র দেবতাদিগেরও আদর্শ। শ্রীকৃষ্ণ চরিত্রে যেরূপ ভোগে সন্ন্যাসের দৃষ্টান্ত দেখিতে পাওয়া যায়, ভগবান ভূতভাবন মহাদেবের চরিত্রে:

সেইরূপ সন্ন্যাসে ভোগ, নিলিপ্ততায় লিপ্ততা এবং অনাসক্তিতে আসক্তি পরিদৃষ্ট হইয়া থাকে। উভয় দৃষ্টান্তই অল্পরূপ। ভোগের পথ দিয়া অনাসক্তি এবং অনাসক্তির পথ দিয়া ভোগ, ফলতঃ দুইই একই কথা।

মহাদেবের স্ত্রায় ঐশ্বর্যশালী, সৌভাগ্যবান, দেবগণের মধ্যে আর কে আছেন? তথাপি মহাদেব ভিক্ষোপজীবী, ভঙ্গ প্রলিপ্ত কলেবর বিশ্বতরু-তল নিবাসী, ব্যাঘ্রাশ্বর পরিহিত এবং বুঝভারুচ। আর নিলিপ্ততার পরিচয় তাঁহার যোগচর্য্যায়। সেই বিভূতি বিলেপিতকায়, মহাপুরুষের বাম অঙ্গে সর্ব্বালঙ্কারভূষিতা, সর্ব্বশোভাময়ী, স্থিরযৌবনা, জগন্মাতা আসীনা। বিশ্বেশ্বরের বাম হস্ত সেই প্রেমময়ী বিশ্বজননীর কণ্ঠে বেষ্টিত। এইরূপ অবস্থায়, সেই অনাদি পুরুষ বাহ্যজ্ঞানবিরহিত যোগমগ্ন! সমাধিস্থ! সন্ন্যাসে ভোগের অতুলনীয় দৃষ্টান্ত!।” (৩দামোদর মুখোপাধ্যায়।)

জগন্মাতাকে স্মরণ করিয়া জগন্মাতার জন্ত প্রাণ কাঁদিয়া উঠিল। তাই—ভক্তের সহিত একবাক্যে শরৎসুন্দরী মাকে আবাহন করি :—“এস মা আনন্দময়ী! আমার হৃদয়ে আসিয়া বস। ঐ দেখ মা! শরতের আকাশ নিশ্চল নিলাবভাবিকাশ করিতেছে, তোমার নীলনয়নের মনোহর দ্যুতি উহার অনন্ত নীলিমায় যেন ফুটিয়া উঠিয়াছে। ঐ দেখ মা! শরতের উষা যেন নিশ্চোকমুক্ত সর্প বিস্তারের অশুকরণ করিয়া ভাস্করের কোটি তনুকটিকে অনন্ত আকাশের কোলে ছুটাইতেছে। ঐ দেখ মা! অপসারিতসালিলা—সারদাবর্ষণ শীর্ণা নদীর গর্ভে পেলবকর্দম বিস্তারের উপর, কাশকুসুমের শুভ্র বিকাশ শোভা পাইতেছে—যেন বর্ষাদেবী বার্ক্কোর পলিত কেশ বিকীর্ণ করিয়া অরণ কিরণের তাপ সহিতেছেন। আবার ঐ দেখ মা! পঞ্চল তড়াগে বাপীবন্ধে, নীলজলের উপর কুমুদ কহ্লারের রক্তশোভা ফুটিয়া উঠিয়াছে; যেন জলদেবী তাষুলরাগ রঞ্জিত সোহাগের

অধর ফুলাইয়া মেঘমুক্ত তপনদেবের সহিত ব্যঙ্গ করিতেছেন। ঐ দেখ মা! শরতের চন্দ্র নীল আকাশের কোলে ভাসিয়া, বিগলিত রক্তধারা-স্রাবে মেদিনীবক্ষক, জলস্থলকে স্তম্ভাবরণে আবৃত করিতেছেন। আবার শরতের সূর্য্য যেন ইন্দুর প্রতিদ্বন্দিতা করিয়া উষার মুখে অলঙ্কৃত ছিটাইতেছেন—ধরাবক্ষ বিগলিত হেমজ্যোতি বিছাইয়া দিতেছেন। যেন তাহাতেও সাধ মিটিংছে না, তাই যাইবার সময়ে প্রদোষসুন্দরীর যুগল কপোলে সপ্তবর্ণের কোটি ইন্দ্র ধনু আঁকিয়া দিয়া যাইতেছেন। এমন নির্ম্মলরূপের খেলা, আর কোন ঋতুতে ত বটে না? এমন আলো ও ছায়ার আদান প্রদান, এমন নানাবর্ণের সম্প্রসারণ ও সংহরণ আর ত কোন কালে হয় না? এই সময়ে এস মা, রূপময়ি! লাবণ্যময়ি! কারুণ্যময়ি মা আমার, হৃদয় আকাশ জোড়া করিয়া আসিয়া বস মা!”

(৩পাচকড়ি বন্দ্যোপাখ্যায় ।)

ঐ বঝি মা আমার আসিলেন, তাই প্রাণ ভরিয়া মায়ের রূপ দর্শন করিয়া জন্ম ও জীবন সার্থক করি। এই যে মা আমার—

“সিংহবাহিনী, মহাবল মহিষাসুরমর্দিনী, দশকরে দশ আয়ুধ-ধারিণী, গৌরবর্ণা, ত্রিনেত্রা, প্রসন্নবদনা, দিব্যবস্ত্র পরিহিতা, দিব্য-অলঙ্কারে বিভূষিতা এবং রক্তকল্লাঙ্কণ মুকুট সূশোভনা—মহামুর্তি। দুই পার্শ্বে কমলে—
—কমলাসনা স্বনদা এবং জ্ঞানদা। দক্ষিণে যোগাসনে লম্বোদর গণপতি এবং বামে শিখিপৃষ্ঠ সমাক্রুত সর্বাঙ্গসুন্দর পুরুষ, সুরসেনাপতি কাহ্নিকেশ্য। এই মহামুর্তি সম্মুখে ষটসম্মিধানে বিষ্ণুপত্র রাশি, জবারাশি, কমলরাশি, এবং অন্তান্ত কুঞ্জমরাশি; উভয় পার্শ্বে নৈবেদ্যের নানাবিধ ভোগ্য সামগ্রী ও তৈজসাদি স্তম্ভাকৃত। নবপত্রিকার স্নান হইয়াছে, আনুসঙ্গিক বাছো-
ছম নীরব হইয়াছে, পুরোহিত পূজায় বসিয়াছেন, তন্ত্রধারক মন্ত্র বলিতেছেন—
—আমি মাকে প্রণাম করিয়া বলি—

সর্বমঙ্গল মঙ্গলো শিবো সর্বার্থ সাধিকে ।

শরণোত্রাথকে গৌরি নারায়ণি নমোহস্তুতে ॥”

হুর্গোৎসব শেষ হইল। গৃহদ্বার আঁধার করিয়া মা আমার চলিয়া গেলেন। কিন্তু বালকের প্রাণ ত বুঝে না ; দশভুজ মাকে না দেখিতে পাইয়া শ্রামা মার জন্ত প্রাণ কাঁদিয়া উঠিল। তাই ভক্তের সঙ্গে আঁধার এক বাণী বলি :—

“ঐ শুন শুন ভীমে !—বিহঙ্গ কলকুজন, একবার তোমার গৃধিনী-শ্রবণযুগল পাতিয়া শ্রবণ কর। তোমাদের রবে প্রভাতসমীর স্তব্ধ, গগন কোটিকাঙ্করে মুগ্ধ—তুমি একবার শুন। শকার ! একবার শুন। বিরেকমালা পদ্মে পদ্মে ঘুরিয়া শুন শুন শুজন রবে কি সোণাগের বার্তী প্রচার করিতেছে—কোন্ রাজার অভয়বাণী ঘোষণা করিতেছে। শুন মা ! অর্দ্ধদায় কাল হইতে উষার সুন্দরাতলাদ প্রকটক্ষণ পর্য্যন্ত সেফালি সখীসকল কেমন নিঃশব্দে গীত গাথিতে গাথিতে অধোমুখী হইয়া ধরা-বক্ষকে চুম্বন করিতেছে। কাহার আগমন বার্তী জ্ঞাপন করিবার জন্ত ফুলমুখী সেফালীর এত বাস্ততা ? শুন মা ! নীরস কেতকী কুসুমের কাছে যাইয়া ভ্রমর কুল কি মঙ্গভেদী বিষাদের গান করিতেছে। অত সৌরভে কণামাত্র রস নাই, ইহা যেন ভ্রমরের বিশ্বাস হইতেছে না। তাই সোৎসাহে সে কেতকী পরাগে ঝাঁপাইয়া পড়িতেছে ; আর মক বালুকা প্রোথিত ক্রমেলকের (উষ্ট্রের) ত্রায় শুক পরাগস্তুপে ডুবিয়া আত্মহত্যা করিতেছে। আসিবে না মা ? এমন কাল, এমন অবসর, রূপসের এমন খেলার সময়ে আসিবে না মা ? এস মা শ্রামা ! এই রূপসাগরে তোমার কাল চুলের রাশি এলাইয়া—ছড়াইয়া, অরুণ কিরণের সোণার তরঙ্গে শ্রাম দেহ-যষ্টিকে ভাসাইয়া, দোলাইয়া, নাচাইয়া, কোটি কহলারের প্রোত্ত্বিত রক্তদলের উপর, অলক্তরাগরঞ্জিত ছোট ছোট চরণ ছ্বানিকে সাবধানে ফেলিতে

ফেলিতে, নীল নয়নের বিলোল কটাঙ্কের উপর অসংখ্য ঋজন নেত্রকে নাচাইয়া—ভ্রমর মালার লহরী লীলা ছড়াইয়া, কচি কচি অধরোষ্ঠে কোটি কোটি স্থল কমল ফুটাইয়া—সদা, নৃত্যপরা, চপলা, চঞ্চলা, বালা, এস মা !

মা, তুমি আমার কন্ঠা—আম্মজা। আমার সাত সোহাগের সংসার অঙ্গনে, আমার আসাক্তস্নিগ্ধ হৃদয় প্রাঙ্গণে নাচ মা শ্রামা। আমার কন্ঠা-রূপে, আম্মজা—শৈলজা, বিরজারূপে নাচ মা ! তোমার তাণৈ তাণৈ নাচে স্নাত চাঁদ নিঙড়ান রাঙ্গাচরণ ছুখানির কনক সুপুর বাজিয়া উঠুক। আর সেই বনৎকারে বনৎকারে, চারিবেদের কোটি বাক্যার শুনিয়া আমার শ্রবন মন সার্থক হউক। নাচ মা ! আমার সুখময়ী, স্নেহময়ী, ভাবময়ী, জ্ঞানময়ী, প্রাণময়ী, সুধাময়ী, মা আমার নাচ। জন্মজন্মান্তরের হঃসন্তপ্ত এই বিস্তীর্ণ বক্ষের উপর—তোমার অমরগণ সেবিত—যোগিগণবাস্কিত, রাজীব চরণ যুগল স্থাপন করিয়া একবার নাচ মা ! এই যে মা আমার—

করালবদনাং ঘোরাং মুক্তকেশী-চতুর্ভূজাং

কালিকাং দক্ষিণাং দিব্যাং মৃগুমাল্য বিভূষিতাম ॥

সগুচ্ছিন্নশিরঃ খড়্গ বামা-ধোদ্ব-করাষুজাং।

অভয়ং বরদধৈব দক্ষিণোদ্ধাধ—পাণিকাং ॥

মাকে দর্শন করিয়া কৃতার্থ হইলাম। এইবার মায়ে পদানত হইয়া প্রণাম করি—

কালি ! কালি ! মহাকালি ! কালিকে, পাপহারিণী !

ধর্মার্থমোক্ষদে দেবি নারায়ণি নমোহস্ততে ॥”

মাকে ভিন্ন ভিন্নরূপে দর্শন করিয়া কৃতার্থ হইলাম। কিন্তু মার বিশ্বরূপ দর্শন না করিলে ত প্রাণের আকাঙ্ক্ষা পূর্ণ হয় না। কিন্তু এ বিশ্বরূপ দর্শনের অধিকারী কে ? গীতাভাষ্যকার এ সম্বন্ধে যে চিত্র অঙ্কিত করিয়া-

ছেন—ঐহ্যার সেই সুরাঞ্জিত চিত্রই এইস্থানে দর্শকগণের সম্মুখে ধারণ করিতেছি :—

“যাঁহার হৃদয়ে বিমলা ভক্তির উৎস প্রবাহিত হইতেছে, ভক্তির প্রাবল্যে যাঁহার হৃদয়ে সন্দেহকলুষ ও অবিশ্বাস পাপ নিঃশেষে নিষ্ফূল হইয়াছে, ভক্তিপাদপের স্নশীতল ছায়ায় সমপ্রবিষ্ট হইয়া যিনি পরমাশান্তি ও অতুলনীয় সন্তোষ সন্তোষ করিতেছেন, ঐভগবানের বিশ্বরূপ দর্শনে তিনিই অধিকারী। শতমুখী জাহ্নবীর গ্রায় যাঁহার ভক্তির অনন্তধারা কেবল ভগবানেই সন্মিলিত হইয়াছে, যাঁহার ভক্তি ঐহ্যার হৃদয়কে দারা ও পুত্র, ধন ও সম্পদ, সন্মান ও গৌরব প্রভৃতি যাবতীয় আসক্তি হইতে বিচ্যুত করিয়া, পার্থিব সমস্ত ক্ষণিক আকর্ষণ হইতে বিচ্ছিন্ন করিয়া কেবল ভগবানেই লীন করিয়াছে। যিনি স্বপ্নে ও জাগরণে, কার্ষ্যে ও বিশ্রামে, সততই ভগবৎচিন্তা ব্যতীত অন্য চিন্তা করিতে অশক্ত, ভগবানই যাঁহার জ্ঞানের ও ধ্যানের একমাত্র বিষয়ীভূত, যিনি বিশ্বের যাবতীয় পদার্থে কেবল ভগবানকেই দেখিতে পান, যিনি লাবণ্যময়ী প্রেয়সী কামিনীর প্রেমপূর্ণ বদনকমলে কেবল ভগবানকেই দেখেন, স্নেহস্পন্দ প্রেমময় নবনীত কোমল পুষ্পলি সন্নিভ নয়ন বিনোদন নন্দনকে ক্রোড়ে ধারণ করিয়া ভগবানের সহিতই প্রেম-সন্মিলন হইয়াছে বলিয়া জ্ঞান করেন, যিনি শারদ পূর্ণিমার শোভাময়ী রজনীতে বিশ্বভূমি ভগবানেরই প্রেম-প্রবাহে প্লাবিত হইয়াছে মনে করেন, যিনি বসন্তের নবসমাগমে নবোদগতে চূত শুকুলের সৌরভে, অচিরোদ্ভিন্ন কিশলয় দামের শোভায়, সুমিষ্ট দক্ষিণানিলের সুমধুর স্পর্শে এবং পুংস্কোকিলের পঞ্চম তানে ভগবানেরই মধুরতা এবং ঐহ্যারই বিকাশ অল্পভব করেন। সেই ভক্ত চূড়ামণিই ঐহ্যার পরম সমাদরের পাত্র এবং দেবতাগণেরও বরণীয় ব্যক্তি। সেই ভক্তবর্মা মহাজ্ঞানী ঐহ্যার বিশ্বরূপ দর্শনের অধিকারী। ঐহ্যার বেদাধ্যায়নের প্রয়োজন হয় না, জ্ঞানলাভের জন্য গুরুসমীপে অবনত মস্তকে

দণ্ডায়মান থাকিতে হয় না, শুভক্ষণ, শুভযোগ, বা ষটনা বিশেষে সর্বস্ব দান করিতে হয় না, কঠোর ব্রহ্মচর্যা বা বহু ক্লেশ সাধ্য তপশ্চর্যা করিতে হয় না; নানা সামগ্রী আরহণ পূর্বক বহ্বায়াসসাধ্য যজ্ঞানুষ্ঠানাদি করিতে হয় না, এবং অতীব পীড়াদায়ক কুচুচাল্পায়ণাদি ব্রতে প্রবৃত্ত হইতে হয় না। ভক্তিরূপ যে অলৌকিক আলোকে তীহার দিবা নয়ন প্রস্ফুটিত হইয়াছে, আর কোন সহায়তা ব্যতীত, সেই পবিত্র জ্যোতিঃ দ্বারা উজ্জলীকৃত দিবা নয়নে তিনি শ্রীহরির বিশ্বরূপ দর্শন করিয়া ধন্ত ও কৃতার্থ হইয়া থাকেন।”

আমার উদাহরণ প্রদর্শন শেষ হইল। মহানুভব পাঠকগণ আমার গুণদোষ কিছুই লইবেন না। আমি মাত্র ভারবাণী। উদ্দেশ্য ভগবৎ চরণ স্মরণ ও ভগবন্নামাস্মকীর্তন। এক্ষণে সেই শ্রীভগবানের স্মরণাপন্ন হইয়াই আপাততঃ আপনাদিগের নিকট বিদায় গ্রহণ করিলাম।

শ্রীবিশ্বেশ্বর দাস।

সহৃদয় গ্রাহকগণকে জানাইতে বাধ্য হইলাম যে, এখনও অনেকের নিকট ভক্তির বার্ষিক ভিক্ষা বাকী আছে। আপনাদের সহানুভূতি না পাইলে পত্রিকা পরিচালনা করা আমাদের মত কাঙ্গালের হুঃসাধ্য। আশা করি নিজ নিজ ভিক্ষা এই মাসের মধ্যেই পাঠাইয়া দিবেন। সকল গ্রাহকগণের নিকটই আমরা ভক্তির হুই একটী করিয়া নূতন গ্রাহক প্রার্থনা করি। আশা করি আমাদের প্রার্থনা বিফল হইবে না।

ভক্তি-কার্য্যাধ্যক্ষ

“প্রতীক্ষা”

শ্রীঅনাথবন্ধু ভট্টাচার্য্য ।

এত দুখ	কাছে কই
গেছে সুখ	নাহি পাই
গাংকিগো কেমনে ।	কোথা বল যাই ।
এত ব্যথা	মনে হয়
প্রেম গাথা	পাই ভয়
রাখিয়ে গোপনে ॥	পাছে বা হারাই ॥
আজি কেন	প্রতীক্ষায়
এত ক'রে	দিন যায়
বাজাও বাঁশরী ।	সে দিন না আসে ।
প্রাণ মোর	বল কবে
তব তরে	স্থান পাবে
উঠিছে শিহরী ॥	(অনাথ) চরণের পাশে ॥

✽

বৈষ্ণব-সংবাদ

বিগত ৪ঠা ফাল্গুন গৌর আনাঠাকুর শান্তিপুৰনাথ শ্রীশ্রীঅষ্টৈত প্রভুর আবির্ভাব তিথি ছিল । শ্রীধাম শান্তিপুৰে মহা সমারোহে এই উৎসব সম্পন্ন হইয়াছে । এই উৎসব উপলক্ষে ২৮এ মাঘ হইতে ৬ই ফাল্গুন পর্য্যন্ত প্রত্যহই সুপ্রসিদ্ধ কীর্তনোয়া শ্রীযুক্ত সুরেন্দ্রনাথ আচার্য্য শ্রীযুক্ত বনমালী দাস ও শ্রীযুক্ত গৌরগোপাল দাস এই তিন দলের ভিন্ন ভিন্ন পালাকীর্তন

হইয়াছে। তৎসিদ্ধি প্রাপ্ত হই পূজা, মহাপ্রসাদ বিতরণ প্রভৃতি হইয়াছে। ষষ্ঠা ফাল্গুন তারিখে মধ্যাহ্নে শ্রীশ্রী সীতানাথের জন্মলীলা কীর্তন, মালসা ভোগ ও মহামণ্ডপসব এবং সন্ধ্যাকালে শ্রীকৃষ্ণচৈতন্য মতবোধিনী সভার অধিবেশন হইয়াছিল। এই অধিবেশনে শ্রীধামের বহু প্রভু সন্তান যোগ দান করিয়াছিলেন। প্রভু সীতানাথের সুসন্তান পরম পণ্ডিত প্রভূপাদ শ্রীযুক্ত রাধাবিনোদ গোস্বামী, শ্রীযুক্ত নদীধামবিনোদ গোস্বামী এবং কলিকাতার বিজ্ঞ কবিরাজ গৌরভচন্দ্র প্রবর শ্রীযুক্ত কিশোরামোহন গুপ্ত ব্যাকরণতীর্থ এম, এ, মহাশয়গণ বলক্ষণ ধারণা বক্তৃতাদ্বারা সীতানাথের গুণ বর্ণনা করিয়া শ্রোতৃবর্গের আনন্দবর্দ্ধন করিয়া ছিলেন। মুখে মখে ভক্তি সম্পাদক শ্রীযুক্ত দীনেশচন্দ্র ভট্টাচার্য্য গীতিরত্ন মহাশয়ের সঙ্গীত হইয়াছিল। পরদিবস ষেটার সময় হইতে প্রভূপাদ শ্রীযুক্ত রাধাবিনোদ গোস্বামী মহাশয় রাসলীলা বাখ্যা করিয়াছিলেন। উৎসবানন্দে এই কয় দিন শান্তিপুর যেন টলমল করিতেছিল। কলিকাতা হইতে বহু ভক্ত উৎসবে যোগদান করিয়া ছিলেন আমরাও বহুভাগ্যবলে উৎসবানন্দ দর্শন করিয়া কৃতার্থ হইয়াছি।

ঢাকা, শাখারী বাজারে প্রভু সীতানাথের উৎসব মহাসমারোহে হইয়াছে। এরা ফাল্গুন আধিবাস হইয়া ষষ্ঠা ফাল্গুন অষ্টপ্রহর কীর্তন এবং ঐ সঙ্গেই প্রভুর জন্মলীলাকীর্তন পূজা প্রভৃতি হইয়াছিল। এই প্রাতে নগর কীর্তন ও সন্ধ্যার পর হইতে বিবিধ লীলাকীর্তন। ৬ই নগর কীর্তন ও ধুলট হয়। ঐ দিন ও তৎপরদিন বৈকালে প্রভূপাদ শ্রীযুক্ত নদীধামবিনোদ গোস্বামী প্রভু সীতানাথের গুণ বর্ণনা করিয়া বক্তৃতা করেন। এবং শ্রীধাম বৃন্দাবনের শ্রীযুক্ত দামোদরলাল গোস্বামীও প্রভুর গুণ বর্ণনা করেন। ভক্তি সম্পাদক শ্রীযুক্ত দীনেশচন্দ্র ভট্টাচার্য্য গীতিরত্ন মহাশয়ের সুমধুর সঙ্গীত হইয়াছিল। এই উৎসব সম্পাদনে প্রভু সীতানাথের বংশধর শ্রীযুক্ত

কৃষ্ণরতন গোস্বামী মহোদয়ের উৎসাহ বিশেষ উল্লেখযোগ্য। শ্রীযুক্ত নদীয়াবিনোদ গোস্বামী বিশেষ আস্থানে কুচবিহার রওনা হইয়া যাওয়ায় ৮ই ফাল্গুন শ্রীযুক্ত দামোদরলাল গোস্বামী মহোদয় বক্তৃতা করেন ও দীনেশ বাবু কীর্তন করেন। আমরা আশা করি ভক্তবৃন্দেও একান্তক যত্নে প্রতি বৎসরই প্রভু সীতানাথের গুণকীর্তনের আয়োজন করিবা কৃষ্ণরতন প্রভু ভক্তবৃন্দের আনন্দ বর্ধনে যত্নবান হইবেন।

* * *

পূজনীয় শ্রীযুক্ত রামদাস বাবাজী মহাশয় বিগত ১৯২৬ ফাল্গুন শ্রীধাম নবদ্বীপে শ্রীমৎ রাধারমণ দাস দেবের স্মরণ মধোৎসবে গিয়া ছিলেন। সেখান হইতে মহোৎসবান্তে বাবলা (শান্তিপুত্র) দিগম্বর প্রভৃতির উৎসব সমাধা করিয়া ১৪ই চৈত্র ফরিদপুর রওনা হইবেন সেখান হইতে ১৭ই চৈত্র হালদহরে (কুমারহট্টে) শ্রীমৎপ্রভুর আগমনের সবে যোগদান করিয়া ঐ দিনই ভবানীপুরে শ্রীভাগবত ধর্ম প্রচারিণী সন্যাস উপাস্ত হইবেন। পরদিন প্রাতে নগরকীর্তন ও বৈকালে নামোক্তন করিবেন। তৎপর ২১এ হইতে ২৩এ চৈত্র পর্যন্ত হাওড়া কোঁড়ার বাগানে ভক্তি পত্রিকার প্রতিষ্ঠাতা নিতাদামগত শ্রীপাদ দীনবন্ধু কাব্যতীর্থ বেদান্তরত্ন মহোদয়ের স্মরণ মধোৎসবে যোগদান করিবেন। এবং ২৩শে বৈকালে বরাহনগর শ্রীভাগবতাচার্যের পাঠ বাড়ীতে শ্রীগৌরানন্দদেবের আগমন উৎসব উপলক্ষে যোগদান করিবেন। বর্তমানে এইরূপই স্থির হইয়াছে।

* * *

বিগত ২ই ফাল্গুন মাঘী শুক্রাভ্যোদশী প্রেমদাতা শ্রীমন্নিতানন্দ প্রভুর আবির্ভাব বর্ষ উপলক্ষে কটক শ্রীশ্রীরাসবিহারী মঠ শ্রীরাধারমণ কুঞ্জ ৭ই হইতে ১০ই পর্যন্ত পাঠ, কীর্তন, অষ্টপ্রহর প্রভৃতি যথার্থ হইয়াছে। সময়াভাবে উৎসবানন্দে যোগদিতে না পারায় আমরা দুঃখিত। শ্রীযুক্ত রাধাকৃষ্ণ বসু এম, এ দাদা মহাশয়ের উৎসাহ উৎসর্গ প্রসংশনীয়। বিগত ১৮ই ফাল্গুন হইতে চল্লিশ দিন অহোরাত্র কীর্তন আরম্ভ হইয়াছে। বিস্তৃত বিবরণ বারাস্তরে দিবার চেষ্টা করিব।

শ্রী শ্রীরাধারমণো জয়তি

“ভক্তির্ভগবতঃ সেবা ভক্তিঃ প্রেম-স্বরূপিণী

ভক্তিরানন্দরূপা চ ভক্তির্ভক্তস্ত জীবনম্ ॥”

২৭শ বর্ষ

৯ম সংখ্যা

ভক্তি

ধর্ম-সম্বন্ধীয় মাসিক পত্রিকা।

কৈশাখ

১৩৩৬

প্রার্থনা

দয়া কর দীনবন্ধু অধম তারণ।

নিরুপায় দেখি আজ লইছু শরণ ॥

হে সর্কাস্তুর্য্যামীন! তোমার অঘটন ঘটন পটীয়াশী মায়ায় খেলা চরাচর বিশ্বব্রহ্মাণ্ডে একাধিপত্য করিয়া রহিয়াছে, যে যতই বড় হউক মায়ায় হাতে নিস্তার পায়না। আমি কোন্ ক্ষুদ্র, আর আমার এমন কি সাধনা আছে যে, তোমার মায়ায় প্রভাবকে পরাজয় করিব। মুখে খুব বড় বড় কথা বলি, যখন কেহ কিছু বলে তখন এমনভাবে তাহার সঙ্গে আলাপ করি যে, সে বেশ বুঝিয়া লয় যে, আমি অনেক কিছু করিয়াছি। আর তাহাকে সেই ভাবে বুঝাইয়া আকৃষ্ট করিতে না পারিলে যে আমার ব্যবসা চলে না। এই ভাবে কপটতার উপর কপটতার আবরণ দিয়া ক্রমে ক্রমে আমি একেবারে অকর্মণ্য হইয়া পড়িয়াছি, এখন আর উদ্ধারের কোন উপায় নাই। ঘোবনের প্রারম্ভে যে উৎসাহ উদ্দম ছিল, এখন তাহা নাই। ভোগে ডুবিয়া

সব ভুলে যেন, তোমারি ধেয়ানে,
 থাকি আমি নিশিদিন ;
 আমার আমিষ, যুচে যায় যেন,
 হয় গো তোমাত্তে লীন ।
 কতদিন হায়, গেছে মিছা কাজে,
 তোমারে ডাকিনি ভুলে ;
 আজি ডাকিতেছি, এখন কাতরে,
 এসে মরণের কূলে ।
 পারের সম্বল, আনি নাই কিছু,
 কাঁদিতেছি অনিবার ,
 দাও দয়াময়, ও পদ-তরণী,
 মোরে করিবারে পার !

শ্রীনৃসিংহদেব বন্দ্যোপাধ্যায় ।

শ্রীশ্রীঅমিয় নিতাই চরিত

(ডাঃ শ্রীযুক্ত ভোলানাথ ঘোষ দাস লিখিত)

(২০)

(নন্দীহাবাসীর মূতন জীবন)

“ধর নাও সে কিশোরীর প্রেম, নিতাই ডাকে আয় ।

এ প্রেম কলসে কলসে বিলায় তবু না ফুরায় ॥

প্রেমে, শান্তিপূর ডুবু ডুবু ন’দে ভেসে যায় ।

প্রেমে দুকূল ভেসে চেউ লাগিছে গোরা চাঁদের গায় ॥”

নদীয়ার তৎকালীন অবস্থা বর্ণনা করিবার সাধ্য নাই। শ্রুত বিচিত্র সঙ্গুণে নদীয়াবাসীর হৃদয়ে কৃষ্ণ-ভক্তি উথলিয়া পড়িতেছে। প্রেমানন্দে নদীয়া টলমল। উপরের পদে দেখা যাইতেছে যে, শ্রীপাদ নিত্যানন্দ, অবিচারে দুই হাতে কিশোরীর প্রেম বিলাইতেছেন, তাহাতে বন্যা আসিয়া নদীয়া ভাসিয়া যাইতেছে, শাস্তিপুর ডুব ডুব হইয়াছে। এই তরঙ্গ স্রুধার স্রায় ভক্তি, নিতাই সকলকে কলসী কলসী পান করিতে দিতেছেন। প্রেমানন্দ শ্রোতে হুকুল ভাঙিয়া গোরাটাদের গায়ে ঢেউ লাগিতেছে। আনন্দময়ের সঙ্গুণে, প্রত্যেকেরই হৃদয় আনন্দপূর্ণ হইয়াছে। যে দিকেই যাও কেবল আনন্দ-শ্রোত। লোকে অকারণে হাসিতেছে আর পরস্পর পরস্পরকে আলিঙ্গন করিয়া প্রেমানন্দে মুচ্ছিত হইয়া পড়িতেছে। শ্রুত আদেশে শ্রীপাদ নিত্যানন্দ, মনের মাধে দুই হাতে প্রেমামৃত বিতরণ করিয়াছেন তাহারই ফলে আজি নদীয়ায় এ আনন্দ শ্রোত। সে আনন্দের বার্তা পদকর্তা লোচন দাসের পদে পুনরায় শ্রবণ করুন,—

“সুখেরি পাথার নদীয়ায়, গোরাটাদের ইন্দয়।

এক দিন নয়, দুইদিন নয়, নিভুই নূতন। (সুখেরি পাথার)

মনে করি, ন’দে ভরি, এ দেহ বিছাই।

তাহার উপরে আমার গোবাপ নাচাই।”

নবীন প্রেমে, ভক্তগণের হৃদয় ও মন সর্বদা নাচিতেছে। তাঁহারা এই প্রেমের চক্ষে দেখিতেছেন, ত্রিভুবন আনন্দে পূর্ণিত হইয়াছে, প্রতি রজনী খোল, করতাল ও হরিধ্বনিত মৃধারত, লোক ভক্তিতে উন্মাদ, তাঁহাদের দৃষ্টি, গমন-ভঙ্গী সমস্তই মধুর।

(কাজি উদ্ধার।)

“দুরমতি অতি পতিত পাষণ্ডী

প্রাণে না মারিল কারে।

হরি নাম দিয়ে হৃদয় শোধিল

যাচি গিয়ে ঘরে ঘরে।” (মনঃশিক্ষা)

চাঁদকাজি গোড়ের বাদশাহের দৌহিত্র, তিনি বাদশাহের প্রতিনিধি হইয়া নবদ্বীপ শাসন করেন। সেই কাজির নিকট, ছুট মুসলমান ও হিন্দুরা জুটিয়া, নিমাই পণ্ডিতের বিরুদ্ধে নালিশ করিয়া আসিল। নিমাইয়ের অপরাধ—তিনি ভগবৎ প্রেমে বিভোর হইয়া ভক্তগণের সঙ্গে মারা রাত্র, মদঙ্গ, করতাল, শঙ্খ, মন্দিরা, মাদল প্রভৃতি লইয়া উচ্চকণ্ঠে হরিনাম সঙ্গীর্জন করেন। মন্দ লোকের তাহা সহ হইবে কেন? কিন্তু কাজি প্রথমে, এ নালিশে কর্ণপাত করিলেন না, কারণ নিমাই চাঁদের মাতামহ নীলাস্বর চক্রবর্তীর সহিত তাঁহার বিশেষ সৌহার্দ্য ছিল। এমন কি তিনি গ্রাম সম্পর্কে চক্রবর্তী মহাশয়কে চাচা বলিয়া ডাকিতেন। প্রথমে যখন সকলে অভিযোগ করিল, তখন তিনি সে কথায় কর্ণপাত করিলেন না। কিন্তু তাঁহার অধীনস্থ মুসলমান কর্মচারীগণ তাঁহাকে উৎপীড়ন করিতে থাকিলে, তিনি বাধ্য হইয়া—একদিন সন্ধ্যাকালে, সদলে নগরে আসিয়া দেখিলেন যে, স্থানে স্থানে সংকীর্জন হইতেছে, তখন তিনি তাঁহার সঙ্গীগণসহ একটা বাটীতে প্রবিষ্ট হইয়া তাহাদের খোল ভাঙ্গিয়া, বিশেষ করিয়া শাসাইয়া বলিলেন, “আবার যদি কেহ কীর্জন করে তাহা হইলে তাহার জাতি মারা যাইবে।” (কাজি যে স্থানে খোল ভাঙ্গিয়া দেন, সে স্থান অত্যাপি “খোল ভাঙ্গার ডাঙ্গা” নামে পরিচিত হইয়া আসিতেছে।)

ইহাতে নগর মধ্যে কীর্জন করা একেবারে বন্ধ হইয়া গেল। নিমাই চাঁদ শুনিলেন যে, কাজির ভয়ে আর কেহ কীর্জন করিতে পারে না। শুনিয়া

প্রভু ক্রোধে হুঙ্কার করিয়া উঠিলেন, আর বলিলেন, “আজ আমি সমস্ত নব-
দ্বীপ নগরে কীর্তন করিয়া বেড়াইব দেখি কে আমার কীর্তন রোধ করে।”

“প্রভু বলে নিত্যানন্দ হও সাবধান ।

এইক্ষণে চল সব বৈষ্ণবের স্থান ॥

সর্ব নবদ্বীপে আজি করিমু কীর্তন ।

দেখি মোরে কোন কর্ম্ম কবে কোন জন ॥

দেখ আজি কাজির পোড়াঙ ঘর ধার ।

কোন কর্ম্ম করে দেখি রাজা বা তাহার ॥

প্রেম-ভক্তি রুটি আজি কাঁরব বিশাল ।

পাষণ্ডীগণের সে হইব আজি কাল ॥

চল চল ভাই সব নগরিয়াগণ ।

সর্বত্র আমার আজ্ঞা করহ কথন ॥

কৃষ্ণের রহস্য আঁচি দেখিবেক যে ।

এক মহা দীপ লঞা আসিবেক সে ॥

ভাস্কির কাজির ঘর কাজির ছ্যারে ।

কীর্তন করিব দেখি কোন কর্ম্ম করে ॥

অথও ব্রহ্মাণ্ড মোর সেবকের দাস ।

মুদ্রিঃ বিদ্যমানেও কি ভয়ের প্রকাশ ॥

তিলার্দ্ধেক ভয় কেহ না করিহ মনে ।

বিকালে আসিবে ঝাট করিয়া ভোজনে ॥

তত্তক্ষণে চলিলেন নাগরিয়গণ ।

পুলকে পূর্ণিভ সবে কিসেত ভোজন ॥

নিমাই পণ্ডিত আজি নগরে নগরে ।

নাচিবেন ধ্বনি হৈল প্রীতি ধরে ধরে ॥” (১৫: ভা:)

নিমাই পণ্ডিত আজ সঙ্কীর্ণনে নগরে নগরে নাচিবেন এ আনন্দ রাধিবীর স্থান কোথায়? সকলেই সন্ধ্যা হইবার পূর্বে হাতে এক এক মশাল লইয়া এবং কটিতে তৈলের ভাণ্ড বাঁধিয়া, প্রভুর দ্বারে আসিয়া হাজির হইলেন।

দ্বীলোকেরা পরীক্ষা খই কড়ি বাতাসা প্রভৃতি সংগ্রহ করিয়া রাখিলেন। সংকীর্ণনমস্ত প্রভু যখন তাঁহাদের গৃহের সম্মুখ দিয়া যাইবেন তাঁহারা তখন সেই সমস্ত দ্রব্য পথে ছড়াইবেন।

কান্দীর সহিত কলা সকল দ্বারাে।

পূর্ণ ঘট শোভে নারিকেল আশ্রমাে ॥

ঘুতের প্রদীপ জলে পরম সুন্দর।

দধি ছর্কা ধাত্ত দিব্য বাটার উপর ॥

এক কথায় নগর তখন আনন্দময় হইয়া গিয়াছে। বাঁহারা সঙ্কীর্ণনে যাইতেছেন তাঁহাদের হস্তে এক একটা দেউটা (মশাল)। এ দেউটার সংখ্যা কে করিবে?

অনন্ত অর্কুদ কোটি লোক নদীয়ার।

এ দেউটা সংখ্যা করিবার শক্তি কার ॥

ইতিমধ্যে যে যে ব্যবহারে বড় হয়।

মহশ্রেক সাজাইয়া কোন জনে লয় ॥

হইল দেউটীময় নবদ্বীপ পুর।

শ্রী বাল বুদ্ধের রঙ্গ বাড়িল প্রচুর ॥”

তখন কে কোন সম্প্রদায়ে নৃত্য করিবেন নিমাই তাহা ঠিক করিয়া দিলেন শ্রীপাদ নিত্যানন্দ কোন সম্প্রদায়ে নৃত্য করিবেন জিজ্ঞাসা করা হইলে তিনি বলিলেন “প্রভু! আমি স্বতন্ত্র নৃত্য করিতে পারিব না। আমি তোমার সঙ্গে সঙ্গে থাকিব। তুমি নৃত্যকালে পড়িয়া যাইতে পার,

আমি তোমার সঙ্গে সঙ্গে থাকিয়া তোমাকে আগলাইব। তোমাকে ছাড়িয়া আমি এক ভিল থাকিব না। তোমাতে আমাতে এক সঙ্গে থাকিব।” বলিতে বলিতে তাঁহার পরিসর বন্ধ বহিয়া, প্রেমাঙ্ক ধারা পড়িতে লাগিল। প্রভু তাঁহাকে আলিঙ্গন করিয়া নিজ সঙ্গে লইলেন।

চাঁদ কাজি প্রকৃত পক্ষে নদীয়ার রাজা, তাঁহার আজ্ঞা রোধ করিয়া নিমাইচাঁদ নব-নটবর বেশে সাজিয়া ভক্তগণ সঙ্গে কীর্ত্তন রঙ্গে বাহির হইলেন। তখন—

“হিলে তিলে বাড়ে বিশ্বস্তরের উল্লাস।”

তিনি মাঝে মাঝে হুঙ্কার করিতেছেন—

“হুঙ্কার করেন প্রভু শচীর নন্দন।

শব্দে পরিপূর্ণ ঠেল সবার শ্রবণ ॥

হুঙ্কারের শব্দে সবে হইলা বিহ্বল।

হরি বলি সবে দীপ জালিল সকল ॥

লক্ষ কোটি দীপ সব চতুর্দিকে জলে।

লক্ষ কোটি লোক চারিদিকে হরিবলে ॥

কি শোভা হইল সে বলিতে শক্তি কার।

কি সুখের না জানি হইল অবতার ॥

কিবা চন্দ্র শোভা করে কিবা দিনমণি।

কিবা তারাগণ জলে কিছুই না জানি ॥

সবে জ্যোতির্ম্ময় দেখে সকল আকাশ।

জ্যোতি-রূপ কৃষ্ণ কিবা করিলা প্রকাশ ॥ (১৮: ভা:)

গৌরাজ সুন্দর, হরি হরি ধ্বনি করিয়া বাহির হইলেন। শ্রীনিতাই তাঁহার সাথে সাথে। ভক্তগণ প্রভুদ্বয়কে বেষ্টন করিয়া কীর্ত্তন করিতেছেন তাঁহাদের সঙ্গে শ্রীফাণ্ড, মাল্য ও চন্দন এবং হস্তে মন্দিরা ও করতাল শোভা

পাইতেছে। হরি হরি ধ্যান করিয়া সকলে মহানন্দে ভাসিতেছেন, তাহাদের দেহে তখন কোটি সিংহের শক্তি। আর সেই অস্তুত জনতার মাঝে প্রভুর রূপ, যেন উছলিয়া পড়িতেছে, তাহাতে—

“সংসারের তাপ হরে শ্রীমুখ দেখিয়া ।
 সর্ব লোক হরি বলে অংলগ হইয়া ॥
 জিনিয়া কন্দর্প কোটা লাগণের সীমা ।
 হেন নাহি যাহা দিয়া করিব উপমা ॥
 তথাপিহ বলি তান কৃপা অসুসারে ।
 অত্রথা সেক্সপ কহিবারে কেবা পারে ॥
 জ্যোতিষ্ময় কনক বিগ্রহ দেব সার ।
 চন্দন ভূষিত যেন চম্পের আকার ॥
 চাঁচর চিকুরে শোভে মালতির মালা ।
 মধুর মধুর হাসে জিনি সৰ্ব কলা ॥
 ললাটে চন্দন শোভে ফাণ্ড বিন্দু সনে ।
 বাহু তুলি হরি বলে শ্রীচন্দ্র বদনে ॥
 আজানু লঙ্ঘিত মালা সর্ব অঙ্গে দোলে ।
 সর্ব অঙ্গ তিত্তে পদ্মনয়নের জলে ॥
 হুই মহাভূজ যেন কনকের স্তম্ভ ।
 পুলকে শোভয়ে যেন কনক কদম্ব ॥
 সুন্দর অধর অতি সুন্দর দশন ।
 শ্রুতিমূলে শোভা করে ক্রমুগ পত্তন ॥
 গজেন্দ্র জিনিয়া স্বরূ হৃদয় সুপীন ।
 তাহি শোভে গুরু যজ্ঞ-সূত্র অতিক্রম ॥

চরণারবিন্দে রমা তুলসীর স্থান ।
 পরম নির্মল স্কন্ধ বাস পরিধান ॥
 উন্নত নাসিক! সিংহগ্রীব মনোহর ।
 সবা হইতে সুপীত সুদীর্ঘ কলেবর ॥
 যে যে স্থানে থাকিয়া সকল লোক বলে ।
 দেখ ঠাকুরের কেশ শোভে নানা ফুলে ॥
 এতেকে যে লোকের হইল সমুচ্চয় ।
 সরিষাও পড়িলে তল নাহি হয় ॥
 তথাপিও হেন কৃপা হইল তখন ।
 সবাই দেখেন সুখে প্রভুর বদন ॥ (১৫: ভা:)

প্রভুর সঙ্গে যাহারা কীর্তন করিয়া যাইতেছেন, তাঁহাদের মধ্যে প্রধান
 অদ্বৈত আচার্য্য, তাঁহার দলে হরিদাস নৃত্য করিতেছেন। আর এক সম্প্রদায়
 তাঁহাদের সহিত নৃত্য করিতেছেন। এইরূপে প্রভু—

“গদাধর বক্রেশ্বর মুরারি শ্রীবাস ।
 গোপীনাথ জগদীশ বিপ্র গঙ্গাদাস ।”

প্রভৃতি প্রধান প্রধান ভক্তগণকে এক এক সম্প্রদায়ের নেতা করিয়া
 দিলেন। এবং নিত্যানন্দ ও গদাধর “প্রেম-সুখ-সিদ্ধ মাঝে” ভাসিতে
 ভাসিতে প্রভুর দুই পাশে যাইতেছেন। তখনকার—নবদ্বীপের লোকসংখ্যা
 এখনকার কলিকাতার লোক সংখ্যা অপেক্ষাও অনেক বেশী ছিল। এই
 অনন্ত লোকের প্রায় সকলেই প্রভুর দল পুষ্টি করিয়া অগ্রসর হইতে লাগিল।

“এই মত মহাপ্রভু নাচিতে নাচিতে ।
 সবার সর্হিতে আইসেন গঙ্গাপথে ।”

প্রভু এরূপ মোহন বেশে সজ্জিত হইয়া নৃত্য করিতেছেন যে, রূপ যেন
 উছলিয়া পড়িতেছে—

নাচে বিশ্বস্তর, সবার ঈশ্বর,
 ভাগীরথী তীরে তীরে ।
 যার পদধূলি, হই কুতুহলী,
 সবাই ধরিল শিরে ॥
 অপূৰ্ণ বিকার, নয়নে সুধার,
 ছকার গর্জন শুনি ।
 হাসিয়া হাসিয়া শ্রীভূজ তুলিয়া
 বলে হরি হরি বাণী ॥
 মদন সুন্দর, গৌর কলেবর,
 দ্বিবা বাস পরিধান ।
 চাচর চিকুরে, মালা মনোহরে,
 যেন দেখি পাঁচবান ॥
 চন্দন চচ্চিত, শ্রীঅঙ্গ শোভিত,
 গলে দ্বোলে বনমালা ।
 তুলিয়া পড়য়ে, প্রেমে স্থির নহে
 আনন্দে শচীর বালা ॥
 কাম শরাসন, জয়ুগ পত্তন,
 ভালে মলয়জ বিন্দু ।
 বুকুতা দশন, শ্রীযুত বদন,
 প্রকৃতি করুণা সিদ্ধ ॥
 ক্রমে শত শত বিকার অদ্ভুত
 কত করিব নিশ্চয় ।
 অক্ষয় কল্প ঘর্ষ, পুলক বৈবৰ্ণ,
 না জানি কভেক হয় ॥

যখন যে করে, গৌরানন্দসুন্দর,
সব মনোহর লীলা ।
আপন বন্দনে, আপন চরণে,
অঙ্গুলি ধরিয়া খেলা ॥

শ্রীগৌরানন্দের এই নগরকীর্তনের যে চাকুচিত্র বৃন্দাবনদাসের নিপুন তুলিকা স্পর্শে ফুটিয়া উঠিয়াছে জগতের কোন সাহিত্যে তাহার তুলনা নাই। স্বয়ং বাসদেব ব্যতীত শ্রীভগবানের লীলা এমন মধুর ভাবে বর্ণনা করতে কেহই পারেনা। আর যাহাতে আবার প্রিয় পাঠকের চিত্তে, ইহার একটা মোহন ছাপ উঠিতে পারে, তজ্জন্তই এই মনোহর লীলা বিস্তৃত ভাবে শ্রীচৈতন্যভাগবত হইতে উদ্ধৃত করিলাম। আশুন পাঠক! আমরা নদীয়ার পথে, এই সোনার মাল্যুক দাঁড় করাইয়া রাখিয়া, এই বিশ্ববিমোহন দৃশ্য, প্রাণ ভরিয়া দেখিয়া লই। কারণ নদীয়ার পথে এ দৃশ্য দেখিবার ভাগ্য আর আমাদের অধিক হইবে না। ক্রমশঃ

মায়া ।

কেন—আকুল প্রাণে, পিছন পানে,
চেয়ে ঝরে নন্দধারা ।
যেতে যখন হবে তখন
ব্যথায় কেন পাগল পারা ॥
যারে ভোমার আপন ব'লে, ক্ষত হৃদয় যাচ্ছে জলে,
আপন হ'লে সেকি কভু
ছিন্ন হত এমনি ধারা ॥

যাচ্ছ ছেড়ে আপন জনে, প্রবোধিতে নার মনে—

বৃথা অশ্রু বিনিময়ে

অনধিকার দাবী করা ।

মরম জ্বালা, হায়! জুড়াইতে কেহ নাই ;

মরমী ভাবিয়া 'পরে'

হও কেন আপন হারা ॥

কেবা ভুলাইল সব মরমী, দরদী তব,

চিত্তচৌর প্রাণগৌর

প্রভু নিতাই পাগল করা ॥

শ্রীনিতাইপদ দাস ।

ভারতী-স্মৃতি ।*

“মুকং করোতি বাচালং পশুং লজ্জয়তে গিরিং ।

যৎকৃপা তমহং বন্দে পরমানন্দ মাধবম্ ॥”

যাঁহার কৃপা হইলে পশু গিরিজবনে সমথ হয়, বোবাও বাক্শক্তি লাভ করে, তাঁহারই কৃপায় এ দীনের হৃদয়োচ্ছ্বাস ভাষায় কিঞ্চিৎ ব্যক্ত হওয়া অসম্ভব নয়। হে মাধব! আমাকে একটু কৃপা কর। তোমার কৃপায় এই দীনহীন আমি অগ্নিকার এই স্তম্ভবিত্ত ধন্যসভায় আপন প্রাণের কুদ্র ছটো কথা নিবেদন করিয়া কৃতার্থ হই।

হে মধুসূদন! তোমারই ইচ্ছায় পূর্ণ একটী বৎসর অতীত হইল। অনাদি অনন্ত কালসমুদ্রবক্ষের উপর তাহারই অংশস্বরূপ বৎসররূপে

• শ্রীপাট দেখুড়ে শ্রীপাদ কেশবভারতী প্রভুর স্মৃতিসভায় পঠিত ।

যে একটা তরঙ্গ উঠিয়াছিল, সে বৎসর আজ অনন্ত কালে বিলীন হইল। ক্ষুদ্র কাল মহাকালে মিশিল। ক্ষুদ্র বর্তমান অনাদি অতীতে ডুবিয়া গেল। সঙ্গে সঙ্গে ভাসিয়া উঠিল,—নূতন একটা তরঙ্গরূপে আবার এ যে বর্তমান! সঙ্গে সঙ্গে মনের মাঝে জাগিয়া উঠিল,—আবার এ যে নূতন ভাবে সেই সে কত অতীত দিনের পুরাণ স্মৃতি!

আজ যে সেই দিন। যেদিনের পুণ্যস্মৃতি আমাদের অন্তরে চিরদিনের মত জাগরুক রহিয়াছে ও থাকিবে,—সেইদিন, ওগো সেইদিন যে আজ আবার আসিয়াছে। প্রতি বর্ষেই আজিকার এই দিনে যে সেইদিন একবার আসে। আর সেদিন থাকে কোথায়? ক্ষুদ্র দেহুড় গ্রামে। এই বিশাল জগতের কোন স্থানই সে অধিকারের দাবী করিতে পারে না—সে গৌরবের স্পর্শ করিতে পারে না;—যে অধিকার-গৌরবের স্পর্শ করিয়া থাকে এট ক্ষুদ্রাদপি ক্ষুদ্র দেহুড় গ্রাম! এই দেহুড়ের গৌরবে আজ সারা বাঙ্গলাদেশ গৌরবাবিত। কেন তাহাও কি আবার বলিতে হইবে? বাঙ্গলার গৌরব শ্রীধাম নবদ্বীপে যে প্রেমাবতার শ্রীমন্মহাপ্রভুর আবির্ভাব হইয়াছিল এবং যাহার শ্রীমুখ-নিঃসৃত প্রেম-ভক্তির অমিয়-মধুর উপদেশবাণী মর্ত্যমানবের তাপিতপ্রাণে শান্তির শীতল ধারা ঢালিয়া দিয়াছিল,—সেই পতিতপাবন শ্রীগৌরানন্দ মহাপ্রভু যাহার অক্ষুপ্রেরণায় বিশ্বহিতে আপনাকে বিলাইয়া দিয়া প্রেমের অবতার পতিতের ভগবান-রূপে জগতের পূজালাভ করিতেছেন,—শ্রীমন্মহাপ্রভুর সেই সন্ন্যাসতরু স্রীপাদ কেশবভারতী প্রভু যে এই দেহুড় গ্রামে আবির্ভূত হইয়াছিলেন। তাহা হইলে এ পুণ্যস্থান কি আজ বাঙ্গলার একটা গৌরব নয়?

আনুমানিক ৪৭০ বৎসর পূর্বে এই ক্ষুদ্র দেহুড় গ্রামে এই চিরধনু দেহুড়ের ব্রহ্মচারী বংশেই যে তিনি আবির্ভূত হইয়াছিলেন! তাঁহাকে পাইয়াই ত এই বংশ চিরধনু এই স্থান চির গৌরবাবিত

আজ এ বাংলাদেশের আপামর সাধারণেই জানিয়াছে যে, তাঁহার সংসারশ্রমের নাম ছিল,—রামভদ্র এবং তিনি মুকুন্দমুরারি ভট্টাচার্য্যে পুত্ররূপে এই স্থানে জন্মগ্রহণ করিয়াছিলেন। এই স্থানে তাঁহার সেই আবির্ভাব উপলক্ষ্য করিখাই সেই স্মৃতির উদ্দেশে আজকার এই ধর্মসভার অধিবেশন। আর এই ধর্মসভায় তাই এমন সব ভক্ত-ভাবকের মনোহর সমাবেশ!

শ্রীভগবানের প্রিয় নিকেতন, চিরসাধের লীলাক্ষেত্র বলিয়া এই ভারতবর্ষ জগতের মাঝে যেমন ধন্ত,—ততোধিক ধন্ত আবার এই নদীমেখলা শম্ভুশ্রামলা আমাদের বঙ্গভূমি। যেহেতু এই বাংলাদেশই বুকে আসিয়া উদয় হইয়াছিলেন,—আমাদের সেই প্রেমের ঠাকুর শ্রীগোরাঙ্গ। এই সৌভাগ্য ত ভারতের আর কোনও প্রদেশের হয় নাই! এ সৌভাগ্যের অধিকারী একমাত্র বাঙ্গলা—এ গোরব একমাত্র বাংলাদেশই নিজস্ব। আর কোনও অবতারের লীলাজন্তু না হইলেও, মাত্র এই এক অবতারের গোরবেই বাঙ্গলা ধন্ত। শ্রামা বাংলাদেশ বুকে শ্রীভগবান শ্রীচৈতন্যরূপে অবতার গ্রহণ করিয়া যে লীলা বিস্তার করিয়া গিয়াছেন, তাহা পূর্ব পূর্ব বারের লীলা হইতে যেন স্বতন্ত্র—এ যেন এক সম্পূর্ণ অভিনব ব্যাপার। আর মনে হয়, এই অভিনবতত্ত্বও যেন তিনি বিশেষভাবে বাংলাদেশেরই জন্ত সাধ করিয়া আসিয়াছিলেন।

শ্রীচৈতন্যের আবির্ভাবের পূর্বে আরও যে কয়টা অবতারের আবির্ভাব ঘটিয়াছিল, তাহার সবগুলিরই আবির্ভাব এবং লীলাক্ষেত্র হইয়াছিল,—বাঙ্গালার বাহিরে এবং ক্ষত্রীয় বংশে। কিন্তু শ্রীচৈতন্যরূপে শ্রীভগবান প্রেম-ভক্তির যে লীলা বিস্তার করিয়া গিয়াছেন, তাহা এই বাঙ্গলা দেশে এবং আবির্ভাবও বাঙ্গালী ব্রাহ্মণের বংশে। শ্রীচৈতন্য মহাপ্রভু কুন্দ সংসারের সঙ্কীর্ণ পথ পরিত্যাগ

কারণ যে প্রেমভক্তির মহামন্ত্র প্রচার করিতে বিশাল বিশ্ব পণের পাণক হইয়াছিলেন, সেই পথে চলিতে সেই মন্ত্রে তাঁহাকে তিনি দীক্ষা দিয়াছিলেন, তিনিও এই বাঙ্গালা দেশের এক ব্রাহ্মণ বংশে জন্মগ্রহণ করিয়াছিলেন। বাঙ্গালা দেশের এবং বাঙ্গালী ব্রাহ্মণের তথা সমগ্র বাঙ্গালী জাতির এর চেয়ে গৌরবের বিষয় আর কি হইতে পারে? বাঙ্গালার এক মহা গৌরবস্বরূপ সেই বংশ,—এই দেহুড়ের ব্রহ্মচারী বংশ এবং মহাপ্রভুর সেই সন্ন্যাসগুরু,—এই শ্রীপাদ কেশব ভারতী প্রভু;—যাঁহার পূণ্য স্মৃতির উদ্দেশে আজিকার এই ধর্মসভার অধিবেশন। তাই প্রতি বৎসরই আজিকার এই দিনে দেহুড়ের ব্রহ্মচারী-ভবনে, শ্রীপাদ ভারতী প্রভুর এই বাল্যশ্রমে তাঁহার আবির্ভাব-মহোৎসব অনুষ্ঠিত হইয়া থাকে।

অত্কার এই সভার উদ্দেশ্য আর কিছু নয়;—মাত্র সেই মহাপুরুষ শ্রীপাদ ভারতী প্রভুর পুত্র স্মৃতির উদ্দেশে ভক্তির পুষ্পাঞ্জলি প্রদান। শ্রীপাদ ভারতী প্রভু আমাদের এই স্থানে এত দিনে আবির্ভূত হইয়াছিলেন বলিয়াই আমরা তাঁহার স্মৃতিপূজা করিয়া ধন্য হইবার অভিলাষে এই আয়োজন করিয়া থাকি। ইহাতে আমরাই ধন্য হই। আমরাই সৌভাগ্যশালী এবং গৌরবান্বিত হইয়া থাকি। নতুবা আমাদের মত অক্ষম, দীন এবং সর্বপ্রকারে অযোগ্য ব্যক্তির এই পূজায় ভারতীপ্রভুর কোনই গৌরব বাড়িবে না। কারণ যে মহাপ্রভু শ্রীচৈতন্যদেব আজ ভক্তি-জগতের অবিসংবাদিত একছত্রী সম্রাট, তাঁহার গুরু যিনি,—আমাদের মত দীনাতিদীন অক্ষম ব্যক্তির পূজায় অথবা পূজা না করায় তাঁহার গৌরব-মহিমার কি আসে যায়? প্রেম-রাজ্যের সম্রাটের মন্ত্রদাতা যিনি, জগৎগুরু গুরু যিনি,—তিনি যে আজ বিশ্ববাসীর প্রাণের পূজা লাভ করবেন,—মুস্কু মানবের ভক্তি-পুষ্পাঞ্জলি প্রাপ্ত হইবেন,—তাঁহাতে আশ্চর্য্য কি আছে? সত্য সত্যই ভারতী প্রভুর পূণ্যস্মৃতি বকে করিয়া

আজ প্রেম ও ভক্তিজগৎ ধ্বংস হইয়াছে। তাঁহার স্মৃতি বজায় রাখিবার জন্ত নূতন করিয়া আমাদের এ ক্ষুদ্র আয়োজনের কোনও প্রয়োজন নাই,— তাঁহার স্মৃতিপূজার জন্ত কোনও ধর্মসভার অধিবেশনেরও আবশ্যিকতা নাই। তথাপি আমরা তাহা করি কেন? বলিযাছি ত,—নিজেরা ধ্বংস হইবার জন্তই তাহা করিয়া থাকি। আর এক কথা। ইউন না কেন,—ভারতী প্রভু আজ বিশ্ববরেণ্য! তবু আমাদের যে তিনি আপন, ওগো, একান্তই যে আপনারজন ছিলেন। সে সৌভাগ্যের গৌরব কি আমরা করিব না?

‘জানি,—তিনি বিশ্বের হিতেই আসিয়াছিলেন এবং সেই বিশ্বহিতই সাধন করিয়া গিয়াছেন। তাই দেখিতেও পাইতেছি, আজ তিনি বিশ্ববাসীর বরণীয় হইয়া রহিয়াছেন। সত্য বটে, তিনি বিশ্ববাসীর আরাধা ধন। তবু—ওগো, তবু যে তিনি আমাদেরই আপন জন! আমরা কি তাঁহাকে ভুলিয়া যাইব? ভুলিতে পারি না—হয়, আমরা যে সে স্মৃতি কোন মতেই ভুলিতে পারি না! তিনি আগে যে আমাদের; তবে ত বিশ্বের! আমরা তাঁর স্মৃতি কেমন করিয়া ভুলিব? বিশ্বের জন্ত তাঁর প্রাণ কাঁদিয়াছিল বলিয়া না হয় একদিন তিনি এই ঘর ছাড়িয়া বাহির হইয়াছিলেন এবং সেই দিন হইতেই না হয় তিনি বিশ্বের বরণীয় হইলেন! কিন্তু তার আগে,—যখন বিশ্ব ত কত দূরের কথা,—এই দেগুড়ের পার্শ্ববর্তী গ্রামের লোকগুলি পর্য্যন্ত তাঁহাকে জানিত না, চিনিত না, তাঁহার সম্বন্ধে কোন খোঁজই রাখিত না; তখন যে তিনি এখানেই থাকিতেন। লোক-লোচনের অন্তরালে নিভৃত গোপনে তখন যে তিনি এই দেগুড়ের ব্রহ্মচারী ভবনেই “মানুষ” হইতেছিলেন! তখন যে তিনি একটা সুন্দর সুকুমার শিশু এই ভবনেই খেলা করিয়া বেড়াইতেন! হাঃ, তখন কে জানিত যে, সারা বিশ্বের সার সম্পদ এমন ভাবে এই দেগুড়ের ব্রহ্মচারী

ভবনে লুকাইয়া রহিয়াছে! আর কে-ই বা তখন ভাবিয়াছিল যে, এই ভবন অন্ধকার করিয়া সে অমূল্য ধন, সে অতুল্য মাণিক আবার তেমন ভাবে বিশ্বের কাজে চলিয়া যাইবে।

কিন্তু সেদিনের সেই স্মৃতি কি ভুলিবার? শ্রীপাদ ভারতী প্রভু আজ বিশ্বের গুরুরূপে বিশ্ববাসীর পূজালাভ করুন, আমরা তাহা তত দেখিব না দেখিবাব প্রয়োজন নাই। কারণ সে দেখা দেখিবার আরও ত অনেক আছে। আমরা দেখিব,—এখানে আজ আমাদের সেই রামভদ্রকে। আমাদের সেই মুকুন্দ মুরারি ভট্টাচার্য্যের পুত্র মেহের জ্বলাল, নয়নের পুত্রসৌ সুন্দর সুকুমার শিশু রামভদ্রকে। আমরা ভাবিব, শিশু রামভদ্রের সেই সরল মুখের সুন্দর হাসিটুকু। সেই হাসি পরক্ষণে সেই কান্না, কথায় কথায় সেই অভিমান, এই প্রাঙ্গন ধূলায় সেই গড়াগড়ি। আমরা আলোচনা করিব, রামভদ্রের সেই শৈশব কালের মধুমাখা আধ আধ কথাগুলি। তাঁর বাল্যসীলার যে মধুর স্মৃতি এই স্থানের আকাশে বাতাসে এখনও মিশিধা রহিয়াছে, তাঁর শৈশবজীবনের যে সব ঘটনা এই ভবনের মস্তিকার সাহিত একবারে গ্রথিত হইয়াছে, তাঁর শৈশবের যে সব কার্য্যাবলী এই ব্রহ্মচারী ভবনের প্রতি ধূলিকণাটিকে পর্যন্ত পবিত্র করিয়া রাখিয়াছে, আমরা আজ এখানে পূজা করিব, সেই স্মৃতির। কারণ এটা আমাদের সম্পূর্ণ নিজস্ব অধিকার। নিজে অযোগ্য হইলেও আপনার ঘরে কেহ পরকে কর্তৃত্ব দিতে চায় না। অতি কাঙ্গাল, অতি দুঃখীও নিজের ঘরে নিজে কর্তী! বিশ্ববন্দিত শ্রীপাদ ভারতী প্রভু আজ বিশ্ববাসীর ঘরে ঘরে ভক্তির পুষ্পাঞ্জলী লাভ করুন, অযোগ্য আমরা সে পুষ্পাঞ্জলি দানের অধিকারী না হইতে পারি কিন্তু তাঁর এই বাল্যশ্রম দেখুড়ের ব্রহ্মচারী ভবনে বালক রামভদ্রের সেই বাল্যসীলার স্মৃতি পূজায় একমাত্র অধিকার আমাদেরই আছে। এ অধিকার যে আমরাদিককে বজায় রাখিতেই হইবে! নিজের অধিকৃত বিষয়

সামান্য হইলেও তাই যে লোকের কত আদরের। আর আমরা সামান্য হইয়াও ভগবৎ রূপায় আজ যে অসামান্য ধনের অধিকারী হইয়াছি, তাহা ত অবহেলায় নষ্ট করিতে পারি না। যেমন পারিব, তেমনই করিযাই আমাদেরকে এ পুণ্যান্বিত্তি বজায় রাখিতেই হইবে। যেহেতু ইহা একমাত্র আমাদেরই অধিকার।

এই দীনাত্তিদ্দীন আমি যাহার অক্ষুণ্ণ এবং স্নেহের প্রভাবে শ্রীপাদ ভারতী প্রভুর বাল্যাশ্রমে আসিয়া সেই মহাপুরুষের বাণ্যশ্রুতির পূজোৎসবে যোগদান করিবার অধিকার লাভ করিয়া আসিতেছি, আমার সেই কৈশোরের শিক্ষাগুরু পরম ভক্তি ভাজন শ্রীযুক্ত ভোলানাথ ব্রহ্মচারী ভক্তিবিনোদ মহাশয়ের আশীর্বাদে এবারকার মত আমার এই পুণ্যব্রত এইভাবে উত্তাপন করিয়া ধন্ত হইলাম।

শ্রীনৃসিংহদেব বন্দ্যোপাধ্যায়।

তীর্থ চিন্তা

(পরিত্রাজক শ্রীমৎ ডুলুয়া বাবা লিখিত)

(৪)

পুতুল প্রতিমা নহে।—ভক্তের মনোবাসনা পূর্ণ করিতে সেই পরম পুরুষ আবির্ভূত হইয়া থাকেন। তাঁহার সেই রূপের প্রতিমূর্ত্তি গঠন করিয়া ভক্ত যখন অর্চনা করেন তখনই তাহাকে প্রতিমা বলে। যেস্থানে অর্থোপার্জনের জন্ত মণ্ডপে ঠাকুর বসান হয়, তাহাকেই প্রতিমা বা বিগ্রহ বলে না, তাহাকে পুতুল বলে। নবদ্বীপে ঘরে ঘরে একরূপ

পুতুল স্থাপিত হইয়াছে। শ্রীমদ্রাধাপ্রভুর কত বাসর শয্যা, বিবাহ, বিলাসের চং করিয়া পুতুলের আড়ং সাজাইয়া রাখিয়াছে। যখন যোগের সময় হয় তখন নির্যোধ গ্রাম্য যাত্রীর নিকট হইতে এই সকল দেখাইয়া অর্থোপার্জন করে। নবদ্বীপে যাইয়া এক মহাপ্রভু দর্শন করিলেই যথেষ্ট হয়। সেইরূপে মন প্রাণ অর্পন করিয়া গৃহে গমন করিলেই যাত্রী-কুলের অনেক কল্যাণ হয়।

কিন্তু নানারূপের নানারূপ গৌরাঙ্গ দর্শনে দর্শকের চক্ষু বরং ক্ষুদ্র হইয়া যায়। এখন নবদ্বীপে চারি প্রকারের গৌরাঙ্গ হইয়াছে। সোনার গৌরাঙ্গ, পিতলের গৌরাঙ্গ, কাঠের গৌরাঙ্গ, মাটির গৌরাঙ্গ। কিন্তু আসল গৌরাঙ্গ রক্তমাংসের গৌরাঙ্গ ছিলেন। এই সকল গৌরাঙ্গের সঙ্গে তাঁহার কতদূর সম্বন্ধ, তাহা ধারণার অতীত। তাহ বলিতে চাই নানারূপ গৌরাঙ্গের তাড়নায় আসল গৌরাঙ্গ এখন অদর্শনীয় হইয়াছেন।

প্রতিমা পূজার উপকার কেহ অস্বীকার করে না। কিন্তু সেই প্রতিমা যখন পূজার জন্ত অমুষ্টিত হয়; তখন তাহা দ্বারা সাধক ও দর্শকের কল্যাণ সাধিত হয়। কিন্তু যে স্থানে তুচ্ছ অর্থ উপার্জনের জন্ত প্রতিমা পূজার উদ্ভোগ আয়োজন, যে স্থানে চড়ক পূজার মেলার “কাটা মুণ্ডু কথা কয়” দেখাইবার জন্ত বাজীকরের ঘণ্টা বাজন, যেস্থানে গৃহস্থামী ঠাকুর দরজায় ভেট আদায় করিতে দণ্ডায় মান, সে স্থানে সে পূজায় পূজক ও দর্শক কাহারো কোন ফল নাই।

আশ্রম না বৈঠকখানা—এখন আশ্রম শব্দের অর্থ-বিকৃতি ঘটিয়াছে। পূর্বে আশ্রম বলিতে লোকে যেক্রম বৃদ্ধিত, বর্তমান সময়ের আশ্রম দেখিয়া সেরূপ বোঝা অসম্ভব। পূর্বে রূপ গোস্বামী রঘুনাথ দাস গোস্বামী ও কৃষ্ণদাস কবিরাজ গোস্বামীর আশ্রম ছিল।

রাধাকুণ্ড তীরে আজ পর্য্যন্ত রঘুনাথ ও কৃষ্ণদাস কবিরাজের আশ্রমের স্থান নির্দিষ্ট আছে। সাধনার পর্ব্বত, ভাবের সমুদ্র, কতটুকু ক্ষুদ্রস্থানে কতটুকু ক্ষুদ্র কুটারে ভজন সাধন করিয়া গিয়াছেন তাহা ভাবিলে চমৎকৃত হইতে হয়।

ঐহারা রাজ্য শাসাদ পরিত্যাগ করিয়া আসিয়াছিলেন। ধন সম্পদের চূড়ান্ত সুখ সম্ভোগ করিয়া, তাহার অসারত্ব অনুভব করিয়া, আসিয়াছিলেন। জন সজ্জের অনর্থ হইতে নিস্কৃতি লাভ করিতে কোপিন পরিধান করিয়াছিলেন। সুতরাং সন্ন্যাসী হইয়া আর ঐহাদের রম্য গম্যা নিৰ্ম্মাণের প্রবৃত্তি ছিল না। লোক সংগ্রহ করিতেও আর তাহাদের ছল কৌশল ছিল না। যখন ঐশ্বর্য্যের মধ্যে ছিলেন, তখন যে জন-সাধারণ তাহাদিগকে প্রভু প্রভু করিয়া নানারূপ স্তুতি করিত, তাহাদের মুখেও একটু প্রতিষ্ঠা শুনিতে আর তাহাদের কর্ণ নৃত্য করিয়া উঠিত না। তাই ঐহারা লোক দৃষ্টির অন্তরালে অবস্থান করিতে যত্নবান ছিলেন, নিৰ্জ্জন স্থানে ক্ষুদ্র কুটার নিৰ্ম্মাণ করিয়া, সৰ্ব্বপ্রকার সঙ্গ রহিত হইয়া, ভগবানের ধ্যান ধারণায় জীবন অতিবাহিত করিয়াছিলেন। বিষয়ী লোক তাহাদের নিকটবর্ত্তী হইলে দীনতা প্রকাশ করিয়া তাহাদিগকে বিদায় করিয়া দিতেন। জনতা বা লোক কোলাহল ভঙ্কিনাশক বলিয়া প্রচার করিতেন। (সজ্জনতোষিণী রূপ গোস্বামী)। লোক প্রতিষ্ঠাকে কাকর্ষিতা বলিয়া ঘৃণা করিতেন এবং সাধন করিতে বসিয়াছিলেন। শেষ মুহূর্ত্ত পর্য্যন্ত সাধকের কর্তব্য জগতকে আপন আপন আচরণ দ্বারা শিক্ষা দিয়া গিয়াছিলেন।

কিন্তু আমার মত সন্ন্যাসীর পক্ষে ঐহাদের আচরণ অসাধ্য। আমি যে পর্ণকুটারে দরিদ্রের ঘরে জন্মগ্রহণ করিয়াছিলাম। আমি প্রভূত ধন সম্পত্তির লুপ্তসম্ভোগের মর্ষ যে অজ্ঞাত ছিলাম। লোকে যে আমার

পূর্বপুরুষগণ হইতে আমাকে উপেক্ষার দৃষ্টিতে দর্শন করিত। সুতরাং প্রভু হইলে কি আনন্দ আমি যে তাহা অজ্ঞাত আছি। তাই গৃহস্থ হইয়া যাচা ভোগ করিতে পারি নাই সন্ন্যাসী হইয়া তাহার সংগ্রহে মনোনিবেশ করি। তাই দৃষ্টি ভগবানের প্রতি উখিত না করিয়া মন অট্টালিকা নির্মাণের জন্ত দ্বারে দ্বারে পয়সা ভিক্ষা করিয়া বেড়ায়। যে বিবাহ করিতে পারিল না বলিয়া বৈরাগী হয়, সে সেবাদাসী সংগ্রহ না করিয়া থাকিতে পারে না।

বাচারা আমার মত সন্ন্যাসী তাহারা রুক্ষদাস কবিরাজ গোস্বামীর মত ক্ষুদ্র কুটীরে বাস করা অযোগ্য ও অপমানস্থচক মনে করে। আমার মত সন্ন্যাসী মনে করে, যদি সন্ন্যাসী হইয়াও দীনদীন কালালের মত দিন যাপন করিতে হয় তবে আর সন্ন্যাসী হইয়া লাভ কি! প্রাচীন কালের সাধকগণ পর্বতের গুহায় স্বথক পর্ণ-কুটীরে বসিয়া সাধনা করিতেন। মধ্যযুগের মহাপুরুষবৃন্দ ভিখারীর বেশে সামান্ত ক্ষুদ্র কুটীরে বসিয়া ভজন-সাধন করিয়া গিগাছেন। কিন্তু বর্তমান যুগে আমাদের ভজন-সাধনের আয়তন বৃহৎ ও সমধিক মূল্যবান, তাই তাহা সামান্ত কুটীরে সম্ভব হয় না। তাহার জন্ত রমা হন্যা নির্মাণের প্রয়োজন, মূল্যবান তৈজস পত্রে সে হন্যা সজ্জিত করার প্রয়োজন, বিলাসযোগ্য বিছানায়ুক্ত পালক দ্বারা তাহার পরিশোভন প্রয়োজন, এবং শিষ্য শিষ্যানীর দললে তাহা কোলাহলময় করা প্রয়োজন। এ সকল অসম্ভব হইলে দুঃখে কষ্টে ঘর গৃহস্থালী করাই কর্তব্য।

কলির প্রভাবে যোগের অপেক্ষা ভোগের পিপাসা প্রবল হইয়াছে। মানুষ সংসারে থাকিয়া কৰ্ম করিতে কষ্ট বোধ করে. সংসারের কর্তব্য-সাধনে স্তীত ও বিরক্ত হয় সেই "দায় এড়াইতে" সন্ন্যাসী হয়।

এখন জ্ঞান বৈরাগ্যে জগতের নশ্বরত্ব অনুভব করিয়া, অবিনশ্বর পদার্থের

অনুসন্ধানে মানুষ সন্ন্যাসী হয় না। সংসারে যে সকল ভোগ্য লাভে বহু কষ্ট স্বীকার করিয়া পরিশ্রম করিতে হয়, সেই সকল ভোগ্যবস্তু সন্ন্যাসী হইলে অনায়াসে লাভ করিবে ভাবিয়াও কেহ কেহ সন্ন্যাসী হয়। গৃহস্থ হইয়া গৃহস্থের দ্বারে গৃহ নিৰ্ম্মাণ জল্প ভিক্ষার্থী হইলে, মুজুরী করিয়া অর্থ সংগ্রহ করিতে আদেশ করে। কিন্তু সাধুর পরিচ্ছদে চাঁদার খাতা হস্তে করিয়া বহির্গত হইলে লোকে উত্তোষিত হইয়া অর্থ সাহায্য করে। এবং সে অর্থদানকে পরম ধর্ম্য মনে করে। কারণ, “সাধু ভজন সাধনের জল্প আশ্রম করিতেছেন, সে আশ্রমে সাধু-সজ্জনের সমাগম হইবে, সাধু তত্ত্বের আলোচনা হইবে, ভগবানের নাম ও মহিমার শ্রবণ কীর্ত্তন হইবে, ইত্যাদি বিশ্বাসে মানুষ অস্থিত হয় এবং এরূপ সাহায্যে ধর্ম্মের সাহায্য করিলাম বলিয়া আনন্দিত হয়। সাধু যে বিলাস-কাননে বিলাস-মন্দির নিৰ্ম্মাণ করিতে চাঁদা তুলিতেছেন, এ পারণা কাহারও অন্তরে তখন স্থান পায় না।

সাধু বিলাস মন্দির নিৰ্ম্মাণ করিয়া, শিষ্য ও শিষ্যানীগণ সঙ্গে, শেষে তাহার মধ্যে লীলা আরম্ভ করেন। সে লীলায় যে সকল অনর্থের উৎপত্তি হয় তাহা বর্ত্তমান যুগে অনেক আশ্রম হইতে প্রকাশিত হইতেছে এবং হইয়াছে। গুরু যেমন হয়, তাহার শিষ্যও তেমনি হয়। গুরু যখন ভোগের জল্প উন্নত, শিষ্য ও শিষ্যানীগণ সে ভোগের পথ পরিষ্কার করিয়া গুরু-সেবায় অমুরাগী হয়। তাই বলিতেছিলাম এখন আশ্রম শব্দের অর্থ, “অমৃত শব্দের অর্থ গরল যেমন” সেইরূপ হইয়াছে।

একবার কোন তীর্থে যাইয়া এক স্বামীজীর আশ্রমে উপস্থিত হইলাম। পরমহংস পরিব্রাজকাচার্য্য স্বামী সরস্বতী এই সবই তাহার একার উপাধি। স্বামীজীর সাধন-ভজনের অবসর নাই। কোন বড় লোক ভক্ত, তাহার আশ্রম নিৰ্ম্মাণে এক হাজার টাকা দান করিয়াছিলেন। তাহারই স্ত্রী,

সধকী, সধকিনী, কন্ডা, ভগ্নী, সকলে আসিয়াছেন। স্বামীজী তাঁহাদেরই সেবা পরিচর্যায় উন্নত। ছেলেগুলিকে কোলে করিয়া শাস্ত করিতেছেন। বড়মানুষের পত্নীর সন্মুখে ছেলে কোলে করিয়া, তাঁহার স্তুতি গান করিতেছেন। আপন হাতে কপি আলু মটর গুঁটীর ধামা লইয়া বাবুর শালীর সন্মুখে রাখিতেছেন। আর এক একবার “এত আপনাদেরই ঘর, আপনাদেরই আশ্রম, আমি ত নিমিত্ত মাত্র” ইত্যাদি বলিয়া সমস্ত স্ত্রীলোকের নিকটেই জোড়হাত করিতেছেন।

বেকালে স্বামীজী স্ত্রীলোকের দঙ্গল সঙ্গে করিয়া বাজারে বহির্গত হইলেন। চুড়ির দোকানে যাইয়া আপন হাতে বাবুর সপ্তদশ বর্ষীয়া এক কন্ডার হাতে চুড়ি পরাইতে লাগিলেন। একটি রসিক দর্শক বলিল, “এত কাল পরে স্বামীজী নামের সার্থকতা সম্পাদন করিলেন।”

যাহা হউক তীর্থের তীর্থত্ব যে সাধুকে লইয়া আজ সেই সকল সাধুদের এই প্রকার হুর্গতি অথবা এই সকল হুর্জন সাধুর পরিচ্ছদে তীর্থকে কলঙ্কিত করিতেছে।

জানি না আর কত কালে ভগবানের ইচ্ছায় বিলাসমন্দির আবার ভজন-কুটীরে পরিবর্তিত হইবে। আর কত দিনে সন্ন্যাসীর পরিচ্ছদ পরিধান করিয়া মানুষ ত্যাগের চূড়ান্ত সাক্ষী জগতের সমক্ষে স্থাপন করিবে! এবং পরম শাস্ত্রময় ভগবানের শ্রীচরণ কমলে মন বুদ্ধি অর্পণ করিয়া সন্ন্যাসীগণ জাগতিক স্মৃতি পুঁঠ প্রদর্শন করিবে।

এবারের মত আমার তীর্থচিন্তা এইখানেই শেষ করিলাম, জানি না আমার বক্তব্য শুনিয়া পাঠকগণ স্মৃতি পাইয়াছেন কিনা। যদি পাঠকগণের আগ্রহ বুঝি তবে পুনরায় দ্বিতীয় খণ্ড আরম্ভ করিব।

“জন্ম গৌর নিত্যানন্দ”

শ্রীশ্রীরাধারমণ সেবাশ্রম

কলিযুগপাবনাবতার শ্রীশ্রীমন্মহাপ্রভু চৈতন্তদেবের প্রেমধর্ম “জীবেদয়া” এই আশ্রমের মুখ্য উদ্দেশ্য। শ্রীধাম নবদ্বীপে সাধু নিত্যানন্দ দাস মহাশয় তাঁহার পরমারাধ্য গুরুদেব শ্রীশ্রীমৎ রাধারমণচরণ দাস দেবের নামে সন ১৩১৮ সালে এই সেবাশ্রম প্রতিষ্ঠা করেন। সেবাশ্রমে বর্তমান সময় চারিটা বিভাগ আছে। (১) অনাথ আশ্রম। (২) আতুরাশ্রম। (৩) রোগী-নিবাস। (৪) দাতব্য ঔষধালয়। এতদ্ব্যতীত বাহিরের রোগীসেবা যথাসাধ্যভাবে অসহায় ও পরিত্যক্ত মৃতদেহের যথাবিহিত সংকার, বিদেশী যাত্রীগণের অভাব অভিযোগ যথাসাধ্য ভাবে দূরীকরণ, কেহ পথ কিস্বা সঙ্গী হারাইলে তাহার অনুসন্ধান করিয়া দেওয়া, দরিদ্র রোগীদিগকে আশ্রমস্থ এলোপ্যাথিক ও হোমিওপ্যাথিক চিকিৎসাবিভাগ হইতে বিনামূল্যে ঔষধাদি দেওয়া দরিদ্র মেধাবীছাত্রগণের আহার বাসস্থান ও পুস্তকাদির ব্যবস্থা করা হয়।

সুপ্রসিদ্ধ ধর্মপ্রচারক পণ্ডিত শ্রীযুক্ত কুলদাপ্রসাদ ভাগবতরত্ন মহাশয় এই সেবাশ্রম সম্বন্ধে লিখিয়াছেন, “এই সেবাশ্রম ছাড়া সর্বপ্রকারে মানুষের সেবা করার দ্বিতীয় স্থান আর নবদ্বীপে নাই।”

“ইহাই শ্রীগৌরাজের ধর্ম। মানুষ হইয়া মানুষকে ভালবাস, মানুষের সেবা কর। মানুষের মধ্যেই শ্রীভগবান্ ইহাই নরলীলা—ইহাই প্রেমধর্ম। শ্রীনিত্যানন্দ শ্রীগৌরাজ সাক্ষোপাঙ্গে আসিয়া যে যুগধর্ম প্রচার করিলেন তাহার প্রথম কথা ও প্রধান কথা ‘জীবে দয়া।’”

পিতৃ মাতৃহীন বালক বালিকা অযত্নে ও অনাহারে কাঁদিয়া মরিয়া, যাইতেছে তাহাদের অন্ন দাও, বিত্তা দাও, তাহাদের মানুষ্য কর, ধার্মিক মানুষ্য কর। মানুষ্যের সেবাই ভগবানের সেবা, মানুষ্যই শ্রীভগবানের শ্রীবিগ্রহ। নিরাশ্রয় রুগ্ন বৃদ্ধ বৃদ্ধা রোগে ভুগিতেছে, কষ্ট পাইতেছে তাহাদের রক্ষা কর, সেবা কর, ইহাই ভগবানের সেবা। ইহাই শ্রীমন্তাগ-বত্তের ধর্ম্ম শ্রীগোরাঙ্গ শ্রীনিত্যানন্দ নিজে আচরণ করিয়া এই ধর্ম্ম শিখাইয়া ছেন।

পবল মানুষ্য অসুর হইয়া ছুর্কলকে বঞ্চনা করিতেছে ছুর্কলের উপর অত্যাচার করিতেছে তোমরা ছুর্কলকে রক্ষা কর প্রবলের তোষামদ করিও না। ইহাই প্রকৃত বৈষ্ণব ধর্ম্ম।

শ্রীরাধারমণ সেবাশ্রমকে সাহায্য করুন, বঞ্চনাকারী ব্যবসায়ী ধর্ম্মের দোকান খুলিয়া লোক ঠকাইতেছে প্রতারণিত হইবেন না। সেবাশ্রমে আসুন ধর্ম্ম কথা শুনুন প্রকৃত ধর্ম্ম কি, শ্রীগোরাঙ্গ, শ্রীকৃষ্ণ প্রেম, সেবা প্রভৃতি কি, শিক্ষা করুন আর সেবাশ্রমকে সাহায্য করুন। “জীবে দয়া” না করিলে সবই বিফল। ধর্ম্মের ইহাই সার কথা। রাধাধর্মণ সেবাশ্রম “জীবে দয়া” পরম ধর্ম্মের বিগ্রহ স্বরূপ। সেবাশ্রমকে সাহায্য করুন, ধন্য হইবেন, নবদ্বীপ আসা সার্থক হইবে।”

আমরাও পণ্ডিত মহাশয়ের সঙ্গে একসুরে বলি, “মানুষ্যের সেবাই ভগবানের সেবা” যিনি যে ভাবে পারেন সেবাশ্রমের জন্ত সাহায্য করুন। সাহায্যকারী সেবাশ্রমের মোহর যুক্ত সম্পাদকের সাঙ্গর সম্বলিত রসিদ দেখিয়া লইবেন। বর্ত্তমান সম্পাদক শ্রীযুক্ত সদানন্দ ভট্টাচার্য্য। কেহ ডাকে সাহায্য পাঠাইলে শ্রীযুক্ত বিহারীদাস বাবাজী, শ্রীশ্রীরাধারমণ বাগ নবদ্বীপ নদীয়া, এই ঠিকানায় অথবা শ্রীযুক্ত সদানন্দ ভট্টাচার্য্য সম্পাদক রাধারমণ সেবাশ্রম, বড়ালঘাট, নবদ্বীপ, নদীয়া এই ঠিকানায় পাঠাইবেন।

কলিকাতার মধ্যে শ্রীযুক্ত পুলিন চন্দ্র দে—সেন লাহা এণ্ড কোং ৫৩এ ওয়েলেসলী ষ্ট্রীট কলিকাতা এই ঠিকানায়ও পাঠাইতে পারেন। যেখানেই যেভাবে সাহায্য করিবেন সম্পাদকের সাক্ষরযুক্ত রসিদ না পাইলে বুঝিবেন উহা সেবাশ্রমে পৌঁছিতে না। অস্তান্ত বিষয় পুলিন বাবুর নিকট জানিতে পারিবেন।

নিবেদক বৈষ্ণব দাসাকুদাস

শ্রীঅমূলাধন রায় ভট্ট।

পানিহাটী

সময়

বেচাগ।

সময় কৈ গে...ল...।

যাঘনি সময়, সময়ে আসবে সময়,

সে সময়ের সময় কৈ গেল ॥

দেখিলে সময় অবসর সময়ে,—

রাখিলে সময় সময় সময়ে ;—

দেখিবে সময়-আসিবে সময়ে,—

সে সময়ের সময় কৈ গে...ল ॥

আসে না সময় কখন অসময়ে,—

আসে সব সময় সময় সময়ে ;—

হইলে সময়-সময় সময়ে,—

দেখিবে সময়ে এ...ল ॥

আগার এ সময় বড় অসময়,—
 হ'তে পারে সময় এ সময়ে সময় ;—
 হচ্ছত ভাবিতে হবে না রে সময়
 সে সময়ের সময় ঐ এ...ল ॥

অসময়ে—

শচীন্দ্রকুমার ঘোষ ।

“শ্রীশ্রীভাগবতাচার্যের পাটবাড়ী”

ঐচৈতন্যচরিতামৃত ও শ্রীচৈতন্য ভাগবতাদি গ্রন্থ পাঠক মাত্রেই অবগত
 আছেন যে, কলিযুগ পাবনাবতার অনন্ত লীলারসময় বিগ্রহ শ্রীমন্মহা-
 প্রভু গৌরাঙ্গদেব সন্ন্যাস গ্রহণের পর শ্রীধাম নীলাচলে অবস্থান করিতে
 ছিলেন। কিছুদিন পর শ্রীবৃন্দাবন গমন মানসে বর্তিগত হইয়া কানাই
 নাটশালা পর্য্যন্ত যাইয়া অত্যন্ত লোক সংখ্যা দেখিয়া ফিরিয়াছিলেন। সেই
 সময় শান্তিপুত্র, হালিসহর প্রভৃতি স্থান ঘুরিয়া বর্তমান কলিকাতা মহা-
 নগরীর সন্নিকট ভাগীরথী তীরবর্তী বরাহনগর মালিপাড়া শ্রীল রঘুনাথ
 পণ্ডিতের গৃহে উপস্থিত হইয়া উক্ত পণ্ডিত মহাশয়ের নিকট শ্রীমদ্ভাগবত
 ব্যাখ্যা শুনিয়াছিলেন এবং ব্যাখ্যা শ্রবণে প্রীত হইয়া আনন্দে নৃত্য
 করিয়াছিলেন ও প্রত্যাগমন সময়ে রঘুনাথ পণ্ডিতকে “ভাগবতাচার্য্য”
 এই উপাধি দিয়া গিয়াছিলেন। সেই অবধি ভক্ত সাধারণে উক্ত পণ্ডিত
 মহাশয়ের শ্রীপাটকে “শ্রীভাগবতাচার্যের পাটবাড়ী” বলিয়া অভিহিত
 করিয়া আসিতেছেন।

এক সময় শ্রীপাটের বৈভব বর্ণনাতীত ছিল। কিন্তু সর্বস্বঃশী কালের প্রভাবে ক্রমে ক্রমে সকল বাহরের বৈভব শ্রীশ্রী হইয়াছে সত্য কিন্তু এখনও সেই পণ্ডিতরাজের প্রাণ সর্বস্ব শ্রীশ্রীনিতাই গৌর বিগ্রহাদি বর্তমান। কলিকাতার এত নিকটবর্তী হইলেও অনেকে শ্রীপাটের বিষয় সবিশেষ অবগত নহেন। অল্প বাহাই হটক শ্রীপাটের বর্তমান অবস্থা দর্শনে ভ্রুগণ প্রকৃত পক্ষেই বাখিত হইয়াছিলেন কিন্তু কি জানি প্রভুর কি ইচ্ছা, পূর্ব সেবাইতগণ দ্বারা কোন মতেই শ্রীপাটের সংস্কার কার্য সম্পন্ন হইল না।

রক্ষিয়া প্রভুর অদ্ভুত রক্ষের কথা আর কি বলিব। সেবাইতগণ স্বইচ্ছায় ১৩৩৪ সালের ৪ঠা চৈত্র তারিখে রেজেস্টারী করিয়া শ্রীশ্রীনিতাই গৌর ও অপরাপর শ্রীবিগ্রহাদির সহ উহার সেবা ও সমস্ত সম্পত্তি এবং ঠমারত প্রভৃতি নিঃস্বভাবে শ্রীশ্রীনিতাই প্রেমে পাগল সুপ্রসিদ্ধ নাম প্রচারক প্রেমকণ্ঠ শ্রীমৎ রামদাস বাবাজী মহাশয়কে দিয়াছেন। ঐ তারিখ হইতে পূর্ব সেবাইতগণের বা তাঁহাদের উত্তরাধিকারীগণের উচ্চাতে কোনই দাবী রহে নাই। শ্রীমৎ বাবাজী মহাশয়কে সম্পূর্ণরূপে আদান প্রদানের ক্ষমতা অর্পণ করিয়াছেন। ব্রুগণ এই শ্রীপাট বাড়ী বাবাজী মহাশয়ের হস্তগত হওয়ায় এবং পাটবাড়ীট কলিকাতার নিকটবর্তী হওয়ায় বাবাজী মহাশয়ের আশ্রমও স্থায়ীভাবে ঐস্থানে হইবার সুযোগ হইয়াছে। এ সংবাদে নিশ্চয়ই সকলে আনন্দিত হইবেন সন্দেহ নাই।

এখন আমরা খুবই আশা করিতে পারি যে, অচিরেই শ্রীপাটের মন্দিরাদি এবং অন্যান্য লুপ্তপ্রায় অতিতের মহা পুণ্যময় স্মৃতিগুলি সংস্কার হইয়া ভক্তবৃন্দের আনন্দ বর্ধনে সমর্থ হইবে। কিন্তু একটী কথা সর্বদা আমাদের স্মরণ রাখিতে হইবে যে, এই সংস্কার কার্য সম্পাদনে যে অর্থের

প্রয়োজন তাহা আমাদের সম্মিলিত চেষ্টা না হইলে হইবে না। আত্মন, ভাগ্যবান ভক্তগণ, সামান্য অর্থের বিনিময়ে প্রাচীন মহাতীর্থের উদ্ধার ও সঙ্গে সঙ্গে শ্রীনামপ্রচারের কেন্দ্রস্থলরূপ বাবাজী মহাশয়ের আশ্রম সংরক্ষণে সহায়তা করিয়া নিজেকে ধন্য করুন। মনে রাখিবেন সর্বদা এমন সৌভাগ্য সকলের ঘটে না। শ্রীমৎ বাবাজী মহাশয় নিজে হাতে কিছু করিবেন না, করিতে চাইবে আপনাদের। যাহার আছে তিনি এমন সং ও অত্যাবশ্যক মহদক্লান্তানে সাহায্য না করিলে অর্থের অপব্যবহার করা হয় বলিয়া শাপ্ত বলিয়াছেন। গীতায় শ্রীভগবান বলিয়াছেন

“দেশে কালে চ পাত্রে চ তদানং স্বাস্থিকশ্মৃতং”

এই পুণ্যক্লান্তানে যিনি যথা কিছু সাহায্য করিতে ইচ্ছা করেন শ্রীপাট বাড়ীতে শ্রীবিগ্রহের সম্মুখে দিয়া আসিতে পারেন, অথবা শ্রীপাটের কোষাধ্যক্ষ শ্রীযুক্ত পুলিন চন্দ্র দে. সেন লাহা এণ্ড কোং ডাক্তার থানা এতলেসলি ষ্ট্রীট কলিকাতা এই ঠিকানায় পাঠাইতে পারেন। এ সম্বন্ধে কোষাধ্যক্ষ মহাশয়ের নিকট সাবশেষ জানিতে পারিবেন। শ্রীপাট-বাড়ীর প্রাচীন ইতিহাস বিস্তৃতভাবে সংগ্রহ হইয়াছে, আমরা শীঘ্রই উহা ভক্তগণের নিকট উপস্থিত করিব।

বিনীত নিবেদক : বঙ্ক-দাস; গুদাস

শ্রীহরিদাস নন্দী।

বৈষ্ণব সংবাদ ও মন্তব্য ।

শ্রীপাটবাণীতে শ্রীমন্নহাপ্রভুর আগমন উৎসব ।—বিগত ২০এ চৈত্র শনিবার শ্রীমন্নহাপ্রভুর আগমন উপলক্ষে বরাহনগর মালিপাড়া শ্রীভাগবতাচার্যের পাটবাণীতে ২৪ প্রহর নামকীর্তন মহোৎসব মহাসমারোহে সম্পন্ন হইয়াছে । ১৯এ চৈত্র মঙ্গলবার শুভ অধিবাস কীর্তন হইয়া ২০এ চৈত্র বুধবার হইতে ২২এ চৈত্র শনিবার প্রাতঃকাল পর্য্যন্ত চক্ৰেশ্বর নাম কীর্তন হইয়া ঐ দিন প্রাতে সামান্ত্রিক নগরসংকীর্তন ও মহোৎসব হয় । বৈকালে উক্ত পাটবাণীতে স্থাপিত টোলের পণ্ডিত মহাশয় শ্রীমদ্ভাগবত পাঠ করেন । সন্ধ্যার পর পূজনীয় শ্রীমৎ রামদাস বাবাজীমহাশয় শ্রীমন্নহাপ্রভুর আগমনলীলা ও রঘুনাথ পণ্ডিতের নিকট ভাগবত শ্রবণ ও তাঁহাকে ভাগবতাচার্য উপাধীদান আখ্যানটী তিনঘণ্টা ব্যাপী ভক্তগণসঙ্গে কীর্তন করেন । পরদিন ২৪এ চৈত্র রবিবার প্রাতে উক্ত বাবাজীমহাশয় ভক্তগণসঙ্গে বিরাট নগরসংকীর্তন করেন । মধ্যাহ্নে সপার্বদ শ্রীমন্নহাপ্রভুর ভোগারাধনা ও ব্রাহ্মণ বৈষ্ণব এবং সমাগত ভক্তবৃন্দের সেবা হয় । সন্ধ্যার সময় কলিকাতা গোড়ীঘ-বৈষ্ণব সঙ্গমলিনীর একটা বিশেষ অধিবেশন হইয়াছিল ।

এবার মহোৎসবে যেক্রম লোকসমাগম হইয়াছিল তাহাতে শীঘ্রই কীর্তন মহোৎসবের জন্ত সুবিস্তৃত স্থান হওয়া আবশ্যিক বলিয়া মনে হইল ।

শ্রীপাটের সংস্কার সম্বন্ধে ভক্তগণের নিকট আবেদন এই সংখ্যাতেই স্থানান্তরে প্রকাশ করা হইয়াছে, সকলে উদ্যোগী হইলে, আগামী বৎসরের উৎসবের মধ্যেই প্রয়োজনীয় কার্য সমাধা হইবে আশা করা যায় ।

শ্রীভাগবৎসংস্কারপ্রচারিনী সভা ।—ভবানীপুর ১৬নং অভয়চরণ সরকারের লেনে উক্ত সভার ষড়বিংশ বার্ষিক অধিবেশন বিগত ১৩ই চৈত্র হইতে ১৮ই চৈত্র পর্য্যন্ত হইয়াছে, সভার কর্তৃপক্ষের অক্লান্ত পরিশ্রমে ও সভার প্রতিষ্ঠাতা নিতাদামগত দীনবন্ধু কাব্যতীর্থ বেদান্তরত্ন মহাশয়ের সুযোগ্য পুত্র শ্রীমান্ অনাথবন্ধু ভট্টাচার্যের আন্তরীক যত্নে পক্ষের মতই উৎসব হইতেছে । সভার প্রাণস্বরূপ ছিলেন সতীশচন্দ্র বসু । তাঁহার অবর্তমানে সকলে চেষ্টা করিয়া যে সভাটী বজায় রাখিয়াছেন, তাঁহাতে যথার্থই তাঁহারা ধন্যবাদের পাত্র । শ্রীমন্নহাপ্রভু সভার সর্ববিধ উন্নতীকরণ ইহাই বাঞ্ছনীয় । সভার সম্পাদক মহাশয় এবার পূর্বের মতই কাঙ্গালী বিদায়ের ব্যবস্থা করিয়াছিলেন ।

ভাগবতশ্রবণে স্মরণ মহোৎসব।—বিগত ২১এ চৈত্র ভক্তি-পত্রিকার প্রতিষ্ঠাতা দীনবন্ধু কাব্যতীর্থ বেদাস্তরত্ন মহাশয়ের শুভ জন্মতিথি ছিল। প্রাতি বৎসরের স্থায় এবংসরও ২১এ চৈত্র হইতে ২৩এ চৈত্র পর্য্যন্ত অষ্টপ্রহর নামকীর্তন ও মহোৎসবাদি হইয়াছে। শ্রীমান্ অনাথবন্ধু ও গোপীবন্ধু পিতৃদেবের পদাঙ্গুসরণ করিয়া তাঁহার প্রাণ শ্রীগোবিন্দের নিয়মিত জীলা উৎসবগুলি বজায় রাখিয়া যথাযথই বংশোচিত মর্যাদা রক্ষা করিতেছে। মঙ্গলময় শ্রীভগবান ইহাদের মঙ্গল করুন।

ঢাকা হরিসভা।—বিগত গৌর পূর্ণিমা উপলক্ষে ১০ই চৈত্র হইতে ১৬ই চৈত্র পর্য্যন্ত ঢাকা হরিসভার ১৫শ বার্ষিক উৎসব মহা-সমারোহে সম্পন্ন হইয়াছে। সুপ্রসিদ্ধ ধর্মপ্রচারক পণ্ডিত শ্রীযুক্ত কুলদা প্রসাদ ভাগবতরত্ন এবং প্রভুপাদ শ্রীযুক্ত নন্দাবিনোদ গোস্বামী এই দুইজন ছিলেন এবারের সভার বক্তা। কুলদাবাবু তিন দিন ও নন্দাবিনোদ প্রভু দুই দিন বক্তৃতা করিয়াছিলেন। ভক্তিসম্পাদক মহাশয় প্রত্যহই বক্তৃতার প্রারম্ভে ও অন্তে সঙ্গীত করিয়াছিলেন। সভার নিদ্বিষ্ট কাব্য-তালিকায় কীর্তনের যেরূপ তালিকা ছিল অসুস্থতা নিবন্ধন কীর্তনসম্প্রদায় আসিয়া যোগ দিতে না পারিলেও কীর্তনের অভাব হয় নাই। সভার সহকারী সম্পাদক শ্রীযুক্ত গোপীনাথ বসাক তাঁহার স্বভাব মূলত সুকঠে কয়েকদিনই কীর্তনে শ্রোতৃবর্গের আনন্দবিধান করিয়াছিলেন। সভার কর্তৃপক্ষ সভার স্থায়ী গৃহনির্মাণে বিশেষ উদ্যোগী হইয়াছেন শুনিয়া সুখী হইলাম। সভাটা যখন সাধারণের তখন সকলেই এ কার্যে সাহায্য করিবেন বলিয়া আশা করা যায়।

শ্রীশ্রীগৌরানন্দদেবের আগমন উৎসব।—বিগত ১৪ই চৈত্র ফাল্গুনী কৃষ্ণা তৃতীয়া তিথি শ্রীমদ্ভগবত্বর হাদিসহরে আগমন তিথি ছিল। এতদুপলক্ষে সেখানে যথাযথ ভাবে উৎসব হইয়াছে। শনিবার ১৬ই চৈত্র পানিহাটা হইতে শ্রীযুক্ত অম্বলাধন রায় ভট্ট মহাশয় সদলে গিয়া খুব নামকীর্তন করিয়া আনন্দ করিয়াছেন। পরদিন রবিবার শ্রীযুক্ত রামদাস বাবাজী মহাশয় করিদপুর হইতে আসিয়া যোগদান করিয়া ছিলেন। বাবাজী মহাশয় শ্রীপাটের উন্নতি বিধানে যেরূপ যত্ন ও চেষ্টা করিতেছেন, সম্প্রদায়ের সকলকেই আমরা তাহার অনুকরণ করিতে অনুরোধ করি। লুপ্তপ্রায় শ্রীপাটের কীর্তি বজায় রাখিতে বর্তমান সময় আমরা পূজনীয় বাবাজী মহাশয়কেই একমাত্র অগ্রণী দেখিতে পাই।

বাহিরে হৈ-টৈ করিয়া এক একটা নূতন প্রতিষ্ঠান না গড়িয়া প্রাচীন কীৰ্ত্তি-
গুলি যাহাতে বজায় থাকে তাহার চেষ্টা করা সকলেরই একান্ত কৰ্ত্তব্য
বলিয়া আমাদের মনে হয় ।

বৈষ্ণব ব্রত তালিকা

১৩৩৬ বঙ্গাব্দ (৪৪৩—৪৪৪ চৈতন্যাব্দ)

বৈশাখ

শ্রীরাম নবমী	৫ই বুধবার (কালিকাতায় পূৰ্ণ দিনে)
একাদশী	৭ই শনিবার
দশম কারোপশোৎসব	৮ই রবিবার
শ্রীবলদেবেল রাসযাত্রা	১০ই মঙ্গলবার
একাদশী	২২এ বুধবার-
অক্ষয় তৃতীয়া	২৮এ শনিবার

জ্যৈষ্ঠ

জহু সপ্তমী	১লা বুধবার
শ্রীসীতা নবমী	৩রা শুক্রবার
একাদশী	৫ই রবিবার
শ্রীনৃসিংহ চতুর্দশী, পূর্ণিমা (ফুলদোল)	৮ই বুধবার
একাদশী	২১এ মঙ্গলবার

আষাঢ়

একাদশী	৩রা সোমবার
শ্রীস্নানযাত্রা	৮ই শনিবার
একাদশী	১৯এ বুধবার
শ্রীরথযাত্রা	২৪এ সোমবার
পূনর্ধাত্রা	৩২এ মঙ্গলবার

শ্রাবণ

একাদশী (শয়ন)	১লা বুধবার
শ্রীহরির শয়ন (চাতুর্মাস্য ব্রতারণ)	২রা বৃহস্পতিবার
একাদশী	১৬ই বৃহস্পতিবার
শ্রীকুলন যাত্রার শুভ	৩০এ বৃহস্পতিবার
একাদশী	৩১এ শুক্রবার

ভাদ্র

পবিত্রারোপণ	১লা শনিবার
শ্রীকুলন পূর্ণিমা	৩রা সোমবার (রাত্রিতে কুলন যাত্রা সমাপন)
শ্রীকললাম জন্মযাত্রা	৪ঠা মঙ্গলবার
শ্রীকৃষ্ণ জন্মাষ্টমী	১২ই বুধবার
শ্রীনন্দোৎসব	১৩ই বৃহস্পতিবার
শ্রীএকাদশী	১৫ই শনিবার
শ্রীরাধাষ্টমী	২৬এ বুধবার
একাদশী (বিজয়া মহাছাদশী, শ্রীহরির পার্শ্ব পরিবর্তন ও শ্রীবামন ছাদশী,	৩০এ রবিবার

আশ্বিন

একাদশী	১৩ই রবিবার
শ্রীরঞ্জয়োৎসব	২৭এ রবিবার
একাদশী	২৮এ সোমবার (অষ্ট হইতে একমাস নিয়ম সেবা)
শ্রীশরদ্রাস	৩১এ বৃহস্পতিবার

কার্তিক

একাদশী	১১ই সোমবার
শ্রীগোবর্ধন যাত্রা (অন্নকূট মহোৎসব)	১৬ই শনিবার
	(প্রদোষে বলি দৈত্যরাজ পূজা)
ধর্মদ্বিজীর্ণ (মধ্যাহ্নে শ্রীধর্মরাজ পূজা)	২৭ই রবিবার
শ্রীগোপাষ্টমী	২৩এ শনিবার
একাদশী (উথান)	২৭এ বুধবার
ভীষ্ম পঞ্চক (অষ্ট হইতে পূর্ণিমা পর্য্যন্ত)	২৭এ বুধবার
প্রবেশনী, শ্রীহরির উথান, চাতুর্মাস্য ব্রত সমাপ্তি	২৮এ বৃহস্পতিবার
শ্রীরাস যাত্রা	৩০এ শনিবার

অগ্রহায়ন

কাত্যায়নী ব্রতরন্তু (অশ্ব হইতে ১মাস ব্রত হইবে)	১লা রবিবার
একাদশী	১১ই বুধবার
একাদশী	২৬এ বৃহস্পতিবার

পৌষ

একাদশী	১১ই বৃহস্পতিবার
একাদশী	২৭এ শনিবার

মাঘ

একাদশী	১১ই শনিবার
বসন্ত পঞ্চমী	২০এ সোমবার
মাকরী মগ্নমী (শ্রীঅদ্বৈত প্রভুর আবির্ভাব)	২২এ বুধবার
ভীষ্মাষ্টমী	২৩এ বৃহস্পতিবার
একাদশী (ভৈম্বী)	২৬এ রবিবার
শ্রীনিত্যানন্দ প্রভুর আবির্ভাব	২৮এ মঙ্গলবার

ফাল্গুন

একাদশী	১২ই সোমবার
শিবচতুর্দশী	১৫ই বৃহস্পতিবার
একাদশী (আমর্দকীব্রত)	২৭এ মঙ্গলবার
শ্রীদোল যাত্রা (শ্রীগৌর পূর্ণিমা)	৩০এ শুক্রবার

চৈত্র

একাদশী (বাঙ্কনী মহাদ্বাদশী)	১২ই বুধবার
শ্রীরাম নবমী	২৪এ সোমবার
একাদশী	২৬এ বুধবার
দমন কারোপগোৎসব	২৭এ বৃহস্পতিবার
শ্রীবলদেবের রাসযাত্রা	২৯এ শনিবার

সম্পাদকায়—এবার বঙ্গবাসী পঞ্জিকার বৈষ্ণব ব্যবস্থাপক শ্রীশ্রীনিত্যানন্দ বংশাবতংশ প্রভুপাদ শ্রীযুক্ত অতুলকৃষ্ণ গোস্বামী মহোদয়ের মতানুযায়ী ব্যবস্থা যাহা বঙ্গবাসী পঞ্জিকায় প্রকাশ হইয়াছে তাহাই ভক্তিতে প্রকাশ হইল।

ভক্তি বিজ্ঞাপনা

গুলিনের সিদ্ধ তৈল

খোস, চুলকানি হইতে আরম্ভ করিয়া কাউর কার্বাকুল
এমন কি নিয়মিত ব্যবহারে

গলিতকুষ্ঠ

পর্যাপ্ত ভাল হয়। ষাবতীয় ষায়ের

ব্রহ্মাস্ত্র

এক শিশি ঘরে থাকিলে বিশেষ উপকার হইবে।

২ আউন্স শিশি ৥০ আনা। ৪ আউন্স শিশি ১২ টাকা।

গুলিনস্ রিলিফ্ বাম

যে কোন প্রকারের বাত, আঘাত, ভ্রায়বিক হ্রস্বতা, গলক্ষত, মাথা
ধরা, বৃকে সর্দি বসা, দাঁতের বা কাণের বেদনা প্রভৃতিতে অব্যর্থ। একবার
ব্যবহার করিলে ইহার গুণ ভুলিতে পারিবেন না। মূল্য প্রতি শিশি ৥০ আনা।

প্রাপ্তিস্থান—

সেন লাহা এণ্ড কোং

৩৩এ ওয়েলেস্লি ষ্ট্রীট, কলিকাতা।

“ভক্তি”র নাম উল্লেখ করিয়া বিজ্ঞাপনদাতাগণকে পত্র লিখুন।

শ্রী শীরাধারমণো জয়তি

“ভক্তিভগবতঃ সেবা ভক্তিঃ শ্রেম-স্বরূপিণী
ভক্তিরানন্দরূপা চ ভক্তিভক্তেশু জীবনম ॥”

২৭শ বর্ষ }
১০ম সংখ্যা }

ভক্তি
ধর্ম-সম্বন্ধীয় মাসিক পত্রিকা ।

জ্যৈষ্ঠ
১৩৩৬

আর কবে ডাকিব তোমায় ?

দিবসের যাহা কাজ, সমস্ত করিয়া আজ,
ওই হায় অস্তাচল শিরে,—
দিনমণি বসিলেন ধীরে ।
দিবস ফুরা'য়ে গেল, সন্ধ্যা যে হইয়া এল,
আজি ত চলিয়া গেল হায় !
এমান করিয়া সে ত, আসে যায় অবিরত,
দিন আসে পুনঃ চ'লে যায় ।
এইমত রাত্রি দিন, চলিছে বিরামহীন,
কতদিন গিয়াছে এমন ;
যেদিন বাইবে চ'লে ডাকিলে চোখের জলে,—
তা'রে আর পাব না কখন ।

এইমত দেখে তবু, শিক্ষা না হ'তেছে শ্রুতু,
 জীবনের দিন চ'লে যায় ;
 হায় কি করিলু তবে, আসি ওগো এহ ভবে,
 না ডেকে তোমার দয়াময় !
 মিথ্যা এ জীবন ল'য়ে, মিথ্যা শুধু ভার ব'য়ে,
 মিছা কাজে দিন ব'য়ে যায় ;
 সবি মোর মিথ্যাময়, সত্য তুমি দয়াময়,
 এখন (ও) না ডাকি যদি হায় !
 আর কবে ডাকিব তোমায় ?

শ্রীনৃসিংহদেব বন্দ্যোপাধ্যায় ।

শ্রীশ্রীঅমিয় নিতাই চরিত

(ডাঃ শ্রীযুক্ত ভোলানাথ ঘোষ লিখিত)

(২৪)

নিমাই নৃত্য করিতে করিতে যাইতেছেন, আর আগে আগে লোকে
 কুশ ছড়াইয়া যাইতেছে ।

“পুষ্পময় পথে নাচি চলে বিশ্বস্তর ।”

নাচিতে নাচিতে তিনি গঙ্গার নিকট আসিলেন, এবং গঙ্গার ধার দিয়া
 যে পথ আছে সেই পথ দিয়া চলিলেন,—

“আপনার ঘাটে আগে বহু নৃত্য করি ।

তবে মাধরের ঘাটে গেলা গৌরহরি ॥

বারকোনা ঘাট নাগল্লিয়া ঘাটে গিয়া

গঙ্গার উপর দিঘা গেলা সিমলিয়া ॥”

এই সমিলিয়াতে চাঁদ কাজির বাড়ী। প্রভু নাচিতে নাচিতে মোহন ভাগিতে চলিয়াছেন। সেই প্রকাণ্ড নগর নবদ্বীপ, সেই নিশিতে কড়ি, খই, পুষ্পময় হইয়াছে। জলশ্রোতের মতই জনশ্রোত, তাঁহার সহিত চলিয়াছে। লোকে দেহ গেহ ভুলিয়াছে। তাহারা কোথায় চলিয়াছে এবং কেন যাইতেছে তাহা স্বরণ নাই। কিন্তু শ্রীগোরাঙ্গের কার্ষো ভুল নাই। তিনি কাজি-পাড়ার পথ ধরিলেন, আর অমনি সেই কক্ষকণ্ঠে “মার কাজি” “মার কাজি” ধ্বনি উত্থিত হইল। তখন কাজি বাড়ীর বাহির হইয়া, সেই বিশাল জনতা দেখিয়া স্তম্ভিত হইল। আর তাহার সেই পাইকগণ এই জনতার মাঝে আশ্রয়-গোপন করিয়া প্রাণ বাঁচাইল। কাজিও আর অস্ত্র উপায় না দেখিয়া, বাড়ীর ভিতর লুকাইয়া পড়িল।

নিমাই কাজির বাড়ী আসিয়া,—সমুদায় ভাব সম্বরণ করিয়া কাজিকে ডাকিলেন। কাজি আসিয়া, ভয়ে কাঁপিতে কাঁপিতে করযোড়ে, শ্রীগোরাঙ্গের সম্মুখে মাথা হেঁট করিয়া দাঁড়াইলেন।

কাজি দেখিলেন প্রভুর মুখ করুণায় পূর্ণ, সে মুখ তাহার হৃদয় ধরিয়া টানিতেছে। তিনি আশ্বস্ত হইলেন। তিনি ধীরে ধীরে বলিতেছেন—
“গৌরহরি, তোমার মাতামহ গ্রাম্য সম্পর্কে আমার কাকা, সেই সম্পর্কে তুমি আমার ভাগিনা, তুমি আমার দোষ ক্ষমা কর আর আমি কীর্তনে বাধা দিব না। আমি যে আর কীর্তনে বাধা দিব না তাহা তুমি আসবার পূর্বে হইতেই সঙ্কল্প করিয়া রাখিয়াছি। কারণ ইতিপূর্বে যে সমস্ত পাইককে কীর্তনে বাধা দিতে পাঠাইয়াছি তাহাদের মুখে কৃষ্ণনাম ও হরিনাম, আপনা হইতেই উচ্চারিত হইতেছে। তাহারা চেষ্টা করিয়াও উহা ছাড়িতে পারিতেছে না। তাহার উপর রাত্রিতে আমি স্বপ্ন দেখিয়াছি যেন এক নররূপী সিংহ আমার উপর তর্জ্জন গর্জ্জন করিতেছে, বুঝিয়াছি এই কীর্তনে ঈশ্বরের শক্তি আছে।”

কাজি শ্রীগোরাঙ্গের সহিত কথা কহিতেছেন আর ধীরে ধীরে তাহার মনে একটা ভাবের উদয় হইতেছে। তাহা এই যে, তাঁহার সম্মুখের এই বস্তুটা স্বয়ং শ্রীভগবান, ক্রমে এ ভাব তাঁহার হৃদয়ে দৃঢ় হইল। তিনি আর স্থির থাকিতে পারিলেন না। তিনি বলিলেন “গৌরহরি হিন্দুগণ যাহাকে নারায়ণ বলেন, তিনিই তুমি।”

তখন দয়াল গৌরচরি, কাজির একটা অঙ্গুলি স্পর্শ করিয়া বলিলেন “তুমি নারায়ণ, কৃষ্ণ ও হরিনাম উচ্চারণ করিলে ইহাতে তোমার সমস্ত পাপ ক্ষয় হইল।”

তাহাই হইল। নিমাইর অঙ্গুলি স্পর্শে, কাজির নয়ন দিয়া প্রেমাশ্রু ধারা পড়িতে লাগিল। তিনি ছিন্নমূল ক্রমের স্থায় প্রভুর চরণে পড়িয়া তাঁহার কৃপা প্রার্থনা করিলেন।

প্রভু কাজিকে সত্য সত্য ই বড় কৃপা করিলেন। আর তদবধি কাজি সপরিবারে শ্রীগোরাঙ্গকে ভজনা করিতে লাগিলেন।

আমরা পূর্বেই বলিয়াছি এই কাজি বাদশাহের দৌহিত্র ছিলেন। তিনি শ্রীগোরাঙ্গকে পূর্ণব্রহ্ম সনাতন বলিয়া বিশ্বাস করিতেন। হিন্দুগণ যদিও তাঁহাকে সমাজে লইলেন না, কিন্তু তাঁহার ও তাঁহার বংশীয়গণের আচার বাবহার হিন্দুর মতই হইল। সেট কাজির কবর অত্যাঁপি বিরাজিত, তাহা আমরা দর্শন ও স্পর্শ করিয়া ধন্ত হইয়াছি। আজিও তথায় ভক্ত বৈষ্ণবগণ গড়াগড়ি দিয়া আপনাদিগকে পবিত্র করিয়া থাকেন। কাজির বংশের এখন আর পূর্ব সৌভাগ্য নাই। তাহারা এখন পথের ভিক্ষকের স্থায় দরিদ্র। পূর্বের সে বাড়ীও আর নাই। ২০৭২৫০ শত বর্ষ পূর্বে যাহা নূতন করিয়া নির্মিত হইয়াছিল তাহারই কিছু কিছু অংশ আছে। বর্তমান উত্তরাধিকারীর নাম ফজলে খোদা। তাহারা গৌর ভক্তের দ্বারে ভিক্ষা করিয়া জীবিকা অর্জন করিয়া থাকে।

(নিমাইয়ের নানা লীলা)

গেকুয়া বসন, অঙ্গেতে পরিব,

শঙ্খের কুণ্ডল পরি ।

যোগিনীর বেশে, যাব সেই দেশে

যেখানে নিষ্ঠুর হরি ॥

মথুরা নগরে, প্রতি ঘরে ঘরে,

থুঁজিব যোগিনী ত'য়ে ।

যদি কারু ঘরে মিলে গুণনিধি,

বাঁধিব অঙ্কল দিয়ে ॥

আপন বজুয়া, বান্ধিয়া আনিব,

আমি না ডরাই করে ।

যদি রাখে কেউ, তাজিব এ জিউ,

নারী বধ দিব তারে ॥

পুনঃ ভাবি মনে, বান্ধিব কেমনে,

সে শ্রাম নাগরের গতে ।

বান্ধিয়া কেমনে, রাখিব পরাণে,

তাই ভাবিতেছি চিতে ॥

জ্ঞানদাস কহে, বিনয় বচনে,

শুন বিনোদিনী রাধা,

মথুরা নগরে যোগে মানা করি

দাক্ষণ কুলের বাধা ॥”

নিমাই ভক্তদিগের নিকট, শ্রীকৃষ্ণ, মহাদেব, দুর্গা, ব্রহ্মা প্রভৃতি
নানা দেব দেবী রূপে এবং পুবাণোক্ত নানা অবতার রূপে, প্রকাশ
পাইতেছেন ।

একদা নিমাই, দেব গৃহে শ্রীভগবান রূপে প্রকাশ পাইয়া নিতাইকে বলিলেন, “আমার রূপ দেখ” নিতাই কিছু দেখিতে পাইলেন না। তখন প্রভুর আদেশে ভক্তগণ বাহির হইয়া যাইলে নিতাই রূপ দেখিয়া, আনন্দ ভাবে মূচ্ছিত হইয়া পড়িলেন।

একদা শ্রীঅদ্বৈতের ইচ্ছাক্রমে, নিমাই তাঁহাকে বিশ্বরূপ দর্শন করান। নিতাই পরে আসিধা উহা দর্শন করেন। এবং উভয়েই সেরূপ দেখিয়া, ভয়ে চক্ষু মুদ্রিয়া মৃত্তিকায় পড়িয়া গেলেন। পরে তিনি রূপ সম্বরণ করিলেন, শ্রীঅদ্বৈত ও নিত্যানন্দ, হাত ধরাধরি করিয়া নৃত্য করিতে লাগিলেন। অদ্বৈত বলিলেন “মাতাল তোকে কে এখানে ডাকিল?” নিতাই বলিলেন—“আমি ঠাকুরের দাদা, আমি ত থাকিবই, তুমি এখানে কেন?”

শ্রীঅদ্বৈত তখন ক্রোধ করিয়া বলিতেছেন, “তোমার আবারও জাত কি হে? বন্দাবনে ত যার তার ঘরে ভাত খেয়ে বেরিয়েছ, এখানে এসে আবার ঠাকুরের দাদা হ’য়ে বাসেছেন।”

নিত্যানন্দ। সন্ন্যাসীর আবাব অল্পে দোস কি? তুমিত কাছা-বাচ্ছা নিয়ে ঘোর সংসারী। এখন সন্ন্যাসীর সঙ্গে ঝগড়া করিতেছ তোমার কি প্রাণে ভয় নাই?

সকলে সে মধুর দৃশ্য উপভোগ করিয়া হাসিতে লাগিলেন। আবার পরক্ষণেই উভয়ে কোলাকুলি করিলেন।

* * * *

প্রভুর শ্রীবাস ও নিত্যানন্দ প্রীতি অতুলনীয় ছিল। কোন সময়ে শ্রীবাসের পুত্র বিয়োগজনিত দুঃখে সাস্বনা দিয়া প্রভু বলিয়াছিলেন “পণ্ডিত! তুমি আমার নিজজন। গণ্যমাকে সাস্বনা বাক্য বলা আমার উচিত। তোমার পুত্র পরলোকগত হইয়াছে বটে, কিন্তু আমি ও শ্রীপাদ নিত্যানন্দ তোমার পুত্ররূপে বর্তমান রহিলাম।”

* * * *

নিমাইর অপূর্ব শ্রীকৃষ্ণভক্তি দেখিয়া, সকলে চমৎকৃত। তাঁহারা ভাবিতেছেন, ইনি “শুক কিংবা প্রহ্লাদ” হইবেন। আবার কেহবা, তাঁহাকে শ্রীভগবান বলিয়া পূজা করিতেছেন। তাহার উপর তাঁহার নবীন যৌবন, অপার্থিব রূপ, শত শত ব্যক্তি তাঁহার পদানত। এ সুখ দেখিয়া, প্রকাণ্ড একদল লোক তাঁহার শত্রু হইয়াছে। কেহ বলিল, “শতীর বেটা আবার ঠাকুর হইয়াছে” কেহ বলিল, “উহার নাগরালি বুচাইতে হইবে” কেহ কেহবা, তাঁহাকে প্রহার করিবার পর্যাস্ত, পরামর্শ করিল।

শ্রীগোরাঙ্গ, লোকের পরামর্শ, ক্রমে ক্রমে সমস্তই জানিলেন। তখন একদিন, তিনি শ্রীনিত্যানন্দকে বলিলেন, “শ্রীপাদ ! নগরে পরামর্শ হইয়াছে যে, আমাকে মারিবে, একথা কি আপনি শুনিয়াছেন?” নিত্যানন্দ দুঃখে অধোবদন হইয়া রহিলেন, কিছুই বলিতে পারিলেন না। শ্রীগোরাঙ্গ আবার বলিলেন, আমি সমস্ত বুঝিয়াছি, আমি সন্ন্যাসী হইব, তখন আমার ভিক্ষুকের মত অবস্থা দেখিয়া, লোকে নরম হইয়া, হরিনাম গ্রহণ করিবে। কেহই আমার উপর ঘেঁষ রাখিবে না।

প্রভুর বাক্যে, নিত্যানন্দের মাথায় যেন বজ্রাঘাত হইল। অতি দুঃখে তাঁহার আয়ত নেত্রধর হইতে জল পাড়িতে লাগিল।

* * * *

আজ নদীয়াবাসীর বড়ই নিরানন্দের দিন। গত রজনীতে, নদীয়ার চাঁদ নদীয়া আঁধার করিয়া চলিয়া গিয়াছেন। প্রাতে দাবানলের ঞ্চায় সে সংবাদ চারিদিকে ব্যাপ্ত হইল। আর সকলে ব্যস্ত হইয়া প্রভুর বাড়ীর দিকে ছুটিয়া আসিলেন। ইহার মধ্যে সর্বাগ্রে শ্রীপাদ নিত্যানন্দ, শ্রীবাস, বাসুঘোষ প্রভৃতি আছেন। তাঁহারা আসিয়া কি দেখিলেন তাহা বাসুঘোষের শ্রীমুখেই প্রবণ করুন—

সকল মহাস্ত্র মেলি, সকালে সিনান কার,
 আইল গৌরাজ দেবিবারে ।
 গৌরাজ গিয়াছে ছাড়ি, বিষ্ণুপ্রিয়া আছে পড়ি
 শচী কান্দে বাহির ছয়ারে ॥
 শচী কহে শুন মোর নিতাই গুণমণি ।
 কেবা আসি দিল মন্ত্র, কে শিখাইল কোন তন্ত্র,
 কিবা হৈল কিছুই না জানি ॥
 গৃহ মাঝে শুয়ে ছিনু, ভাল মন্দ না জানিনু,
 কিবা করি গেলরে ছাড়িয়া ॥
 কেবা নিষ্ঠুরাই কৈল, পাথারে ভাসাএরা গেল
 রহিব কাহার মুখ চাটিয়া ॥
 বাসুদেব ষোষভাষা শচীর এমন দশা,
 মরা হেন রহিল পড়িয়া ।
 শিরে করাঘাত করি, ঈশানে দেখার ঠারি
 গোরা গেল নদীয়া ছাড়িয়া ॥*

মাতার বাক্যে সকলে স্তম্ভিত হইয়া রহিলেন । নিতাই কিয়ৎক্ষণ চিন্তা করিয়া, দৃঢ় প্রতিজ্ঞ হইয়া বলিতেছেন, “মা চিন্তা ক’ আমি প্রাতজ্ঞা করিতোঁছি, নিশ্চয়ই আমি তোমার পুত্রকে আনিয়া তোমার সহিত মিলন করাইয়া দিব ।”

নিতাই আরও বলিলেন “প্রভু কোন সময়ে বলিষ্ঠাছিলেন. কাটোয়ায়, কেশব ভারতীর নিকট সম্মান গ্রহণ করিবেন, প্রথমে সেই স্থানে তন্মাস করা যাউক ।” তখন তিনি বক্রেশ্বর, মুকুন্দ, চন্দ্রশেখর এবং দামোদর এই চারি জনকে লইয়া তাঁয়ের শ্রায় কাটোয়ার দিকে ছুটিলেন । এই সময়কার প্রাচীন পদ—

“তোমরা কেউ দেখেছ যেনে।”

সোণার বরণ গৌরহরি জনেক সন্ন্যাসী সাথে।”

তার ছিড়া কাঁথা গায়, প্রেমে ঢুলে ঢুলে যায়,

যেন পাগলের প্রায়।

মুখে হরেক্ষণ বলে, দণ্ড করোয়া হাতে ॥

এদিকে নিতাই প্রমুখ পঞ্চ জন! আসিয়া, ছিন্নমূল তরুর আশ্রয় প্রভুর চরণে পতিত হইয়া, কাঁদিতে লাগিলেন। স্থিরপ্রতিজ্ঞ নিমাই তাঁহাদিগকে শাস্ত করিয়া সন্ন্যাস গ্রহণ করিলেন। জগতের ইতিহাসে সে এক অত্যাশ্চর্য ব্যাপার! কুলের কুলবধু পযাস্ত সে দৃশ্য দেখিয়া হরিপ্রেমে উন্মত্ত হইয়া ছিল। প্রভু যে উদ্দেশ্য লইয়া সন্ন্যাস গ্রহণ করেন তাহার অর্ধেক বোধ করি বা অতাই সিদ্ধ হইয়াছিল।

প্রভুর কটির ডোরে কমণ্ডলু ধাঁধা, হাতে দণ্ড। তাঁহার সন্ন্যাস গ্রহণ সমাপ্ত হইলেই পশ্চিমাভিমুখে দৌড় মারিলেন। দৌড়াইতেছেন কিরূপ,— না বিজ্ঞাতের মত। পশ্চিমমুখে দৌড়াইতেছেন, একেবারে শ্রীবৃন্দাবনে গিয়া উঠিবেন। দেহ, গেহ একেবারে সমস্ত ভুলিয়াছেন। এই লক্ষ লক্ষ লোক কেহই প্রভুর সহিত দৌড়াইতে পারিল না। কিন্তু নিতাই, চন্দ্রশেখর, মুকুন্দ ও গোবিন্দ প্রভুর সঙ্গে সঙ্গে দৌড়াইতেছেন, তিনি তাই তাহাদের নয়নের আড় হইতে পারিলেন না।

ভক্তগণ প্রভুর সহিত দৌড়াইতে পারিতেছেন না? বুঝি বা তাহাদের প্রিয় আরাধ্য নিমাত চক্ষের অন্তরালে চলিয়া যায়। হায়! হায়! কি হইবে। নিতাইটাদ তখন কাতর হইয়া বলিতেছেন, “প্রভু! একটু অপেক্ষা করুন, আমরা আর দৌড়াইতে পারি না। “ভাই! তোমার এ অভাগা ভাইকে ফেলে যেও না। আমরা তোমাকে না দেখিলে প্রাণে মরিব।” বলিতে বলিতে নিতাই ভাবিতেছেন, তাহিত করিতেছি

কি, শ্রীভগবানকে আমি ভাই বলিয়া ডাকিতেছি। উনি কৃপায় অবতার হইয়া জীবকে ভগসাগর পার করিতে আসিয়াছেন। আমিও উহার পদে প্রার্থনা জানাইব। তখন বলিতেছেন, “হে প্রভু! হে দয়াময়, হে দীননাথ! আমাকে উদ্ধার না করিয়া তুমি কোথায় যাইতেছ?”

প্রভু: বাহু মাত্র নাই, তিনি শ্রীকৃষ্ণ প্রেমে উন্মাদ, বৃন্দাবনে বাসিতেছেন। প্রাণ কানাইর সহিত মিলিত হইবেন। তাঁহার প্রাণেয় নিতাইচাঁদ এত করিয়া যে সাধ্য সাধনা করিতেছেন তাহা তাহার কাণেও যায় নাই। তিনি বৎসহারা গাভীর মত বৃন্দাবনচন্দ্রকে স্মরণ করিয়া কেবলই দৌড়াইতেছেন।

নিতাইচাঁদও জ্ঞানহারা, তিনি প্রাণের ভাইকে চোখের আড় না করিয় প্রাণপণে পিছু পিছু ছুটিয়াছেন। অপব ভক্তেরা পিছাইয়া পড়িয়াছেন। সে এক অপার্থিব দৃশ্য।

ক্রমশঃ

শ্রীনিত্যানন্দের প্রাণ গৌরান্দ *

বসুধা জাহ্নবা প্রাণ নিত্যানন্দ রায় ।
 গোরা প্রেমে আশ্রহারা চঞ্চলের প্রায় ॥
 ত্রিভুবন পরিভ্রাতা অদোষ দরশী ।
 কৃপাসিন্ধু প্রেমদাতা সর্কচিত্তাকষি ॥
 সঙ্কভাবে গৌরান্দের রসোল্লাসকারী ।
 রসের নাগর নিতাই রসের নাগরী ॥

* সুপ্রসিদ্ধ নাম প্রচারক শ্রীমন্নিত্যানন্দ প্রেম-পাগল মহাশয় শ্রীপাদ রামদাস বাবাজী মহাশয়ের পদামৃত আশ্বাদনে লিখিত। (লেখক)

গোরা মন গোরা প্রাণ, গোরা আঁখিতারা ।
 অহনিশি গোরা প্রেমে পাগলের পারা ॥
 পূর্ণ শশী শ্রীগোরাঙ্গ, নিতাই চকোর ।
 গোরাপদ কমলের মস্ত মধুকর ॥
 গোরা প্রেমে মাতোয়ারা হেলে ছলে যায় ।
 যারে দেখে তারে বলে ভজ গোরা রায় ॥
 মস্তমাতঙ্গ গতি পথ নাহি জানে ।
 ব্রহ্মার হুল'ভ প্রেম দেয় জনে জনে ॥
 পাপী তাপী, অন্ধ রুড়, পাষণ্ডী যবন ।
 অবিচারে কোল দিয়া দেয় প্রেম ধন ॥
 নিশি দিশি কেঁদে কেঁদে অরুণ নয়ন ।
 জীবনের লাগিয়া 'চিত্ত' করে 'ক্ষুণ্ণ' ॥
 মহামস্ত মাতোয়ারা নিত্যানন্দ রায় ।
 কেঁদে কেঁদে নদীয়ার পথে চলি যায় ॥
 উদ্ধবাহু প্রেম কণ্ঠে গোপনাম গায় ।
 দস্তে তৃণ ধার জীবে গোরাঙ্গ ভজায় ॥
 প্রেমদাতা নিত্যানন্দ হকার করয় ।
 কুল মান ছাড়ি সবে গোর গোর কয় ॥
 পিতা মাতা ভাই বন্ধু স্বামী স্ত্রীমিলিয়া ।
 গোরাঙ্গ বলিয়া কান্দে ফুলিয়া ফুলিয়া ॥
 ছুটিল প্রেমের বস্তা রসের লহরী ।
 পিরিতি বিলাসে মস্ত নদীয়া নাগরী ॥
 সর্বত্র প্রাণিয়া চেউ খেলে নিরন্তর ।
 ডুবিয়া রহিল যত ভক্ত মকর ॥

গোর নাম সংকীৰ্ত্তন, প্রেম সেবা দিয়া ।
 রসের মুরতি নিতাই যাইছে নাচিয়া ॥
 প্রেমের স্বরূপ জীব সাক্ষাৎ পাইয়া ।
 “নিত্যানন্দ-প্রাণগোর” গাইছে কান্দিয়া ॥
 কোটা ইন্দু সুশীতল শ্রীপদ কমলে ।
 প্রেম মকরন্দ পান করি কুতূহলে ॥
 মন ভক্ত সদা গাবে নিতাই গোরঙ্গ ।
 এ বাসনা পূর্ণ কর গোর অন্তরঙ্গ ॥
 হা গোরঙ্গ নিত্যানন্দ জনমের সার ।
 যোগেন্দ্র দাসের গতি করিও এবার ॥

দীন—শ্রীযোগেন্দ্রমোহন রায় ।

ভক্ত সুরেশ

(পরিব্রাজক শিশুভক্ত ভুলুয়া বাবা লিখিত)

জমীদার হারুবাবর ছেলে সুরেশ পড়াশুনায় খুব ভাল, তার মত ছেলে কাছাকাছি দশ গ্রামে একটা পাওয়া যায় না, এ কথা সকলই বলে। তবে বড় লোকের ছেলে, কাহাকেও বড় একটা গ্রাঙ্ক না করা তার স্বভাব ছিল,— একটু উদ্ধত ছিল। সুরেশ যখন বি-এ, পাড়িত, তখন কলেজেও বেশ সুনাম ছিল; তবে একটু স্পষ্টবাদিতার জন্য তার পরীক্ষা দেওয়া হয় নাই।

কলেজে এক প্রফেসর ছিলেন। তিনি তাঁর বুদ্ধ মা বাপকে পৃথকান্ন করিয়া দেন। বুদ্ধ বাপ পত্নীর সহিত ছ’এক দিন উপবাসও থাকেন। সুরেশ খবর পাইয়া তাঁহাদিগকে সাহায্য করে এবং একদিন প্রফেসর বাবুকে ছ’কথা শুনাইয়া দেয়। সেবার পরীক্ষার বছর। প্রফেসর চটিয়া লাল হইয়া

প্রিন্সিপালকে সুরেশের অসচ্চরিত্র সম্বন্ধে বিশেষ করিয়া জ্ঞাপন করেন। সুরিচার (?) করিয়া প্রিন্সিপাল সুরেশকে পাঁচ টাকা জরিমানা করেন। না দিলে পরীক্ষা বন্ধ।

সুরেশ এক রোখা ছেলে। সে টাকাও দিল না—পরীক্ষাও দিল না। বাড়ী চলিয়া আসিল। হারুবাবু বিরক্ত হইলেন। সারা বছর পড়িয়া, এক রাশ ঘরের টাকা খরচ করিয়া, সময় কালে পরীক্ষা না দিলে, সকল মা বাপই বিরক্ত হন। সুরেশ মাকে বলিল, যে সকল স্কুল কলেজে মা বাপের প্রতি ভক্তির কথা নাই,—যে সকল উচ্চ শিক্ষায় শিক্ষিত অধ্যাপক বুদ্ধ পিতামাতাকে পৃথকান্ন করিয়া দিয়া বউটী লইয়া সুখে-সচ্ছন্দে বাস করিতে লজ্জা বোধ করে না এবং সেহ অসহায় পিতামাতাকে কেহ সাহায্য করিলে সে অসচ্চরিত্র মধ্যে গণ্য হয়, আর কলেজের অধ্যক্ষের বিচারে তার পাঁচ টাকা জরিমানা হয় আমার তেমন বিচার দরকার নাই, তেমন সব স্কুল কলেজে হিন্দুর ছেলের পড়াই উচিত নহে।”

সুরেশের মা সুরেশকে কলেজে পাঠাইতে যথাসাধ্য চেষ্টা করিলেন, কিন্তু সুরেশ আর কলেজে গেল না। হারুবাবু অত্যন্ত ধীর প্রকৃতি, যেমন বিচক্ষণ, তেমন ঈশ্বরে বিশ্বাসী। তিনি “যা হওয়ার হবে” বলিয়া সুরেশকে ভাল মন্দ কিছুই বলিলেন না। তবে মনে মনে খুব ক্ষুব্ধ হইলেন। তাঁর তিনটা ছেলে। বড় ছেলে রমেশ, মেজ সুরেশ, ছোট নরেশ। তিনি সুরেশকে খুব ভরসা করিতেন কিন্তু সুরেশ কথার অবাধ্য, উদ্ধত, তার প্রতিও তাঁর আর আশা রহিল না।

তার পরে সুরেশ বাড়ীতেই থাকে। বড় লোকের ছেলে এমন বস্ত্রের অভাব নাই; কিন্তু তাই বলিয়া সে নিজস্বা থাকার পাত্রও নয়। সে বেশ বিধা পতিত ভামী তারের কাঁটা দিয়া ঘেরিয়া ফেলিল,—নিজ হাতে কোদাল ধরিয়া, লাউ, বেগুন, লক্ষা কুমড়ো উচ্ছে, কলা প্রভৃতির ক্ষেত

করিল, লোকে প্রথম প্রথম তাকে উপহাস করিত “বড় লোকের ছেলে কোদাল চালায়। মান অপমান জ্ঞান নাই,” কিন্তু সুরেশ তাঁহাতে কাণ দিত না। সে নিজের লক্ষ্য সাধনের বেলায় পরের কথায় কাণ দেওয়ার পাত্রই ছিল না।

সুরেশ ছইটী মালী রাখিল। তরকারী ও শাক-শবজী প্রচুর পরিমাণে উৎপন্ন করিয়া ফেলিল। হারুবাবুর মত একজন জমীদারের সংসারে তরকারী খরচ বড় কম নহে। প্রত্যহ ছুঁবেলা একশ লোকের ভোজন। সুরেশ সংসারের তরকারীর অভাব ঘুচাইয়া দিল। শেষে বিক্রী আরম্ভ করিল। তিন বছরে চারিশত টাকা জমা করিল।

গ্রামের মধ্যে ছোট বড় সকলেই সুরেশের বাগানের শাক-শবজীর অঙ্গীদার ছিলেন। গরীবেরা সাহস করিয়া চাঙিতে পারিত না, সুরেশ মালী দিয়া বাড়ী বাড়ী লাউ বেগুণ পাঠাইয়া দিত। তাহা ছাড়া সে অনাথা গরীব বিধবার সাহায্যকারী,—অনহায গরীবের উপবাস-দিনে অন্ন-দাতা,—কৃষ-ভগ্নের ঔষধদাতা,—এবং লোক-সেবায় অগ্রগণ্য।

সুরেশের সব গুণ, দোষ কেবল ধন্য মানে না। কালী কৃষ্ণ পূজা করিলে কি হয়—গৌর-নিভাই বলিয়া লাফাইয়া বেড়াইলে কি হয়—একাদশী করিলে কি হয়,—গঙ্গান্নান করিলে কি হয়—মিছে মিছি টাকা খরচ করিয়া তীর্থে গেলে কি হয়—মহোৎসব দিলে কি হয়? এই “কি হয়” কথাটা সুরেশের মুখে সৰ্বদাই শুনিতে পাওয়া যায়। তার অন্ত্রাণ গুণে গ্রামের লোক বিমুগ্ধ, সুতরাং তার এই দোষ কেহ মনে করিতে অবসর পায় না।

সুরেশদের বাড়ীর দশবাড়ী তফাতে মধুসূদন সাহার বাড়ী। মধু বড় কৃষ্ণভক্ত। তার মা-বোন-দ্বী-পুত্র সকলেই তার কৃষ্ণ ভক্তির একান্ত পক্ষপাতী—সকলেই কৃষ্ণগত প্রাণ। কোন সাধু বৈষ্ণব, গোঁসাই, সন্ন্যাসী

মধুর বাড়ী পদার্থপণ করিলে সকলেই তাঁহার চরণতলে লুপ্তিশির হয়। মধুর দোকান আছে,—কিছু জনী জাতিও আছে। সে বড় মানুষ না হইলেও তার অন্ন-বস্ত্রের কোন অভাব নাই। তার বাড়ী প্রতি বৎসর দুর্গা পূজা হয়,—রাসঘাত্রা হয়,—মাষী পূর্ণিমা মহোৎসব হয়। অতিথি, অভ্যাগত, সাধু, গুরু, বৈষ্ণব মধুর বাড়ীতে প্রায়ই আসা যাওয়া করেন। মধু তাঁহা-দিগকে ভক্তি-সম্মানে সেবা করে। মধু নিম্মল স্বভাব, বিনয়ী, পররোপকারী এবং সুরেশের প্রতি খুব অঙ্কায়ুক্ত। মধু প্রত্যহ বৈকালে গৃহে বসিয়া পরিবারবর্গের মধ্যে শ্রীচৈতন্য চরিতামৃত পাঠ করে। অন্যান্য ধর্মগ্রন্থও পাঠ করে। কোথায় কাহার নিকটে একখানা ব্রহ্ম হরিদাস ঠাকুর পাইয়াছিল, তাহা প্রত্যহ পাঠ করিয়া সকলকে শুভায়, আর চোখের জল ছাড়িয়া বলে “আমার হরিদাস ঠাকুরের মত এমন মগ মহীয়ান আর পৃথিবীতে হয় না। স্বয়ং শ্রীমন্নৃসিংহ ঠাকুরকে জড়াইয়া ধরিয়া বলিতেন,
“প্রভু কহে তোমা পর্শি পবিত্র হইতে।

তোমার যে পবিত্রতা নাহিক আঘাতে।”

আহা! আমার মহাপ্রভু যীশাকে পর্শ করিয়া আপনাকে পবিত্র বোধ করেন, তিনি কত উচ্চ, কত মহীয়ান, তাহা মানব বুদ্ধির অতীত। আমার মহাপ্রভুর শ্রীমুখে হরিনাম কীর্তন শুনিতে শুনিতে—মহাপ্রভুর ভূবনভরা রূপ দেখিতে দেখিতে যিনি ভীষ্মের মত ইচ্ছামৃত্যু মরিতে পারেন এবং যার জীবনচীন দেহ স্বয়ং মহাপ্রভু স্বন্ধে করিয়া নৃত্য করেন—যার সমাধি ক্ষেত্রে নিজ হস্তে বালুকা দান করেন—এবং যার তিরোভাব মহোৎসবের অন্ন স্বয়ং বিশ্বস্তর, আচল পাতিয়া ভিক্ষা করেন, আহা! তাঁর সমান আর কেহ নাই। তিনি প্রধান হইতে প্রধান,—গরীয়ান হইতে গরীয়ান, তিনিই যথার্থ পুণ্যতনু পতিত পাবন। তাঁর পতিত নামই মহামন্ত্র—জীবন সঙ্কটে রোগে মগ মহৌষধ—তাঁহার নামই মহা পথের

সম্বল,—মহাশক্তিমান হইবার মহা সহায় !” বলিতে বলিতে মধু ভাবের আবেগে রোমাঞ্চিত হইত,—তাহার নয়নে পুলকাক্ষ বহির্গত হইত এবং কেবল “জয় ব্রহ্ম হরিদাস ঠাকুরের জয়” বলিয়া ধ্বনি করিত ।

সুরেশ মধুর বাড়ী সব সময় যাতায়াত করিত,—মধুর মঙ্গলামঙ্গলে অগ্রে আসিয়া সুহৃদেব মত দণ্ডায়মান হইত,—কথা প্রসঙ্গে লোকের সম্মুখে মধুর প্রশংসা করিত, কিন্তু মধুর কৃষ্ণ ভক্তিকে সে একটা খেয়ালের মতো গণ্য করিত ।

এক দিন মধুর ছেলে নিমুর কলেরা হইল । খবর শুনিয়া সুরেশ সকলের আগে আসিয়া দণ্ডায়মান হইল । ডাক্তার ডাকা, ঔষধ আনা, রোগীর পার্শ্বে বসা সকল কশেই সুরেশ । দু’দিন দু’রাত কাটিয়া গেল । রোগ আর হটিল না । হাতে পায় খাল ধরিল,—কণ্ঠস্বর জড়াইয়া গেল,—মাসুখ চেনার শক্তি গেল, বড় বড় ডাক্তার আনা হইল,—সকলেই বলিল, রোগীর আর আশা নাই ।

মধু তখন ডাক্তারী ঔষধ বন্ধ করিয়া দিল । নিমুর চারি পাশে টেব ধরা তুলসী গাছ আনিয়া স্থাপন করিল । তাহার গায়ে উপরে হরেকৃষ্ণ নামাঙ্কিত নামাবলি ফেলিয়া রাখিল এবং পরিজনবর্গের সম্বন্ধে কেবল “জয় ব্রহ্ম হরিদাস ঠাকুরের জয়” “দোহাই ব্রহ্ম হরিদাস ঠাকুর, রক্ষা কর !” এইকথা বার বার বলিতে লাগিল ।

মধুর ব্যবহারে সুরেশ চটিয়া গেল । “যাবৎ জীবন তাবৎ চিকিৎসা” সুরেশের এই মত । মধু জোড় হাতে বলিল, তা সত্য্য বটে ! কিন্তু রোগ যখন হুসাধা হয়—ডাক্তার যখন জবাব দেয়, তখন আর মহাপ্রভুর পাদ-পদ্ম আশ্রয় ভিন্ন গতি নাই । আর প্রভু আমার যদিও কন্দ্র ফলদাতা, কিন্তু ভক্তের ভগবান । তিনি আমাদের মত অপরাধীর ডাকে সাড়া না দিলেও ব্রহ্ম হরিদাস ঠাকুরের নামের দোহাই দিলে, আর কৃপা-কটাক্ষ না করিয়া

থাকিতে পারেন না। ব্রহ্ম হরিদাস ঠাকুর আমার মহাপ্রভুর সর্বপ্রধান অন্তরঙ্গ, তাই এই সন্ধ্যাকালে আজ ভক্তবৎসল ভগবানের ভক্তের দোহাই দেওয়াই কর্তব্য। মধুর এইরূপ ব্যবহার সুরেশের মোটেই ভাল লাগিল না, সে স্পষ্টই বলিল, তোমার এরূপ কার্য অস্বীকারের মত হইতেছে। এই বলিয়া সুরেশ ক্রুদ্ধ ও বিরক্ত হইয়া স্বদলে উঠিয়া চলিয়া গেল। তখন বেলা প্রায় আট-টা।

ডাক্তারেরা বলিল, “ছেলেটা আর বড় জোর এক ঘণ্টা বাঁচিবে ?”

সুরেশ শ্মশানস্থ সংগ্রহ করিতে ও কাঠ খড়ের আয়োজন করিতে, গোপনে গোপনে প্রস্তুত হইতে লাগিল। ক্রমে বেলা প্রায় চারিটা বাজিল। মধুর কোন সাড়াশব্দই নাই। সুরেশ তখন উদ্ব্যস্ত হইয়া একবার মধুর বাড়ীতে গেল, দেখিল মধু অন্যতরে এক ঘরের মধ্যে বসিয়া কেবল বলিতেছে “জয় ব্রহ্ম হরিদাস ঠাকুর,—দোহাই ব্রহ্ম হরিদাস ঠাকুরের!” আর নিমুর কাছে তার মা বসিয়া আছে; নিমু বিছানায় বসিয়া মুড়ি খাইতেছে।”

সুরেশের বিশ্বাসের অবশিষ্ট রহিল না। কথা বলিতে পারিল না। কিছুক্ষণ দাঁড়াইয়া রহিল,—শরীর রোমাঞ্চিত হইল, পা ভাঙ্গিয়া আসিতে লাগিল। সে তখন মধুর পাশে বসিয়া পড়িল। মধুর নয়নবারা দেখিয়া নয়নে ধারা বগাইতে লাগিল। কি যেন এক অদ্ভুত ভাবে সুরেশ বিভোর হইল। লৌহ চুষকের সন্নিকটে পতিত হইয়া চুষককে লাভ করিল, আগ অঙ্গারে প্রবিষ্ট হইয়া অঙ্গারকে উজ্জ্বল করিয়া দিল, সংসার সুরেশ বাকিয়া ফেলিল, “হরিবোল হরিবোল!” “জয় ব্রহ্ম হরিদাস ঠাকুরের জয়।”

সুরেশ রাত্রি আটটা পর্যন্ত মধুর কাছে রহিল। মধুর স্ত্রী মধুকে প্রকৃতিল্প করিল। সুরেশও আর কোন কথা না বলিয়া বাড়ী চলিয়া গেল।

পরদিন প্রভাতে ছেলে “বাবা” বলিয়া ডাক ছাড়িল। ভাই বে

নিয়া হাসিয়া কথা বলিতে লাগিল। মধু ভেলে ওজন করিয়া সন্দেশের হাররলুট দিতে যোগাড় আরম্ভ করিল। অবশ্য সুরেশই তাহাতে অগ্রণী হইল। লোকের বিস্ময়ের অবাধ রহিল না। সুরেশের চঞ্চলতার স্থলে ধীরতা আসিল, আজ ভার মুখে সব কাৎকর্ম্য করিতে লাগিল। আর এক একবার “হরিবোল” “হরিবোল”, “জয় ব্রহ্ম হরিদাস ঠাকুরের জয়” বলিতে লাগিল। নীববে—লোকচক্ষুর অগোচরে সুরেশের নয়ন অনেকবার জলসিক্ত হইতে লাগিল। তাহা কেবল মধুই দেখিল।

একটা কথা বলিতে ভুলিয়া গেলাম—নিমু যখন ভার দিকে যাইতে আরম্ভ করিল, তখন গ্রামে একটা মাড়া পড়িয়া গেল। পরদিন প্রাতে কিউ, জেড্ ব্রহ্মচারী (একজন খুব বড় ডাক্তার) তাহ র কলের পাওনা ষোল টাকা মধুর নিকট দাবী করিলেন, না দিলে আইন অঙ্গুসারে নালিশ করিবেন বলিয়া ভয় দেখাইলেন। মধু আইন জানে না, কিন্তু আইনের ভয় করে; অজ্ঞান অর্কাটীন কৃষ্ণভক্ত লোক, সামান্ত দোকানদার, সে ডাক্তার প্রভুর টাকা তখনই বাক্স খুলিয়া দিয়া দিল। স্পষ্ট বক্তা সুরেশের মুখ ভার,—তখনও চোকে জল পড়িতেছিল। একবার বলিল, “শকুন শেয়ালেরও চক্ষু লজ্জা থাকে, হায়রে দেশ,—হায়রে ভারতবর্ষ,—আর হায়রে হিন্দুজাত, কবে তোরা মানুষ হবি !”

অনন্ত ভক্তি

[প্রভুপাদ শ্রীমুক্ত সত্যানন্দ গোস্বামী সিদ্ধাস্তরত্ন লিখিত ।]

শ্রীভগবান প্রিয়সখা অর্জুনকে উপলক্ষ্য করিয়া জগবাসীকে যে গীতামৃত পান করাইয়া গিয়াছেন, উহার একটি একটি কথায় আলোচনা করিলেও

এই সংসার দাবদন্ধ নিরাশ জীবনে এক অনির্ক্বচনীয় শাস্তি ও আশার উদয় হইয়া থাকে ।

মাথার কুহকে পতিত হইয়া মানব নব নব দুর্ক্বাসনার স্মৃঢ় শৃঙ্খলে আপনা হইতে বিজড়িত হইয়া কতপ্রকার পাপের অনুষ্ঠান করিয়া থাকে তাহার ইয়ত্তা করা যায় না, কিন্তু নিস্বাণেশুখ ভস্মাচ্ছাদিত অগ্নি বায়ুর কুৎকারে কদাচিৎ যেমন প্রদীপ্ত হইয়া উঠে, তজ্জপ মহাপাপীর হৃদয়েও চিৎ-প্রেরণায় একটা ভাব জাগিয়া উঠে—আমি কি করিতেছি, আমার এই সকল দুষ্কর্মের পরিণতি কোথায় ? আমি কোথায় যাইতে বসিধাছি, একটির পর একটি করিয়া আমি নিয়ত যে সকল অসৎকর্ম করিয়াছি, এ কক্ষপাশ হইতে কি প্রকারে মুক্ত হইব এইরূপ যাহার নিজে হৃদয়ে এই অনুশোচনা হয় এবং লোকসমাজেও যে স্বগা হইরাছে, বাহাকে কেহ আশ্রয় দেয় না, বাহাকে অসৎ কর্মী বলিয়া বিতাড়িত করিয়া থাকে, সেই সর্বপরিত্যক্ত ব্যক্তিকেও কিন্তু করুণাময় শ্রীভগবান তাঁহার সর্করণ ডাকে আশ্রয় দিয়া রাখিয়াছেন—

অপিচেৎ স্মহুরাচারো ভজতে মাং অনন্তভাক্ ।

সাধুরেব স মন্তব্যঃ সম্যক্ বাবসিতো হি সং ॥* (৯।৩০)

আমায় যে একবার অনন্ত ভাবে ভজন করে, আমি তাহাকেই সাধুপদে উন্নীত করি যেহেতু আমার নিকট সকলেই সমান—

“সমোহং সর্কভূতেষু নমেধেষোহস্তি ন প্রিয়ঃ ।”

অর্থাৎ সকল ভূতেই সমকুপাশীল আমার দ্বেষা বা প্রিয় নাই । সকলের নিঃস্ট অনাদৃত পাপীকেও তিনি অনাদর করেন না, স্মহুরাচারকেও সাধুপদে প্রতিষ্ঠিত করাইয়া থাকেন, ইহাই তাঁহার স্বতন্ত্র স্বভাব । সূর্য্য স্বীয় কিরণ ছটায় যেমন জগতের সর্কত্র উদ্ভাসিত করিয়া থাকেন, তজ্জপ শ্রীভগবানের করুণা সর্কত্র বিসারী উহার ভারতম্য হইতে পারে না, যিনি

সকলকার হৃদয়ে অবাস্তব থাকিয়া চিৎস্মরণ করাইতেছেন তাঁহার ছেয়া বা প্রিয় কোথায় ?

অগ্নি আলোক প্রদানাদি হইতে আরম্ভ করিয়া আমাদের আমরণকাল পর্যন্ত সকল কার্যাই করিয়া থাকেন, ইহা অগ্নির স্বভাব, কিন্তু আমি যদি অগ্নির আবশ্যকতা উপলব্ধি করিতে না পারিয়া তাহাকে নিকটে না আনি বা তাঁহার সাহায্য গ্রহণ না কর, তাহা অগ্নির দোষ হইতে পারে না, কল্পবৃক্ষ প্রার্থনা পূরণ করে, কিন্তু প্রার্থীর অনাগমন কল্পবৃক্ষের পক্ষপাতিত্বের পারচায়ক হইতে পারে না।

জীব-পালক ভক্তবৎসল শ্রীভগবানকেও ভক্ত-পক্ষপাতী বলা যাইতে পারে না। সর্বাত্মধ্যামী সর্বেশ্বর করুণাময় ভগবানের কারুণ্যাদি গুণে আকৃষ্ট হইয়া যে তাঁহাকে আপনার করিয়া লইতে আসিয়াছে, তিনি তাহারই আপন হইতে আপনতম হইয়া কুপাধিক্য প্রকাশে তাহার যোগ স্নেহ বিধান করিয়া থাকেন। ইহাতে ভক্তেরই মহিমা প্রকাশ পাইয়াছে। ভক্ত নিজের শক্তিতে তাঁহাকে বশীভূত করিয়া থাকে জগতে সে দৃষ্টান্ত ভূরি ভূরি দেখিতে পাওয়া যায়।

তাঁহা হইলেই দেখা যাইতেছে যে অনন্তভাবে তাঁহাকে ভজনা করে তিনি তাহার জন। এখানে এই অনন্ত ভজন অর্থাৎ প্রাপঞ্চিক জগতের সৃজন পালনাদি বিভিন্ন কার্যে নিযুক্ত দেব বা দেবীর প্ৰভৃতি সকলকেই সর্ব-নিয়ন্তা শ্রীভগবানের অংশ ও শক্তিরূপে জানিয়া দেবতাস্তর উপাসনাদি ত্যাগ করিয়া একমাত্র তাঁহার শরণাপন্ন হওয়াই সম্যক বা মাধু অধাবসায়। এই সদধ্যবসাম্পন্ন ব্যক্তিকে মাধু বলিয়া জানিতে হইবে, এবম্বিধ ভজন পরায়ণ ব্যক্তির পূর্বকৃত দুষ্কর্ম তৎকালে সম্পূর্ণ পরিত্যাগ না হইলেও উহার আংশিক পরিত্যাগ হইয়াছে তাহা অবশ্যই স্বীকার করিতে হইবে, নচেৎ ভজন প্রবৃত্তিই আসিতে পারে না, কারণ ভজন প্রবৃত্তি সৎগুণের কার্য।

স্বোচ্ছাদিত হৃদয় ব্যক্তিরেকে ভজন হইবে না, অবশ্য তৎকালের কালী পূজা আর এই ভজন যে স্বতন্ত্র বিষয় তাহা বলাই বাহুল্য।

“এতাবানেব যজতার্মহ নিঃশ্রেয়সোদয়ঃ

ভগবতাচলো ভাবো যদ্ভাগবত সপতঃ।” (শ্রীমদ্ভাগবত ২।১।১০)

এই শ্লোকের টীকায় স্বামিপাদ লিখিয়াছেন—

“পূজোক্ত নানাদেবতা যজনস্তাপি সংযোগ পৃথকত্বেন ভক্তিযোগ ফলত্মমাহ এতাবানিতি ইন্দ্রাদীনাপি যজতাং ইহ তত্ত্বং যজনেন ভাগবতানাং সঙ্গতো ভগবতাচলয়ো ভাবো ভক্তিভবতীতি যৎ এতাবানেব নিঃশ্রেয়স্ত পৰম পুরুষার্থস্ত উদয়োলাভঃ অত্ৰং তু সৰ্বং তুচ্ছমিতি”

অর্থাৎ সকামী ভক্তেরও ভগবদবিভূতি জানিয়া দেবতান্তরের ভজনের ফলে কমলাসিন্ধির সহিত শ্রীভগবানে অচল ভাবের উদয় অর্থাৎ স্থির নিষ্ঠা হয়, তাহার ফলে যে পরম পুরুষার্থের লাভও হইয়া থাকে উহাই লাভ নামে অভিহিত হইতে পারে। অপর বিষয়াদি বৈভব লাভ অতি তুচ্ছ।

সুতরাং “ভজতে মামনন্ত ভাক্।” এই অনন্ত ভজন তামসি বা রাজাসিক ভাব প্রণোদিত ভজন হইতে পারে না, যেহেতু ভজনের প্রথম সোপান শ্রদ্ধা, সাধুসঙ্গ ও নাম গুণগীলাদি শ্রবণ হইতেই হৃদয়ে লুকায়িত দুর্কাসনা সকল বিদূরিত হইয়া থাকে, উহা হইতেই অনাবিদ্ধ চিন্তনের পরিচয় পাওয়া যায়, অনন্তর সবুজুদি হইয়া থাকে, এই শুদ্ধসত্ত্বের উদয়ে সাক্ষাৎ ভজন। অতএব অনন্ত ভজন পরায়ণের দুর্কাসনা থাকিতে পারে না, যেখানে দুর্কাসনার সম্ভাব থাকিবে সেখানে ভজন হইতেছে না জানিতে হইবে। ভোজনে প্রবৃত্ত পুরুষের গ্রাসে গ্রাসে ক্ষুধিবৃত্তিই হইয়া থাকে। তখন আর ক্ষুধার উদ্রেক হয় না।

পূজ্যপাদ রানানুজার্চা লিখিয়াছেন যদি কোন ব্যক্তি তাহার জাতু-

চিত আচার পরিবর্জিত হইয়া অনন্ত ভাবে আমার ভজন করে তাহাকেও বৈষ্ণবাগ্রগণ্য বলিয়া জানিবে “আচারবার্তারক্ততমস্ত স্বল্প বৈকল্পমিতি ন তাবতানাদরণীয় অপিতু বল্হমন্তব্য ইত্যর্থঃ ।” পূজ্যপাদ মধুসূদন সরস্বতী মহাশয় লিখিয়াছেন—“কিঞ্চ মন্ত্ৰকরেবায়ং মহিমা যৎ সমেহপি বৈষ্ণমা-
মাপাদয়তি শৃণু ওন্মহিমানঃ অপিচেতিতি...যঃ কশ্চিৎ সুহুরাচারোহপি চেদ জামিলাদিবদনস্তাভাক্ সম্মাং ভজতে কুত্রাচৎ ভাগ্যোদয়াৎ সেবতে...স
প্রমাণতোহসাধুরাপ সাবুরেব মন্তব্যঃ হি যস্মাৎ সম্যক্ ব্যবসিতঃ সাধু নিশ্চয়
বান্ সঃ ।” অর্থাৎ ভক্তি ও ভক্তের এমনই মহিমা যে অসংকেও সং করিয়া
দেয় এবং স্বভাব আমি আমাতে বৈষ্ণব্য আনয়ন করিয়া তাহার পক্ষপাতী
করিয়া ফেলে ।

পূজ্যপাদ বলদেব বিজ্ঞানভূষণ মহাশয় লিখিয়াছেন—শ্রীভগবান সর্বভূতে
সম হইলেও তাঁহাতে স্বাশ্রিতবাৎসল্য লক্ষণ বৈষ্ণব্য আছে, তিনি ভক্তকে
বিশেষ ভাবে রক্ষা করেন ।

“উপপত্তে চাত্তাপলভাতে চেতি” (ব্রহ্মসূত্র ২।১।৩৬)

এই সূত্রের ভাষ্যেও তিনি দেখাইয়াছেন যে—ভক্তবৎসল প্রভুর ভক্ত-
পক্ষপাতীত্ব রূপ বৈষ্ণব্য উপপন্ন হইয়াছে কারণ ভক্তরক্ষণাদি কর্ম তদীয়
স্বরূপ শক্তির বৃত্তিভূত ভক্তি সাপেক্ষ, ইহাতে নির্দোষাদিবাচক বেদ বাক্যের
কোন বিরোধ হয় না,যেহেতু ঐরূপ বৈষ্ণব্য শ্রীভগবানের গুণমধ্যে পরিগণিত
হইয়াছে । “যমেবৈষ বৃণুতে” ইত্যাদি ক্ষতি এবং “প্রিয়োহি জ্ঞানিনো-
হত্যর্থঃ” ইত্যাদি বহু স্মৃতি বাক্যে উহা অভিহিত হইতে দেখা যায় । এই
ভাষ্যের টীকাতেও উহা বিশদ করিয়াছেন যথা—“ভক্তিবশঃ পুরুষো
ভক্তিরেব ভূয়সীতি ক্ষতিগ্রাহ্য, প্রিয়োহীতি সর্গত্রিকং শ্রীগীতাসু । অপি
চেদিতি যন্তপীত্যর্থঃ সুহুরাচারো বিনিন্দাচরণঃ শাস্ত্রীয় কর্মশুভ্রো বা । অনন্ত-
তাক্ সন্ মাং ভজতে দেবতাস্তরং বিহায় মামেব স্বারাধ্যবুদ্ধ্যা সেবত ইত্যর্থঃ

স ত্বয়া সাধুরেব অর্জুন ! মন্তব্যঃ নতু ছুরাচারংশং বীক্ষ্য তত্ৰাসাধুত্বকাশকা-
মিতার্থং । মল্লিষ্ঠা প্রভাবেন ছুরাচারাস্পর্শাদিত্যেব কারাশয়ঃ । হি যস্মাদসৌ
সমাগ্ বাবসিতঃ মদেকান্তিরূপ পরম নিশ্চয়বানিত্যার্থঃ । ছুরাচারোহপি
তত্র ঝাটিত্যেব নশ্চেদিত্যাহ ক্ষিপ্ৰমিতি ।”

এখানে তাঁহার স্বাশ্রিত বাৎসল্যেরই বিশেষ উক্তি দেখা যায় ঐ কথাই
“অপিচেৎ সুছুরাচো” এখানে সুস্পষ্টিকৃত হইয়াছে ঐ টীকার যথা—
“মম শুদ্ধভক্তিবশত লক্ষণং স্বভাবো হস্তজ এব যদহং ছুগুপ্তিত কর্ম্মণাপি
ভক্বেহনুরজ্যাংস্তমুং কর্ম্মণামীতি পূর্ব্বার্থং পুষ্করাহ “অপি চেৎ” ইতি অনন্ত-
ভাক্ জনশ্চেৎ সুছুরাচারোহতিবিগহিত কর্ম্মণাপি সন্ মাং ভজতে মৎ-
কৌর্তনাদিভিমাং সেবতে তদাদি স সাধুরেব মন্তব্যঃ” অর্থাৎ আমার শুদ্ধ
ভাক্ বশত লক্ষণ স্বভাব হস্তজ, আমি অতি গর্হিতকর্ম্মা ভক্দেরও অনুরাগী
হইয়া তাহার উৎকর্ষ বিধান করিয়া থাকি । এখানে দেখা যাইতেছে
কোন ব্যক্তি পূর্ব্বে যে রকমের অসদাচারী হইক না কেন, যখন অনন্ত
ভাবে আমার শরণ লইয়া ভজন পরায়ণ হইল উহার সঙ্গে সঙ্গে আমি তাহার
পক্ষপাতী হইয়া তাহাকে সৎপথে আনয়ন করিয়া থাকি, ইহাই তাঁহার
ভক্ত পক্ষপাতত্ব ও ভজনের মহিমা, আমার ভজনের পর আর তাহার
অসৎ প্রবৃত্তি থাকে না, যেহেতু আমিই তাহার অসৎ প্রবৃত্তির পরিহার
করাইয়া তাহাকে সাধু পদে প্রতিষ্ঠিত করি, তৎকালে তাহার পূর্ব্বাচরিত
সমস্ত দুষ্কৃতির ক্ষয় না হইলেও মদেকান্তিতা বশতঃ আমাকে শ্রেষ্ঠ নিশ্চয়
করিয়া লওয়ায় সে সাধুপদবাচ্য হইয়াছে, যেহেতু বহু সংকর্ম্ম-নিষ্ঠ ব্যক্তিরও
ঐদৃশী নিষ্ঠা দেখা যায় না । সুতরাং ভগবদ্ভজনের পরেও যে নবোদ্ভূত হুশ্র-
বৃত্তির সম্ভাবনা হইতে পারে না, তাহা স্থির নিশ্চয়, বরং উত্তরোত্তর উহার
পরিহারই হইয়া থাকে, নতুবা “ক্ষিপ্ৰং ভবতি ধর্ম্মাখ্যা” এই বাক্যের ব্যর্থতা
হইয়া পড়ে ।

বরং আমরা বলিতে পারি “নাবিরতো হৃশ্চরিতান্নাশাস্তোনা সমাহিতঃ
না সান্তমনসো বাপি” ইত্যাদি শ্রুতিতে হুরাচারের ভগবদ্ বৈমুখ্যই অভিহিত
হইয়াছে, তাহার সাধুত্বের সম্ভব কোথায়? ইহার উত্তরে বলিঘাছেন—
উহা সাধারণ হুরাচারী পর “মদেকান্তী তু মনসিধূতেনাতিপুতেন সর্বেশ্বরেণ
ময়াগন্তকং হুরাচারং বিনিধূয় ক্ষিপ্ৰমেব ধর্ম্মায়া সদাচার নিষ্ঠমনা ভবতি।”

সুতরাং বাহার নাম স্মরণ মাত্র সর্ব পাপ মুক্ত হইয়া পবিত্র হইয়া
যায়, বাহার নামে কন্মের সকল বৈগুণ্য দূরীভূত হয় সেই ভগবানের
ভজনের সময়ে হৃশ্চরের অমুষ্ঠান শ্রবণের উদয় হইতে পারে না।

অবশ্য সাধারণ স্মৃতি শাস্ত্রের সম্বন্ধেও ঐ কথাই বলা চলে যে তাঁহারা
অঁকুত প্রায়শ্চিত্তকে সাধু মনে করিবেন না, কিন্তু প্রায়শ্চিত্ত শব্দের প্রকৃৎ
অথাবধারণ করিলে আর তাহা বলা চলে না। প্রায়স শব্দ কিঞ্চৎ নূন
বহুল অর্থেই প্রয়োগ হইয়া থাকে। সুতরাং যে শ্রীভগবানে বহুল ভাবে
চিত্তার্পণ করিয়া স্বীয় হৃদয়তর গালগ কামনা করিতেছে তাহারই প্রায়শ্চিত্ত
সম্পূর্ণ হইল জানিতে হইবে। নতুবা লোক দেখাহয় কাহন কত কড়ি
উৎসর্গ করিয়া প্রকৃত প্রায়শ্চিত্ত হয় না। কেন আমার অসৎ প্রবৃত্তি
হইয়াছিল, হে সর্বাশুধ্যামিন্ ভগবান আমি তোমার শরণাপন্ন হইতোছি
তুমি আমার হৃদ্যাসনা বিদূরিত করিয়া সৎ পথে পরিচালন কর। ইহাই
প্রায়শ্চিত্ত, যেখানে ভগবৎ স্মৃতির প্রতিকূল বিষয়ই রহিল না, সেখানে
পৃথক কোন পৃথক প্রায়শ্চিত্তের কথাই আসিতে পারে না। সেই জন্তই
শ্রীভগবান পরে বলিলেন, “হে অর্জুন! তুমি স্থির জানিয়া রাখ আমার
ভক্ত কখন বিনষ্ট হয় না।” জীবের ইহা অপেক্ষা বড় আশ্বাসবাণী আর
কি হইতে পারে? শ্রীভগবতেও উক্ত হইয়াছে—

‘ স্বপাদ মূলং ভজতঃ প্রিয়ম্

ভ্যক্তান্ত ভাবন্ত হরিঃ পরেশঃ ।

বিকল্প ষাট্ঠাৎ পতিতং কথঞ্চিদ্বনোতি

সর্বং হৃদি সন্নিহিতং ॥*

এই সকল শাস্ত্র বাক্যের অভিপ্রায় স্পষ্টই জানা যাইতেছে, ভজনের সঙ্গে সঙ্গেই অবশিষ্ট ছরাশয়নের পরিহার পূর্বক তাহাকে ভজনের প্রকৃত পথে আনয়ন করে বানরাই সে সাধু, তাহার আর অসৎ প্রবৃত্তি আসে না। সুতরাং ছরাচারিত্ব ও অনন্ত-ভজন পরায়ণতার কথা যুগপৎ হয় না, ইহা স্থির নিশ্চয়।

আরাধনা ।*

সম্মুখে সাকার মূর্তি

চিত্তগ্রামী অল্পম

নেত্রধার হ'ল রুদ্ধ তার ;

ধূপ-গন্ধে নানা রুদ্ধ

শঙ্খ ঘণ্টাদি শ্রবণ

মুখে মন্ত্র, মন কোথা যায় ?

অনেক তार्কিক সময় সময় প্রশ্ন করিয়া থাকেন যে, ভগবান সর্বত্রই সকল সময় সর্বমান আছেন, তবে তাঁহাকে আরাধনা করিতে ও ডাকিতে পৃথক মূর্তি, স্থাপন প্রভৃতি বাহ্যভঙ্গর করিতে হয় কেন ? কিন্তু ভাবিয়া দেখুন দেখি যে, জল সর্বত্রই সকল সময় আছে অর্থাৎ সর্বত্র

* প্রবন্ধ লেখক, প্রবন্ধটী পাঠাইয়াই ইহদ্যম ত্যাগ করিয়াছেন, তাঁহারই ইচ্ছায় নামটী এক্ষণে অপ্ৰকাশিত থাকিল। এ সম্বন্ধে আরও অনেক লিখিবার বাসনা তাঁহার ছিল, উহার অন্তান্ত বাহা দু'একটী লেখা পাইয়াছি ক্রমে ক্রমে আমরা তাহা পাঠকগণকে উপহার দিব। (ভঃ সঃ)

মূর্তিকার নিম্নে জল থাকে ; তবে লোকে কূপ, পুষ্করী প্রভৃতি খনন করে কেন ? সুতরাং জল পাইতে হইলে কূপ, পুষ্করী প্রভৃতির যেরূপ আবশ্যক ; তদ্রূপ ভগবানকে পাইতে হইলে বিগ্রহ, দেবালয়, তীর্থস্থান, সংস্কৃত প্রভৃতির আবশ্যক হয় ।

(২) পাতকগণ পথভ্রমণে ক্লান্ত ও পিপাসার্থ হইয়া যেমন বিশ্রামার্থ বৃক্ষতলে বসেন এবং পিপাসা নিবারণার্থ জলাশয়ে গমন করেন ; তদ্রূপ ভগবানকে পাইতে হইলে ঐ সকল অলুষ্ঠানের আবশ্যক হয় ।

(৩) আমরা চঞ্চল মতি, তজ্জন্তু সম্মুখে সাকার মূর্তি প্রতিষ্ঠায় নেত্র-
ঘৃষ ঐ মূর্তিতে পতিত হইয়া অপরাপর বাহ্য দৃশ্যাবলী দেখিবার জন্ত
বাগ্র হয় না ।

(ক) ধূপগন্ধে ঘ্রাণশক্তি রুদ্ধ হয় এজন্য অপর কোন সৌরভ নাসিকায়
প্রবেশ করে না ।

(খ) শব্দ ও ঘণ্টার ধ্বনিতে শ্রবণ হৃদয় রুদ্ধ হয় এজন্য অন্ত কোন
বস কর্ণে প্রবেশ করিতে পারে না ।

(গ) মুখে মস্ত এবং ভগবানের অর্চনাদি দ্বারা মন ভগবদ্ প্রেমে
আকৃষ্ট হয় ; সুতরাং চিন্তা অস্ত্র দিকে ধাবিত হয় না ।

অতএব যে কোন কাজ করিতে গেলেই তাহার নিয়মিতরূপ, অল্প
বিস্তর আস্বাবের প্রয়োজন হয় । জল পাইতে হইলে যেরূপ নির্দিষ্ট
জলাশয়ের আবশ্যক তদ্রূপ ভগবানকে পাইতে হইলে কোন একটা
নির্দিষ্ট স্থান ও মূর্তির আবশ্যক ।


(৪) যিনি যে কোন দ্রব্য বা ব্যক্তিকে ভালবাসেন তিনি সেই দ্রব্য
বা ব্যক্তিকে অথবা দেব-দেবীকে স্বীয় আরাধ্য বস্তু জ্ঞান করতঃ পবিত্র
মনে একাগ্রচিত্তে হৃদয়ে ধ্যান করিবেন । এইরূপে আকাঙ্ক্ষা পূরণ ও
অভিষ্ট সিদ্ধ হয় । একলব্য নিষাধ পুত্র এই উপায়েই স্বীয় বাসনা পূর্ণ
করিয়াছিল ।

প্রাপ্তিস্বীকার ও সমালোচনা

সুখের সন্ধান।—শ্রীযুক্ত ব্রজেননাথ চট্টোপাধ্যায় প্রণীত। গ্রন্থকার কর্তৃক ১২২ নং শোভাবাজার স্ট্রীট হইতে প্রকাশিত। প্রায় দুইশত পৃষ্ঠায় সম্পূর্ণ। দাম দেড় টাকা। সমালোচনার জন্ত এই পুস্তক খানি আমরা পাইয়াছি। পাঠ করিয়া দেখিলাম ইহাতে গল্পগুলে নীতি বিষয়ক উপদেশ দেওয়া হইয়াছে এবং অনেক দুর্কোথা বিষয়েরও সুন্দর ব্যাখ্যা করা হইয়াছে। গ্রন্থখানি সরস ও সবল ভাষায় উপন্যাসের ভঙ্গীতে লিখিত হওয়ায় এক খানি উৎকৃষ্ট উপন্যাসের মতই সুখপাঠ্য ও সহজবোধ্য হইয়াছে। পঠিত বিষয়গুলির ছাপ সহজেই হৃদয়ে লাগিয়া যায়। স্ত্রী শিক্ষার জন্ত ঠাহারা একখানি উৎকৃষ্ট পুস্তক পাইতে চাহেন তাঁহারা এই পুস্তকখানি পাইয়া তৃপ্ত হইবেন বালিয়াই আমরা আশা করি। বিবাহে আজকাল যে সকল বাজে পুস্তক উপহার দেওয়া হয় তাহাতে অনেক স্থলে হিতে বিপরীত হয়। এই পুস্তকখানি বিবাহে উপহার দিবার বিশেষ উপযোগী হইয়াছে। আজকালকার দিনে এই ভাবের পুস্তক যত আদৃত হইবে ততই সমাজের মঙ্গল হইবে বালিয়া আশা করা যায়। এই জন্ত পুস্তকখানি পাঠ করিয়া আমরা বড়ই প্রীত হইয়াছি, আমরা সকলকেই ইহা পাঠের জন্ত অনুরোধ করি।

শ্রীশ্রীচৈতন্য চরিতামৃত।—শ্রীশ্রী সোণার গৌরঙ্গ-সম্পাদক শ্রীযুক্ত যোগেন্দ্রচন্দ্র দেব কৃত ব্যাখ্যা সম্বলিত। পোঃ সায়েস্তাগঞ্জ গ্রাম চরহামুয়া জেলা শ্রীহট্ট এই ঠিকানায় পাওয়া যায়। মূল্য ৪ ডাক-মাঃ ৮০ আনা লেখা আছে। শ্রীগ্রন্থখানি খণ্ডাকারে প্রকাশ হইতেছেন

আমরা আদি লীলার ১ম খণ্ডখানি মাত্র পাইয়াছি। যে ভাবে ব্যাখ্যা লেখা আরম্ভ হইয়াছে সেই ভাবে শেষ পর্য্যন্ত হইলে গ্রন্থখানি যে ভক্ত-সমাজে বিশেষ আদরণীয় হইবেন তাহাতে সন্দেহ নাই। এই ভাবে সমগ্র গ্রন্থখানি পাইবার জন্ত আমরা খুবই আগ্রহাষিত আছি যোগেন্দ্রবাবু যে উপযুক্ত লোক, সে বিষয়ের পরিচয় তাঁহার সম্পাদিত শ্রীপাত্রিকা হইতেই বৈষ্ণব সমাজ পাইতেছেন। নানাবিধ দ্রাস্ত মতবহুল সমাজে এ ভাবের একজন নির্ভিক লেখক খুব আবশ্যিক। শ্রীচরিতামৃত অক্ষরমুদ্রিত অমৃতের ভাঙার, যিনি যেরূপ ভাবেই ইহা আখ্যাদন করিবেন তিনি তাহাতেই কৃতার্থ হইবেন সন্দেহ নাই। নানাভাবে শ্রীগ্রন্থের নানা সংস্করণ বাহির হইয়াছে, যোগেন্দ্রবাবু উহারই মধ্যে একটু নূতন ধরণে আরম্ভ করিয়াছেন। আমরা প্রথম খণ্ডখানি মাত্র পাইয়াছি এবং পাঠে আনন্দ পাইয়াছি অতঃপর অন্ত্যস্ত খণ্ড পাইলে আমাদের বক্তব্য বলিবার বাসনা রহিল। ভক্তগণ এখন হইতেই শ্রীগ্রন্থের গ্রাহকশ্রেণী ভুল হইয়া থাকুন ইহাই আমাদের অনুরোধ। শ্রীগ্রন্থের ছাপা ও কাগজ মন্দ নহে।



ভক্তি-সম্পাদক মহাশয়ের লিখিত “প্রানের কথা” পুস্তক মুদ্রণ আরম্ভ হইয়াছে। আগামী আষাঢ় মাসেই পাইবেন। মূল্য এগুনও স্থির হয় নাই।

ভক্তির গ্রাহকবর্গের মধ্যে কেহ কেহ পরে মূল্য দিব বলিয়া আজ পর্য্যন্তও দেন নাই, আগামী শ্রাবণ মাসে ভক্তির ২৭শ বর্ষ পূর্ণ হইবে। ইতিমধ্যে গ্রাহকগণের বার্ষিক মূল্য পরিশোধ করিয়া দেওয়া আবশ্যিক। বলা বাহুল্য অন্ত্যায় আমরা আষাঢ় মাসের ভক্তি তাঁহাদের নামে ভিঃ পিঃ করিতে বাধ্য হইব।

বৈষ্ণব সংবাদ ও মন্তব্য ।

বৈষ্ণব ব্রত-তালিকা ।—গত বৈশাখ মাসের ভক্তিতে বঙ্গবাসী পঞ্জিকার সিদ্ধান্ত অনুযায়ী বৈষ্ণব ব্রত-তালিকা প্রকাশিত হইয়াছে, কলিকাতা ভাগবত ধর্মমণ্ডলের বৈষ্ণব ব্রত-তালিকা পাইয়া মিলাইয়া দেখলাম উহার সহিত অনেক স্থলে মিল নাই । অমিলের কারণ কি ? উভয় ব্রত তালিকার ব্যবস্থাপক আচার্যগণই শ্রীহরিভক্তিবিলাস প্রভৃতি বৈষ্ণব শ্রুতি অনুযায়ী ব্যবস্থা দিয়াছেন সন্দেহ নাই ; তবে মতের মিল হয় না কেন ? আমরা উভয় ব্যবস্থাপক আচার্যগণের উপর এ বিষয়ের মাঝামাঝি ভার দিলাম । তাঁহারা তাঁহাদের বক্তব্য আমাদের কাছে জানাইলে বারান্তরে উহা প্রকাশের বাসনা রহিল ।

ভ্রম সংশোধন—বঙ্গবাসী পঞ্জিকায় প্রকাশিত ব্রত-তালিকায় ২২এ বৈশাখ বুধবার একাদশী ছাপা হইয়াছে কিন্তু ২২এ বৈশাখ রবিবার হয় । আমরা পঞ্জিকার ছাপা দেখিয়া ছাপিয়া ছিলাম, পাঠকগণ বুধবারের স্থলে রবিবার করিয়া লইবেন । অন্তত যে সকল মতদ্বৈধ আছে তাহা পরে আলোচিত হইবে । ইতিমধ্যেই আমরা আমাদের প্রকাশিত ব্রত-তালিকার একখান সমালোচনা পাইয়াছি আগামী মাসে উহা প্রকাশিত হইবে ।

ষোলপ্রহর নামস্বজ্ঞ ।—হান্দুলের নিকটবর্তী বাণুপুর গ্রামে ২০এ বৈশাখ হইতে ২৩শে বৈশাখ পর্য্যন্ত একটা ষোল প্রহর নাম স্বজ্ঞের অনুষ্ঠান হইয়া গিয়াছে । ২০এ বৈশাখ শুক্রবার অধিবাস হইয়া ২১এ ও ২২এ ষোলপ্রহর নাম হয় ২৩এ ষথারীতি নগর সংকীর্তন ও সপাণ্ড শ্রীমন্নহা প্রভুর ভোগাধনা এবং প্রসাদ বিতরণ হয় । সন্ধ্যার পর শ্রীশ্রীগৌরলীলা গীতিকাব্য প্রণেতা সুপ্রসিদ্ধ শ্রীযুক্ত বিশ্বরূপ গোস্বামী

ସୁଚେ ଯାକ୍ ଶକା

ସାର ଜୟ ଡକା

ଶଞ୍ଚ କରତାଳ ବାଜାଓ ମାଦଳ ॥

ନାନାପ୍ରକାର ବିଳାସ ବାସନେ ମତ୍ତ କଲିହତ ଜୀବେର ମଧୋ, ମଧ୍ୟୋ ମଧ୍ୟୋ
ଏରୂପ ଅନାବିଳ ଆନନ୍ଦେର ଅକ୍ଷୁଷ୍ଟାନ ଦେଖିଯା ସ୍ଵର୍ଥାର୍ଥହି ଆନନ୍ଦ ଅକ୍ଷୁଭବ ହୟ ।
ଆମରା ଉଠ୍ସବେର ଉଦ୍ଘୋକ୍ତାର ସର୍ବବିଧ ଯଜ୍ଞଲ ପ୍ରାର୍ଥନା କରି ।

ନବବର୍ଷାରମ୍ଭେ ଉଠ୍ସବ ।—ଭକ୍ତି-ନିକେତନେ ବିଗତ ୧୩
ବୈଶାଖ ଏକ ଆନନ୍ଦ ସମ୍ଭାଳନ ହୁଅଇଛି । ପୂର୍ବଦିନ ରାତ୍ରେ ଭକ୍ତି-ନିକେତନେର
କୋନଓ ସତ୍ତୋର ଗୃହେ କାର୍ତ୍ତନାନନ୍ଦ ହୟ । ପରଦିନ ପ୍ରାତେ ଭକ୍ତି-ନିକେତନ ହୁଅଇ
ନଗର ସଂକୀର୍ତ୍ତନ ହୁଅଇ ମହୋଠ୍ସବ ହୟ । ଅନେକ ଭକ୍ତ ଐ ଦିନ ଏକତ୍ରିତ
ହୁଅଇ ଆନନ୍ଦୋଠ୍ସବେର ଶୋଭାବର୍ଦ୍ଧନ କରିଯା ଛିଲେନ । ଶ୍ରୀଯୁକ୍ତ ବିଷ୍ଣୁରୂପ
ଗୋସ୍ଵାମୀ ପ୍ରଭୁ ଉଭୟ ଦିନହି ଉପସ୍ଥିତ ଥାକିଯା କାର୍ତ୍ତନାନନ୍ଦ କରିଯାଛିଲେନ ।

ବିଶେଷ କଥା ।—ଭକ୍ତିର ନୂତନ ଶ୍ରୀହକଗଣେର ଅବଗତିର ଜନ୍ମ
ଜାନାହିତେଛି ସେ, ଭକ୍ତିର ପୁରାତନ ବର୍ଷ ସକଳ ପାହିବାର ଜନ୍ମ ଅନେକେ ଆଗ୍ରହ
କରିତେ ଛିଲେନ, ଆମରା ଅନେକ ସନ୍ଧେ ମାତ୍ର କସେକ ବଠ୍ସବେର ପତ୍ରିକା ସଂଗ୍ରହ
କରିତେ ପାରିଯାଛି । ବର୍ତ୍ତମାନେ ଭକ୍ତି ୨୭ଶ ବର୍ଷ ଚଳିତେଛି । ୧ମ ବର୍ଷ ହୁଅଇ
୧୪ଶ ବର୍ଷ ପର୍ଯ୍ୟନ୍ତ ଆର ପାହିବାର ଉପାୟ ନାହି । ୧୫ଶ ହୁଅଇତେ ଏଧନଓ ପାହିତେ
ପାବେନ । କିନ୍ତୁ ତାହାଓ ଧୁବ ଅଳ୍ପ ଆଛି ବୀହାର ଆବଶ୍ୟକ ଅତି ଶୀଘ୍ର ତିନି
ସଂଗ୍ରହ କରିଯା ରାଧୁନ । ଏବାର କୁରାହିଲେ ଆବ ଆମରା ଦିତେ ପାରିବ ନା । ଭକ୍ତ-
ଗଣେର ଆଗ୍ରହାତିଶୟୋ ଏକ ଏକ ବଠ୍ସବେର ପତ୍ରିକା ୧।୦ ଟାକା ମ୍ତ୍ତେ ୧
ଏକ ଟାକା କରିଯା ଦିବାର ବାବନ୍ଧା ହୁଅଇ । ମନେ ରାଧିବେନ ଅତଃପର ଦଶଗୁଣ
ମୂଲ୍ୟେଓ ଏକଥାନି ପାହିବେନ ନା । ସବ୍ବର ଗ୍ରହଣ କରନ ଇହାହି ନିବେଦନ ।

—•—

ଶ୍ରୀପାଦ ବାବାଜୀ ମହାଶୟେର ସଂବାଦ ।—ବିଗତ
୨୫ଏ ବୈଶାଖ ଶୁକ୍ଳେ ଶ୍ରୀପାଦ ରାମଦାସ ବାବାଜୀ ମହାଶୟ ସମ୍ଭାଳେ ଶ୍ରୀଧାମ ବୁନ୍ଦାବନ

গমন করিয়াছেন সেখানে নব রাত্রি উৎসব সমাধা করিয়া অস্ত্রান্ত হু' এক স্থানেও যাইবেন। পাঠকগণের সুপরিচিত শ্রীযুক্ত বিশ্বরূপ গোস্বামী ও শ্রীমান্ অনাথবন্ধু ভট্টাচার্য্য এবং বাবাজী মহাশয়ের সঙ্গে যোগদান করিয়াছেন। এক দিকে বাবাজী মহাশয়ের কীৰ্ত্তন, অস্ত্রাদিকে গোস্বামী প্রভু ও শ্রীমান্ অনাথের ভক্তিমাথা সঙ্গীত। আনন্দের প্রশংসা ছুটাইবে সন্দেহ নাই। জ্যৈষ্ঠ মাসের শেষ বাবাজী মহাশয়ের কালকাত্য ফিরিবার সম্ভব। তাঁহার কীৰ্ত্তনের তালিকা অস্ত্রান্ত বারের স্থায় এবারে হয় নাই কাজেই পরপর সংবাদ ঠিক দিতে পারিলাম না, যতদূর সংগ্রহ করিতে পারিব, তাহাই যথাসম্ভব ভক্তি পাঠকগণ পাইবেন।

শোক-সংবাদ

গাওড়া জেলার ষড়িরপ নিবাসী (অধুনা কলিকাতা নিবাসী) গৌর ভক্তবর মহেন্দ্রনাথ বসু মহাশয় বিগত ১৬ই বৈশাখ সোমবার বেলা ১২টা ৪০ মিনিটের সময় ইহধাম ত্যাগ করিয়া তাঁহার সাধনোচিত ধামে গমন করিয়াছেন। বসু মহাশয় ভক্তি-পত্রিকার প্রতিষ্ঠাতা নিত্যধামগণ দীনবন্ধু কাব্যতীর্থ বেদাস্তরত্ন মহাশয়ের অধিশার প্রিয় শিষ্য ছিলেন। স্ত্রী-বিয়োগের পর ইহতেই ক্রমে ইহার স্বাস্থ্য ভগ্ন হয়। ইহা নিঃশয়াগতই ছিলেন। বসু মহাশয়ের অশ্রুচোঁর নিতাই প্রীতি, সাধু বৈষ্ণব সেবার আগ্রহ অলঙ্কারী। বর্তমানে তাঁহার দুই পুত্র বর্তমান। আমরা শ্রীমান্ ছয়ের সর্বাধিক মঙ্গল কামনার সঙ্গে সঙ্গে মহেন্দ্র বাবুর শোকসন্তপ্ত বন্ধুবর্গের শান্তি কামনা করি।

শ্রী শ্রীরাধারমণো জয়তি

“ভক্তির্ভগবতঃ সেবা ভক্তিঃ প্রেম-স্বরূপিণী
ভক্তিরানন্দরূপা চ ভক্তির্ভক্তস্য জীবনম্ ॥”

২৭শ বর্ষ } ১১শ সংখ্যা }	ভক্তি ধর্ম-সম্বন্ধীয় মাসিক পত্রিকা ।	{ আষাঢ় { ১৩৩৬
----------------------------	---	-------------------

প্রার্থনা

“তেম্নি ক’রে আবার এসে ডাকাও গৌর প্রেমের বান ।

(তাতে) ভেসে যাবে ডুবে যাবে জীবের দারুণ অভিনান ॥”

প্রেমের ঠাকুর! বাঙ্গালীর প্রাণের ঠাকুর! এস—আর একবার তেম্নি ক’রে এসে তোমার নাম প্রেমের বস্ত্রা বহাইয়া জীবের হৃদয়-মরুভূমিকে সরস করিয়া ব্যবহারের উপযোগী করিয়া দাও । সব যে গেল ঠাকুর, এইত সেদিন কি কাণ্ড না ক’রে গেলে, এত অল্পদিনের মধ্যে যে আমরা তোমাকে এমন ক’রে ভুলে যাব এতো স্বপ্নেরও অগোচর! আজ আমি ছ’পাতা পাঠ মুখস্ত করিয়া ধরাকে সরা জ্ঞান কারিয়া বসিয়া আছি, আর সেদিন তাবড় তাবড় পণ্ডিতকেশরী সকল তোমার নিকট কেমন নরম হ’য়ে তোমার কুপালাভে ধন্য হইয়াছেন, আজ আমি স্ত্রীপুত্র ধন মান পাইয়া একেবারে তোমার নাম পর্য্যন্ত ভুলিয়া বসিয়া আছি, আর সেদিনের সেই রঘুনাথ দাস, রূপ সনাতন, ঠাকুর নরোত্তম, রামচন্দ্র প্রভৃতি মহাআগণ তোমার

কৃপাপাবার জন্তু কিনা তাগ করিয়াছেন? সামান্য বাহবা পাবার জন্তু আজ জাল জুয়াচুরি মিথ্যা প্রবঞ্চনা কোন কিছুতেই আটকাইতেছে না, কিন্তু সে দিনের সেই রাজ-পণ্ডিত সার্কভৌম, বৈদাস্তিকগণের রাজা বলিলেও অতুক্তি হয় না এমন যে প্রকাশানন্দ, অমন দ্বিগ্বিজয়ী কেশব কাশ্মিরী প্রভৃতি তোমার কৃপা পাইয়া কি না করিয়াছিলেন?

প্রভূ! এত গেল পণ্ডিত, ভাগ্যবান ভক্তের দিক দিয়া। পতিত পায়ণ্ডের দিক দিয়া দোখলেও ত তোমার দিকে আকৃষ্ট না হইয়া পারা যায় না, কিন্তু কিযে আমার হৃদৈব আমি মোটেই তোমাতে অকপট বিশ্বাস রাখিতে পারিতেছি না। তোমার দোহাই দি বটে কিন্তু সে তোমাকে ভালবাসিয়া মোটেই নয়, কেবল আমার ব্যবসার পারিতরে, লোকের নিকট প্রার্থনা লাভের আশায়। দয়াময়! আমার এ জীবনটাকি এইভাবে কপটতার প্রশ্রয় দিতে দিতেই যাইবে? সত্য সত্যাক তোমার জন্তু প্রাণ কাঁদিয়া উঠিবে না, সত্যসত্যই কি তুমি যে জীবের একমাত্র আশ্রয়দাতা—একমাত্র ভরসা স্থল, তাহা প্রাণে প্রাণে বুঝিয়া তোমার পদে আশ্রয় লইয়া ধনা হইতে পারিব না?

এবার তোমার কাছে আমার দুইটি প্রার্থনা—হয় আমাকে তোমার ভাবে বিভোর করিবা প্রতিকার্ষ্যে তোমার মঙ্গলময় সত্ত্বা উপলব্ধি করাইয়া ধন্য কর, নয়ত একেবারে পতনের অতলহলে ডুবাইয়া দাও। ঐযে মধ্যে মধ্যে সুখের আভাস দিয়া চিত্তকে আকুল করিয়া আবার অহঙ্কারের মধ্যে আনিয়া শতশুণ জ্বালা বৃদ্ধি, তাহা করিও না। হয় তোমায় লইয়া দিবানিশি বিভোর থাকি, নয় তোমায় ভুলিয়া যাহা খুসি করি। তবু আশা থাকিবে যে একদিন না একদিন তোমার কৃপা পাইয়া ধন্য হইব। এভাবে উভয় সঙ্কটে ফেলিয়া আর যন্ত্রণা দিও না।

দিন দিন আমি অকন্মণ্য হইয়া পড়িতেছি, পূর্বে যে কাৰ্য্য খুব সহজে

অল্প সময়ে করিতাম এখন বহু চেষ্টায় ও বহু সময় ক্ষেপ করিয়াও তাহা সমাধা করিতে পারি না, তাই মনে হইতেছে আমার এবারকার বাজী বোধ হয় শেষ হইয়া আসিয়াছে। তাই আজ কাতরে প্রার্থনা, যেভাবে থাকিলে তোমার ভুবনমঙ্গল নাম না ভুলিয়া দিবানিশি মাতিয়া থাকিতে পারি তাহা কর। আর যে কটাদিন থাকিব যেন তোমাকে লইয়া স্নুখে কাটিয়া যায়। আমার পূর্ব পূর্ব কর্মের ফেরে যদি তাহা না হয় তবে ডুবাইয়া দাও আরো অতল তলে, আমি তাহাই তোমার মঙ্গলময় বিধান বলিয়া গ্রহণ করি। কিন্তু একটা কথা—

“স্নুখে বা ডুখেতে রাখ যা ইচ্ছা তোমারি।

তুমি আমার আমি তোমার আর সকলি তোমারি ॥”

এইটী যেন ভুলি না। আজ জালায় জলে দীনহীন কাঙ্গালের তোমার নকট এইটীই প্রার্থনা।

দীন—

নির্ভর ।

মন্দ করাই যদি তোমার অভিপ্রেত হয়,—

বল্ব না ত,—আমার ভাল কর দয়াময় !

তোমার যাগা ইচ্ছা, প্রভু, করবে তুমি তাই ;

তোমার ইচ্ছা ছাড়া, আমার ইচ্ছা কিছুই নাই।

ইচ্ছাময় হে, তোমার ইচ্ছাই জানি পূর্ণ হবে ;

আমার ইচ্ছা জানিখে তোমাধ, ঠক্ব কেন তবে ?

কিন্তু এটা আমার মনে জানে সবিশেষ,—
 সর্বশুভ মূলাধার যে তুমি পরমেশ !
 তোমার ভিতর নাই ত কোথাও অকল্যাণের লেশ !
 এইটে আমি জানি যে গো,—তুমিই জানিয়েছ ,
 জানিয়ে আমায় এই কথাটা, আগেই ঠ'কেছ ।
 কাছেই এখন ভাল মন্দের দাব্ব না ত ধার,
 আমার কাছে ভাল-মন্দের নাই সে বিচার আর !
 তুমি যেটা করবে ওগো, করবেই ত তাই !
 আমি কেন ভাবতে যাব,—আমার গরজ নাই !!

শ্রীনৃসিংহদেব বন্দ্যোপাধ্যায় ।

“বংশীধারী”

জীবনে এ ঘটনা কখন সংঘটিত হইয়াছে তাহা সম্যক জ্ঞাত হইতে পারিলাম না—কিন্তু ইহা সম্পূর্ণরূপে জ্ঞাত হইতে পারিতেছি যে, একদিন কিজানি কোন্ শুভ-মুহূর্ত্তে কত যুগ-যুগান্তের স্মৃতি জড়িত অমিয়-মধুর বংশীধ্বনি ইঁঠাৎ আমার হৃদয় দীন অভাজনের কর্ণকুহর পরিতৃপ্ত করিয়া, পাষণ হৃদয়ে চির বিক হইল । হৃদয় পাষণ—পাপপূর্ণ—ইহা ক্ষণিক বংশীধ্বনি মুখরিত হইয়া চিরদিনের জন্ত সেইধ্বনি শ্রবণ মানসে ব্যাকুল হইল ।

বংশী বাজিয়াছে—আমার হৃদয় কাণাগারে বংশীধ্বনি মুখরিত হইয়। চিরদিনের জন্ত তাহা পুনর্বার শ্রবণ-মানসে প্রাণ ব্যাকুল হইয়াছে—বংশীনির্নাদে হৃদয় মুখরিত হইয়া নব নব আশার সঞ্চার করিয়াছে । বাহার

শ্রীমুখ পদ্ব হইতে বংশীধ্বনি নিনাদিত হইয়া ভক্তিপ্রাণ ভক্তমণ্ডলীর হৃদয় পারিধির ক্ষুদ্র তরঙ্গ বিপুলভাবে আন্দোলিত হয়—সাহাকে দর্শন করিবার মানসে মন প্রাণ ব্যাকুল হইয়া উঠিয়াছে।

আমি শ্রবণ করিয়াছি সেই বংশীধারীর স্নমধুর মন প্রাণ মাত্তান বংশী-ধ্বনি, যাহা আমার হৃদয়ের মঞ্চে মঞ্চে প্রাবল্য করিয়া আমার মনকে কি জানি এক অপকাশিত আনন্দে পাগল করিয়া তুলিয়াছে। সেই তান-নিনাদিত মূর্ছনা আমাকে এক অপকাশিত গুপ্তস্থানে সাহার সন্ধান করিতে বলে তাহা আমি কি বলিব? মূর্খ আমি—অন্ধ আমি, দীনগীর্ণ কাজলা আমি—পথ ভোলা পণ্ডিত আমি, আমি আবার কোন ছুরন্ত ছুরন্ত পথের সন্ধানে ফাইব? আমি কণ্টকময় পথে পদার্পণ করিয়াছি এবং বংশী-ধ্বনি শ্রবণ করিয়াছি—এক্ষণে উপায়হীন। কেমন করিয়া এই কণ্টকময় প্রহরী বেষ্টিত সংসাররূপ বন্ধন ছিন্ন করিয়া সেই চির আলোকিত—চির প্রাণীক—মাধুজন-বাহিত বনবিহারী শিশ্রী বংশীধারীর অসুসন্ধানে চিত্ত নিয়োজিত করিব, তাহার উপায় কি? প্রাণ যে সেই স্নমধুর ধ্বনি শ্রবণে পাগল প্রায়। এক অপকাশিত রুদ্ধ বেদনায় হৃদয় দগ্ধ হইতেছে। কিন্তু বন্ধ আমি কেমন করি? প্রাণের শীতলতা সম্পাদনে তাৎপর হইবে? প্রাণ ব্যাকুলভাবে রোদন করিতেছে কিন্তু তে প্রাণ! তুমি যোকুণ্ঠমান হইলেও তোমার কঠিন বান্ধন ভক্তি অশ্রুধারা বিধৌত কারতে পারিবে কি? বন-বিহারীর সন্ধানে তোমাকে চিরদিনের জন্ত নিবৃত্ত করিতে হইবে—দর্শন এতন্মু হইবে কিনা জানি না। কত জন্ম জন্মান্তর তোমাকে স্থির হইয়া দণ্ডাধমান থাকিতে হইবে। তোমার মস্তকের উপর দিয়া অসীম ঘাত-প্রতিঘাত, লক্ষ লক্ষ বজ্রঘাত বিপুলভাবে চলিয়া ফাইবে। তোমার অগ্নি-পরীক্ষা আরম্ভ হইবে—কিন্তু তোমাকে থাকিতে হইবে অটল, অচল এবং মুহূর্তমান হইয়া। হৃদয়কে ভক্তিবারি বিধৌত করিতে হইবে। বাণী বাজি-

যাচ্ছে—হৃদয় তাহা শ্রবণ করিয়া উন্মত্তবৎ হইয়াছে। অমানিশার প্রগাঢ় অন্ধকারময় অটুহাস্য ভেদ করিয়া ঐ বাঁশী বাজিয়া উঠিল—মূর্ছনার শত শত বঙ্কাময়ী রাগরাগিনী পূর্ণমাত্রায় আমার পাষাণ হৃদয়ের প্রতি অল্প-পরমানুর মধ্যে বিস্তার লাভ করিল। তারপর কি হইল? তারপর ব্যাকুলতাপূর্ণ ভিক্ষা প্রার্থনা—ক্রন্দন—অশ্রু, ইহা বাতীত আর কিছুই রছিল না।

হে বংশাধারি! হে চির নূতন প্রেমময়! তুমি তোমার অমিয় মধুর বাঁশরী গুনরায় নিনাদিত করিয়া আমার স্তায় ক্ষুদ্র অভাজনকে সম্পূর্ণরূপে মুক্ত করিয়া লও। প্রাণের বন্ধ বেদনা জাল কখন ছিন্ন করিবে তাহা হে প্রিয়তম! একবার বলিয়া দাও।

নির্জ্জনে যখন পুলিনে দণ্ডায়মান হইয়া আর কত বাথা দিবে, হে বৃন্দাবন বিহারী! তাহা একবার বলিয়া দাও। আমি যে তোমার প্রেম-ভিখারী। তুমি তো দেখিতেছ—তোমার কৃপাকণা-লুক্ক এই অধম দিবানিশি তোমার জন্ত নীরবে মৌন হৃদয়ের অশ্রুকণা লইয়া কাতর ভাবে দিন যাপন করিতেছে। এই অশ্রুজল বার্থ্য নহে—দয়াময় তুমি ইহা গ্রহণ করিয়া তোমার দাসকে চিরবাধিত কর। হৃদয়ের কলুষ পঙ্কিল প্রবাহ দূরীভূত কর। চিত্ত আমার সম্পূর্ণরূপে নিরোগ কর।

শ্রীশ্যামাপদ বন্দ্যোপাধ্যায়।

একটি গান

আজু মধু চাঁদনী

চিত-উনমাদনী

কাঁহা সো নন্দাকশোর?

মলয় পরশনে

মরম বঁধুসঞে

মিলন-পিয়ারী চিত মোর ॥

কুসুম-সুগন্ধ উলাসিত অন্তর,

পাপিয়া পিউ পিউ গাহে নিরন্তর.

মানুষ বৈষ্ণব পদবাচ্য হয় তাহার একটীও যদি কাহার দোহে থাকে তবে তাহাতেই জগৎ মুগ্ধ হইয়া যায়। তাহা আমাদের মনে হয় যে, প্রকৃত বৈষ্ণব বা বৈষ্ণব-লক্ষণ কখনও কাহারও নিকট বিদ্বেষের বস্তু হইতে পারে না। কিন্তু এই যে সকল সমাজ হঠাৎ বৈষ্ণব সমাজের বিদ্বেষী হইয়া উঠিল ইহার কারণ কি? যাত্রায় বা থিয়েটারে বৈষ্ণবের সং দিয়া লোক হাসাইবার কারণ কি?

যে বৈষ্ণব শ্রীমন্মহাপ্রভুর প্রাণ, যে বৈষ্ণব প্রেমানন্দের প্রসবণ যে বৈষ্ণব কারুণ্য-রসসংসিক্ত উচ্ছ্রিত ভক্তি রসময় বিগ্রহ, সেই বৈষ্ণব কি কখনও হাত্তরসোদীপক সংএর যোগা? বীর দর্শন মাত্রে পাষণ্ডের জন্ম গলিধা যায় তাহাকে লইয়া কি ব্যঙ্গ করা যায়? কাজেই বুঝিতে হইবে যে, বৈষ্ণবের কখনও সং হয় না; সং হয় বৈষ্ণব-ধর্ম বিলোপকারী ভণ্ড, কপটী, অপদার্থের। পবিত্র বেশের আমরা পক্ষপাতী, তথাপি অসঙ্কোচে এখানে বলিতে বাধ্য যে, বিজ্ঞানহীন উপদেষ্টা এবং গুণহীন বেশই বহুব্যাপক বৈষ্ণব বিদ্বেষিতার মূলভূত কারণ।

রাজ-কিঙ্করের দোষ যেমন রাজাকে কলঙ্কিত করে সেইরূপ এই বৈষ্ণব-দ্বেষিতা ক্রমে ক্রমে সীমা ছাড়াইয়া পবিত্রাদপি পবিত্র বৈষ্ণব-ধর্ম সংস্কর্তা ভগবান শ্রীকৃষ্ণচৈতন্যদেবের সংক্রামিত হইয়া পড়িল। উপাস্ত ভগবান নন্দ-নন্দন শ্রীকৃষ্ণচন্দ্রেও স্পর্শ করিল। শৈব, শাক্ত, গাণপত্যাদি অন্যান্য সমাজের নিকট বৈষ্ণব, বৈষ্ণবধর্ম, বৈষ্ণবশাস্ত্র, বৈষ্ণবধর্ম বা শাস্ত্র উপদেষ্টা, বৈষ্ণবধর্ম প্রবর্তক শ্রীগৌরানন্দদেব, বৈষ্ণবউপাস্ত্র শ্রীশ্রীরাধাকৃষ্ণ বিদ্বেষের ও বিদ্বেষের বস্তু হইয়া পড়িল।

যদি শাস্ত্রানভিজ্ঞ তরল মস্তিষ্ক ব্যক্তিগণ দ্বারা শুধু এরূপ হইত তাহা হইলে তাহাদেরই অজ্ঞতার বা ভ্রষ্টাচারের উপর দোষ দেওয়া যাইত কিন্তু অসুসন্ধান করিলে অনেক ব্রাহ্মণপণ্ডিত, অনেক শিক্ষিত, সভ্য, অনেক

পক্ষকেশ প্রদান ব্যক্তিকেও এই বিদেহের বহিকে প্রদীপ্ত করিতে দেখিয়া সহজেই মনে হয় কোন ব্যক্তিবিশেষের বা সম্প্রদায় বিশেষের দোষ-দৃষ্টেই এই বিপ্লব উপস্থিত হইয়াছে। এখন আমরা এই বিদেহিতা যে নিতান্ত আধুনিক তাহারই কিঞ্চিৎ আন্দোচনা করিতে চেষ্টা করিব।

ঐচরিতামৃত ও ঐচৈতন্যভাগবতাদি গ্রন্থ অনুশীলন দ্বারা দেখা যায় শ্রীমঙ্গলাপ্রভু যতদিন গৃহস্থ আশ্রমে ছিলেন ততদিনই তাঁহার প্রভাবে প্রতীহীন স্মৃতি, দার্শনিক, তাত্ত্বিক ব্যক্তিগণ তাঁহার বিদেহ করিত, কিন্তু প্রভুর সন্ন্যাস গ্রহণের পর সে বিদেহ ভাব কিছু কমিয়াছিল। প্রথমেই তাহাদের মনে হইল—এমন অগ্নিশিখাতুল্য নবযৌবন! প্রেমবতী ভার্যাকে যে ত্যাগ করিয়া সন্ন্যাস গ্রহণ করিতে পারে সে কখনও সাধারণ লোক নহে।

তারপর মনে হইল—পুত্রশোকাতুরা শচামা যর কথা, পতি বিয়োগিনী বিফুলাপ্রয়ার কথা আর গৌর দ্বারা নদীয়ার আবালবৃদ্ধ বণিতার বিহ্বলতার কথা। ইহাদের আকুল ক্রন্দনে বিদেহীগণের কঠোর চিত্তও কোমল হইল। তাহারা দেখেন আর ভাবেন—মানুষত অনেকটাই আছে কিন্তু যার জন্ত এত লোক বিহ্বল হইয়া কাঁদে সে তো সাধারণ মানুষ নহে।

বিদেহীগণের শ্রীগৌরাস্তে ঈশ্বর বৃদ্ধি না হলেও তাঁহাতে যে কোন অমানুষীয় শক্তি আছে ইহা একবাক্যে সকলেই স্বীকার করিলেন। তারপর আরও দেখিলেন যে, যতদিন শ্রীগৌরাস্ত নবদ্বীপে ছিলেন ততদিন বিনা কারণেও যেন নবদ্বীপ কি এক আনন্দোৎসবে মাতিয়া থাকিত। নিরন্তর নামকীর্তন, নিরন্তর জনশ্রোত, নিরন্তর প্রেমস্তরঙ্গ যেন কি এক ভুলোক হুল্লভ অপ্রাকৃতভাবে নদীয়া টলমল করিত। কিন্তু নদীয়ায় ত আর সবই আছে কেবল একা গৌর নাই; তবে আজ নদীয়ার এমন দশা কেন? পাখী আছে ডাকেনা, গাছ আছে ফুল ফল নাই, মানুষ আছে যেন জীবাঁশ ত,

পশুতেও মাঠে গিয়া মনের আনন্দে তৃণ জল খায় না, সেই সুরধুনী পূর্বের মতই রহিয়াছে, সেই সন্ধ্যাধুমর পবিত্র কুল পড়িয়া আছে কিন্তু তাহারও যেন কিছু শোভা নাই। লোকের প্রাণ যেন আনন্দশূন্য—উৎসাহহীন। পরস্পর দেখা হইলেও কেহ আগের মত আলাপ করে না। গৃহধর্ম সবই আছে কিন্তু কস্মী নাই যেন সব অচল হইয়া গিয়াছে। যে একজনের অভাবে আজ সারা নদীয়ার এমন পরিবর্তন তাহাকে কোনমুখে সাধারণ মানুষ বলি ?

মানুষত কত হইতেছে কত যাইতেছে কিন্তু এমন মানুষ কে কয়টি দেখিযাছে ? কাজেই এ অভাব বড় সহজ অভাব নয় এই অভাবেই নিন্দুক, পাষাণী, বিদ্রোহী নিজ নিজ স্বভাব ছাড়িয়া হাঘ হাঘ করিতে লাগিল।

এদিকে ত নদীয়ার এই অবস্থা, ওদিকে শ্রীগৌরাঙ্গ সন্ন্যাসগ্রহণ করিয়া ঐক্যফটকতন্ত্রনাম ধারণ করিয়া পুরুষোত্তমে গিয়া প্রভাব প্রকাশ করিয়া বাসিলেন। তৎকালের প্রধান দার্শনিক পণ্ডিত সেই ভুলোক-বৃহস্পতি বাসুদেব সাক্ষাভোম প্রভুকে পূর্ণতম অবতার বলিয়া স্বীকার করিয়া লইলেন এবং সপরিবারে তাঁহার দাস হইলেন। উড়িষ্যার রাজ-প্রতিনিধি দাক্ষিণাত্যের শাসনকর্ত্তা রায় রামানন্দ নিজ পদ গৌরব ছাড়িয়া প্রভুর আশ্রয় গ্রহণ করিলেন, উড়িষ্যার মহা পরাক্রমশালী স্বাধীন নৃপতি প্রতাপরুদ্র তাঁহার দাস হইলেন। এইভাবে সমস্ত উচ্চপদস্থগণ, ভূমাধিকারীগণ, মহামঠোপাধ্যায় পণ্ডিতগণ, মহাতেজঃপুঞ্জ যোগী সন্ন্যাসী, দণ্ডীগণ নানা স্থান হইতে আসিয়া প্রভুর চরণাশ্রয়ে নীতল হইতে লাগিলেন। কোন অনুরোধ উপরোধ নাই, লক্ষ লক্ষ লোক তাঁহার চরণাশ্রয় করিয়া হিমালয় হইতে কুমারিকা পর্য্যন্ত শ্রীগৌরাঙ্গ-মতিমাগাথার পূর্ণ করিয়া দিল।

কি আশ্চর্য্য যে, যাহারা দেখিয়াছে তাহারাতো মজিয়াছেই, যাহারা দেখে নাই তাহারাতো নাম, গুণ ও করুণার কথা শুনিয়াই প্রেমে মত্ত হইতে লাগিল।

বিদেহযোগ্য এই সকল দেখিয়া সুনীয়া ভাবিতে লাগিল “এমন মহিমা ধার, তাঁকে সাধারণ মানুষ মনে করা যায় কিরূপে ? সাক্ষাৎ শ্রীভগবান ভিন্ন এমন সর্ব-চিত্তাকর্ষণী শক্তি অস্ত্রে সম্ভবে না।”

নবদ্বীপের পূর্ববিদেহযৌগের স্বভাব পরিবর্তন হইল। এবং গৌর যে আমাদেরই এই গরবে তাঁহার প্রতি প্রেগাঢ় প্রীতি জন্মিল। যে গৌরের রূপ, গুণ, লীলা, নৃত্য, কীর্তন দেখিয়া সুনীয়া বিদেহযোগ্য পূর্বে জলিয়া মরিত, তাহাই তাহাদের নিকট কত মিষ্ট লাগিতে লাগিল। সকলের প্রাণই আজ গোড়-গোরব শ্রীগোরচন্দ্রকে দেখিতে লালাইত হইল। ইহাও ভগবানের ভগবদ্বার একদিক বলিয়া স্বীকার করিতে হইবে।

অস্তধ্যামৌ শ্রীগৌর ভগবান ইহাদের বাসনা অপূর্ণ রাখেন নাই, কুলিয়ায় আসিয়া সাতদিন থাকিয়া সকলের মনোবাসনা পূর্ণ করিয়াছিলেন। এই খানেই নদীয়ার সমস্ত বিদেহীসমাজ শ্রীগৌরার ভগবদ্বাস্বীকার করিয়া পূর্বে হইতে অপরাধ মুক্ত হইয়াছিলেন। তখন নবদ্বীপই সকল সমাজের মস্তকস্বরূপ ছিল, কাজেই নবদ্বীপের মস্তক গৌর-পদে অবনত দেখিয়া সমগ্র হিন্দুসমাজ শ্রীগৌর-চরণে সাষ্টাঙ্গ পতিত হইল। শ্রীকৃষ্ণচৈতন্যচন্দ্র ও তৎপ্রচারিত মত সাক্ষাত্তৌমিক মত বলিয়া সর্ব সাম্প্রদায়ের সর্বত্র পরিগৃহীত হইল।

বলাবাহুল্য এই সময় হইতেই গ্রামে গ্রামে সংকীর্তন, আপহৃদ্ধারে চরির-লুট, তারকব্রহ্ম হরিনাম সংকীর্তন আপহৃদ্ধার স্বস্তায়ন ও মোক্ষধর্ম বলিয়া সর্বসম্প্রদায়ে পরিগৃহীত হইল। সকল সম্প্রদায়ের সম্ভ্রান্ত গৃহেই শ্রীশ্রীরাধাকৃষ্ণের যুগল মূর্তি সেবা প্রতিষ্ঠিত হইল। বর্তমান সময় অনেক বিশৃঙ্খলা হইলেও সন্ধান করিয়া দেখুন শ্রীগৌড় মণ্ডলে স্মার্ত, দার্শনিক, তাত্ত্বিক, কন্নী, জ্ঞানী সকল মতের লোককেই শ্রীহরিনাম সংকীর্তনে ভক্তিপ্রদর্শন করিতে দেখা যায় এবং মৃত্যুহে বৈধি ক্রিয়ার পর মোক্ষধর্ম বলিয়া শ্রীহরিনাম সংকীর্তন

শ্রীলালা কীর্তন করা হয়। এখনও ভারতের বহু শাক্তগৃহে শ্রীশ্রীরাধাকৃষ্ণ বিষ্ণু সেবা দেখিতে পাওয়া যায়। এমন অনেক স্থল আছে যাহার গৃহে যুগল বিগ্রহ নাই, তিনি আধুনিক ভাগ্যবান বাল্যে উপেক্ষিত হয়। যার মৃত্যু হইলে হারনাম সঙ্কীৰ্তন না হয় তিনি নিন্দিত হন। শ্রীচৈতন্যধর্ম ও বৈষ্ণবপ্রথা যে সমাজে অপ্রবর্তিত ও অনাচারিত তাহা সমাজের বহির্ভূত, যথা—শীক্ জৈন, বৌদ্ধ প্রভৃতি। এই যে সকল সামাজিক বৈষ্ণব আচার বলা হইল বলুন দেখি কোন হিন্দু সমাজ তাহা অস্বীকার করিতে সমর্থ?

আবার দেখুন হিন্দুসমাজের জাতিভেদ প্রথা প্রধান অঙ্গ। জাতিভেদ-শুদ্ধ শীক, জৈনাদি ধর্মসমাজ হিন্দুসমাজের বহির্ভূত। হিন্দুসমাজে উচ্চবর্ণ-গণ শূন্যবর্ণকে একাবছানায় বাসতেও দেন না তা পৃষ্ট দ্রব্য গ্রহণও করেন না। এমন প্রবল জাতিভেদের সমাজেও শ্রীমদ্ভগবতের ভক্ত বৈষ্ণবভক্তপার্বী যেকোন জাতিই হউন নীচ বর্ণিয়া যুগল করিবার কাহারও অধিকার নাই। এই সকল কারণে ও প্রমাণে দেখিতে পাওয়া যায় যে, পূর্বে অল্প কোন সম্প্রদায়েই বৈষ্ণবধর্মের প্রতি বিদ্বেষ ছিল না এটা পরে নূতন হইয়াছে এই বিদ্বেষের কিছু কিছু কারণ পূর্বে পূর্ব্ববারেও বলা হইয়াছে।

ক্রমশঃ

গৃহী বৈষ্ণব সমস্যা

মানব কখনও গর্বোন্নত ভাবে বুক ফুলাইয়া ও মস্তকোন্নত করিয়া বলিতে পারে না যে, “আমি একজন ধাত্মিক অথবা আমি একজন সাহিত্যিক, বৈজ্ঞানিক, দার্শনিক নৈর্দায়িক ইত্যাদি।” যদিও অল্প বিষয়ে অর্থাৎ সাহিত্য, বিজ্ঞান দর্শন ও ত্রায় ইত্যাদিতে অধিকার লাভ করতঃ কোন কোন ব্যক্তি কোন কোন স্থানে স্ব স্ব প্রতিভার প্রভাব

বিস্তার করনে বটে কিন্তু ধর্ম বিষয়ে কেহ কোথাও পৃক্কোক্ত ভাবানুযায়ী যশোলাভ করিতে পারেন নাই, পারিবেনও না। যেহেতু ভগবৎতত্ত্ব অনন্ত, অপার ও অপারিসীম। ব্রহ্মাদি দেবগণও যাহার সীমা নির্দেশ করিতে পারেন নাই, তাহার বিষয় পাঠ করিয়া অথবা বলিয়া সামান্ত মানব যে শেষ করিতে পারবে না ইহা সকলেরই সহজ বোধগম্য। যদি কোন সময়ে কোন ভক্তের মনে তিলমাত্র অহঙ্কারের সূত্রপাত হইত অথবা ভয়, দর্পহারী শ্রীমধুসূদন সেই মুহূর্ত্তেই তাহার দর্প চূর্ণ করিতেন অথবা এখনও করেন।

ভগবান ভক্তকে নানা ভাবে পরীক্ষা করিয়া থাকেন, যেহেতু ভক্তের মন, প্রাণ, দেহ যথাসর্বস্ব সর্বদাই ভগবানের আশ্রয়পদ্মে অর্পিত থাকে। ভক্তের নিজ বলিতে তো এ সংসারে কিছুই নাই, কাজে কাজেই ভগবদ্বিষয়ে ভক্তের গর্বিত হইবার আদৌ কোন শক্তি নাই। ভক্ত পাঠক মহাশয়গণ হয়ত বলিতে পারেন যে, ধর্ম বিষয় উপদেশ বা বক্তৃতা না শুনিলে সংসারী লোক কেমন করিয়া ধর্মপথে অগ্রসর হইবে! ধর্ম বিষয় বলাই যদি গর্ব ও অহঙ্কারের বিষয় হয় তবে কলির জীবের গতি কি হইবে? কথাটা যথার্থ। ধর্ম বিষয় উপদেশ দেওয়া বা বক্তৃতা করা যে দোষনীয় তাহা নহে, উপদেশ ও বক্তৃতাই যে গর্ব ও অহঙ্কার মূলক তাহা নহে। অধুনা অনেক অধিকারী মহাশয়গণই আত্মস্তুতি ও মাৎস্যেয় পৃষ্ঠ পোষণ করিয়া থাকেন। পাঠক মহাশয়গণ! আমাকে ক্ষমা করিবেন, চরিত্র পরিশুদ্ধিত মানসে আমি নিম্নোক্ত নিন্দা অথবা ব্যাংক্তি ব্যবহার করিলাম।

আজ আমি মালা তিলক পরিধান করিয়া প্রাতঃস্নান করতঃ সন্ধ্যাহিক কীর্তন ইত্যাদি অষ্টকালীন সকল কর্মই সম্পন্ন করি সত্য, কিন্তু আমার মন যদি সম্পত্তি বিনামা করিয়া রেহান গৃহিতাকে বঞ্চনা করার উপায়

খুজিতে থাকে ও লোকের অসাক্ষাতে উকীল মোক্তারের সঙ্গে পরামর্শ করিতে তৎপর হয়, তবে আমার বৈষ্ণবতায় কপটতা আসিল না কি ? আমি গদভ হইয়া সিংহ চর্ম্মপরিধান করিয়া লোক-সমাজে সিংহ হইবরা জগ্গ লালায়িত হইলাম না কি ?

আজ আমায় কেহ বিশ্বাস করে না, আমায় কেহ ডাঙ্কেনা, আমাকে সর্বদাত নিজকৃত দুষ্কর্ম্মের ফল নির্জনে বাসিয়া চিন্তা করিতে হয়, এমতাবস্থায় আমি কি কর, আমি লোক সমাজে কেমন করিয়া প্রতিষ্ঠা লাভ করি, ভাবিয়া স্থির করিতে পারি না। এখন আমার ভাবনাই প্রবল।

“যাদৃশী ভাবনা যন্ত সিদ্ধির্ভবতি তাদৃশী।” ভাবিতে ভাবিতে হঠাৎ এক পাটোয়ারী বুদ্ধি মস্তিষ্ক জুড়ে বসল। বাঃ বাঃ সব ঠিক ! সব ঠিক ! গুরু নির্বচন করা দূরের কথা, নিজে নিজেই দীক্ষালাভ করিলাম। মালা, তিলক, সন্ধ্যা ইত্যাদীর অম্লকরণ আরম্ভ করিলাম, একদিন, দুই দিন, তিন দিন, বাস্ সিদ্ধি লাভ করিলাম। এখন সকলেই আমাকে “সাবু” বলে। আর কি চাই ! আহার, বিহার পূর্ব্ববৎই রহিল, কিন্তু লোক সমাজে যাতে আমার মাছ, মাংস খাওয়ার কথাটা প্রকাশ না হয় সেদিকে বেশ একটু দৃষ্টিও রহিল। যাহা হউক আমি এখন সাবু ; আমার এখন হস্ত সঞ্চালন পূর্ব্বক, চক্ষু পাকড়াইয়া বন্ধতা করিবারও বেশ শক্তি আসিল। এখন আমি একজন ধর্ম্মবক্তা। আমি যাহা বলব তাহাই বেদবাণী। এখন সকলেই বায়তে পারেন একরূপ ভাবের ধর্ম্মোপার্জন কতদূর ইষ্টজনক। এই যে বাচালতা, এই যে কপটতা এবং এই যে কুভাব ইহাই একমাত্র সর্ব্বনাশের শ্রেষ্ঠ পথ। আমার পুঁজি নাই এক পয়সা অথচ খরচ করিতে চাই এক আনা। আমার পোষিবে কিসে ! বাহার যতটুকু জানা আছে, তাহার ততটুকু প্রকাশ করা বিধেয়। বেশী বলিতে গেলে তাহা সত্য হইলেও মিথ্যায় পরিণত হইয়া

যায়। তবে এ কণ্টক ছেদনের কি কোন উপায় নাই? নিশ্চয়ই আছে।
তাহা কি? উত্তর সদগুরুর শ্রীচরণশ্রয়।

“মদগুরু শ্রীজগদগুরু” যার গুরু যাকে যতটুকু অলুকম্পা প্রকাশ
করিবেন সে ততটুকুরই অধিকারী হইবে।

ধম্মকথা, কৃষ্ণকথা যার কথা সে নিজে না বলিলে অথবা না বলাইলে
কাহারও প্রকাশ করিবার ক্ষমতা নাই। ভাবুক পাঠক ভ্রাতৃবৃন্দ! একবার
মনে করিয়া দেখুন, ঐযে শ্রীমন্নঃপ্রভু গোদাবরী তীরে রাসিক শ্রেষ্ঠ বৈষ্ণব
রায় রামানন্দের সচিহ্ন সাক্ষাৎ করিষ্ঠা প্রেমাসুধির অতুল তলে নিমগ্ন হইয়া
বলিয়াছিলেন,

তোমার মুখে কৃষ্ণকথা শুনিত্তে হয় মন।

পুনরপি পাই যেন তোমার দরশন ॥

মরি! মরি! স্বঃ নাগী হইয়াও ভক্তির মুখে নাম শুনিবার জন্ম
বাগ্ৰতা। তিনি আবার বলিয়াছেন,

কৃষ্ণের স্বরূপ কহ রাধার স্বরূপ।

রস কোন্তত্ব প্রেম কোন তত্ত্বরূপ ॥

কৃপা করি এই তত্ত্ব কহত আমারে।

তোমা বিনা কেহ ইহা নিকপিত্তে নারে ॥

প্রভু হে! কি আশ্চর্য্য! কি মধুর মহিমা তোমার! সকল তত্ত্বের মূল
হইয়া, সকল রসে রসিক হইয়া, রাধাকৃষ্ণ স্বরূপতত্ত্ব রায় রামানন্দের নিকট
শুনিত্তে এত বাস্তব কেন দধাময়? আবার দেখুন ভাবুক শিরোমণি
রসিক চূড়ামণি! রায় রামানন্দের কি মধুর, কি প্রেমময়, অমিয় মাখা
কথা!

রায় কহে ইহা আমি কিছুই না জানি।

যেতুমি কহাও সেই কহি আমি বাণী ॥

তোমার শিক্ষায় পাড়ি যেন শুক পাঠ।
সাক্ষাৎ তুমি কে বুঝে তোমার নাট।
হৃদয়ে প্রেরণ কর জিহ্বায় কথাও বাণী।
কি কহিয়ে ভাল মন্দ কিছুই না জানি ॥

তবে মনুষ্য ! কস্ম ফেত্রে জন্মগ্রহণ করেছ ! চেষ্টা সকল কাজের জন্মই করা উচিত। কিন্তু সেই চেষ্টা শুধু স্বাধীন চেষ্টা হইলে চলিবে না। সকল সময়ে সকল চেষ্টাই যেন ভক্তি মিশ্রিত স্বাধীন থাকে।

শ্রীহরমোহন দাস !

শ্রীশ্রীঅমিয় নিতাই চরিত

(ডাঃ শ্রীযুক্ত ভোলানাথ ঘোষ লিখিত)

(২৫)

চেতনা পাইয়া এবার শ্রীগৌরাজ এমনই দৌড় দিলেন যে, নিতাইও তাঁহাকে হারাইয়া ফেলিলেন। ভক্তগণ ইহাতে আকুল হইলেন। নিতাই তখন তাঁহাদিগকে সাস্তুনা দিয়া বলিতেছেন, “তোমরা কাতর হইও না। প্রভু কখনই আমাদের ফেলিয়া যাইতে পারিবেন না।” মারা নিশি তাঁহারা সেইস্থানে প্রভুকে চিন্তা করিয়া বসিয়া রাখিলেন, আহাৰ নাই, নিদ্রা নাই। ক্রমে রজনী শেষ হইয়া আসিল। দূরে প্রভু জীলোকের স্নায় বিনাইয়া বিনাইয়া কাঁদিতেছেন, ভক্তগণের কর্ণে সে করুণ স্বর ভাসিয়া আসিল। তাঁহারা সে স্বর লক্ষ্য করিয়া দৌড়িলেন, আর দেখেন যে, শ্রীগৌরাজ এক অশ্বথবৃক্ষতলে সোপান অঙ্গে কৌপীন পরিধা শূণ্ণগাত্রে বসিয়া বাম হস্তে গণ্ড রাখিয়া আকুল হইয়া শ্রীকৃষ্ণের উদ্দেশে ক্রন্দন করিতেছেন।

এত পারিশ্রম্য করিয়াও তিনি শ্রীকৃষ্ণের লাগ পান নাই। তাই প্রভুর এ আকুল ক্রন্দন। ভক্তগণ নিকটে আসিয়া শুদ্ধ হইয়া দাঁড়াইলেন। ভাবিতে ছেন জীব উদ্ধার ত দূরের কথা, এ দৃশ্য দেখিয়া এখনই যে ত্রিজগৎ প্রেম ও করুণায় বিগলিত হইয়া যাইবে।

কিছু শান্ত হইয়া প্রভু আবার দৌড়াইতেছেন। বাহু জগতের সহিত তাঁহার যেন কোন সম্বন্ধই নাই। ভক্তগণ যে আসিয়াছেন তাহা টেরও পান নাই। সেট পশ্চিম মুখে ছুটিয়াছেন। নয়ন মুদ্রিয়াই দৌড়াইতেছেন। তাহাতে বেশী দূর যাইতে পারিতেছেন না, পদস্থলন হইয়া পড়িয়া যাইতেছেন। আর নিতাই তাড়াতাড়ি বাত পসারিয়া তাঁহাকে ধরিতেছেন। আবার কখন বা পরিবার পুকেই তিনি পড়িয়া যাইতেছেন। নবনীত কোমল অঙ্গে কত ব্যথা লাগিতেছে, ভক্তগণের চক্ষে তাহা অসহ্য।

এইরূপে তিন দিবস ও তিনি রাত্রি গেল, প্রভু বা ভক্তগণ জগৎস্পর্শ পর্য্যন্ত করেন নাই। চৈতন্যমঙ্গল গীতে আছে, দেবীদ্বয় ও ভক্তগণের আকুল ক্রন্দন প্রেম ফাঁসরূপে প্রভুকে বদ্ধ করিয়া, তাঁহাকে অধিক দূর অগ্রসর হইতে দেয় নাই।

“প্রেম ফাঁসে বাঁধিল গোরাক্ষ মত্ত সিংহ

চলিতে না পারে প্রভু গতি হইল ভঙ্গ।

নিত্যানন্দ অঙ্গে অঙ্গ হেলাইয়া রছিল।

অঝোর নয়নে প্রভু কাঁদিতে লাগিল ॥” চৈঃ মঃ

এই প্রেম ফাঁসে বদ্ধ হইয়া তাঁহার বৃন্দাবন গমন ত দূরের কথা তিনি ক্রমশঃ শাস্ত্রপুরের অপর পারে নিকটবর্তী হইয়াছেন। নিকটে রাখালগণ গরু চরাইতেছিল হরি নামের মূর্তি প্রভুর সন্দর্শনে তাহাদের রসায় আপনা হইতে হরি হরি ধ্বনি উচ্চারিত হইতে লাগিল। নিতাইচাঁদ অবাক বিস্ময়ে প্রভুর এই কার্য্য সন্দর্শন করিলেন।

রাখালগণের মুখে হরি হরি ধ্বনি শুনিয়া প্রভুর হৃদয় শীতল হইল। তাহাদিগকে বৃন্দাবনের পথ জিজ্ঞাসা করিলেন। যথা প্রাচীন পদ—

ও ব্রজের রাখালগণ!

এ নাম কোথায় পেলি, কে শিখাল ক্রম ॥

আমি বৃন্দাবন যেতে ছিলাম।

নাম শুনে দেখে এলাম ॥

এহ যে আমি মরে ছিলাম।

নাম শুনে প্রাণ পেলাম ॥

আমার কর্ণ উপবাসী ছিল।

হরি নামে আবার প্রাণ এল ॥”

প্রভু যেমন রাখালগণকে ব্রজের পথ জিজ্ঞাসা করিলেন, নিতাইর স্ত্রয়োগ উপস্থিত হইল। তিনি পিছন হইতে ইঙ্গিতে তাহাদিগকে শাস্তিপুরের পথ দেখাইতে বলিয়া দিলেন। তাহারা তাগাই করিল এবং প্রভু শাস্তিপুরের পথ ধরিলেন।

নিতাই দেখিলেন উদ্দেশ্য সিদ্ধ হইয়াছে। তিনি চন্দ্রশেখরকে শ্রীঅদ্বৈত আচার্য্যের নিকট পাঠাইয়া দিলেন। বলিয়া দিলেন, আচার্য্য যেন নৌকা লইয়া এ পারের ঘাটে থাকেন তাহার পর যাহা করিবার আমি করিতেছি।

প্রভুর অর্দ্ধ বাহু অবস্থা। তিনি শাস্তিপুরের পথে চলিয়াছেন। পথ দেখিতে পাইতেছেন, কিন্তু চিত্ত তাঁহার বৃন্দাবনচন্দ্রের ভাবনায় পরিপূর্ণ। অবাস্তি নগরের বিপ্রেয় ত্রায় শ্রীবৃন্দাবনে যাইয়া এক মনে মুকুন্দ ভজন করিবেন এই চিন্তাই তাঁহার সমস্ত চিত্ত জুড়িয়া রহিয়াছে। একবার বলিলেন, “সাদু বিপ্র! তোমার সঙ্কল্প জীবমাত্রেরই অক্ষুণ্ণ করণ করা উচিত।”

প্রভুর চিত্তের অবস্থা যখন এইরূপ নিতাই তখন তাঁহার নিকট আগাইয়

আসিলেন। তাহার পদশব্দ প্রভুর কাণে আসিল। তিনি বুঝিলেন।
কোন পথিক ; জিজ্ঞাসা করিলেন, বৃন্দাবন কত দূর ?”

নিতাই প্রভুর অবস্থা বুঝিলেন, “বলিতেছেন, “আর অধিক দূর নাই।”

নিতাইর কণ্ঠস্বরে প্রভুর ধ্যান ভাঙিল না। উত্তর শু নলেন মাত্র।
যেমন যাইতেছিলেন তেমনই চলিয়াছেন।

নিতাই দেখিলেন প্রভু চিনিতে পারিতেছেন না। তখন তিনি তাঁহার
পথ রোধ করিয়া সম্মুখে দাঁড়াইয়া বলিতেছেন, “আমি নিত্যানন্দ।”

প্রভু এতক্ষণে নিতাইকে চিনিলেন। আর তখন দুই ভাইর মিলন
হইল। নিতাই তখন যেন হারানিধি পাইলেন। চক্ষু ফাটিয়া জল আসি-
বার উপক্রম হইল। অতি কষ্টে তিনি তাহা রোধ করিলেন।

প্রভু বিস্মিত ভাবে নিতাইর মুখপানে চাহিয়া দেখিতেছেন। যেন
একটু একটু চিনিতেছেন। বলিতেছেন “যেন শ্রীপাদ ?”

নিতাই কবযোডে বলিতেছেন, “হ্যাঁ প্রভু আমি তোমার নিত্যানন্দ।”

প্রভু বলিলেন, “তুমিই আমার নিত্যানন্দই বটে। আমি ত একাকী
বৃন্দাবনে যাইতেছিলাম, তুমি কিরূপে এখানে আসিলে ?”

নিতাইর তখন ভয় হইতেছে পাছে প্রভু সম্পূর্ণ বাহু পাহায়া তাঁহার
ছলনা বুঝিতে পারেন, তাই বলিতেছেন, “চলুন আমরা গল্প করিতে
করিতে যাই। আপনি বৃন্দাবনে যাইতেছেন, এ কথা লোকমুখে শুনিয়া
আমি দৌড়াদৌড়ি করিয়া আসিতেছি, এ এক্ষণে আপনার নাগাল পাইলাম।

নিতাইর কথা শুনিয়া প্রভুব বড়ই আনন্দ হইল। তিনি বলিলেন,
বেশ করিয়াছ, চল আমরা দুইজনে বৃন্দাবনে গিয়া নির্জনে যুকুন্দ ভজনা
করিব।”

নিতাই বলিলেন, “প্রভু তাহাই হইবে।” ইহা বলিয়া তিনি অগ্রসর
হইয়া প্রভুকে পথ দেখাইয়া লইয়া চলিলেন। নিতাই দুই একটি কথায়

প্রভুর প্রশ্নের জবাব দিতেছেন। পাছে বেশী কথা বলিলে তাঁহার সম্পূর্ণ বাহু হয়।

প্রভুর সমস্ত চিন্তা জুড়িয়া বৃন্দাবনচন্দ্রের চিন্তা রহিয়াছে। তিনি কখন জিজ্ঞাসা করিতেছেন, “ব্রজে গিয়া শ্রীকৃষ্ণ দর্শন পাইব ত ?” আবার কখন বলিতেছেন “জয় রাধে শ্রীরাধে বলিয়া ব্রজের ধূলায় গড়াগড়ি দিব।”

“নিতাই বলরে কতদূর বৃন্দাবন।

আমায় দিখেন কি কৃষ্ণ দরশন ॥

কবে বৃন্দাবনে যাব, মাধুকরা ক’রে খাব

রাধাকুণ্ডে গড়ি দিব ।

(জয় রাধে শ্রীরাধে বগে)” (প্রাচীন পদ)

প্রভু বলিতেছেন, “শ্রীপাদ ! বৃন্দাবন আর কতদূর ?”

ইহাতে বুঝা যাইতেছে প্রভুর ধারণা হইয়াছে তিনি বৃন্দাবনের নিকটে আসিয়া পড়িয়াছেন। কিন্তু নিতাইর চিন্তে বিষম ভয় জাগিতেছে। যদি প্রভু একবার তাঁহার ছলনা বুঝিতে পারেন তাহা হইলে বড়ই বিপদ হইবে। স্বেচ্ছাময় প্রভু তখন এমন দৌড় মারিবেন যে, আর তাঁহাকে ধরা যাইবে না।

যাঙ্গা হউক সূত্ব নিতাই প্রভুর অবস্থা বুঝিয়া বলিলেন, “আমরা ত বৃন্দাবনে এসে পড়েছি ই দূরে যে বটবৃক্ষ দেখা যাইতেছে উহাই বংশীবট আর উহার নাচে যে নদী-গর্ভ দেখা যাইতেছে উহাই শ্রীযমুনা।”

প্রভু নিবিষ্ট ভাবে উভয়ই দেখিলেন কিন্তু চিন্তা তাঁর শ্রীবৃন্দাবনচন্দ্রের ভাবনায় বিভোর কাজেই ঠিক বুঝিতে পারিলেন না যে, নিতাই পথ ভুলাইয়া তাঁহাকে শাস্তিপুরে লইয়া চলিয়াছেন। দূরে গঙ্গাগর্ভ এবং তাহার উপর একটি বটবৃক্ষ আছে বটে কিন্তু উহার পরপারে শাস্তিপুর।

নিতাই বলিলেন “প্রভু একটু দ্রুত চলুন, আজই আমরা শ্রীবন্দাবন ধামে পৌছিব।”

প্রভুর যেন বন্দাবনের কথা শুনিয়া আনন্দে প্রত্যয় হইতেছে না। বলিতেছেন, “তাইত শ্রীপাদ! এত নিকটে শ্রীবন্দাবন? আমার অদৃষ্টে কি শ্রীবন্দাবন দর্শন আছে?”

নিতাইর এ সব কথা ভাল লাগিতেছে না। তিনি প্রভুকে যেন ভুগাইয়া লইয়া যাইতে পারিলে বাঁচেন। বলিতেছেন, “প্রভু, ক্ষমা তুষায় দেহ আমার কাছক, একটু দ্রুত চলুন যমুনায স্নান করিয়া বংশীবটকে বিশ্রাম করি।”

প্রভু যেমনি অতি কঠিন তেমনি অতি মরল। তিনি নিতাইর প্রবঞ্চনা বাক্যে সহজে ভুলিলেন, বলিতেছেন, “শ্রীপাদ তুমি আগমন কর, আমি অগ্রে ঘাইয়া যমুনায অঙ্গ মাজ্জন করি।” এত বলিয়া তিনি দৌড়াইলেন, নিতাই তাঁহার পশ্চাৎ পশ্চাৎ দৌড়াইলেন। দৌড়াইতে যে উভয় প্রভুই খুব পটু, তাহা ভক্তগণ জানেন। তবে নিতাইকে ধরা সহজ।

শ্রীগৌরাঙ্গ একেবারে যমুনা ভ্রামণস্থায় বাঁপ দিয়া পড়িলেন। নিতাইর বড় ভয়, যদি অদ্বৈত আসিয়া না পৌছাইতে পারেন! শ্রীগৌরাঙ্গ শ্রীঅদ্বৈতের কথা বড়ই মানেন। সাদামত তাঁহার কথা অবহেলা করেন না।

এই সময়, ভাগ্যক্রমে শ্রীঅদ্বৈতের নৌকা আসিয়া বাটে লাগিল। তিনি প্রভুর অবস্থা দেখিয়া কাঁদিতে লাগিলেন। ইহাতে প্রভুর সম্পূর্ণ জ্ঞান হইল। তিনি নিতাইর মুখপানে চাহিয়া বলিতেছেন, “শ্রীপাদ! ইনি ত দেখিতেছি অদ্বৈত আচার্য্য, ইনিও এখানে আসিয়াছেন, হঠাৎ কিরূপে সম্ভবে?” তখন তিনি একবার ভাল করিয়া চারিদিক চাহিয়া দেখিলেন, তখন সমস্ত পরিষ্কার হইল। বুঝিলেন নিতাই তাঁহাকে ভুলাইয়া শাস্তিপুরে লইয়া আসিয়াছেন। অতি দুঃখে তাঁহার মুখ মালিন হইয়া গেল। এখন

এই প্রাণ পাগল প্রাচীন পদটি আঙ্গাদন করুন। শ্রীগৌরাঙ্গ, নিতাইচাঁদের
তিরস্কার করিয়া বলিতেছেন,—

“নিতাই ! এত নয় বংশীবট আঙ্গিনা । ক্রু ॥

তুমি, জাহ্নবী দেখায়ে বল ঐ দেখা যায় যমুনা ॥

তুমি, ভাই হ'য়ে ভাই এই করিলে

(আমায়) ব্রজে যেতে দিলে না ।

আমার খেলার সাথি সব গিয়েছে

আমার যাওয়া হল না ।

আমি যার লাগি সন্ন্যাসী হ'লাম,

তারে বুঝি পেলেম না ॥

প্রভুর চিত্ত ব্যগ্ধিত, তিনি বলিলেন, “আমার বৃন্দাবন যাওয়া হইল না।”
শ্রীঅদ্বৈত সান্তনা দিয়া বলিতেছেন, “প্রভু, তোমার বিরহে তোমার ভক্ত-
গণ প্রাণে মরিতেছে, তুমি ভক্তবৎসল জাই কৃপা করিয়া শ্রীপাদ নিত্যানন্দের
সহিত আগমন করিয়াছ। বস্তুতঃ শ্রীঅদ্বৈতের নিত্যানন্দের প্রতি
কৃতজ্ঞতার অবধি নাহ।

শ্রীগৌরাঙ্গ আচার্য্যের কণায় শাস্ত হইলেন না। বলিলেন, “শ্রীপাদ
মনে করেন আমি তাঁহার হাতের পুতুল, তাই তিনি ইচ্ছামত নাচান।”

নিতাই গুনিয়া অপরাধীর মত মাথা হেঁট করিলেন।

শ্রীঅদ্বৈত তখন প্রভুর হাত দুইটি ধরিয়া নোকায় তুলিলেন। নিতাই
ও অদ্বৈত প্রভুর দুই পার্শ্বে। নিতাইর আবার স্বাভাবিক আনন্দ ফিরিয়া
আসিয়াছে। প্রভুকে ফিরাইয়া আনিয়া নিতাইর আনন্দের অবধি নাই।
তাঁহার পূর্বাশ্রমের নাম ছিল কুবের পণ্ডিত। তাঁহার আনন্দ নিতাই
বলিয়া নিত্যানন্দ নাম হয়।

প্রভুকে ফিরাইয়া আনিয়া নিতাইর চিত্ত আনন্দে ফুলিঙ্গা ফুলিয়া

উঠিতেছে। তাঁহার সর্বস্বধন শ্রীগৌরের দুই পার্শ্বে তাঁহারা দুইজন প্রহরীর দ্বারা বসিয়া। তিনি আর পলাইবেন কোথায়? তাই নৌকায় বসিয়া নিত্যানন্দের আনন্দের অবধি নাই। নিত্যানন্দ তখন আনন্দময় হইয়া শ্রীঅদ্বৈতকে বলিতেছেন, “ও গো ঠাকুর! বাড়ী নিয়ে যাচ্ছত, কিন্তু পেট ভরে খেতে দেওয়া চাই। জ্ঞানত আজ চারিদিন পেটে অন্ন নাই। তাহার উপর দৌড়িয়া দৌড়িয়া প্রাণ গিয়াছে। প্রভু সন্ন্যাসী হইয়া টোকে টোকে প্রেমামৃত পান করিতেছেন উহার না হয় কৃপা তৃষ্ণা নাই। আমার ত আর সে অবস্থা নয়! হতাশেই আমি মারা পড়িতে বসিয়াছি। এখনও বলিয়া রাখিতেছি যেন পেট ভরিয়া খাইতে পাই।”

শ্রীঅদ্বৈত তখন নিষ্ঠার প্রতি কৃতজ্ঞতায় গদগদ। কোন্দলে একটুও কচি নাই। তিনি বলিতেছেন, “তুমি যে কাজ করিয়াছ আমি ত কোন ছার। ত্রিভুবনবাসী তোমাকে অন্ন দিবে। বাপরে বাপ! এ কয়েকদিন পশু পাখীও আহার করে নাই।”

বাড়ীতে আনিয়া শ্রীঅদ্বৈত অতি যত্নের সহিত দুই ভাইকে ভোজনে বসাইলেন।

নিতাই ভাইকে হারাইয়া ছিলেন, ভাইকে পাইয়াছেন, এখন আবার সেই ভাইয়ের সহিত একত্রে ভোজন করিতেছেন স্তরাং তাঁহার আনন্দের অবধি নাই। তিনি আপন মনে খাইতেছেন। যখন আর খাইতে পারেন না তখন শ্রীঅদ্বৈতের সহিত কোন্দল জুড়িয়া দিলেন। বলিতেছেন, “তখনই ত বলিয়াছিলাম, পেট ভরিয়া অন্ন দিতে হইবে, তা পেট ভারল না এখন কি করি।”

শ্রীঅদ্বৈত বলিতেছেন, “আমি জানি তোমার সন্ন্যাস করা সমস্তই ভণ্ডামি। সন্ন্যাসী মানুষ ফল মূল খাইয়া অন্নাহারে থাকিবে তা নয়

রাশিকৃত অন্ন খাইবে, আমরা এত অন্ন পাবই বা কোথায় ? সন্ন্যাসীর অন্ন-হারই ভাল, এখন উঠে পড় আর লোভ করিও না ।”

তখন নিতাই “এই নে তোর অন্ন নে” এহ বলিয়া এক মুঠা ভাত লইয়া আচার্য্যের গায়ে ছড়াইয়া দিলেন। আচার্য্য ক্রুদ্ধ হইলেন না। এই বলিয়া আনন্দে নাচিতে লাগলেন যে, “অবধুত্তের বুটা আমার গায়ে লাগিল ! আজ আমি পবিত্র চইলাম।”

নিতাই আবার বলতেছেন “কি তুমি শ্রীকৃষ্ণের প্রসাদকে বুটা বল ? ইহাতে তোমার অপরাধ হইল। আমার মত এক শত সন্ন্যাসীকে ভোজন করাইলে তোমার এই অপরাধের প্রাশ্চিত্ত হইবে।

শ্রীঅদ্বৈত বলিলেন “তোমাকে খাওয়াইয়া আমার কুলধর্ম্ম সমস্ত গেল আবার সন্ন্যাসী খাওয়ান, আমা হতে তা হবে না।” এইরূপে কিয়ৎক্ষণ দুই প্রভুর রসকোন্দল হইল।

একটু পরে প্রভু কীর্তন করিতে উঠিলেন। সেই উদগু নৃত্য আর মুখে গরি হরি ধ্বনি। নিতাই সাথে সাথে থাকিয়া তাঁহাকে আগলাইয়া বেড়াইতেছেন পাছে তিনি আছাড় খান। তত্রাচ সব সময়ে তিনি তাঁহাকে রাখিতে পারিতেছেন না। এক একবার বিষম আছাড় খাইতেছেন।

অনেক চেষ্টায় প্রভুকে শাস্ত করিয়া শয়ন করান হইল। শ্রীনিত্যানন্দও নিকটে শুইলেন।

হুই ভাই শয়ন করিয়া আছেন। নিতাই বলিতেছেন, “প্রভু ! একটা কথা বলিব। তুমি কি নবদ্বীপের কথা ভুলিয়াছ ? মা বেঁচে আছেন কি না জানি না, শ্রীবাস মুরারি প্রভৃতি তোমার ভক্তগণ সম্ভবতঃ অন্ন-জল ত্যাগ করিয়াছেন। প্রভু অনুমতি কর, আমি সকলকে এখানে আনয়ন করি।”

শ্রীনিমায়ের তখন নবদ্বীপের কথা মনে পড়িল। তিনি বিষন্ন হইয়া বলিতেছেন “আমার সন্ন্যাস গ্রহণ সংবাদ কি তথায় পৌছিয়াছে?”

নিতাই বলিলেন, “আমি আচার্য্যারত্ন দ্বারা সে সংবাদ নবদ্বীপে পাঠাইয়াছি।”

আচার্য্য রত্ন যে সঙ্গে ছিলেন প্রভু তাহা জানেন না। স্মরণে তিনি তাঁহার নাম জ্ঞানিয়া আশ্চর্য্য হইলেন। তখন নিতাই সন্ন্যাসের পর যাহা যাহা ঘটয়াছিল সমস্ত বলিলেন। এবং বলিলেন “প্রভু আজ্ঞা কর আমি নবদ্বীপে গিয়ে সকলকে এখানে আনি।”

প্রভুর হৃদয় করুণায় বিগলিত হইল। বুঝিলেন, ভক্তগণ তাঁহাকে না দেখিলে প্রাণে মরিবেন। তখন ভক্তগণকে আনিবার জন্ত তিনি নিজ মুখে অনুমতি দিলেন।

নিতাই আবার বলিতেছেন “প্রভু তোমাকে দেখিতে নবদ্বীপে শুদ্ধ লোক আসিতে চাহিবে। সকলকেই আনিব ত?”

শ্রীগোরাঙ্গ বলিলেন “হ্যাঁ, সকলকেই আনিবে। আমি সকলকার নিকট বিদায় লইয়া যাইব।”

জ্ঞানিয়া নিতাই বড়ই আনন্দিত হইলেন। বলিলেন “যে আজ্ঞা,” নিতাই প্রকারান্তরে বিষ্ণুপ্রিয়া দেবীকে আনিবার নিমিত্ত অনুমতি চাহিয়া লইলেন। সরল প্রভু প্রথমে নিতাইর উদ্দেশ্য বুঝিতে পারেন নাই। এক্ষণে নিতাইর আনন্দ দেখিয়া তিনি তাঁহার উদ্দেশ্য বুঝিলেন।

প্রভুর মুখ আঁধার হইয়া গেল। তিনি সন্ন্যাসী তাঁহার আর এক্ষণে স্ত্রীর মুখ দর্শন নিষিদ্ধ। তিনি ধীরে ধীরে বলিলেন শ্রীপাদ, সকলকে আনিবেন—কেবল একজন ছাড়া।”

নিতাই প্রভুর উদ্দেশ্য বুঝিয়া, হৃৎথে মাথা হেঁট করিলেন।

প্রভুযে উঠিয়া নিতাই নবদ্বীপে চলিলেন। তিনি শচীমাকে বাঙ্গা

আসিয়াছেন, নিমাইকে সঙ্গ করিয়া আনিবেন, তিনি তাহা পারেন
নাই স্তত্রাং তাঁহার দুঃখের অবধি নাই, এক্ষণে নিতাইর সহিত শচী
মার মিলন বর্ণনা মুরারি গুপ্তের ভাষায় শ্রবণ করুন,—

প্রেমাবেশে প্রভুরে রাখিয়া শান্তিপু্রে ।
নিত্যানন্দ আইলেন নদীয়া নগরে ॥
ভাবিয়া শচীর দুঃখ নিত্যানন্দ রায় ।
পথ মাঝে অবনীতে গড়াগড়ি যায় ॥
ক্ষণেক সঙ্ঘরি নিতাই আইলেন ঘরে ।
শুনি শচী ঠাকুরাণী আইলা বাহিরে ॥
দাঁড়াইয়া মাথের আগে ছাড়য়ে নিশ্বাস ।
প্রাণ বিদরয়ে ভাইয়ের কাহিতে সন্ন্যাস ॥
কাতরে পড়িয়া শচী দেখিয়া নিতাই ।
কাঁদি বলে, “কোথা আছে আমার নিমাই ।”
“না কাঁন্দিহ শচী মাতা শুন মোর বাণী ।
সন্ন্যাস করিল প্রভু গৌর গুণমণি ॥
সন্ন্যাস করিয়া প্রভু আইল শান্তিপু্রে ।
আমারে পাঠাইয়া দিল তোমা লইবারে ॥
শুনিয়া নিতাই মুখে সন্ন্যাসের কথা ।
অট্টেতন্ত হ'য়ে ভূমে পড়ে শচীমাতা ॥
উঠাইল নিত্যানন্দ, “চল শান্তিপু্রে ।
তোমার নিমাই আছে অট্টেতের ঘরে ॥
শচী কান্দে নিতাই কান্দে নদিয়া নিবাসী,
সবারে ছাড়িয়া নিমাই হইল সন্ন্যাসী ॥

কহয়ে মুরারি গোরাচাঁদ না দেখিলে ।

নিশ্চয় মরিব প্রবেশিয়া গঙ্গা জলে ॥”

নিমাইর শোকে শচীমা আমার যেন পাগলিনী । তিনি মালিনীকে বলিতেছেন—

“হেদে গো মলিনী সই চল দেখি যাই ।

নিমাই অঈষতের ঘরে কহিল নিতাই ॥

সে চাঁচর কেশ হান কেমনে দেখিব ।

না যাব অঈষতের ঘরে গঙ্গায় পশিব ॥

এত বলি শচী মাতা কাতর হইয়া ।

শান্তপুর মুখো ধায় নিমাই বলিয়া ॥

ধাইল সকল লোক গৌরান্দ্র দেখিতে ।

বাসুদেব সঙ্গে যায় কান্দিতে কান্দিতে ॥”

দোলা আসিয়া আপিনায় রহিয়াছে । শচীমা নিকটে দাঁড়াইয়া তিনি উহাতে চাপিয়া নিমাইর নিকট যাইবেন । এমন সময় অবগুণ্ঠনাবৃত বালা বিষ্ণুপ্রিয়া আসিয়া নিকটে দাঁড়াইলেন । এ দৃশ্য দেখিয়া নিতাই বড়ই কাতর হইলেন । তিনি অতি দুঃখে সকলকে শুনাইয়া বলিলেন “শ্রীমতীকে লইয়া যাইতে প্রভুর আজ্ঞা নাই ।”

শ্রীমতী ফিরিয়া গেলেন । তাবত লোক সে দৃশ্য দেখিয়া উচ্চৈঃস্বরে কান্দিতে লাগিল ।

নিতাই যে গুরু ভায় স্বপ্নে লইয়া আসিয়া ছিলেন তাহা এই ভাবে সম্পন্ন হইল । তিনি অগ্রবর্তী হইয়া অঈষত ভবনে শ্রীগৌরান্দ্রের সহিত ভক্তগণের মিলন করিয়া ছিলেন ।

हरिद्रा

চলতি কথায় हरिद्रাকে হলুদ বলে। আমাদের দেশে হলুদ একট অতি প্রয়োজনীয় জিনিষ। যদিও পূর্বাপেক্ষা এখন ইহার আদর কম তথাপি অস্বাস্থ্য জিনিসের তুলনায় খুবই বেশী বলিতে হইবে। প্রত্যহই ডাল তরকারীতে হলুদ ভিন্ন চলিবার উপায় নাই। একদিন হলুদ না থাকিলে মেয়েরা যেন চক্ষে অন্ধকার দেখে। আজকাল কি জানি কেন অনেক তথাকথিত শিক্ষিত সমাজ (?) হলুদের ব্যবহার অনেক পরিমাণে কমাইয়া দিয়াছেন। কোনরূপ মাঙ্গলিক কার্যে হলুদের ব্যবহার সকলের আগে দেখিতে পাওয়া যায়। পুত্র কন্যার বিবাহে গায়ে হলুদের ব্যাপারটা বোধ হয় সকলেই জানেন। পূর্বে অনেকে অন্ততঃ সপ্তাহে একবার গায়ে হলুদ মাখিতেন। এখনও উৎকল অঞ্চলে হলুদ মাখার ব্যবস্থা বেশ দেখিতে পাওয়া যায়। বঙ্গদেশে উপনয়ন বা বিবাহে দেখিতে পাওয়া যায় হলুদ মাখাইয়া বর কন্যাকে স্নান করান হয়। সহরে এখন পাউডারে হলুদের স্থান অধিকার করিয়াছে। পাশ্চাত্য শিক্ষায় শিক্ষিত বাবুদের ভাবিবার অবসরও হয় না যে, পাউডারের মধ্যে এমন অনেক বিজাতীয় জিনিস আছে যাচাইদ্বারা চর্মের মঙ্গলতা নষ্ট হইয়া যায়।

রোগের বিজানু নষ্ট করিতে হলুদ অদ্বিতীয়। তাই আর্ষা ঋষিগণ আহারে, মাঙ্গলিক কার্যে, উৎসবে, ঔষধে প্রচুর পরিমাণে হলুদের ব্যবহার প্রচলন করিয়া গিয়াছেন। আয়ুর্বেদ শাস্ত্রে হলুদের নিম্নলিখিত নামগুলি দেখিতে পাওয়া যায়। যথা—हरिद्रा, काष्ठी, पीता निशाध्या वरवर्णिनी। কাঁচা हरिद्रা ও শুকনা हरिद्रার গুড়ার ভিন্ন ভিন্ন গুণ। অনেকে কাজের সুবিধার জন্ত হলুদ গুড়া করিয়া রাখিয়াদেন এবং রাখিবার সময় সেই

গুড়া হলুদ ভাল তরকারীতে দিয়া থাকেন। কিন্তু হলুদ গুড়া করিয়া বেশীদিন রাখিলে ইহার গুণের বিশেষ তারতম্য হয়। এই জন্তই প্রত্যহ বাটিয়া লইয়া ভাল তরকারীতে দেওয়াই উচিত। সাধারণতঃ নিম্নলিখিত রোগগুলিতে হলুদ অমৃতের গ্ৰায় কার্য্য করে।

১। আমলকীর রসের সহিত অথবা মধুর সহিত কাঁচা হরিদ্রা খাইলে সকল প্রকার মেহ রোগেই বিশেষ ফল পাওয়া যায়, ইহা একটি বিশেষ পরীক্ষিত মনোষধ।

২। কাঁচা হরিদ্রা বাটিয়া গায়ে মাখিলে বিস্ফোটক এমন কি বসন্ত রোগ পর্য্যন্ত হয় না। শীতের সময় অন্ততঃ সপ্তাহে এক দিন কাঁচা হলুদ গায়ে মাখিলে খোস পাঁচড়া হয় না। বসন্ত রোগের পর আরোগ্য স্নানে এখনও অনেকে হলুদ মাখাইয়া স্নান করাইয়া থাকে।

৩। পারার ঘা বা অন্ত যে কোন প্রকার ঘা হউক না কেন, নিম্নপাতা সিদ্ধ করা জলে দ্বারা বেশ করিয়া ধুইয়া হলুদ চূর্ণ ঘাঘের উপর ছড়াইয়া দিলে ঘা শীঘ্র শীঘ্রই শুকাইয়া যায়।

৪। হলুদ ত একেই উপকারী তারপর অন্যান্য দ্রব্যের মিশ্রণে ইহার গুণ আরও বর্দ্ধিত হইতে দেখা যায়। কুষ্ঠ রোগে হলুদ একটি মহা উপকারী জিনিস। কফাত্ত জনিত কুষ্ঠে—ত্রিফলা, নিম্বাল, পততা, মঞ্জিষ্ঠা, কটকী ও বচ এই গুলির সহিত হলুদ দিয়া তাহার কষায় পান করিলে উপকার হয়। আবার হলুদ, বিড়ঙ্গ, সৈন্ধব, সোমরাজ, হরিতকী, উত্তর করঞ্চ ও শ্বেত সর্ষপ একত্রে গোমুত্রে পেষণ করিয়া কুষ্ঠের উপর প্রলেপ দিলে সহ্য সত্তাই উপকার দেখিতে পাওয়া যায়। কচি কচি বাসক পত্র এবং হলুদ গোমুত্রে বাটিয়া বার বার প্রলেপ দিলে কুষ্ঠের প্রকোপ প্রশমিত হয়। এই ঔষধটি তিনদিন ব্যবহার করিতে হয়।

৫। হলুদ, দারুহরিদ্রা, গুলঞ্চ, ক্ষেতপাপড়া, চিরতা ও দশমূল্যের কাথ পিপুলচূর্ণ ও সৈন্ধবলবণ দিয়া পান করিলে বাতাদি জ্বর ভাল হয়।

৬। প্রবল আমাতিসারে হলুদ, দারুহরিদ্রা, ঈল্লযব, যষ্টিমধু ও চাকুলের কাথ পানে উপসম হইতে দেখা যায়।

৭। হলুদ, ওল, চিতা, সোহাগার খৈ এইগুলি চূর্ণ করিয়া গুড় মিশাইয়া কাঁজি দ্বারা পেষণ করিয়া অর্শে প্রলেপ দিলে অর্শ ভাল হয়।

৮। কার্পাসের সূতায় হলুদ ও সিজের আটা পুনঃ পুনঃ মাখাইয়া শুখাইয়া সেই সূতা দ্বারা অর্শের বলি শক্ত করিয়া বাঁদিয়া রাখিলে সহজেই উহা ছিন্ন হইয়া পড়িয়া যায়।

৯। হলুদ, ত্রিকুট, ডহর করঞ্জার ফল ও টাণা নেবুর শিকড় একত্রে সামান্য জল দিয়া বাটিয়া গুটি প্রস্তুত করিয়া তাহা ছায়ায় শুখাইয়া লইতে হয়। দারুণ বিসৃচিকা রোগে ইহার অঞ্জন লইলে উপকার হয়।

১০। সোমবাজের বিচির সহিত হলুদের গুড়া প্রত্যহ প্রাতে খালিপেটে ঠাণ্ডা জল দিয়া খাইলে ক্রিমি ভাল হয়।

১১। কবিরাজেরা বলেন—হলুদের ক্লেবে সিন্ধু যুত সংযুক্ত করিয়া পান করিলে পাণ্ডুরোগের উপকার হয়।

১২। ২ তোলা হলুদের গুড়া ৮ তোলা দধির সহিত প্রাতে সেবন করিলে কামল' রোগ অবশ্যই ভাল হইয়া থাকে।

১৩। রাজযক্ষ্মারোগে ছাগলের দুধের সহিত বাসক পাতার রস ও হলুদের গুড়া মিশ্রিত করিয়া খাইলে উপকার হয়।

১৪। হলুদ, মরিচ, দ্রাক্ষা, পিপুল ও শর্শী চূর্ণ করিয়া খাঁটি সরিসার তৈলের সহিত অবলোহন করিলে উৎকট শ্বাসরোগ ভাল হয়। অনেকস্থলে এটা পরীক্ষা করা হইয়াছে।

১৫।—হলুদ, সোহাগা, জয়িত্রী ও একটু তুঁতে ঘোষালতার রসে পেষণ করিয়া চারমাষা পরিমাণ বাটিকা করিয়া রাখিলে পণ্ডে সর্পদষ্ট ব্যক্তিকে মাকুষের প্রস্রাবের সহিত খাওয়াইলে মূর্ছাগত হউক বা যে কোন অবস্থাতেই

থাকুক না কেন সে জীবিত হইয়া উঠিবেই। খুব ভাল রোজার নিকট ইহার গুণাবলী শোনা গিয়াছে।

১৬। শুকনা হলুদ প্রদীপে বা কাঠের আগুনে পোড়াইয়া ভুতাবিষ্ট লোকের নাকের নিকট ধরিলে তাহার জ্ঞান হইবে।

মোটামুটি কয়েকটা গুণের কথা লেখা হইল। ইহা ব্যতীত বহু রোগে হলুদের ব্যবহার দেখিতে পাওয়া যায়।

এক্ষণে শিক্ষিতাভিম্বানি অনেকে হলুদ ব্যবহারকে অসভ্যতা বলিয়া উড়াইয়া দিলেও যাহারা প্রাচীন আচার ব্যবহার বজায় রাখিয়া চলিতে ইচ্ছুক তাঁহারা উপরি লিখিত রোগ সমূহে উপযুক্ত নির্দেশমত হরিদার ব্যবহার করিয়া দেখিতে পারেন।

শ্রীসোমেশ্বর কবিরাজ

প্রাপ্ত গ্রন্থের সমালোচনা

রামপ্রসাদ।— (পঞ্চক নাটক) চাতরা (শ্রীরামপুর) শীতলা হোমিও হোম হইতে গ্রন্থকার শ্রীযুক্ত কেশবচন্দ্র মুখোপাধ্যায় কর্তৃক প্রকাশিত। মূল্য এক টাকা মাত্র।

এই নাটকে ভক্তবীর রামপ্রসাদের পূণাজীবন অতিশয় নৈপুণ্যের সহিত চিত্রিত হইয়াছে। ভক্তিরসের অজস্র দারায় গ্রন্থের প্রতি পত্র সিক্ত। ঘটনার ধাতু প্রতিঘাতে “রামপ্রসাদ” যেমনই চিত্তাকর্ষী আবার অনাবশ্যক আড়ম্বরের অসম্ভাবে ইহা তেমনই মনোরম। রামপ্রসাদ, ভজহরি ও পাগলিনীর চরিত্রে স্বাভাবিক অথচ উজ্জল বর্ণে চিত্রিত হইয়াছে। গ্রন্থের ভাষা ভাবপ্রবণ, সরস ও বিশুদ্ধ। যে রামপ্রসাদের গানে বাঙ্গালার আকাশ বাতাস মুগ্ধরিত গ্রন্থকার দক্ষতার সহিত তাহা হইতে উৎকৃষ্ট সঙ্গীত-গুলি চয়ন করিয়াছেন। রামপ্রসাদ বাঙ্গালার গৌরব, বাঙ্গালীর আদরের ধন, নাট্যকার এই সাধক বীরের চরিত্রে সাধারণের উপভোগ্য ও শিক্ষাপ্রদ

রূপে নাট্যকারে গ্রথিত করিয়া বাঙ্গালী মাত্রেরই কৃষ্ণজ্ঞতাভাজন হইয়াছেন। তাঁহার লেখনী ধারণ সার্থক হইয়াছে। দ্বিঘেটার কোম্পানী সমূহের কর্তৃপক্ষগণ যে সকল বাঞ্ছিত ঘৃণিত কৃচিবিশিষ্ট নাটকের অভিনয় করিয়া দর্শকগণের ক্ষণিক বাহবা লাভ করেন, তাহাদের যদি এই সুন্দর নাটকখানির প্রতি যথোচিত সমাদর দেখিতে পাই তাহা হইলে আমরা সুখী হইব।

সংবাদ ও মন্তব্য

পূজনীয় শ্রীপাদ রামদাস বাবাজী মহাশয় শ্রীধাম বৃন্দাবন হইতে ফিরিবার পথে দিল্লী গিয়াছিলেন, সেখানে শ্রীময়ধাপ্রভুর নামানন্দ বিতরণ করিয়া অন্তান্ত ৯ একস্থানে ঘুরিয়া কলিকাতায় আসিয়াছেন। এই আষাঢ় পানিহাটতে শ্রীশ্রীদণ্ড মহোৎসবে যোগদান করিয়া ৬ই বৈকালে আমতার সন্মিকট বসন্তপুরে যাইবেন। সেখানকার উৎসবান্তে পাতিহালে আসিয়া দুইটি অষ্টপ্রহর করিয়া ১৩ই আষাঢ় বৃহস্পতিবার আন্দুলের নিকট বোড়হাট যজ্ঞীতলা হরিসভায় আসিবেন। এখানকার মহোৎসব শেষ করিয়া ১৫ই রাত্রে কলিকাতায় ফিরিবেন। তারপরই শ্রীশ্রীরণযাত্রায় রওনা হইবার আয়োজন চলিতে থাকিবে। ২০এ কিংবা ২১এ আষাঢ় শ্রীধাম নীলাচলে রওনা হইবেন। শ্রীধাম হইতে ফিরিতে শ্রীশ্রীঝুলন পূর্ণিমার ২১ দিন পূর্বে। তাহার পরের সংবাদ আগামী মাসে দিবার চেষ্টা করিব।

আগামী শ্রাবণ মাসে ভক্তির বর্তমান ২৭শ বর্ষ পূর্ণ হইবে। ভাদ্র মাস হইতে ভক্তি ২৮শ বর্ষে পদার্পণ করিবেন। ভাদ্র মাস হইতে ভক্তিতে পৃথক পত্রকে শ্রেয়ানন্দ-শিক্ষণ প্রকাশ আরম্ভ হইবে। বলা বাহুল্য ২৮শ বর্ষ হইতে ভক্তির কলেবর এক ফণা বৃদ্ধি করা হইল। গ্রাহক গণের সহায়ভূতি পাইলে ভবিষ্যতে আরও কলেবর বৃদ্ধির আশারহিল।

শ্রী শ্রীরাধারমণো জয়তি

“ভক্তির্ভগবতঃ সেবা ভক্তিঃ প্রেম-স্বরূপিণী
ভক্তিরানন্দরূপা চ ভক্তির্ভক্তস্ত জীবনম্ ॥”

২৭শ বর্ষ }
১২শ সংখ্যা }

ভক্তি
ধর্ম-সম্বন্ধীয় মাসিক পত্রিকা ।

{ শ্রাবণ
{ ১৩৩৬

অচিন্।

কে তুমি নাম না জানি
উদয় হ'লে অস্তরে ।
দিলে মোরে পাগল ক'রে
কেমনে রহি শাস্তরে ॥
ও বয়ান কুঁদে কোঁদা
বচনে ঝরে সুধা
উপমা পাই না কোথা
কি সুসমাবস্তরে ॥
ঐ আশে নানা দেশে
কত গিরি কন্দরে,
ভ্রমিলাম কত দুঃখে
কত বন প্রাস্তরে ;
ঐ অল্পম ভাঁতি
ও মোহনমূর্তি
খুঁজে এ মুচ্যতি
প্রাস্ত অতি পাশ্বরে ॥
কে তুমি নাম না জানি
উদয় হ'লে অস্তরে ।

শ্রীনরেশচন্দ্র চক্রবর্তী ।



বর্ষশেষে দু'টো কথা ।

পরম মঙ্গলময় শ্রীশ্রীগৌর স্কন্দরের কৃপায় ও শ্রীগুরুবর্গের আশীর্ব্বাদে আজ “ভক্তির” দেবীর আর একটা বৎসর পূর্ণ করিয়া সহৃদয় পাঠকগণের কবকমলে উৎসর্গ করিতে পারিয়া আমি নিজেকে দল্ল মনে করিতেছি । আজ ভক্তির ২৭শ বর্ষ পূর্ণ হইল । আগামী ভাদ্র মাস হইতে ২৮শ বর্ষ আরম্ভ হইবে । এই আনন্দ সংবাদের সঙ্গে সঙ্গে আর একটা আনন্দ সংবাদ পাঠকগণকে দিয়া রাখি যে, আগামী ২৮শ বর্ষ হইলে ভক্তির কলেবর এক ফর্সা ব্রজি করা হইলে কিন্তু মূল্য ব্রজি হইল না ।

এই শুভ দিনে আমার ক্ষুদ্র প্রাণে যেমন আনন্দ হইতেছে তেমনই এক অতীত কাণ্ডিনী স্মরণে দুঃখও হইতেছে । পাঠকগণ হস্ত বলিবেন এই যুগপৎ আনন্দ ও দুঃখের হেতু কি ? ইহার উত্তর এককথায় বলিতে গেলে আমি বলিতে বাধ্য যে, সম্পূর্ণ অযোগ্য হইয়াও আমার অগ্রজ আচার্য্যপাদের স্মৃতিটুকু যে বজায় রাখিতে পারিঘাছি এইটাই আমার আনন্দের কারণ । আর দুঃখের হেতু এই যে, আমার এত সাধের ভক্তিকে আমি এখনও মনের মত করিয়া ভক্তগণের হাতে দিতে পারিতেছি না । এই না পারার কারণ আমার নিজের অযোগ্যতা ত বটেই, তবে সেই সঙ্গে দারিদ্র্যতাও যোগ দিয়াছে । ভক্তির প্রাণ ভক্ত পাঠকগণ, তাঁহারা যদি এ বিষয় একটু উৎসাহ প্রদান করেন তাহা হইলে আমাকে বোধ হয় আর দুঃখ করিতে হয় না ।

যে সকল গ্রাহক ও বন্ধুবর্গ আমাকে গ্রাহক সংগ্রহাদি বাবা সাহায্য করিয়াছেন ও করিতেছেন আমি তাঁহাদের নিকট চিরকৃতজ্ঞ । আর

যাঁহারা আমাকে পঞ্চাস্তরে ভক্তিকে উৎসাহদানের পরিবর্তে ভিঃ পিঃ ফেরৎ দিয়া অথবা ঘটাসময় বাষিক ভিক্ষা প্রদান না করিয়া ক্ষতিগ্রস্ত করিয়াছেন তাঁহাদের ব্যবহারে প্রকৃতই দুঃখিত। কিন্তু আমার দুঃখে বা আনন্দে কিছু আসে যায় না; যাঁর ভক্তি তিনি কৃপা করিয়া ইহাঁদের সুমতি দিন ইহাঁই আমার প্রার্থনা।

যেমন স্নেহ-দৃষ্টিতে পাঠকগণ এতদিন ভক্তিকে দেখিয়া আসিতেছেন আগামী বর্ষেও যেন সে কৃপালাভে আমি বঞ্চিত না হই। যে সকল বন্ধুবর্গ গ্রাহক সংগ্রহ করিয়া দিয়া এবং নানা প্রকার উপদেশপূর্ণ প্রবন্ধাদি প্রদান করিয়া ভক্তি প্রকাশের আনুকূল্য করিয়াছেন ও করিতেছেন, তাঁহারাও যেন একটা বর্ষ পূর্ণের সঙ্গে সঙ্গে তাঁহাদের কর্তব্য ভার বৃদ্ধি পাইল মনে করিয়া দ্বিগুণ উৎসাহে ভক্তির প্রচাবে লাগিয়া যান।

ভক্তির প্রত্যেক গ্রাহক যদি আমাদেরকে ২১টা করিয়া নূতন গ্রাহক সংগ্রহ করিয়া দেন তাহা হইলে আমার মনে হয় আঁচরেই মনের মত করিয়া দেবীকে সেবা করিয়া ধন্ত হইতে পারি। আমি খুবই আশা করি আগামী বর্ষে ভক্তির সহায় পাঠকগণ এ বিষয় একটু মনোযোগী হইবেন।

আর একটি কথা—ভক্তির বৎসর শ্রাবণ মাসে শেষ হয় এবং ভাদ্র হইতে নূতন বৎসর আরম্ভ হয়। আমরা বরাবর ভাদ্র মাসের ভক্তি ভিগুপি করিয়া বাষিক মূল্য আদায় করিয়া থাকি। অনেক সময় ভিগুপির টাকা পাইতে বিলম্ব হওয়ায় পর মাসের পত্রিকা পাঠাইতে বিলম্ব হয়। সেই কারণে গ্রাহক গণের নিকট নিবেদন, তাঁহারা তাঁহাদের

বার্ষিক মূল্য ১।।০ দেড় টাকা এই শ্রাবণ মাসের পত্রিকা পাইয়াই যেন মনিঅর্ডারে পাঠাইয়া দেন। অবশ্য মনিঅর্ডারে টাকা পাঠাইলে ১।।৬/০ আনাতে হইবে, আর ভিঃপিতে ১৮/০ আনা লাগে। অধিকন্তু অনেক অসুবিধাও আছে।

তারপর যাহারা ২।৩ মাস পূর্বেও গ্রাহক হইয়াছেন তাঁহারাও স্মরণ রাখিবেন যে, এই শ্রাবণ মাসেই তাঁহাদের দেয় টাকা পরিশোধ হইল। কারণ ২।১ মাস পূর্বে গ্রাহক হইলেও তাঁহারা ভাদ্র হইতেই পত্রিকা পাইয়াছেন। তাঁহারাও যাহাতে আমরা ১শ ভাদ্রের মধ্যে বার্ষিক মূল্য পাই তাহার ব্যবস্থা করিবেন। অগ্রথায় আমরা ৩রা ভাদ্র হইতে সকলকেই ভিঃপি করিব ফেরৎ দিয়া ভক্তিভাণ্ডারের ক্ষতি করিবেন না ইহাই প্রার্থনা।

যাগতে আগামী वर्षের ভক্তিকে বৃদ্ধিত কলেবরে আপনাদের শ্রীকরে প্রদান করিতে পারি তাহার জন্ত যাহার যেমন সামর্থ্য তদনুরূপ কৃপা প্রদর্শন করিলেই কৃতার্থ হইব। আপনাদের সহানুভূতির উপর নির্ভর করিয়াই আমরা আগামী वर्षের জন্ত কর্মক্ষেত্রে নামিলাম। জয় জয় গৌর হরি।

দীনহীন—সম্পাদক।

ব্রজবালার কৃষ্ণসাধন

(পণ্ডিতপ্রবর শ্রীযুক্ত রসিকমোহন বিষ্ণাভূষণ লিখিত)

(নৌচলে ব্রজমাধুরী হইতে)

হেমন্ত কাল। গঙ্গারী মন্দির নীরব। ভক্তগণের অবিরাম প্রবাহ ধামিমা গিয়াছে। সকলেই বুকিতে পারিয়াছেন মহাপ্রভু এখন নির্জন

স্থানে থাকিতে চাহেন। অন্তরঙ্গ ছুই চারিটা ভক্ত ভিন্ন অপর কাহারও সহিত তিনি অধিকক্ষণ কথা বলেন না—দিবা-নিশি কেবলই ব্রজ-লীলার অনুধ্যান—ব্রজ-রস আশ্বাদন। ব্রজ-ভাব-নামগ মহাপ্রভুর শ্রীমুর্তি ভাবে ভাবে অপূর্ব শ্রীধারণ করিয়াছে। পূণ্য-পবিত্রতা ও প্রেম-ভক্তির সমুজ্জ্বল প্রতিচ্ছবি-সদৃশ অন্তরঙ্গ পার্বদগণ তাঁহার শ্রীমুর্তি সন্দর্শনই এখন সর্ব সাধনার সার বলিয়া মনে করেন। গন্তীরা মন্দির দর্শন করিলে মনে হয় যেন এই মর জগতে অনন্ত মাধুরীময় গোলোক মাধুরী কুটিয়া উঠিয়াছে—নরলোকে এমন আনন্দ-বৃন্দাবন-মাধুরী অতিশয় অসম্ভব—স্বপ্নেরও অগোচর। বদরিকা, চরিত্তার, কানী, কাঞ্চি, অযোধ্যা, অবন্তী—এমন কি প্রেমময় শ্রীকৃষ্ণের ব্রজলীলা রঙ্গস্থলী শ্রীবৃন্দাবনের অধিবাসী ভক্তও গন্তীরা মন্দিরের এই নব শ্রী দেখিয়া বিস্মিত হন—তাঁহাদের মনে হয় প্রেমের এমন প্রাণময় জাগ্রত মহাতীর্থ আর যেন কখনও তাঁহারা প্রত্যক্ষ করেন নাই। মহাপ্রভুর শ্রীমুর্তি দেখিলে রক্ত-মাংসময় নরদেহ বলিয়া মনে হয় না—মনে হয় সাক্ষাৎ ঘনীভূত প্রেমানন্দ রস বিগ্রহ গন্তীরা-মন্দিরে জীবের প্রত্যক্ষীভূত হইতেছেন—কেমন সোম্য শান্ত সুন্দর সমুজ্জ্বল শ্রীমুর্তি।

কার্তিক মাসের শেষ ভাগে একদিন সারাহ্নে সাক্ষা প্রদীপ জ্বালার পরে স্বরূপ ও রামানন্দ গন্তীরা মন্দিরে প্রবেশ করিয়া প্রেমমুর্তির ঐচরণে প্রণত হইলেন, মহাপ্রভু প্রেম-চর্ষভাবে উভয়কে আলিঙ্গন করিয়া ব্যগ্র ভাবে বলিলেন—“আমি এই মাত্র তোমাদের আগমনের প্রতীক্ষা করিতে ছিলাম। অন্ধ সহসা নয়নযুগল পাইলে তাহার যেমন আনন্দ—তোমাদিগকে দেখিলেও আমার সেইরূপ আনন্দ হয় বাস্তবিকই তোমরা আমার অন্ধের নয়ন।”

স্বরূপ হাসিয়া বলিলেন—“যিনি দিবানিশি নয়ন মুছিয়া থাকিতেই ভালবাসেন—তিনি যে নয়নের আদর করেন ইহা কিরূপে বুঝিব ?”

রায় রামানন্দ স্বরূপের কথায় যোগ দিয়া বলিলেন—“প্রভু এখন অধিকাংশ সময়েই ভাবাবেশে বিভোর থাকেন—আমরা নিকটে থাকিলে সে অনুভব ও আত্মদানের বাধা হয় বলিয়া প্রাণের আবেগে শ্রীচরণ দর্শন করিতে আসিয়াও আড়ালে অপেক্ষা করি।”

মহাপ্রভু ঈশৎ হাসিয়া বলিলেন—“ইহা তোমাদের অন্তঃ, আমাকে যদি তোমরা আপন বলিয়া মনে করিতে তবে এক্রপ ভাবিবার অবকাশ হইত না। আমি সন্ন্যাসী, আমার কেহ নাই—তোমরাও যদি আমাকে এইরূপ পর বলিয়া ভাব, তবে আর কে খবর লইবে? আমি যখন যে ভাবেই থাকি, তোমাদের রূপায় যেন বঞ্চিত না হই।”

মধুময় ভগবান্ এমন মধুরভাবে এষ্ট কয়েকটা কথা বলিলেন যে, শুনিয়া শ্রীপাদ স্বরূপ ও রামরায় যেন একেবারে গলিয়া গেলেন। রামরায় বলিলেন, “দাময় এ দীনের প্রতি তোমার এত দয়া!”

মহাপ্রভু রামরায়ের কথায় বাধাদিয়া বলিলেন—“রামরায়! আপন জনের মুখে শিষ্টাচারের কথা শুনিয়া কেহ কখনও তৃপ্তি পায় না। এখন ওসব কথা ছাড়। আজ সকাল থেকে মনে হইতেছে—তোমাদের মুখে শ্রীকৃষ্ণকথা শুনিলে স্তম্ভময় হেমন্ত ঋতু আসিয়াছে—আর রাসের কথা ঘন ঘন মনে হইতেছে।”

প্রভুর মুখে ‘হেমন্ত’ শব্দ শুনিয়াই স্বরূপ শ্রীভাগবতের শ্লোক পাঠ করিলেন :—

“হেমন্তে প্রথমে মাসি নন্দব্রজ-কুমারিকাঃ ।

চেরুর্হবিষ্যৎ ভুঞ্জানাঃ কাষ্ঠ্যায়ন্তর্চর্চন-ব্রতম্ ॥”

শ্লোক শুনামাত্রই মহাপ্রভু সতৃষ্ণভাবে স্বরূপের মুখপানে কোমল দৃষ্টি নিক্ষেপ করিয়া আগ্রহসহকারে বলিলেন—“তারপর, স্বরূপ?”

স্বরূপ বলিলেন—“তারপর যা বলিবার তাই!”

“কাত্যায়নি মহামায়ে মহা যোগিন্দ্রধীশ্বরি ।

নন্দগোপশুভং দেবি পতিং মে কুরুতে নমঃ ॥”

মহাপ্রভু হস্তোত্তোলন করিয়া বলিলেন “একটু থাম—একটু বসিতে দাও। হেমন্ত ঋতুর প্রথম মাসে নন্দব্রজ কুমারিকাগণ হবিষ্য ভোজন করিয়া কাত্যায়নী অর্চনা অনুষ্ঠান করিয়াছিলেন। রামরায় ! নন্দব্রজ-কুমারীদের সাধন দেখ, হেমন্তকালে ব্রজধামে অত্যন্ত শীত। কুমারীরা শীতের ক্রেশ তুচ্ছ করিয়া—রবির উদয় না হইতেই কালিন্দীজলে প্রতাহ স্নান করিতেন, হবিষ্য ভোজন করিতেন। কুমারীরা এই কঠোর ব্রত করিতেন—কেন করিতেন—তাঁহাদের প্রার্থনাতেই প্রকাশ পাইতেছে। তাঁহাদের প্রার্থনা এই ;—“মহামায়া মহাশক্তি কাত্যায়নী—ব্রজেন্দ্রনন্দনের সহিত আমাদের সংযোগ ঘটবে ইহা আমরা মনেও স্থান দিতে পারি না, কিন্তু তুমি মা মহাযোগিনী—দুর্ঘট ঘটনে সমর্থা, তোমার নিকটে আমাদের প্রার্থনা, যেন আমরা ব্রজেন্দ্রশুভকে পতিরূপে প্রাপ্ত হই। তুমি অপরাপর শক্তিসমূহের মধ্যে সর্বোপরি, দেবি কৃপা করিও, আমাদের মনোবাঞ্ছা পূর্ণ করিও।”

শ্রীকৃষ্ণানুরূপা কুমুম কোমলা গোপকুমারীগণ একমাসকাল কঠোর ব্রত আচরণ করিয়া শ্রীকৃষ্ণ প্রাপ্তির জন্ম এইরূপ প্রার্থনা করিতেন।

মহাপ্রভু। ভাল, তারপরে কি হইল স্বরূপ ?

স্বরূপ। ইহার প্রভূষে উঠিয়া হাত ধরাধরি করিয়া কৃষ্ণের নাম গাইতে গাইতে কালিন্দীস্নানে গমন করিতেন। একদিন ঘটনা বড়ই বিপরীত হইল। সে ঘটনায় সরলা গোপবালারা বড়ই বিপদে পড়িলেন।

শ্রীপাদ স্বরূপের কথা শেষ হইতে না হইতেই রসময় রামরায় মুখে হান্তদিয়া ঈষৎ হাসিয়া বলিলেন “বসন হরণ ! কি লজ্জা !” রামরায়ের নয়নপ্রাপ্ত উজ্জল হইয়া উঠিল, মুখের হাসি মিলাইয়া গেল—কিন্তু নয়নের

হাসি লুকাইল না। মহাপ্রভু ধীর গম্ভীর ; প্রথমতঃ কোন কথাই বলিলেন না। চিন্তা নিষ্কর ও প্রশান্ত। স্বরূপ বলিলেন, “সেই বিপরীত ঘটনা বলিতে হইবে কি ?”

মহাপ্রভু গম্ভীরভাবে বলিলেন, “কেন বলিবেনা স্বরূপ ?”

স্বরূপ বলিতে লাগিলেন :—ব্রজবালারা প্রতিদিন যেমন তীরে বস্তু রাখিয়া পুণ্যসলিলা কালিন্দীতে স্নান করেন, সেদিনও সেইরূপ কালিন্দী-সলিলে অবগাহন করিলেন। কৃষ্ণনাম তাঁহাদের মুখে লাগিয়াই আছে।

মহাপ্রভু স্বরূপের কথায় বাধাদিয়া বলিলেন, “স্বরূপ, কুমারীদিগের অনুরাগ দেখ, কুমারীহৃদয়ে যে অনুরাগ আমি উহার কণা পাইলেও কৃতার্থ হইতাম। শব্দনে স্বপনে কেবলই কৃষ্ণ ভাবনা, স্নানে ভোজনে মুখে ঐ কৃষ্ণনাম। এমন অনুরাগ না হইলে কি কৃষ্ণ মিলে ? বল তারপর কি হইল।”

স্বরূপ।—তারপরে ব্রজবালারা তীরের দিকে দৃষ্টি করিয়া দেখিলেন, তাঁহাদের বসন নাই। এতগুলি বসন কোথায় গেল, বাতাস নাই যে উড়িয়া যাইবে ? এ ঘাটে কেহ কখনও চোর দেখে নাই—তবে এ বসন চুরি করিল কে ? সম্মুখে নীপতরু, চাহিয়া দেখেন নীপ শাখায় চিত্র বিচিত্র বসনগুলি ধ্বজার স্তায় ঝুলিতেছে, আর তাঁহাদের ঘরের মাখন-চোর তাঁহাদের সেই চিত্রচোর নীপশাখায় বসিয়া পরিচাসের হাসি হাসিতেছেন। আর বৃষ্টিবার বিলম্ব রহিল না, বসন চুরি ইহারই কার্য্য। ব্রজবালারা অপ্রস্তুত হইলেন। অপ্রস্তুত হইবারই কথা। কবঘোড়ে বসন চাহিলেন—কিন্তু সে কথা শোনে কে ? বসনচোর বড় সহজ ছেলে নয়। রসিকশেখর নীপতরুর শাখায় বসিয়া ছকুম করিলেন, “যদি বসন পাইতে চাও, হেথায় এস। তোমরা ব্রতচারিণী আমি কখনও মিথ্যা কথা বলি নাই—এখনও মিথ্যা বলিব না। বসন নিতে হয় এখানে এস,

আমি বসন দিব। বসন থাকিতে কেনই বা এই দারুণ শীতে ক্লেশ পাইতেছ ?”

এই বলিয়া রসরাজ নন্দহলাল নীরব হইলেন, যেত অতি ভালমানুষ—
কিছু জানেন না—পরম সাধু !

রামরায়।—“শুধু পরম সাধু—একবারেই পরমসাধু শিরোমণি ! তাহা না হইলে কি এত প্রত্যাষে এই বসনচুরি ! শ্রীপাদ, তার পর কি হইল, বেশী কিছু বলিব না, পাছে প্রভু কি মনে করিবেন ?”

মহাপ্রভু গম্ভীরভাবে বলিলেন—“এই হুকুমের পরে ব্রজগালারা কি করিলেন স্বরূপ ?

স্বরূপ। আজ্ঞে উহারা কুমারী হইলেও রসময়ী। বসনচোরের কার্যে ও কথায় উহাদের হৃদয়ে প্রেমের পাথার উথলিয়া উঠিল, লজ্জিত ভাবে একে অন্তের মুখের দিকে চাহিয়া হাসিতে লাগিলেন, কিন্তু কালিন্দীর শীতল সলিলে আকণ্ঠ মগ্না ব্রজবালাদের অঙ্গযষ্টি শীতে থরহরি কাঁপতে লাগিল। তাঁহারা বিনীতভাবে বলিলেন—“শ্রামসুন্দর ! যদি আমাদের বসন দাও, আমরা তোমার দাসী হইয়া তোমার আদেশ পালন করিব, আর যদি না দাও তবে তোমার এই অপরাধের কথা রাজাকে জানাইব।

রামরায়। রাজার ভয় ! সরলা গোপবালাদের ভয় প্রদর্শনের কথা শুনিয়াও হাসি পায়। যাহার এত দুঃসাহস সে কি কখনো কাহারও ভয় করে ? ইহাতে বসন চোর কি উত্তর করলেন ?

স্বরূপ। তাহার উত্তর অতি স্পষ্ট। যদি আমার দাসী হও তবে আমার কথা রাখ, এখানে এসে কাপড় লও। নচেৎ দিব না—রাজার ভয় ? রাজা আমার কি করিবেন ?

মহাপ্রভু। একেবারেই নিরুপায় ! স্বরূপ এইরূপ করিয়াই বুঝি

বহিরঙ্গকে আপন করিয়া লইতে হয়? শ্রীভগবান বিন্দুমাত্র কুণ্ঠা থাকিতে কাহাকেও আপন করেন না। ভাল তারপর?

স্বরূপ। তারপর কুমারীগণ নিরূপায় হইয়া শীতে কাঁপিতে কাঁপিতে তাঁরে উঠিলেন। কর দ্বারা কোন প্রকারে লজ্জা রক্ষার ব্যবস্থা করিয়া তাঁহারা লজ্জাসঙ্কোচিত দেহে শ্রীকৃষ্ণের সমীপবর্তী হইলেন। নারীজাতির পক্ষে প্রাণ ত্যাগ অপেক্ষাও লজ্জত্যাগ অধিকতর কঠোর। কিন্তু নিরূপায়।

মহাপ্রভু। ব্যালাম তারপর?

স্বরূপ। তারপর ধর্ম্মজ্ঞ শিরোমণি গম্ভীর ভাবে বলিলেন, “তোমরা ব্রতচারিণী, কিন্তু ধর্ম্মশাস্ত্র জাননা। তোমরা ব্রত লইয়া বিবস্ত্রা হইয়া জলে অবগাহন করায় দেব-অবহেলন হইয়াছে, সেই পাপ অপনোদনের জন্ম আপনাপন মস্তকে অঞ্জলিবন্ধন করিয়া নত হইয়া প্রণাম কর। তবে বস্ত্র পাইবে।

রাম রায়। অসাধারণ বিড়ম্বনা, এ যে ভারী বিপত্তি।

স্বরূপ। বিপত্তি নয় আ-পত্তি অর্থাৎ শ্রীকৃষ্ণ প্রাপ্তি। রায় মহাশয়! মান, লজ্জা ভয় তিন থাকিতে নয়।

রাম রায়। কি উৎকট পরীক্ষা। এত পরীক্ষা করিয়া তবে শ্রীকৃষ্ণ হৃদয় শুদ্ধ করিয়া লন। ব্রজবালারা অক্ষরে অক্ষরে আদেশ পালন করিলেন তো?

স্বরূপ। না করিয়া উপায় কি? শ্রীকৃষ্ণচরণে মান লজ্জা ভয় প্রভৃতি নারী ধর্ম্মে একেবারেই তিলাঞ্জলি দিয়া উভয় হাত যোড় করিয়া উহারা আপন আপন মস্তকে অঞ্জলি বন্ধন করিলেন। তাঁহাদের মুখমণ্ডলে লজ্জা বা ভয়ের কোনও চিহ্ন দেখা গেল না। সরলপ্রাণ, ব্রতভঙ্গ হইলে পাছে বা কৃষ্ণ প্রাপ্তির ব্যাঘাত হয়, এই ভয়ে নিঃসঙ্কোচে তাঁহারা শ্রীকৃষ্ণের আদেশ পালন করিলেন। শ্রীকৃষ্ণও তখন তাঁহাদিগকে বস্ত্র দিলেন।

মগাপ্রভু। গোপীজনবল্লভের দীলারহস্ত তাঁহার একান্ত ভক্তগণেরই অক্লুভবের বিষয়। এসকল বাপার বেদগুহ। ধন্যতত্ত্ব অতি সুশ্রু, অধিকারি ভেদেই ধর্মভেদ। বিশুদ্ধ আনন্দ রমের গড়া তনু ব্রজবালাদের অধিকার ও ভজন সৌভাগ্য অন্ত্র অসম্ভব।

বামরায়। রসিক শেখর ব্রজবালাদিগকে বঞ্চনা করিলেন। তাঁহারা তাহা বুঝিলেন না। ব্রজবালাদের স্মৃতি অমন সরল মন তো দেখা যায় না।

স্বরূপ। তাতো বটেই। কিন্তু রসবাজ বসন দিবার সময়ে সে কথা নিজেই বলিয়াছিলেন। তাঁহাদের লজ্জা হরণ করিয়া আবার তাহাদিগকে আরও লাজ্জিত করার জন্য তিনি বলিলেন। তোমাদিগকে ধর্মের কথা শুনাইয়া কেমন ঠকাইয়াছি। এই তোমাদের বুদ্ধি ?

বামরায়। ব্রজবালারা ইচ্ছান্তে কি কোনও উত্তর করিলেন না ?

স্বরূপ। কিছুই না। তাঁহারা একটু মৃৎ হাসি হাসিয়া মুখ ফিরাইলেন, কৃষ্ণের নিকট অপ্রস্তুত হওয়ায় তাঁহাদের আনন্দ। তবে তখন তাঁহাদের নয়নে কিঞ্চিৎ লজ্জার চিহ্ন দেখা গিয়াছিল তাহাতে তাঁহাদের ঐমুখকাস্তি আর - মধুর দেখাইতে ছিল।

বামরায়। তাতো হইবেই। তাঁহারা বুঝিয়াছিলেন বাহার জন্য তাঁহাদের এই কঠোর ব্রতচরণ সে ফল ফলিতে আর অধিক বিলম্ব হইবে না।

স্বরূপ। তাহা বুঝিয়াও তাঁহারা দাঁড়াইয়া রহিলেন, মনের ভাব এই যে, শ্রীকৃষ্ণের শ্রীমুখে স্পষ্ট বাক্য না শুনিয়া তাঁহারা গৃহে ফিরবেন না। তাঁহাদের কথা বুলি এই ছিল—চতুর চূড়ামণি! রসিকরাজ আমরা যাহা করিয়াছি তাহাতে তোমার কারণে অপরাধ হইল কিংবা তোমার প্লীতি সাধন হইল তাহা জানি না। এখন আমাদের মনোবাহা পূর্ণ করিবে কি না তাহাই বল, একবার শুনিয়া ঘরে যাই।

রামরায় । ব্রজবালাদের সঙ্কল্প ব্যথিয়া সত্যসঙ্কল্প শ্রীভগবান কি উত্তর করিলেন ?

স্বরূপ । তিনি বলিলেন, তোমাদের সংকল্প অবশ্যই সত্য হইবে ।

মহাপ্রভু । স্বরূপ এস্থলে শ্রীভাগবতের দুইটি কথা না বলিলে তোমার এ প্রসঙ্গ অসম্পূর্ণ থাকিবে । উহার একটা কথা এই শ্রীভগবান গোপবালা দিগকে বলিয়াছিলেন যাহাদের বৃদ্ধি কেবল আমাতে আবিষ্ট হইয়াছে, যাহাদের অন্ত কোন কামনাই নাট তাহাদের কাম সাধারণ কামনয়, এবং তাদৃশকামে কামজনিত কৰ্ম্মবন্ধনও ঘটে না ! কেন না ভ্রষ্ট যবের আর অঙ্কুর হয় না, তাহার উপর সেই ভ্রষ্ট যব যদি ভর্জিত হয় তবে কোনও ক্রমে তাহার আর অঙ্কুরের সম্ভাবনাই থাকে না । ব্রজবালাগণের কামনা-স্তর রহিত এবং ভাববিশেষ সংস্কৃত ভগবৎ প্রেম সেবারূপ কাম কোনও ক্রমেই কৰ্ম্মবন্ধনের হেতু নয় । যদিও ব্রজবালাগণ শ্যামসুন্দরের শ্রীমুখে এই উপদেশ প্রাপ্তির প্রতীক্ষা করেন নাই তথাপি পরম কারুণিক শ্রীভগবান এ স্থলে এই উপদেশ প্রকটন করিয়া ভালই করিয়াছেন । তাঁহারা যে কথার জন্ত অপেক্ষা করিতেছিলেন স্পষ্টতঃই প্রেমময় তাঁহা-দিগকে সে কথাও শুনাইয়া দিয়াছিলেন হে সতী কুমারীগণ ! তোমাদের কাত্যায়নী ব্রতসাধনা সিদ্ধ হইয়াছে, এখন গৃহে যাও আগামী রজনী সমূহে তোমরা আমার সঙ্গে লাভ করিতে পারিবে ।

রামরায় বাস্তবিকই রসিক শেখর পরম করুণ আনন্দলীলারসময় বিগ্রহের এ করুণা নাথাকিলে ভজন সাধন একেবারেই নিষ্ফল হইত । আর ব্রজ বালাদের সাধন একেবারেই সৰ্ব্বস্ব ত্যাগ । এই সাধনার মহাফল মহারােসে সম্মিলন ।

করিতে গেলেন। আসিলেন না কেবল গৌরীদাস। নিমাই ভক্তগণকে
কাঁদাইয়া সন্ন্যাসী হইয়াছেন, তাই তাঁহার উপর গৌরীদাসের রাগ হইয়াছে।
ইহা প্রভুর প্রতি ভক্তের অভিমান। আর প্রেমাভিমানী ভক্তের এ
অভিমান বেদস্ততি হইতেও শ্রীভগবানের নিকট মিষ্ট লাগে।

“প্রিয়া যদি মান করি করয়ে ভৎসন।

বেদ স্ততি হৈতে তাহা করে মোর মন ॥” চৈঃ চঃ

এক্ষেত্রেও তাহাই হইল। গৌরীদাসের মনের অবস্থা অন্তর্যামী
শ্রীগৌর ভগবান অন্তরে বুঝিয়া নিতাইসহ অধিকায় আসিয়া উপনীত
হইলেন। (“অধিকায় উপস্থিত হইয়া প্রভু প্রথমতঃ যে তেঁতুল বৃক্ষতলে
উপবেশন করিয়াছিলেন, ঐ বৃক্ষটি পরবর্ত্তীকালে ক্ষয় হইলে উহার বোয়া
বা খুরি হইতে আশ্চর্য্য রূপে একটী বৃক্ষ বাহির হইয়াছে।”—শ্রীশ্রীদ্বাদশ
গোপাল *)

* শ্রীযুক্ত অমূল্যধন রায় ভট্ট দাদা বর্ত্তমান যুগের সৰ্ব্ব শ্রেষ্ঠ বৈষ্ণব
ঐতিহাসিক। তাঁহার “দ্বাদশ-গোপাল” অতি উপাদেয় ও প্রামাণিক
গ্রন্থ হইয়াছে। আমাদের আলোচ্য গ্রন্থে গোপালগণের চরিত আলোচনা
কালে উক্ত গ্রন্থের সাহায্য গ্রহণ কারয়া ধৃত হইব। গত ১৩৩৩ ১০ই পৌষ
তারিখে পানিচাটী শ্রীগৌরান্ন গ্রন্থ মন্দির দর্শন করিতে গমন করিলে
পরম প্রেমময় শ্রীযুক্ত অমূল্য দাদা তাঁহার “দ্বাদশ গোপাল” ও “বৈষ্ণব-
চরিতাভিধান” গ্রন্থ দুই খানি ও কয়েকখানি চিত্রপট উপহার দিয়া এই
নগ্ন বালিককে গৌরবান্বিত করিয়াছেন। তাঁহার মধুর ব্যবহার ও
উৎসাহ বানী আমার হৃদয়ে চির জাগরিত থাকিবে। গ্রন্থাগারে তাঁহার
বিপুল সংগ্রহ দৃষ্টে যুগপৎ আনন্দিত ও স্তম্ভিত হইয়াছি। (লেখক)

পুনঃ সেই ছই ভাই, প্রবোধ করিলা তায়,
 তবু হিয়া থির নাহি বান্ধে ।
 কহে দীন কৃষ্ণদাস, চৈতন্ত-চরণে আশ,
 ছই ভাই রহিল তথায় ।
 ঠাকুর পণ্ডিতের প্রেমে, বন্দী হৈলা ছই জনে
 ভকত বৎসল তেঁই গায় ।”

সন্ন্যাসীর গৃহে থাকিতে নাই । পণ্ডিতকে শাস্ত করিবার জন্ত প্রভু
 অত্র উপায় করিলেন । তিনি যে চিরদিন ভক্তের অধীন । শ্রীগৌরদাস
 গৌরীদাসকে বলিলেন,—

“নবদ্বীপ হইতে নিষবৃক্ষ আনাইবে ।
 মোর ভ্রাতা সহ মোরে নিৰ্ম্মাণ করিবে ॥
 অনায়াসে নিৰ্ম্মাণ হইব মূর্তিদয় ।
 তুয়া অভিলাষ পূর্ণ করিব নিশ্চয় ॥” ভঃ রঃ

নবদ্বীপে যে নিষ বৃক্ষমূলে, আঁতুড় ঘরে নিমাই জন্ম গ্রহণ করে সেই
 বৃক্ষ আনাঠয়া গৌরীদাস স্বয়ং শ্রীমূর্তিদ্বয় নিৰ্ম্মাণ করেন এবং স্বয়ং
 অচ্যুতানন্দ এই শ্রীমূর্তি প্রতিষ্ঠা কাষ্য সম্পাদন করিয়াছিলেন । (এই
 বিবরণ অদ্বৈত প্রকাশে আছে ।) এই মূর্তিদ্বয়, শ্রুত্ব ঘরের মূর্তি হইতে
 সম্পূর্ণরূপে অভিন্ন হইয়াছিল ।

মহা সমারোহে মূর্তি প্রতিষ্ঠিত হইল । প্রভু, নিতাইকে সঙ্গে লইয়া
 শ্রীমূর্তির নিকট দাঁড়াইয়া বলিলেন, “পণ্ডিত ! এই ছই মূর্তি এবং আমরা
 ছই ভাই, ইহার মধ্যে যাহাকে ইচ্ছা তোমার গৃহে রাখ । আমরা তোমার
 গৃহে থাকিব ।”

এই উর্দ্ধবাহু নিতাই গৌরান্দের আদি মূর্তি আজিও অধিকা নগর আলোকিত করিয়া বিরাজিত রহিয়াছেন। গৌরভক্তগণের কিবা সৌভাগ্য, আজিও তাঁহারা সে মূর্তি সন্দর্শন করিয়া ধস্ত হইতেছেন। এখন পণ্ডিতের পূর্ণানন্দের পরিচয় এই প্রাচীন গীতটি আমরা আস্থাদন করিয়া ধর হইব।

দেবাদিদেব গৌরচন্দ্রে গৌরীদাস মন্দিরে ।
 আনন্দ কন্দ নিত্যানন্দ সঙ্গে রঙ্গে বিহরে ॥
 তন্তু হেম অঙ্গকান্তি প্রাতঃ অরুণ অধরে ।
 পাশণ্ড দস্ত খর্ব্ব হেতু ধর্ম্ম দণ্ড বিচরে ॥
 শ্রীকৃষ্ণ চৈতন্ত নিত্যানন্দ অধিকাতে বিহরে,
 গৌরীদাস করত আশ সঙ্কজীব উদ্ধারে ॥

এইবার প্রভুদ্বয়ের প্রেমরঙ্গের কথা বলিব। ছই প্রভু নীলাচলে চলিয়া গেলে, পর দিবস গৌরীদাস সমস্তে রন্ধন করিয়া ছই ভাইকে খাইতে দিলেন কিন্তু বিগ্রহের নিকট ভোগের দ্রব্য যেমন দিয়াছিলেন তেমন রহিল, তাঁহারা কিছুই গ্রহণ করেন নাই। ইহাতে পণ্ডিত ক্রুদ্ধ হইয়াছেন। এবং ক্রোধাবেগে কহিতেছেন—

বিনা ভক্ষণেতে যদি সুখ পাও মনে।

তবে মোরে রন্ধন করাও কি কারণে ॥

এত কহি গৌরীদাস রহে মৌনধরি ॥” ভঃ রঃ

গৌরীদাসের সঙ্কল্প—যদি প্রভু দ্বয় না খায়েন তবে তিনিও অনাহারে প্রাণত্যাগ করিবেন।

ইহাতে শ্রীভগবান ভক্তের নিকট আবার পরাণ্ড হইলেন। তখন—

“হাসিয়া প্রভু পণ্ডিতে কহয়ে ধীরি ধীরি ॥
 অঙ্গে সমাধান নহে তোমার রক্ষন ।
 অন্নাদি করহ বহুপ্রকার ব্যঞ্জন ॥
 নিষেধ না মান শ্রম দেখিতে না পারি ।
 অনায়াসে যে হয় তাহাই মর্কোপরি ॥ ভঃ রঃ

ইহাতে গৌরীদাস বলিলেন,—বেশ ! তবে আর,—

—“এছে কভু না করিব ।
 এক শাক সিদ্ধ পক্ষ করি ভুঞ্জাইব ॥ ঐ

তখন—

“পণ্ডিতের কথা শুনি দুই প্রভু হাসে ।
 করয়ে ভোজন কিছু পরম উল্লাসে ॥ ঐ

ভক্তের সহিত ভগবানের এই লোকপাবনী লীলা যুগে যুগে হইতেছে ।
 আর আমরা তাহা আলোচনা করিতে পারিলাম ইহা আমাদের পরম
 সৌভাগ্য ।

পূর্বেই বলিয়াছি গৌরীদাস ছিলেন ব্রজের সেই সুবলখসা ।

“সুবল গোপাল কৃষ্ণ প্রিয় সুবিদিত ।
 এবে গৌরান্দের সঙ্গে গৌরীদাস পণ্ডিত ॥
 হেন ভাগ্যবান আর নাহি কোনটাই ।
 অজ্ঞাবধি যার গৃহে চৈতন্ত নিতাই ॥
 সৰ্ব সমর্পণ কৈল প্রভুর সেবায় ।

নিত্যানন্দ প্রভুশাখা বসে অষ্টিকায় ॥” (বৈষ্ণবোচারদর্পণ)

নিম্নোক্ত গ্রন্থ সমূহে গৌরীদাস পণ্ডিতের প্রসঙ্গ দৃষ্ট হয় যথা,—গৌর
 গণোদ্দেশদীপিকা, ভক্তমাল, চৈতন্ত পারিষদ জন্মনির্ণয়, অনন্তসংহিতা,
 দ্বাদশপাট নির্ণয়, চৈতন্তসঙ্গীতা, বৃন্দাবন দাস কৃত বৈষ্ণব বন্দনা,

দেবকীন্দনকৃত বৈষ্ণব বন্দনা, চৈতন্ত ভাগবত, চৈতন্ত মঙ্গল (জয়ানন্দ),
অদ্বৈত প্রকাশ প্রভৃতি ।

সুবলমঙ্গল গ্রন্থে এই সুলচন্দ্রের পরিচয় এইভাবে দেওয়া হইয়াছে ।
যথা,—

কংশারি মিশ্রের পত্নী নাম যে কমলা ।
তাহার গর্ভেতে ছয় পুত্র উপজিলা ॥
দামোদর বড় জগন্নাথ তার ছোট ।
সুধাদাস ঠাকুর হয়েন তাহার কনিষ্ঠ ॥
তাহার কনিষ্ঠ হন পণ্ডিত গৌরীদাস ।
অনুজ কৃষ্ণদাস যেই পুরে মনো আশ ॥
তাঁহার কনিষ্ঠ হয়েন নৃসিংহ চৈতন্ত ।
প্রেম বিতরণ করি বিশ্ব কৈল ধন্ত ॥
এই ছয় ভ্রাতা মিলি নিত্যানন্দ সনে ।
গৌরানন্দের আশ্রয় করেন প্রেম দানে ॥”

এই ছয় ভ্রাতাই পরম বৈষ্ণব ও পার্শ্বদ ভক্ত ছিলেন । গৌরীদাস
অল্প বয়স হইতেই ঈশ্বর চিন্তায় নিমগ্ন ছিলেন । পরে তিনি সাধন
ভক্তনের সুবিধার জন্ত নির্জজন স্থান—গঙ্গাতীরে অস্থিকায় বাস করেন ।
আমরা দেখিতে পাই পরবর্তী কালে গৌরীদাসকে বিবাহ করিতে
হইয়াছিল । তাঁহার স্ত্রীর নাম বিমলা দেবী এবং দুই পুত্র বলরাম ও
রঘুনাথ ।

গৌরীদাস পণ্ডিত, ষোড়শ বংশ, পোশোর সন্তান বাৎস্তগোত্র ।

“মহাপ্রভু প্রদত্ত বৈঠা ইহাঁর অপ্রকটের পর ইহাঁর শিষ্য হৃদয় চৈতন্ত
(ইনি গৌরীদাসের পুত্রের কন্তাকে বিবাহ করেন) প্রাপ্ত হন । এই

হৃদয়চৈতন্তের শিষ্যই বিখ্যাত শ্যামানন্দপ্রভু। ইহার দ্বারা উড়িষ্যা প্রদেশে বৈষ্ণবধর্ম প্রচার হয়।—(গৌরপদতরঙ্গিনী।)

গৌরীদাস পণ্ডিত বা হৃদয় চৈতন্তের বংশ নাই। যাহারা আছেন তাঁহারা গৌরীদাস পণ্ডিতের বা হৃদয় চৈতন্তের শিষ্য-শাখার বংশ।

শ্রীপাটে নিম্নলিখিত শ্রীবিগ্রহগণ পূজিত হইতেছেন। যথা—

শ্রীগৌরীদাস পণ্ডিত, শ্রীশ্রীরাধাকৃষ্ণ, শ্রীশ্রীমহাপ্রভু, শ্রীশ্রীজগন্নাথ, শ্রীশ্রীবলরাম ও শ্রীশ্রীরামসীতা।

আবির্ভাব ১৪০৭ শক। তিরোভাব বৃন্দাবন ধীর সমীরে, ১৪৮১ শকে শ্রাবণ মাস শুক্লা ত্রয়োদশী তিথি। ধীর সমীর কুঞ্জে তিনি শ্যামরায় বিগ্রহ স্থাপন করিয়াছিলেন। ১৫৩০ শকে প্রভুর সহিত অষ্টিকাতে মিলন। ১৪৩৯ শকে দণ্ডমহোৎসবে পানিহাটীতে উপস্থিত। :

জাহ্নবা দেবী শ্রীবৃন্দাবনো গয়া, তাঁহার খুল্লতাতে গৌরীদাস পণ্ডিতের সমাজ দেখিয়া ক্রন্দন করিয়াছিলেন। ভঃ রঃ

অতঃপর আমরা এই স্থানে পণ্ডিতপাবন শ্রীনিতাই-পারিষদ গৌরীদাসকে চৈতন্ত চন্দ্রোদয়ের ভাষায় দণ্ডবৎ প্রশংসা করিয়া বিদায় লইতেছি,—

তনুর্কচিবিজিত হিরণ্যং হরিদয়িতং ত্রিগিৎ হরিবদ্বদনং ।

সুবলং কুবলয়নয়নং নয়নানন্দিত বাক্রবং বন্দে ॥

গান ।

(শ্যামুক্ণ শচীন্দ্রকুমার ঘোষ লিখিত ।)

কিবা হ'ল তাতে বল গৌর যদি গেছে,—

দয়ালের গুরু আমার নিত্যানন্দ আছে !

(দয়ালের গুরু নিতাই গৌর রেখে গেছে ।)

লোটায়ে নে দেখি ভাই নিতাই পদরজে,—

যাঁর দয়া হ'লে পাবি রাধা কৃষ্ণ ব্রজে ।

হয় নাই হবে-না নিতাইর মত গুরু,—

(যাঁর,) প্রেম ধারা বরিষণে শীতল যত মরু ।

ছেন নিতাই পদতলে যে না করে বাস,—

শচী বলে জেনে শুনে (তার) হ'ল সর্বনাশ !

বৈষ্ণব ব্রত তালিকা সম্বন্ধে পত্র ।

—:—

[এবারে বিগত বৈশাখ মাসের ভক্তিতে বঙ্গবাসী পঞ্জিকা হইতে বৈষ্ণব ব্রততালিকা প্রকাশ করা হইয়াছে, তাহা পাঠ করিয়া একখানি পত্র শ্রীযুক্ত সদানন্দ শর্মা মহাশয় লিখিয়াছেন, আমরা এবিষয় আলোচনার জন্য পত্রখানি ভক্তিতে মুদ্রিত করিলাম, যদি এসম্বন্ধে কাহারও কিছু বক্তব্য থাকে জানাইলে আমরা যথাসময় পত্রিকায় প্রকাশ করিব ।]

(সম্পাদক)

শ্রদ্ধাস্পদ শ্রীযুক্ত “ভক্তি” পত্রিকা সম্পাদক মহাশয় সমীপেষু ।

মহাশয়—

আপনার শ্রীপত্রিকার ১৩০৬ সালের বৈশাখ সংখ্যায় “বৈষ্ণব-ব্রত তালিকা” ও “সম্পাদকীয় মন্তব্য” পাঠ করিয়া জানিলাম প্রভূপাদ পণ্ডিত শ্রীযুক্ত অতুলকৃষ্ণ গোস্বামী মহোদয়ের লিখিত বঙ্গবাসী পঞ্জিকা হইতে উক্ত তালিকা প্রকাশ করিয়াছেন। কিন্তু উক্ত তালিকায় শ্রীরামনবমী সম্বন্ধে যে “কলিকাতায় পূর্বদিনে” লিখিত হইয়াছে উহাতে বিশেষ সংশয় উপস্থিত হওয়ায় আমরা একখানি বঙ্গবাসী পঞ্জিকা আনাইয়া উক্ত প্রভূপাদের লিখিত ভূমিকা পাঠে বিশেষ বিস্মিত হইলাম। যদিও ব্রত হইয়া গিয়াছে যিনি যে মত গ্রহণ করিয়া থাকেন তিনি সেই ভাবে ব্রত করিয়াছেন, তথাপি ভবিষ্যতের জন্য আপনার সংশয় অপনোদন মানসে আমার বক্তব্য পাঠাইলাম আপনার পত্রিকায় প্রকাশ করিলে বিশেষ বাধিত হইব।

ভূমিকা যথা—“এবারকার বক্তব্যের প্রথম হইতেছে শ্রীরামনবমী ব্রত। শ্রীরামনবমীব্রত অষ্টমাবিদ্যা স্থলে বৈষ্ণবের পক্ষে করা শাস্ত্রে নিষিদ্ধ হইয়াছে, আবার উক্ত ব্রতে দশমীতে পারণের ব্যবস্থা থাকায় বিদ্যা নবমীতেও ব্রত করিবার ব্যবস্থা পরিলক্ষিত হয় যথা—

“দশমাং পারণাশ্চ নিশ্চয়ান্নবমীক্ষয়ে

বিদ্বাপি নবমীগ্রাহ্যা বৈষ্ণবৈরপাসংশয়ন্” ॥

এই কারণে এবার কলিকাতায় ৬ই বৈশাখ দশমী না থাকায় ৪ঠা বৈশাখ বুধবার শ্রীরামনবমী ব্রত করিতে হইবে।”

এখানে জিজ্ঞাস্য হইতেছে রামনবমীব্রতের সঙ্কটস্থলে পরদিন যজ্ঞপি একাদশী ব্রত হয় সেইস্থলে একাদশীব্রতের অনুরোধে বিদ্বায় ব্রত হইবে? অথবা পরদিন দশমী তিথির অন্ত্যাবেই বিদ্বা তিথিতে ব্রত হইবে? এবার সন্ধ্যাতেষ্ট (বঙ্গবাসী পঞ্জিকাতেও) ৭ই বৈশাখ শনিবার একাদশীব্রত বিহিত হইয়াছে বিশেষতঃ উদয়ে দশমী স্থান বিশেষে থাক বা না থাক অরুণোদয় বিদ্বা যে হইয়াছে তাহাতে সন্দেহ নাই এবং তজ্জন্ম বৈষ্ণবমাত্রেই অরুণোদয় বিদ্বা ত্যাগ করিয়া পরদিন শনিবার শ্রী একাদশী করিবেন, এরূপ স্থলে ৬ই তারিখ শুক্রবার যখন শ্রীরামনবমীর পারণ দিন পাওয়া যাইতেছে তখন কি কারণে বিদ্বা ব্রত হইবে তাহা বুঝিলাম না। আশঙ্কা হইতেছে শুদ্ধ একাদশী স্থলে।

পূজাপাদ সনাতন গোস্বামী রামনবমী ব্রত তিথি নির্ণয় প্রসঙ্গে যে আশঙ্কা উত্থাপন করিয়াছেন তাহাতে স্পষ্টতঃ শুদ্ধ একাদশী স্থলে একাদশী ব্রতের অনুরোধেই যে বিদ্বাব্রত হইবে তাহা দেখাইয়াছেন উক্ত টীকা যথা—“নন্মু বৈষ্ণবৈবিদ্বা সর্বত্র বর্জ্যেতি পূর্বং নিশ্চিতম্, অত্রাপি তথৈ-
চোক্তং নবমীচাষ্টমীবিদ্বাত্যাঞ্জোতি । তত্রচ নবমীক্ষাঃসতি তিথিত্বাস ক্রমেণ
একাদশ্যাশ্চ স্তদ্ধে কিং কর্তব্যং তত্রাহ উপোষণামিতি তদেবাভিব্যঞ্জ্য

লিখিত দশম্যামিতি নিশ্চহাদশম্যামেবেতোব কারতঃ। অন্তথোপবাস দ্বয়
প্রসঙ্গাদেদি দিক্ ॥”

এখানে দেখিতে হইবে কি কারণে গ্রন্থকার বিদ্বা তিথিতে ব্রত
করিতে বলিতেছেন, প্রথম আশঙ্কাই হইল “একাদশ্যাশ্চ শুদ্ধত্বে কিং
কর্তব্যং ?” অর্থাৎ পরদিন শুদ্ধা একাদশী হইলে কি কর্তব্য ? এই আশঙ্কা
স্পষ্ট জানাইয়া দিতেছে যে, যদি পরদিনে শুদ্ধা একাদশী হয় তাহা হইলে
কি করা উচিত তাহা ভাবিবার কথা, কিন্তু পরদিন যদি একাদশী তিথি
মাত্র হয় এবং ঐ তিথি উপবাসার্থ না হয়, তাহা হইলে সে স্থলে কোন
কথাই নাই বিদ্বাত্যাগ করিয়া পরদিন ব্রত করিবে। শুদ্ধা হইলে করিবে
না, তাহার প্রতি হেতু দেখাইলেন “উপবাস দ্বয়ঃ প্রসঙ্গাৎ” অর্থাৎ উভয়
উপবাসের প্রসঙ্গ হইয়া পড়ে এই জন্ত বিদ্বাতিথিতে উপবাস করিতে
বলিতেছি” “ইতিদিক্” এই পদদ্বারা সিদ্ধান্ত স্থিরীকৃত হইল। সুতরাং
“উপোষণং নবম্যাং বৈদশম্যামেব পারণম্” এই কারিকোক্ত দশমীপদ
দশমী তিথি পর হইতে পারে না, ইহা উপবাসের পূর্বাহ পর জানিতে
হইবে। যদি পারণাহে দশমী তিথির অভাবে বিদ্বা ব্রত গ্রন্থকারের
অভিপ্রের্ত হইত, তাহা হইলে টীকায় লিখিত আশঙ্কার আকার ভিন্ন
প্রকার হইত যথা—“নবমীক্ষয়েসতি তিথিব্রাস ক্রমেণ পরদিনে দশম্যাশ্চা-
ভাবে কিং কর্তব্যং—” অর্থাৎ নবমীক্ষয়ে তিথি ব্রাস ক্রমে যদি পরদিন দশমী
না থাকে তাহা হইলে কি করা কর্তব্য ? এইরূপ হইত এবং উপবাস
দ্বয়ের প্রসঙ্গ—হেতুরূপে উরু হইত না।

সুতরাং ইহা হইতে স্থির দেখা যাইতেছে, যেখানে পরদিন একাদশীর
ব্রতোপবাসের প্রসঙ্গ হইবে, তদ্রূপ স্থলে বিদ্বা তিথিতে শ্রীরামনবমী-ব্রত
করিয়া পরদিন পারণ এবং তৎপর দিন একাদশী-ব্রত।

যেখানে পরদিন শুদ্ধা (অর্থাৎ ব্রতাহ) একাদশী হইবে না, সেখানে

অষ্টমী বিদ্বা নবমী ত্যাগ করিয়া পরদিন শুদ্ধা নবমী বা নবমীক্ষয়ে দশমীভে ব্রত ব্যবস্থাপিত হইয়াছে।

এবৎসর ৫ই বৈশাখ বৃহস্পতিবার ৪ দণ্ডের উপর নবমী পরদিন ৬ই শুক্রবার ১১ পল দশমী (অথবা মতান্তরে উদয়ের পর দশমী না থাকিলেও) তৎপরে একাদশী তিথি ব্রত-যোগ্যা হইতেছেন না, ৭ই শনিবার একাদশীর উপবাস হইতেছে। তখন ৮ঠা বুধবার বিদ্বা তিথিতে বৈষ্ণবের ব্রত করা আমার বিবেচনায় কোন ক্রমে সঙ্গত বলিয়া মনে না হওয়ায় আমি প্রকাশ করিলাম। শাস্ত্রার্থদর্শী সুধিগণ এ বিষয় বিবেচনা করিবেন।

শ্রীসদানন্দ শম্মা

কলিকাতা।

শ্রী শ্রীহরিনাম মহামন্ত্রার্থ ।

(ব্রজবাসী শ্রীযুক্ত স্বরূপদাস বাবাজী মহোদরের
নিকট হইতে প্রাপ্ত)

একদিন হরিদাস নির্জনে বসিয়া ।
মহামন্ত্র জপে হর্ষে প্রেমা বিষ্টে হইয়া ॥
হাসে কান্দে নাচে গায় গর্জে হৃদ্বকার ।
আচার্য্য গোসাঁঞ আসি করে নমস্কার ॥
সঙ্কোচ পাইয়া হইল ভাব সংবরণ ।
আচার্য্যে প্রণমি তিহো অর্পিল আসন ॥
বসিয়া আচার্য্য গোসাঁঞ করে নিবেদন ।
এক বড় সংশয় মনে করহ ছেদন ॥
কলিযুগ অবতার শ্রীকৃষ্ণ চৈতন্য ।
চৈতন্য ভজয়ে যেই সেই জীব ধন্য ॥

তুমি হও চৈতন্তের পার্শ্বদ প্রধান ।
 শ্রীকৃষ্ণ চৈতন্ত ছাড়ি কেনে গাও আন ॥
 অথবা কি অর্থ জানি প্রেমানন্দে ভাস ।
 সর্বজীবে হরিনাম কেন উপদেশ ।
 নিবেদয়ে হরিদাস করি কর যোড়ে
 তত্ত্ব-তত্ত্ববেত্তা তুমি কেন পুছ মোরে ॥
 কিংবা দুর্লভ আচরণ পামর শোধিতে ।
 নিবেদন কবি শুন যাহা প্রেরচিত্তে ॥
 কলিয়ুগে শ্রীচৈতন্ত গুঢ় অবতার ।
 কোটী সমুদ্র গম্ভীর নাম লীলা ধার ॥
 গুঢ় ভাবে করয়ে তেঁহো আপনি যজনে ।
 হরিনাম মহামন্ত্র দিলা সর্বজনে ॥
 শ্রীকৃষ্ণ চৈতন্ত কলিয়ুগ অবতার ।
 হরিনাম মহামন্ত্র যুগধন্য সার ॥
 মহাশঙ্ক্রে শ্রীচৈতন্তে ভিন্ন কভু নয় ।
 নাম নামী ভেদ নাহি সর্বশাস্ত্রে কয় ॥
 হরে—ভানুশুভা যেই কৃষ্ণ প্রিয়া শিরোমণি ।
 শ্রীচৈতন্ত রূপে এবে হরে করি মানি ॥
 কৃষ্ণ—নন্দমুত বলি ধারে ভাগবতে গাই ।
 সেই কৃষ্ণ এবে এই চৈতন্ত গোসাঞি ॥
 হরে—ব্রজের সর্বশ্ব হরি ন'দে অবতার ।
 এই হেতু চৈতন্তের হরে নাম সার ॥
 কৃষ্ণ—জীবহৃদি কৰ্ষিয়া রোপিলা ভক্তিবীজ ।
 অতএব চৈতন্তের কৃষ্ণ নাম নিজ ॥

কৃষ্ণ—কৃষ্ণবর্ণ কৃষ্ণময় অকৃষ্ণ বরণ ।
 অতএব তাঁর নাম কৃষ্ণ নিরূপণ ॥
 কৃষ্ণ—শ্রাসীবেশে আকর্ষিল পায়গুরগণ ।
 এই হেতু কৃষ্ণ নাম তাঁহার গণন ॥
 হরে—স্বমাধুর্য্যে হরে তিঁহো ভক্তগণ প্রাণ ।
 হরে নাম চৈতন্যের কবয়ে বিধান ॥
 হরে—স্বভক্ত হরিতে হয় আপনি হরণ ।
 শ্রীচৈতন্য হরে নাম করিল গ্রহণ ॥
 হরে—স্বপ্রিয়া হরিয়া কৃষ্ণ কৈল অবতার ।
 শ্রীকৃষ্ণ চৈতন্য হরে কলিযুগে সার ॥
 রাম—দৌহে মিলি নবদ্বীপে রমে অবিরাম ।
 অতএব শ্রীচৈতন্য কলিযুগে রাম ॥
 হরে—হরয়ে চৈতন্য জীবের সর্ব্ব অমঙ্গল ।
 অতএব হরে নাম সর্ব্ব সুমঙ্গল ॥
 রাম—স্বভক্ত হৃদয়ে কিবা করয়ে রমণ ।
 অতএব রামনাম করয়ে বহন ॥
 রাম—আপনা রমিতে নিজ স্বতঃ উঠে কাম ।
 অতএব শ্রীচৈতন্য ধরে রাম নাম ॥
 রাম—কৌশল্যা নন্দন যিনি ত্রেতায শ্রীরাম ।
 সার্কভোমে দেখাইল ধরে রাম নাম ॥
 হরে—স্বমাধুর্য্যে হরিল মন তিঁহো অবতার ।
 অতএব হরে নাম হইল তাঁহার ॥
 হরে—স্বভাব হরিয়া চিত্ত কুর্মা কৃতি হইল ।
 অতএব হরে নাম জগতে ঘোষিল ॥

হরি নামের গুঢ় অর্থ করিলাম প্রকাশ ।
 আগম নিগম যার নাহি জানে আশ ॥
 আর এক গুঢ় অর্থ আছয়ে ইহার ।
 স্তনহ শ্রীপাদ সর্ব-অর্থ তত্ত্বসার ॥
 মহামন্ত্রে যোল নাম তিন নাম সার ।
 তিন নাম হ'তে যোল নামের বিস্তার ॥
 হরে—সাক্ষাৎ শ্রীহরি কৈল চৈতন্য গোসাঞি ।
 অতএব হরে এবে তাঁর নাম গাঠি ॥
 রাম—শ্রীনিত্যানন্দ গোসাই রাম অবতার ।
 তেঁই রাম নাম তাঁর বিদিত সংসার ॥
 কৃষ্ণ—কৃষ্ণ অংশে অবতীর্ণ দ্বিতীয় স্বরূপ ।
 তে কারণ কৃষ্ণ নাম বুঝি অক্ষুবধ ॥
 মতান্তরে যোল নামে চারি নাম সার ।
 চারি নাম হ'তে পঞ্চতন্ত্রের প্রচার ॥
 কৃষ্ণ—স্বয়ং শ্রীকৃষ্ণ হয় চৈতন্য গোসাঞি ।
 অতএব তাঁর নাম কৃষ্ণ করি গাই ॥
 রসরাজ মহাভাব দুই একরূপ ।
 অতএব শ্রীচৈতন্য কৃষ্ণের স্বরূপ ॥
 রাম—বলরাম অবতার নিতাই ঠাকুর ।
 অতএব রাম নাম প্রেমরসপুর ॥
 অথবা ষথেষ্ট করে স্বপ্রেষ্ঠ রমণ ।
 নিত্যানন্দ রাম তেঁতো গায় ভক্তগণ ॥
 রমা শক্তি শ্রীঅনঙ্গ তাঁর অবতার ।
 অতএব নিত্যানন্দ রাম নাম সার ॥

হরে—অদ্বৈত হরিনাদৈত ভক্তিসংশনে ।
 অতএব হরে নাম তৌহার আখ্যানে ॥
 হরিয়া আনিল দৌণা নদীয়া নগর ।
 অতএব হরে নাম হইল তোমার ॥
 হরে—ভানুসুতা অবতার গদাই পণ্ডিত ।
 হরে নাম তাঁর ইহা জগতে বিদিত ॥
 চারি নামে চতুরমূর্তি সৰ্ব শাস্ত্রে কয় ।
 চতুর্কূহ অবতীর্ণ যুগে যুগে হয় ॥
 এই যুগে চতুর্কূহ এই চারি জন ।
 এই সব সিদ্ধাস্ত বিজ্ঞ না করে লজ্বন ॥
 এই চারি ঈশতত্ত্ব আরাধা যে জানি ।
 পঞ্চম যে ভক্ততত্ত্ব আরাধক মানি ॥
 আরাধনা হয় কৃষ্ণ সূতের কারণ ।
 আরাধনা যেই করে ভক্তেতেগণন ॥
 বিশেষ্য বিশেষণে ভক্তের নাম হয় ।
 কৃষ্ণকে বিশেষ্য করি ভক্তকে নিশ্চয় ॥
 যেন কৃষ্ণ নন্দসুত দাস তত্ত্ব ভূত্যা ।
 কৃষ্ণদাস কহি কোন ভক্তে রুঢ়ি অর্থ ॥
 হরে কৃষ্ণ হরে রাম ভক্ত নাম জানি ।
 বিশেষ্য বিশেষণে ভক্ত করায় জ্ঞানি ॥
 হরে কৃষ্ণ দুই নাম বিশেষ্য লক্ষণ ।
 হরেরাম দুই নাম তাঁর বিশেষণ ॥
 হরে ভানুসুতা কৃষ্ণ ব্রজেন্দ্র নন্দন ।
 হরে রাম যাহাতে সে ভক্তেতে গণন ॥

হরে কৃষ্ণ হরে রাম ভক্তকে কহয় ।
 শুদ্ধভক্ত ভিন্ন কারো অশুভব নয় ॥
 ভগবানের ভক্ত্যত শ্রীবাস প্রধান ।
 হরে কৃষ্ণ হরে রাম সদা করে গান ॥
 যেই নামে হাসে তাঁরে ভব্য সকলে ।
 সেই নাম প্রভু তাঁর প্রকাশে কৌশলে ॥
 পূর্বে চারি ঙ্গিতত্ত্ব করেছি নির্ণয় ।
 ভক্ততত্ত্ব মিলি এবে পঞ্চতত্ত্ব হয় ॥
 চারি নামে পঞ্চতত্ত্ব হ'ল নিরূপণ ।
 শ্রীচৈতন্য কৃপা যারে বুঝে সেই জন ॥
 এত শুনি দৌহে দৌহা আলিঙ্গন কৈল ।
 পরস্পর দৌহে দৌহা স্তুতি আরম্ভিল ॥
 আচার্য্য কহয়ে তুমি ভুবন মঙ্গল ।
 শ্রীচৈতন্য তত্ত্ববেত্তা তুমি সে সকল ॥
 হরিদাস কহে প্রভু তুমি তত্ত্বসার ।
 বেত্তা আমি স্তুতি নহে সেই অহুসার ।

—o—

বৈষ্ণব সংবাদ ও মন্তব্য

শ্রীপাট পানিহাটীতে দশম মহোৎসব।—এবার ৫ই
 আষাঢ় বুধবার উৎসবের দিন হওয়ায় মনে হইয়াছিল বোধহয় ভক্তসমাগম
 কম হইবে। কিন্তু রঙ্গিয়া প্রভুর লীলার ভঙ্গিই স্বতন্ত্র। এত বেশী ভক্ত
 সমাগম এবার হইয়াছিল যে, উৎসবক্ষেত্রে প্রবেশ করা কষ্টকর হইয়াছিল।
 পূজনীয় শ্রীপাদ রামদাস বাবাজী মহাশয় মুর্শিদাবাদ হইতে ভোরের গাড়ীতে
 পানিহাটীতে উপস্থিত হন। তাঁহার—“প্রেমবন্তায় ভাসে আজি পানিহাটী

গ্রাম” এই কীর্তনের পদের সত্যতা সত্য সত্যই সেদিন সর্বসাধারণে উপলব্ধি করিয়াছে। আমরা বহুস্থানের উৎসব দর্শনের সৌভাগ্য পাই কিন্তু পানি-হাটীর এই দণ্ডমহোৎসবে যে কি অভাবনীয় আনন্দ শ্রোত প্রবাহিত করে তাহা বর্ণনা করিতে পারি না। হবেইবা না কেন? স্বঃ প্রভু শ্রীমুখে বলিয়াছেন—

* * * রাখব ভবনে।

নিত্য মম আকির্ভাব শুন ভক্তগনে ॥

তারপর উৎসবের কর্তা স্বঃ প্রেমদাতা শ্রীমন্নত্যানন্দ প্রভু, উৎসবটি দর্শন করিতে আমরা প্রত্যেককে অরুদোধ করি। উৎসবক্ষেত্রে কলিকাতার ভক্তপ্রবর ফণীভূষণ মিত্র মহাশয় ভক্তগণের জন্ত প্রসাদি ষোল্লের সরবৎ, মিষ্টান্ন, তাম্বুল ও পাখা প্রচুর পরিমাণে সরবরাহ করিয়াছিলেন। স্থানীয় শ্রীগোরাঙ্গ গ্রন্থ মন্দিরের শ্রদ্ধেয় শ্রীযুক্ত ত্রুমাধন রায় ভট্ট দাদা মহাশয় সমাগত ভক্তগণের জন্য প্রচুর প্রসাদের বন্দোবস্ত করিয়া ছিলেন। বেলা ১১টা হইতে রাত্র ১০টা পর্য্যন্ত বহু ভক্ত প্রসাদ পাইয়াছিলেন। দাদার ভাব দেখিয়া মনে হয় শ্রীগোরাঙ্গ গ্রন্থ মন্দিরটী যেন ভক্তগণের আর দাদা যেন ভক্তগণের আঞ্জাকারী দাস।

পুনরায় কার্তিক মাসে পানিহাটীতে শ্রীগোরাঙ্গদেবের আগমন মতোৎসব ও বৈষ্ণব প্রদর্শনী হইবে আমরা দর্শনাকাঙ্ক্ষায় উদগ্রীব রহিলাম।

সুপ্রসিদ্ধ শ্রীশ্রীগোরলীলা গীতিকাব্য প্রণেতা শ্রদ্ধেয় শ্রীযুক্ত বিশ্বরূপ গোস্বামী মহোদয় উৎসবদিনে রাত্র তিন ঘটিকা পর্য্যন্ত তাঁহার স্বভাব মধুর কণ্ঠে গোরগীতি পাঠ ও কীর্তন করিয়া সর্বসাধারণকে আনন্দ দান করিয়াছেন। কিন্তু হৃৎখের বিষয় পানিহাটীর প্রসিদ্ধ দুইটা উৎসবেই গ্রামবাসীর তাদৃশ উৎসাহ পরিলক্ষিত হয় না। কবি ঠিকই বলিয়াছেন—

“দীপ রেখে দেয় অন্ধকার আপনার তলে”

* * * * *

রায়বাহাদুর ডাঃ দীনেশচন্দ্র সেন মহাশয় বিগত ১৩৩৫ ফাল্গুন সংখ্যার ‘ভারতবর্ষে’ “শ্রীগোরাঙ্গের লীলা অবসান” নামক একটি প্রবন্ধ প্রকাশ

করিয়াছেন। উক্ত প্রবন্ধে সেন মহাশয় যাহা লিখিয়াছেন তাহা গৌর ভক্ত-গণের বড়ই মর্মস্পীড়াদায়ক। স্মৃতির বিষয় শিক্ষিত জনসাধারণ সেন মহাশয়ের এই অপসিদ্ধান্ত সঙ্ক্ষে সঙ্গে সঙ্গেই বহু প্রতিবাদ প্রকাশ করিতে আরম্ভ করিয়াছেন। ইতিমধ্যেই ভারতবর্ষ, প্রবর্তক, গোড়ীয় শ্রীবিষ্ণুপ্রিয়া গৌরানন্দ, শ্রীগৌরানন্দমাধুরী, মর্মবাণী (পূর্বে) প্রভৃতি পত্রিকায় প্রতিবাদ হইয়াছে। আমরা বিশ্বস্ত হৃদ্রে অবগত হইলাম যে, কলিকাতা গোড়ীয় বৈষ্ণব সম্মিলনীর সহকারী সম্পাদক শ্রীযুক্ত হরিদাস নন্দী মহাশয় সেন মহাশয়ের উক্ত প্রবন্ধের বিস্তৃত প্রতিবাদ করিবার জন্য লেখনা ধারণ করিয়াছেন। আগামী ভাদ্র সংখ্যায় আমরা উহা প্রকাশের চেষ্টা করিব।

* * * *

বর্তমানে শ্রীপাদ রামদাস বাবাজী মহাশয় সদলে শ্রীধাম লীলাচলে অবস্থান করিতেছেন। আগামী শ্রীশ্রীশুকুপূর্ণিমা পর্য্যন্ত পুরীতেই থাকিবেন। পরে কটক ও অন্যান্য স্থান ঘুরিয়া শ্রীকুলন পূর্ণিমার পূর্বে কলিকাতায় আসিবেন। এবার বাবাজী মহাশয়ের সঙ্গে তাঁহার প্রিয় শিষ্য শ্রীযুক্ত গৌরানন্দস ও রজনীদাস দাদা মহাশয়েরা আছেন। শ্রীযুক্ত উদ্ধারণ দাদা ও স্বরূপ দাদাও সঙ্গ ছাড়েন নাই, আমরা কয়েক দিনের জন্য শ্রীরথযাত্রা উপলক্ষে এই মহৎসঙ্গে থাকিবার সৌভাগ্য পাইয়া ছিলাম, সৰ্বদাই লীলা প্রসঙ্গ। দাদাদের সঙ্গশুণে প্রকৃতই লৌহ কাঞ্চনে পরিণত হয়।

রথযাত্রার আনন্দ বর্ণনা করা যায় না বিশেষতঃ শ্রীপাদ বাবাজী মহাশয়ের প্রাচীন লীলা স্মরণোপযোগী অঙ্কুষ্ঠান সকলের দর্শন করিলে যথার্থই প্রাণ আনন্দে ভরপুর হইয়া উঠে। আমরা শ্রীরথ যাত্রার বিস্তৃত কাহিনী আগমীতে পাঠকগণকে উপহার দিবার চেষ্টা করিব।

* * * *

বর্তমান সংখ্যা ভক্তি ২৭শ বর্ষ পূর্ণ করিয়া ছিলেন। ভাদ্র হইতে ২৮শ বর্ষ আরম্ভ। যাহার অপরিসীম করুণায় ভক্তি ভক্তগণের আনন্দ দানে নিয়োজিত আছেন আমরা সকলে মিলিয়া আজ বর্ষশেষে তাঁহার জয় ঘোষণা করিয়া নববর্ষারম্ভের মঙ্গলাচরণ করি। জয় জয় গৌর বিশ্বস্তর।

২৭শ বর্ষ সমাপ্ত।